

**DISPUTATIONUM  
PHILOSOPHICARUM  
PARS SECUNDA IN  
QUA CUM  
SCOTISTIS, &...**

---

Francesco : da Faenza





C. 30. of.







C. 30. af.



14/2/10

# DISPUTATIONVM PHILOSOPHICARVM

PARS SECVNDA

In qua cum Scotistis, & alijs Auctoribus;  
quos Meldulensis, & Catanensis  
sequuntur præcipuè disputatur

AUCTORE

F. FRANCISCO PONTELONGO

DE FAVENTIA

Ord. Min. Con. S. Francisci, Art. & Sac. Theol. Doctore,

S. Officij Consultore, olim in Augusto S. Antonij

Patauino Collegio Regente, necnon

Eminentissimj, ac Reuerendissimj

CARDINALIS CENINI

Theologo

Serenissimo Principi

RINALDO ESTENSI  
DICATA.

*J. Maria*



*De Scala*

PATAVII, Apud Io: Baptistam Pasquati, MDCLXII.

Superiorum permissu.

Small

Serenissimo Principi

# RINALDO ESTENSI

DVCIS FRANCISCI, ET  
LVCRETIÆ BARBERINÆ

Filio

In angusto corpore Augusto, & adhuc parvulo Heroi

## ELOGIVM.

Probatum Aquilæ Partum

Multiformis virtutis Apiarium

Virtutis Patriæ Hæredem

Serenissimum Principem RINALDVM

Vt olim Apes in Vrbe, admiretur stupidus Orbis

Galli Iouis Armigera

Volatura indeficiens ad Astra;

Nè videretur Occasû defecisse,

Dum prælio cæsa lucrum putabat pro suo Ioue mori,

Ultimam dedit in parua prole manum;

Ultimum fecit in hoc Heroe conatum.

Virtutum omnium exemplar,

Suorum operum Coronidem,

Digniorem sui capitis coronam

Nobile pignus suæ virtutis dedit.

Virum dedit, non puerum,

Quia nunquam pueri. semper Alcides in virtute Heroes.

Puer non est, qui viriliter se gerit.

Viri censentur magna virtute præditi;

**Lg**

In ipso lucis aspectu  
 Induit virum, qui nascitur Armatus,  
 Vir non Lacænæ, sed Romanæ Partus  
 Natus ad Sceptrum, quia familiaris Purpuræ  
 FRANCISCI Patris industriam,  
 LVCRETIAE Matris æmulans solertiam,  
 RINALDI nomen virtute lucraturus,  
 Non nisi magna adhuc paruulus molitur,  
 Fortes Aquilæ non generant Columbas:  
 Desides pellunt, & otiosas Apes:  
 Agere, & pati fortia Romanum.  
 Hunc Puerum caueant Aquilæ degeneres.  
 Nam etiam Pueri sunt cauendi Cæsares.  
 Tenellus Puer angues, contriuit Hercules.  
 Verè Aquila lucis probata radio:  
 Quia in lucis gremio nutrita,  
 Lucinæ obsequio protecta,  
 LVCRETIAM habens pro Matre,  
 Lucem habet pro Iphæra.  
 Sederunt Apes in Aquila,  
 Sedebit Aquila in Apibus.  
 Vigebunt Apes in Lilijs,  
 Mutabunt Aquilæ Castra.  
 Firma erit ESTENSIVM fortuna  
 Huius Aquilæ occursum  
 Protectus & protlocatus ad volandum,  
 Vt olim Alba Pythagoras  
 Apes in Aquila, & Aquilam habens in Clypeo,  
 Fortunam sibi sponder amicam.  
 F. Franciscus Pontelongus de Faentina  
 Ord. Min. Con. Sac. Theol. Doctor



SERENISSIMO PRINCIPI  
RINALDO ESTENSI

Præclarissimæ Indolis Infanti

Auctor felicitatem :



*A*Ecursunt, qui ante Solis iubar lumen acue-  
re arbitrantur . Non omnibus datur Aquila-  
rum ausus, Icarius verò plerisque datur sed  
procul timor. Candido alite iter licet arduum  
tutò ingredior Estensem ante Solem in ortu  
meridianos nitores pandentem, Duce Alba  
Estensium Aue, venerabundus procumbo.  
Hac adiuuante, Tuam, Maximè Puer, admiror serenitatem,  
qua nullum expauescit Occasum, & nunquam Eclipsim pas-  
sura lucis exerit ubique crepundia . Te miror vel in molli  
aetate philosophari, quando Sapientiorum cursus ignea mentis  
celeritate prauertis . Tibi igitur tam prosperè philosophanti,  
Philosophicus debebatur cursus ; Tuoque graui licet imbellis  
maiestatis supercilio, grania quoque Lycæi erant nuncupanda  
certamina . Nec vereor, Serenissime Infans . Te ex amans  
tua florecentis ætatis præstigijs in amana sophia sinticeta agrè  
pedem esse illaturum, cum pubescentes Alexandri Stagiraïs  
aquo animo aures præsent præceptis . Non in esorto lumine  
hac auguror esse excepturum, cum philosophandum Regibus  
esse non ignores . Non Te eruditurus, qui satis adhuc Puer  
Orbem erudis ; sed ut obseruantia symbolum, ut seruitutis tes-  
tificationem Tibi exhibeam, has philosophicas Tibi denoueo assertio-  
nes ; inter tuarum crescentem in dies magis litterarum supelle-  
ctilem, has quoque reconde ; Et quamuis gigantis gressibus  
maiorum Tuorum vestigia premens, ad ipsam enoles peruen-  
ientem

nitatem, non dedignare in his perlegendis paulisper immorari.  
 Non erubuit Inuietissimus Genitor Tuus FRANCISCUS inter  
 castrorum fremitus, atque bellorum turbines, exhanclatis diu-  
 turnis laboribus, grauiora Sophorum opera interdum pertra-  
 ctare; Et sapè in aculeatis Sophia acuminibus, acumina, qui-  
 bus Hostem transuerberaret, inuenit. De Aus, Atanisque  
 Tuis in Aula, Lyceoque clarissimis plurima dicerem, ni tot  
 Annalium loquerentur monumenta, & Heroica illorum gesta  
 imitari, quam audire malles. Esto igitur Tutelare huius ope-  
 ris veluti Numen, & egenam Philosophicam Tuo tandem infi-  
 gni Syrmate obtege. Deusque optimus maximus iuxta commu-  
 ne totius Europa votum Te sospitet, ut Estensis Domus lu-  
 ctum per bina Serenissimorum Ducum funera contractum mi-  
 nuere valeat, mærorisque squallorem detergat, in RAYNAL-  
 DO Heroicam FRANCISCI Maiestatem spectans redin-  
 uam.

Pal. Kal. Nov. 1662.

## AD LECTOREM.

**A** Ccipe, Lector humanissime, hanc meam secundam partem Philosophiæ, quæ ab hinc annis iam quinque in lucem prodijisset, nisi tenebræ eam abhorruissent; non enim defuerunt, qui hanc meam doctrinam parùm candidè alijs tribuere, & retardare concupierunt: responsiones silentio inuoluuntur, quia victima longè melior obedientia, Pergam tamen verum Scotum toto animo capessere, non liuore, sed veritate, & charitate ductus, Scoticas veritates declarare, falsa, quæ ei imputantur repellere, vt principia Scotica, quæ obliuionis caligine teguntur, in lucem redeant. Disputandum est acrius contra Scotistas, qui aliud Scotum inuenere, ne Doctores alterius scholæ credant Scotum impugnare, dum sententias, Scotizantium operibus insitas, oppugnant; nam opus est legere, & perlegere Doctores, quos impugnamus, vel profite-

fitemur; non autem in fide aliorum impugnare, & profiteri, quodque peius est sequaces Magistri dogmata contemnunt; horum enim plerique dum se malle sequi rationem, quam Aristotelem, & Scotum affirmant, irrationabilem doctrinam faciunt, quam se tenere arbitrantur: quin multi, & ferè omnes in hoc sæculo Aristotelem, Tho: Sco: Henricum, & proprios Doctores Classics reliquerunt, vt possint aerem verberare, & totum vitæ cursum contemnere in controuertendis principijs, quæ debent supponere, vt nunquam possint concludere, & scire. Indifferenti igitur animo hanc meam secundam partem, qui legis, iudica, tertiam, & quartam, Dei beneficio, iam elucubratas, & prælo propediem subijciendas iudicaturus. Vale.

# INDEX DISPUTATIONVM, & Conclusionum in hoc Opere Contentarum.

## Disputatio Prima de Continuo.

- 1 **C**oncl. Continuum permanens est illud, quod habet partes in toto ordinatas ad unum terminum copulatas. pagina 1
- 2 **C**oncl. quantitas realiter distinguitur a substantia corporea, & ab omni re quantita. pag. 19
- 3 **C**oncl. Substantia sine quantitate non habet ex natura sua praesentiam diuisibilem, & extensam in loco. pag. 27
- 4 **C**oncl. Continuum constat ex partibus indiuisibilibus continuatis per indiuisibilia. pag. 43
- 5 **C**oncl. Nullum continuum inanimatum, & homogeneum habet terminum suae paruitatis ex natura sua, licet quodcumque tali permanens habeat terminum suae magnitudinis, etiam in ordine ad omnipotentiam Dei. 74
- 6 **C**oncl. Viuentia, & continua etherogenea omnia habent terminum magnitudinis, & paruitatis, non solum naturaliter, sed etiam in ordine ad omnipotentiam Dei, adhaerendo rationibus Scotizantium. 92

## Disputatio Secunda De Infinito

- 1 **C**oncl. Infinitum categorematicum, & syncategorematicum non differunt secundum multitudinem, & magnitudinem, sed tantum in modo essendi in actu, & in potentia. 103
- 2 **C**oncl. Maius, & minus non potest competere Infinito Categorematico, nec syncategorematico. 114
- 3 **C**oncl. Nulla potest dari Creatura categorematicè, seu actu infinita. 127
- 4 **C**oncl. Non datur infinitum syncategorematicum in Creaturis secundum

- secundum essentiam, intensionem, & extensionem.* 144  
 5 *Concl. In mente Diuina datur infinitum in multitudine actū,  
 et Categorematicum.* 157.

### Disputatio Tertia De Loco

- 1 *Concl. locus est ultimum corporis continentis immobile pri-  
 mū, id est est superficies corporis continentis immobiliter,  
 & adaequatè, seu proxime locatum.* 168  
 2 *Concl. locus est immobilis per relationē praesentialitatis ad spa-  
 tium imaginarium.* 185  
 3 *Concl. Vbi est relatio superaddita rei existenti in loco.* 194  
 4 *Concl. Corpus est in loco circumscriptiue per quantitatem* 200  
 5 *Concl. Corpus existens circumscriptiue in loco nullo modo potest  
 habere cum suis partibus essentialibus, & accidentalibus, ma-  
 terialibus nisi tantum Vnum Vbi.* 204  
 6 *Concl. Vltima sphaera est in loco.* 214  
 7 *Concl. Duo corpora non possunt esse in eodē loco naturaliter* 220  
 8 *Concl. Duo corpora possunt esse simul in eodem loco per diuinam  
 potentiam* 223  
 9 *Concl. Vnum corpus potest esse in pluribus per diuinam poten-  
 tiam* 241

### Disputatio Quarta de Vacuo

- 1 *Concl. Non reperitur Vacuum in rerum natura* 258  
 2 *Concl. Vacuum potest dari per diuinam potentiam* 271  
 3 *Concl. Si daretur Vacuum, posset in eo fieri motus* 276  
 4 *Concl. Si motus localis fieret in Vacuo, non fieret in instanti, sed  
 in tempore, & successiue.* 285

### Disputatio quinta de Duratione in communi.

- V* *Nica Concl. Duratio importat existentiam conotatiue, forma-  
 liter importat relationem aptitudinalem coexistentia alicui  
 existentia.* 293

Dispu-

## Disputatio Sexta De Tempore :

- 1 **C**oncl. *Tempus intrinsecum, seu pro duratione formaliter importat relationem aptitudinalem coexistentia rei existentis essentialiter successive.* 317
- 2 **C**oncl. *Non datur Tempus pro duratione Discreta.* 328
- 3 **C**oncl. *Tempus pro mensura, est formaliter ens rationis simpliciter, materialiter est ens reale.* 332
- 4 **C**oncl. *Tempus extrinsecum, & pro mensura non est realiter distinctum à motu primi Cali.* 355
- 5 **C**oncl. *Solum successiva per se primo tempore mesurantur* 367
- 6 **C**oncl. *Rectè diffinitur Tempus cum dicitur, quod est numerus motus secundum prius, & posterius.* 387

## Disputatio Septima De Inceptiore, & Desitione creaturarum

- 1 **C**oncl. *quies opposita motui incipit per primum sui esse, & desinit per ultimum sui esse.* 391
- 2 **C**oncl. *Indivisibilia possunt per potentiam Dei incipere in tempore, & per ultimum sui non esse.* 402

## Disputatio Octava De motu.

- 1 **C**oncl. *motus formaliter importat respectum subiecti ad formam cum respectu immediate successionis informationis passiva. ad non informationem.* 419
- 2 **C**oncl. *motus formaliter acceptus pro relatione subiecti ad formam in nullo est predicamento, ut predicamenta comuniter assignantur, sed si predicamenta in sua communitate accipiuntur, potest probabiliter sustineri quod sit in genere passionis.* 436
- 3 **C**oncl. *motus rectè diffinitur ab Arist. cum dicitur: motus est actus entis in potentia, quatenus in potentia.* 446
- 4 **C**oncl. *motus in communi dividitur in motum, & mutationem ut in suas species per esse successivum, & non successivum tanquam per proprias differentias essentielles constituentes motum, & mutationem, & dividentes motum in communi.* 459

5 Con-

- 5 *Cobet. solum ad quattuor Pradicamenta est motus.* 376  
 6 *Concl. Motus localis potest fieri in instanti per potentiam Dei  
 ut includit totam realitatem motus.* 485  
 7 *Concl. motus habet unitatem quancunque extrinsecam, diuer-  
 sitatem, & contrarietatem principaliter à forma, minus prin-  
 cipaliter à priuatione, nullam tamen propriè à subiecto, nisi  
 numericam, non simpliciter, sed secundum quid.* 499  
 8 *Concl. Indivisibile, si per se esset, non posset moveri nisi motu  
 locali.* 514  
 9 *Concl. sufficienter, & precise per motum ostenditur propriè exi-  
 stentia primi motoris.* 525

**V**T secunda pars disputationum Authore adm. R. P. Ma-  
 gistro Francisco Pontelongo Ord. Min. Con. in Via Scoti  
 imprimi possit, cum nihil in ea sit repertum, quod fidei Catholi-  
 cæ, & Sacris Canonibus repugnet, facultatem concedimus.  
 Datum Paduæ ex Aedibus Sanctæ Inquisitionis die prima Ia-  
 nuarii. 1660.

Fr. Io. de Angelis Inquisitor Generalis Paduæ.

#### NOT REFORMATORI DELLO STUDIO DI PADOA.

**H**Auendo offeruato per fede del P. Inquisitore non esserui  
 nel Libro intitola: o Secunda Parte Disputationum Phi-  
 losophicarum in via Scoti Auctore Fr. Francisco Pontelongo  
 de car. 263. cosa contro la Santa Fede, e parimente per attestato  
 del Segretario Nostro niente contro Prencipi, e buoni costumi  
 concedemo licenza, che possi esser stampato, offeruandosi gl'  
 Ordini, e douendo esserne presentate due copie per le Publiche  
 Librarie di Padoa, e di questa Città  
 Dat. in Mag. Nostro li 3. Gen. 1660.

(GIO: DONATO Reff.

(ANDREA PISANI Proc. Reff.

Alem Ang. Donini Seg.



## Disputatio Prima de Continuo.

**M**iserabilis intellectus humani præsens conditio est, ut sine distinctione ad acquirendas scientias percurrat, impura intelligat, implicatas facultates, confusas doctrinas respiciat; videmus in logica metaphysicam, in physica Theologiam, & omnes scientias à Philosophis distinctas, permixtas esse. Noli in logica Prædicamenta tradere, ne ut quamplurimi faciunt idem millies repeterem; sed quia aliquando contingit cum alijs errare, hic de continuo pertractare conabor, cuius tamen exacta consideratio ad metaphysicum spectat. Supponenda etiam esset aliqualis cognitio continui, quæ minime ad alia, quæ inde pertractanda sunt, sufficeret; sed nunc errare volo, ne verus modus tradendi philosophiani maximus error appareat errantibus.

### CONCLUSIO PRIMA.

*Continuum permanens est illud, quod habet partes in toto ordinatas ad unum terminum copulatas.*

Est Aristotelis cap. de quantitate, & Sco. 4. d. 49. q. 16. D. S.  
Præterea ad diffinitionem dimensuræ quantitatis  
& 4. d. x. q. 1. M.

### Opinio Aliorum. Caput Primum.

**M**eld. & Cat. disp. 9. phys. q. 1. art. 1. sustinent essentiam quantitatis continuæ consistere in immediata existentia extensionis impenetrabilis in ordine ad eundem locum; ita quòd ex ipsis loco cit. num. 9. quantitas non est aliud, quàm forma quædam accidentalis absoluta, quæ superueniens substantiæ, quæ de se erat capax extensionis locali-

Opinio  
Meld. &  
Cat.

A

calis

calis sine repugnantia ad penetrationem, eam reddit capacem, immò naturaliter exigituam extensionis impenetrabilis; Vnde, dicunt ipsi, non differt quantitas à substantia, vel qualitate corporea per habere plures partes extra partes etiam in loco, sed per habere tales partes, quæ iuxta naturam sunt impossibiles in eodem loco, quales non sunt neque partes substantiæ, neque partes qualitatis, quia licet sint capaces extensionis localis, & iuxta naturalem earum extensionem quodammodò petant vnam esse extra aliam, etiam in loco; non tamen est talis exigentia, & necessitas, vt oppositum, etiam sine miraculo, contingere nequeat, sicut est de partibus quantitatis.

Quare isti Scriptores asserentes essentiam quantitatis consistere in extremitate partium impenetrabilium in eodem loco, declarant huiusmodi extremitatem partium non esse simpliciter essentiam quantitatis, sed circumscribere talem quantitatis essentiam, & melius, quàm per alias quantitatis passionem, cum impenetrabilitas sit prima passio quantitatis: Vndè rejiciunt alios modos circumscribentes essentiam quantitatis.

Sed primo videamus, quàm sint friuoli, inconstantes, & inconfutabiles in confutationibus suis, ne studiosi Scotistarum decipiantur, & postea eorum assertio nem tanquàm minus probabilem ostendam.

*Adeld. & Cat. confut. tant quantitatem non consistere essentialiter in ratione mensuræ, & diuisibilitatis Retorque sur eorum. argum.*

Primus modus constituit essentiam quantitatis in ratione mensuræ, & diuisibilitatis.

Hunc modum confutant tali pacto. Primo: Passio mensuræ, & diuisibilitatis sunt passionem quantitatis; ergo in eis non potest consistere essentia quantitatis.

Retorqueo argumentum; Impenetrabilitas in eodem loco est passio, vel effectus primarius quantitatis, etiam secundum istos Scriptores; ergo essentia quantitatis non potest consistere in impenetrabilitate, ergo confutando alios, contra seipsos arguunt,

Præ-

**Præterea arguo contra ipsos ad hominem.** Quando à priori ratio formalis rei dignosci non potest, tunc inuestigari debet à posteriori, recurrendo ad aliquem effectum, ita proprium illius rei, vt non ab alia re oriatur. Hæc maior est ipsorum in hoc articulo num. 9. sed ratio formalis quantitatis à priori dignosci non potest, vt patet ex ipsis loco cit. ergo recurrendum est ad aliquem effectum, & passionem propriam, quæ ab alia re non oriatur; sed ratio mensuræ, & diuisibilitas sunt passionēs quantitatis, vt patet in eorum argumento, & loquuntur de passione propria quarto modo. & per consequens ab alia re non oriuntur, ergo ad inuestigandam rationem formalem quantitatis à posteriori possumus recurrere ad rationem mensuræ, & ad diuisibilitatem, si sunt quantitatis passionēs; ergo vel ipsi malè probant eorum conclusionem, vel eorum confutatio omninò est vana.

*Argumentum ad hominem.*

Secundò confutant prædictum modum tali pacto. Ideò quantitas est diuisibilis instrumento corporeo, quia habet plures partes ad inuicem impossibiles in eodem spatio; ergo tam ratio mensuræ, quàm diuisibilitatis non potest esse in quantitate prima omninò ratio, quia quantitatem habere partes, est prius, quàm esse mensuratiuam, & diuisibilem. Ad summum igitur poterit à posteriori per huiusmodi affectiones essentia quantitatis circumscribi, & ita facit Philosophus in 5. met. cap. 13 dū descripsit quantitatem per diuisibilitatem dicens: quantum esse diuisibile in ea, quæ insunt, vt notat Antonius Andreas. Hæc illi.

*2. Mel. et Cat. confutant.*

**Retorqueo argumentum.** Describentes essentiam quantitatis per impenetrabilitatem in eodem loco ad summum circumscribunt essentiam quantitatis à posteriori, quia impenetrabilitas est passio secundum ipsos, vel effectus primarius quantitatis; ergo si debent confutari, & malè faciunt describentes essentiam quantitatis à posteriori per passionēs eius: isti Scriptores malè faciunt, & confu-

*Retorquetur confutatio.*

tandi sunt describentes essentiam quantitatis per impenetrabilitatem à posteriori, ut Aduersarij faciunt.

**Retorque-**  
**tur 2.** Præterea secundo retorqueo argumentum. Prius est quantitatem habere partes; quam illas partes esse impenetrabiles, quia passio est posterior natura ipso subiecto: & impenetrabilitas in partibus quantitatis consequitur essentiam partium; ergo impenetrabilitas in ordine ad locum non est prima ratio in quantitate.

**Confutatio**  
**Meld. &**  
**Cat. vana.** Præterea confutatio eorum est omnino vana, quia passionibus immediatè pullulant ab essentia rei, & una passio non potest demonstrari per aliam, sed tantum per essentiam, à qua pullulant, & emanant; sed ratio mensuræ, & diuisibilitatis, & impenetrabilitas per Aduersarios sunt quantitatis passionibus; ergo immediatè pullulant ab essentia quantitatis; ergo una non potest esse ratio alterius, sed tantum essentia quantitatis; ergo quantitas non erit diuisibilis, nec habebit rationem mensuræ, quia impenetrabilis: Homo enim non est disciplinæ capax, quia risibilis, sed quia animal rationale. Et si aliquandò contingat rationem formalem subiecti esse ignotam, æqualiter una passio poterit esse medium ad demonstrandum aliam passionem de subiecto; Vnde potest dici, ignorata essentia quantitatis, quòd quantitas est diuisibilis, quia impenetrabilis, & impenetrabilis, quia diuisibilis, si impenetrabilitas esset passio quantitatis, quod non videtur.

**2. modus**  
**confutatur**  
**à Meld. &**  
**Cat. sed**  
**confutatio vana.** Secundus modus asserit essentiam quantitatis consistere in habere partem extra partem. Hunc modum confutant Meld. & Cat. loco cit. num. 4. eo quia etiam substantia habet huiusmodi partes: sed quòd hoc sit falsum, videbimus in conclusione propria de substantia sine quantitate.

**3. modus**  
**coincidit**  
**eum sententia Aucto-**  
**ritatis.** Tertius modus asserit essentiam quantitatis consistere in extremitate partium dicentium ordinem ad totum, qui ordo dici ur situs de genere quantitatis; sed quia iste modus coin-

coincidit cum mea conclusione ex Sco. loco superius cit. Ad rationes Aduersariorum Scotizantium contra Scotum arguentium, respondebo.

Quartus modus asserit essentiam quantitatis consistere in actuali extensione locali. Hic modus est falsus, & solum rectè reicitur per hoc, quòd quantitas potest esse sine actuali extensione locali, vt patet de corpore Christi in Sacramento Altaris.

4. *modus est falsus. sed malè à Meld. & Cat. confutatur.*

Sed à Meld. & Cat. diuersis rationibus malè confutatur. Dicunt enim num. 7. in fine, quòd iste modus est falsus, quia licet quantitas ponatur ratio fundamentalis essendi in loco circumscriptiuè, non tamen ponitur ratio formalis, & actualis.

Contra. Si quantitas non esset ratio essendi actualiter in loco circumscriptiuè; ergo aliquid posset esse hoc modo actualiter in loco sine quantitate; ergo substantia, quæ secundum ipsos extenditur in loco, erit in loco actualiter circumscriptiuè, quod est falsum, quia aliquid est in loco actuali circumscriptiuè, quia habet quantitatem, etiam secundum Aduersarios.

*Auctor arguit contra Meld. & Cat.*

Vltimò confutant hunc modum, quia quantitas est accidens absolutum; ergo malè statuitur eius essentia in actuali ordine ad locum.

Retorqueo argumentum. Quantitas est accidens absolutum; ergo malè statuitur eius essentia, quòd consistat in exigentia extensionis impenetrabilis in ordine ad locum, quæ non est ens absolutum, vt dicunt isti scriptores, qui arguentes alios, arguunt se ipsos.

*Retorquetur confutatio Mel. & Cat.*

Quintus modus asserit essentiam quantitatis consistere in hoc, quòd sit quædam forma accidentalis, quæ dicat in substantia aptitudinalem extensionem, quæ reddat substantiam diuisibilem in loco, qui modus ab Auerſa sustinetur, & optimè.

5. *modus.*

Hunc modum confutant Meld. & Cat. quia substantia sine

sine

*Confutatio* sine quantitate habet præsentiam extensam, & diuisibilem  
*Meld. &* in loco.

*Cat. sed* Contra. Diuisibilitas secundum ipsos in hoc art.num.3.  
*vana.* in sine est passio quantitatis; ergo substantiæ non potest  
 conuenire.

Præterea non possunt negare; quod quantitas reddat  
 substantiam diuisibilem quantitatiuè, & extensam quanti-  
 tatiuè in loco; ergo in apitudinali extensione, & diuisibi-  
 litate quantitatiua poterit constitui saltem à posteriori es-  
 sentia quantitatis; latente enim vltima differentia, vtimur  
 proprio.

*In quo de-*  
*ciuntur*  
*Meld. &*  
*Cat.*

Sed illud, quod istos Scotistas decipit, est, quia malè  
 sustinent in doctrina Scoti, substantiam materialem con-  
 uenire in diuisibilitate, extensione, & in omnibus cum  
 quantitate præter hoc, quod quantitas est naturaliter impen-  
 netrabilis in ordine ad locum, non sic substantia; sed sibi  
 contradicunt, quia ibi num.8. asserunt substantiam natura-  
 liter petere, vt vna pars eius sit extra aliam; ergo natura-  
 liter petit, vt non penetretur, & sic faciunt substantiam es-  
 se quantitatem, latam, longam, profundam, & naturaliter  
 impenetrabilem, quia sibi contradicentes, dicunt, quod  
 habere partem extra partem in loco extensiuè, & diuisibi-  
 liter est modus connaturalis substantiæ materialis; ergo  
 vna substantia materialis naturaliter non poterit aliam sub-  
 stantiam penetrare, aliter partes substantiæ materialis per  
 eandem rationem possunt se simul penetrare, quod est fal-  
 sum, stante ista doctrina: quia tunc substantia materialis  
 esset naturaliter sine suo nodo connaturali, quod est  
 falsissimum, aliter ille modus non esset connatu-  
 ralis.

*Modus*  
*Meld. &*  
*Cat. osten-*  
*ditur mi-*  
*nus pro-*  
*babilis.*

Vis inualidis eorum confutationibus, ostendam mo-  
 dum Meld.& Cat. quo constituunt essentiam continui, es-  
 se minus probabilem; dicunt enim, quod essentia conti-  
 nuui consistit in extremitate partium naturaliter impenetra-  
 bi-

bilium, ita quod tota differentia continui in impenetrabilitate consistit, quia falsò asserunt substantiam esse continuum, extensam, diuisibilem, sed non naturaliter impenetrabilem, sicuti est quantitas.

Sed hic eorum modus remanet ex iam dictis confutatus, nam reprehendunt eos, qui essentiam continui inuestigant, per eius proprietates, & à posteriori; & tamen isti Scriptores declarant eandem essentiam continui per impenetrabilitatem naturalem, quæ est effectus quantitatis, ut ipsi dicunt, & per consequens quantitate posterior; ergo non possunt declarare essentiam continui per impenetrabilitatem naturalem, nisi à posteriori.

Arguo tamen primò. Modum istorum esse minus probabilem. Melius explicatur essentia continui per aliquod, quod sibi competit simpliciter, quàm per illud quod competit sibi secundum quid; sed passiones continui, ut diuisibilitas, & mensuratiuitas, vel mensurabilitas competunt continuo simpliciter, quia à continuo sunt inseparabiles, impenetrabilitas verò competit ei secundum quid; ergo melius explicatur essentia quantitatis per rationem diuisibilitatis, & mensuræ, quàm per impenetrabilitatem naturalem; minor probatur. Ad simpliciter impossibile non est aliqua potentia actiua ex Sco. 4. d. 49. q. 16. f. Sed Deus potest facere, quòd corpus penetraretur; ergo corpus non est simpliciter impenetrabile, sicut est simpliciter diuisibile, & mensuratum, seu mensurabile; ergo melius explicatur essentia continui per rationem diuisibilitatis, & mensuræ, supponendo, ut ipsi supponunt, has rationes esse continui passiones, quàm per impenetrabilitatem naturalem.

1. Improbatur.

Secundò, Melius est, ut positium explicetur per positium, quàm per negatiuum; sed quantitas est ens positium, & omnes modi à Meld. & Cat. confutati explicant quantitatem per positium. Meld. verò, & Cat. per negatiuum;

2. comprobatur.



uum; ergo modi ab istis confutati melius explicant essentiam quantitatis, quàm modus Meld. & Cat. Maior clara est: Minor probatur. Omnes illi modi explicant essentiam quantitatis per passiones quantitatis, vel per alias relationes, vt videre est, quæ omnia sunt entia positiua; sed Meld. & Cat. explicant essentiam quantitatis per impenetrabilitatem naturalem, quæ est negatio, quæ corpus naturaliter non potest coexistere alteri corpori in eodem loco; sicut penetrabilitas nihil aliud est, quàm possibilitas ad coexistendum alteri corpori in eodem loco; ergo modus explicandi essentiam quantitatis Meld. & Cat. est minus probabilis.

*3. comprobatur.* Tertiò arguitur ab alijs contra Meld. & Cat. Prior est in quantitate ratio replendi locum, quàm ratio expellendi aliam quantitatem, ideò enim expellit; quia occupat; & replet locum: ergo melius explicatur quantitas per virtutem occupatiuam, quàm expulsiuam; quæ est impenetrabilitas, vel radix illius.

*Responsio Meld. & Cat.* Respondent num. 17 Rationem replendi, & occupandi in quantitate esse priorem ratione expellendi, seu impenetrabilitate prioritate vniuersalitatis; quia ceteris rebus corporeis etiam conuenit, sicut animal in homine dicitur prius rationalitate, non tamen prioritate causalitatis, non enim absolutè verum est vnâ quantitatem expellere aliâ, quia locum replet, sed cum addito, quia locum replet impenetrabiliter; vnde impenetrabilitas se habet veluti ratio specifica contrahens rationem replendi locum rebus omnibus corporei conuenientem, & ideò distinctius per ipsam explicatur ratio quantitatis specifica.

*Confutatur ab Aut.* Sed hæc responsio est contra Sco. 4. d. 49. q. 16. B. quia isti Doctores habent falsum fundamentum, sustinent enim omnes res corporeas, & materiales, seclusa quantitate, replere locum, quo posito, inferunt hoc falsum in via Sco. impenetrabilitatem. s. esse rationem specificam contrahen-

tem



tem rationem replendi locum; Et ego probo in sua ipsorum, & scoti impenetrabilitatem nihil addere rationi replendi locum. Sic formo ratione efficacissimam.

Impenetrabilitas nihil aliud est, quam repugnantia duorum corporum coexistendi in eodem loco ex ipsi in hoc art. num. 13. sed unum corpus non repugnat alteri in eodem loco, nisi quia est repletivum loci naturaliter quantum natus est repleri ex Scot. 4. d. 49. q. 16. B. quem locum ipsi citant, sed non intelligunt; ergo impenetrabilitas nihil aliud est, quam ratio replendi locum; ergo falsum est, quod impenetrabilitas sit ratio contrahens rationem replendi locum, sic enim una quantitas non repugnaret tantum virtualiter, & ratione effectus, ut dicitur Sco. loc. cit. ubi habet hæc verba. *Sed in proposito inter dimensionem, & dimensionem non est repugnantia formalis, quia talis non est, nisi quo ad idem subiectum, non autem sunt in eodem subiecto, nec formaliter etiam, quia quanta non repugnant formaliter; Si ergo sunt repugnantia hoc non est, nisi respectu loci ex eo scilicet, quod locus est spatium capax corporis, sed unum corpus replet locum unum quantum natus est repleri; ergo aliud corpus quò ad hoc opponitur sibi, quia non potest habere effectum illum in illo loco, quia ut est probatum, est repletivum eius quantum natus est repleri, patet ergo quod non est oppositio, vel repugnantia formalis, quia non in eodem subiecto, nihil enim unum informatur ab eis; Est ergo tantum oppositio virtualis in quantum effectus unius cause, qui est repletio loci eo modo quo quantitas habet efficaciam, vel efficientiam respectu effectus, qui est esse in loco repletivè, opponitur alteri causa naturali; ergo non repugnat corpori esse cum alio corpore, nisi quia est repletivum loci naturaliter quantum apertus natus est impleri, sed quia iam repletum est, non potest ibi esse.* Hæc Sco: quomodo igitur isti Doctores possunt asserere essentiam quantitatis completivè in impenetrabilitate consistere, si nesciunt quid sit impenetrabilitas?

B

Posita

Posita hac doctrina Sco: nullus Scotista potest rectè ponere extensionem in loco, & repletionem in rebus, seclufa quantitate, & ponentes repletionem loci sine quantitate, continentur ponere impenetrabilitatem sine quantitate.

*Sententia Auctoris. Caput Secundum:*

*Continuum permanens est illud, quod habet partes in toto ordinatas ad unum terminum copulatas.*

Est Aristotelis cap. de quantitate, & Sco. 4. d. 49. q. 16. D. S.  
Præterea ad definitionem dimensionis quantitatis  
& 4. d. x. q. 1. M.

*quotuplex  
& quid sit  
quantitas.* **P**RO cuius declaratione notatur primo, quod quantitas continua ex Arist. cap. de quantitate est duplex. Permanens, & successiva; quantitas permanens est cuius partes sunt simul, successiva verò cuius partes non sunt simul, sed una alteri succedit; partes enim lineæ, superficie, & corporis sunt simul, sed partes temporis, & motus non, sed una aduenit, altera recedente; sed an quantitas successiva sit per se quantitas, vel non, dicetur in Metaphysica, & cum sit in hoc diuersitas dicendi, & omnes concedant quantitatem permanentem continuam esse per se quantitatem, de hoc continuo tantum permanenti erit sermo in præsentibus; quòd Continuum idèd dicitur continuum, quia habet partes continuatas, & per aliquem terminum copulatas, quæ partes dicunt necessariò ordinem ad totum, qui ordo dicitur situs de prædicamento quantitatis circumscribens differentiam essentialem continui permanentis, per quam à successiuo essentialiter differt, ut patet ex Arist. in prædicamento de quantitate, & ex Sco. 4. loco superius citato. Ad quem situm requiritur permanentia, continuatio. & ordo partium; Et licet hic situs de genere quantitatis sit relatio, & quantitas quid absolutum, attamen ponitur differentia quantita-

*tis.*

tis, quia illam circumscribit, sicuti mugibilitas, quæ est relatio aptitudinalis stat pro differentia Bouis, & quælibet passio, latente vltima differentia.

Secundo notatur, quod situs est duplex scilicet de prædicamento quantitatis, & de prædicamento situs; Situs de prædicamento quantitatis est ordo partium per aliquem terminum continuatarum, & simul existentium ad suum totum; vnde licet partes temporis, & motus continuerentur; tamen quia non simul sunt, ordo istarum partium, per quem vna dicitur prior altera non potest esse situs de prædicamento quantitatis; Situs verò de prædicamento situs est ordo partium totius ad partes loci, & iste situs accedit corpori quanto, quia corpus quantum potest extra locum constitui, non tamen potest esse sine situ de prædicamento quantitatis, quia non potest dari quantum permanens, nisi partes eius habeant ordinem ad ipsum.

*quotuplex  
situs, &  
quid sit.*

Tertiò notatur essentiam cuiuscunque posse explicari per eius passiones, vel per aliquem effectum sibi connaturaliter; vnde circumscribentes essentiam quantitatis per passiones eius, vel per impenetrabilitatem naturalem, cum nos lateat propriam quantitatis essentiam, rectè circumscribunt, & nulla est ibi difficultas, licet Doctores suis apparentibus rationibus hoc reddant difficile; Et qui per impenetrabilitatem naturalem circumscribunt quantitatis essentiam, & confutant alios, qui per passiones quantitatis circumscribunt essentiam eius, in vanum laborant, & minus rectè loquuntur, vt dixi in cap. positium enim melius circumscribitur per positium proprium, quando hoc fieri potest, quam per negatium, sicut est impenetrabilitas.

Quartò notatur ex Sco. 4. d. 49. q. 16. B. quod impenetrabilitas nihil aliud est, quam negatio posse coexistere alteri quanto in eodem loco; Nam inter dissensionem, & dimensionem non est repugnantia formalis, quæ est illorum, quæ secundum se, & suos effectus opponuntur; vt album, & ni-

*quid sit im  
penetrabi-  
litas.*

grum, quanta autem non hoc modo formaliter opponuntur, sed tantum virtualiter, scilicet respectu loci in quantum effectus vnius causæ, qui est repletio loci eo modo, quo quantitas habet efficaciam, vel efficientiam respectu effectus, qui est esse in loco repletivè, opponitur alteri causæ naturali, seu alteri quantitati, quæ non potest replere locum, quia locus repletus est ab alia quantitate quantum natus est repleri, hoc autem non impedit, quin per potentiam divinam possit esse ibi, quia Deus potest facere causam naturalem sine suo effectu naturali, sicut potest facere calorem sine calefactione, ut patet de tribus pueris, & Daniele; Vnde impenetrabilitas non erit aliquod positivum, sed negatio coexistendi cum alio corpore in eodem loco, sicut penetrabilitas, vel possibilitas coexistendi alteri corpori in eodem loco, quæ est Dos subtilitatis non est aliqua qualitas, & ista possibilitas non habet susceptivum intrinsecum in corpore glorioso, sed habet causam intrinsecam, quæ est voluntas Beati, & extrinsecam, quæ est voluntas, & potentia divina, quæ determinavit facere præsens corpus gloriosum huic loco repleto, ubi voluerit Beatus. His not.

Probatur conclusio primo auctoritate Scoti 4.d.49 q.16. **D.** ubi habet, quod ad definitionem dimensionis quantitatis pertinet situs, quia quantitas permanens per hoc distinguitur a successiva, quia habet partes in toto ad unum terminum comunem copulatas: & 4.d.x.q.1.M. ubi habet, quod positio est differentia quantitatis, quæ necessariò inest quanto continuo permanenti, & Arist. cap. de quantitate definiuit continuum permanens per habere partes copulatas, quæ ordinem ad totum, & positionem dicunt.

*Responsio*  
*Meld. &*  
*Cat.*

Respondent Meld. & Cat. disp. 9.q.1.art.1. nu.2. §.ad tertium quod quando Philosophus explicuit essentiam quantitatis per positionem partium in toto, certè positionem non sumpsit pro coordinatione illa partium præcisè in toto, quia hæc etiam in substantia sine quantitate reperiretur; Sed ut  
ultra

ultra hunc ordinem addit etiam extremitatem in loco impenetrabilem in actu primo, quia actualis extremitas in actu secundo est positio de genere situs, non ergo insinuat Philosophus essentiam quantitatis præscindendo ab omni ordine ad locum, sed tantum præscindendo ab actuali extensione locali, & in actu exercito quod etiam Scotus notauit 4.d.49.q.16. §. Alii dicunt, vbi ait dimensionem non fuisse à Philosopho diffinitam, nec diffiniri posse sine aliquo ordine ad situm, & colligitur ex ipso Arist. contextu in prædicamento quantitatis, vbi ait substantiam ratione talis positionis de genere quantitatis habere partes in toto, ita quod vna in ordine ad aliam sit dextera, alia sinistra, vna sursum, altera deorsum, quæ planè sunt differentie loci & in hoc sensu etiam locutus est Scotus Philosophum imitatus: & reuera ibi Doctor contendit tantum excludere ab essentia quantitatis positionem de genere situs, quæ importat actualem ordinem ad locum, quæ illi accidit; Vnde concludunt infra isti Scriptores Scotum vocare extensionem impenetrabilem, quæ est de essentia quantitatis, ordinem partium ad totum, qui ordo non est sine ordine aptitudinali ad locum.

Sed isti Doctores falsum imponunt Scoto, & Arist. nunquam inueniet aliquis in Arist. loco ab ipsis citato verba, quæ referunt, vtique dicit Arist. partes continui permanentis dicere ordinem ad totum, & quod istæ partes sunt in loco, & nunquam Aristot. & Scotus dixerunt essentiam quantitatis consistere in extensione impenetrabili, nec istam extensionem impenetrabilem vocauerunt ordinem partium ad totum cum aptitudinali ordine ad locum: Sed isti Doctores transcripserunt opinionem Suarez, & faciunt Scotum suarizzare, qui à Suarez in hoc omninò est contrarius.

*Meld. &  
Cat. falsum  
imponit  
Scoto, &  
Arist.*

Præterea videamus quàm sint falsi in adducenda Scoti doctrina, nam Scotus loco ab ipsis citato vtique dicit quantitatem non definiri sine situ, sed non loquitur de situ de genere situs, sed de situ de prædicamento quantitatis. Videte

*Ostenditur  
quàm infideliter adducant doctrinam Scoti.*

dece Scotistæ vestrum Doctorem, qui in loco citato habet hæc verba. Præterea ad definitionem dimensivæ quantitatis pertinet situs, quia quantitas permanens per hoc distinguitur à successivâ, quia habet partes in toto ad unum terminum communem copulatas, sed definitio non potest separari à definito. Hæc Scotus.

Tunc sic arguo. Situs, per quem quantitas permanens distinguitur à successivâ, non est situs de genere situs, sed de genere quantitatis; ergo Scotus loquitur de situ de genere quantitatis, non de genere situs, ut ipsi falsò dicunt.

Præterea si Scotus loqueretur de situ de genere situs, tunc falsum esset, quod quantitas non posset definiri sine situ, quia Scotus 4. d. x. q. 1. M. dicit quantitatem permanentem posse habere partes ordinatas ad totum sine ordine actuali ad locum, ut etiam ipsi dicunt, & sic Scotus sibi contradiceret, sicut isti, transcribendo, semper contradicentes sunt; Et si essentia quantitatis consistit in ordine partium ad totum cum ordine aptitudinali ad locum, & potest esse sine ordine actuali ad locum; Ergo quantitas potest definiri sine situ de genere situs, quia talis tantum consistit in ordine actuali ad locum, & non in ordine aptitudinali; Respondeant igitur ad argumentum primum; sed non possunt & verificabitur, quod trahunt Scotum ad opiniones recentiorum; Nunquam usque adhuc vidi istos Doctores à trita Scotistarum via ambulare, nisi contra Scotum aliquid declarauerint, & à recentioribus transcripserint. Eliciant à doctrina Scoti non tritam opinionem, & non transcribant doctrinam Scoti omnino contrariam.

Secundò probatur conclusio. Illa definitio est recta, quæ facit differre definitum à quocunque quod non est ipsum; sed prædicta definitio est huiusmodi, quia per habere partes extrâ partes differt à substantia, & à quocunque alio accidente, quia nec substantia, nec aliud accidens est essentialiter extensum, vel aptum ad extendi, sed tantum potens extendi

extendi accidentaliter per quantitatem ; Per habere partes continuatas differt à quantitate discreta . Per habere ordinem ad totum differt à quantitate continua successiua ; ergo est recta definitio.

Contra primò arguunt Meld.& Cat.sustinentes essentiam quantitatis solum consistere in extensione impenetrabili, sed confundunt formam, & rationem, à qua impenetrabilitas secundum ipsos pullulat cum ipsa impenetrabilitate ; Certum enim est, quod illud, à quo pullulant passioness quantitatis est eius essentia, quam isti Doctores explicant per impenetrabilitatem ; Conficio igitur argumentum magis clarum, non elidendo ab eorum dictis.

Essentia rei illa iudicatur, à qua emanant proprietates ; sed ab impenetrabilitate emanant proprietates quantitatis : ergo essentia quantitatis in impenetrabilitate consistit : Maior pat.min.probatur ab ipsis ex eo enim quia quantitas habet partes extensas impenetrabiles, potest vna applicari alteri, & eam mensurare, vel mensurari: ergo passioness quantitatis ab impenetrabilitate pullulant : ergo impenetrabilitas erit essentia quantitatis .

Respondeo negando minorem ; Ad probationem dico, quod quantitas potest mensurare, vel mensurari eò quia habet partes extensas tantum, & has rationes, sicut & omnes alias passioness immediatè ab essentia quantitatis pullulare, & non ab impenetrabilitate ; Est enim quantitas mensuratiua, vel mensurabilis, & diuisibilis, quia extensibilis, & est extensibilis, quia habet rationem mensuræ, & diuisibilitatis, & magis propriè, & immediatè quantitas habet istas rationes, quia quantitas est, quantitas enim vt tale ens, habet partes extrà partes extensibiles, vel secundum longitudinem tantum, vt linea, vel secundum longitudinem, & latitudinem, tantum, vt superficies, vel secundum longitudinem, & latitudinem, & profunditatem, vt corpus, Vnde si etiam q uantitas posset naturaliter penetrari, adhuc  
habe-



haberet illas dimensiones, secundum quas posset mensurari, vel mensurari; mensurat enim res, vel mensuratur secundum longitudinem, latitudinem, & profunditatem tantum, abstracta quacunque penetrabilitate, vel impenetrabilitate, respectus enim ad coexistendum alteri in eodem loco, sicut est penetrabilitas, vel negatio talis respectus, sicut est impenetrabilitas, non potest esse ratio mensuræ per applicationem; applicatur enim una quantitas alteri quantitati per longitudinem, latitudinem, vel profunditatem, & non per respectum, vel per negationem respectus: Eorum enim fundamentum, ut videbitur de substantia sine quantitate destruit omnino doctrinam Scoti, ~~et per se patet, quod non~~  
~~est, et per se patet, quod non~~

Secundo. Sunt aliqui probantes essentiam quantitatis consistere in actuali extensione locali. Quantitas est forma dans suum effectum formalem in actu in quo consistit essentia formæ; ergo cum effectus eius formalis sit extendere eam in ordine ad locum, utique extendet actualiter subiectum, in quo reperitur.

Respondeo concedendo, quod quantitas dat actualem extensionem localem, & actualis extensio localis est effectus eius formalis; sed negatur quod in effectu formali consistat essentia formæ, quia forma potest esse sine suo effectu naturali, non autem sine sua essentia, vel sine eo, quod essentiam consequitur: Vnde effectus naturalis formæ merè accidit ipsi formæ; utique effectus naturalis, & formalis formæ non potest esse sine sua forma, ut albefactio sine albedine; tamen potest esse albedo sine albefactione, si sit separata à subiecto per potentiam Dei, & calor potest esse sine calefactione, ut patet de tribus pueris in fornace ardenti.

Tertio, Species quantitatis non designantur, nisi per longitudinem, latitudinem, & profunditatem; ergo esse quantum aliud non est, quam esse extensum, latum, & profundum, quod certè non est præcisè in ordine ad se, sed maxi-  
 me



mè in ordine ad locum, & spatium, in quo ponuntur partes extra partes.

Respondeo, quod esse extensum potest accipi dupliciter; Vno modo actualiter, & hoc est accidens quantitatis à quantitate separabile; Alio modo aptitudinaliter, & hoc est passio quantitatis, per quam essentia eius potest circumscribi, quia vt dictum est, potest esse quantitas sine actuali extensione, & maxime in ordine ad locum, quia potest statui quantitas extra locum, quæ tamen verè, & essentialiter esset quantitas, & tamen non haberet extensionem actua-  
*Duplex extensio*  
lem ad locum, sed tantum extensibilitatem secundum longitudinem, vel latitudinem, & profunditatem.

Quartò, quando dicimus in Sacramento Altaris remanere quantitatem cum coeteris accidentibus, aliud non intelligimus, quam remanere extensionem illam, per quam occupatur locus; ergo quantitas est essentialiter actualis extensio localis.

Respondeo negando antecedens, quia tunc dicimus quantitatem esse cum suo effectu naturali, sine quo potest remanere quantitas essentialiter, vt patet de Corpore Christi quanto in Sacramento Altaris, quod non habet extensionem in ordine ad locum, sed tantum extensibilitatem.

Quintò, non potest quantitas esse sine figura recta, vel curua, quæ figura non est sine actuali extensione; ergo quantitas non potest esse sine actuali extensione; ergo per actua-  
*Responso Mel. et Cat. confutatur*  
lem extensionem potest explicari essentia quantitatis.

Respondet Meld. & Cat. ibi num. 15. quod duplex est figura: Vna intrinseca, & quantitativa, quæ fundatur in positione de genere quantitatis; Altera extrinseca, & situ-  
*C*  
alis, quæ fundatur in positione de genere situs, & de hac verum est concipi non posse sine actuali extensione locali.

Sed hæc responsio non satisfacit, quia cum argumen-  
tum

tum procedat de figura recta, & curua, necessario debent dicere, quod figura recta, & curua alia est intrinseca, alia est extrinseca; sed quæro ab ipsis, quæ nam est ista figura recta, & curua intrinseca? certè nulla est, neque assignabunt figuram rectam, vel curuam sine actuali extensione; Et si concedunt quantitatem non posse separari à tali figura intrinseca, necessario concedere debent quantitatem non posse esse sine actuali extensione, quod est falsum etiam secundum ipsos.

*Responsio  
Auctoris.*

Respondeo igitur negando antecedens, quia quantitas modo indiuisibili existens, vt Corpus Christi in Sacramento Altaris, nullam habet figuram rectam, vel curuam intrinsecam, vel extrinsecam; Si verò extendatur quantitas, & sit cum suo modo quantitatio, tunc habebit figuram rectam, vel curuam; Quare negatur consequentia.

Sextò arguit Occham. Positio de genere quantitatis non solum facit, vt vna pars sit distans, quatenus omnes partes non sunt inter se immediate vnite, sed mediante quantitate, vt est distantia quædam, & talis distantia non potest esse sine ordine partium in loco, cui quantitas comensuratur; ergo in extensione actuali locali consistit quantitas.

Respondeo, quod positio de genere quantitatis, & ipsa quantitas cum suo modo naturali facit distare aequaliter, & extendit in ordine ad locum, tamen hoc non est de essentia quantitatis, vel consequens eius essentiam, est enim solum de ratione quantitatis esse extensibilem, & reddere subiectum eius aptum ad actualem extensionem localem, & sic negatur consequentia, quia licet partes quantitatis, & substantiæ per quantitatem non sint immediate simul vnite, sed cum suo ordine, tamen existens sine suo modo quantitatio nullam habet extensionem, sed modo indiuisibili existit.

Septimò. Si essentia quantitatis non consistit in actuali extensione, & extrinseca, sed in apertudinali tantum, & intrin-

intrinsecā ad actum primum pertinente, extensio quantitativa non erit distincta ab extensione entitativa substantiæ, & aliorum accidentium, quia tam substantia, quàm accidentia materialia sunt extensibilia.

Respondeo negando consequentiam, & ad probationem dico, quod utique tam substantia, quàm accidentia materialia sunt extensibilia, sicuti quantitas est extensibilis, sed non eodem modo, quia quantitas est extensibilis per se, substantia verò, & accidentia materialia sunt extensibilia per accidens scilicet ratione quantitatis, quatenus possunt recipere quantitatem, vel in quantitate recipi, quæ reddit substantiam, & accidentia materialia extensa, licet per se sint inextensibilia; Vnde substantia, & accidens materiale, differt à substantia, & accidente spiritali per hoc solum, quia substantia, & accidens spirituale non possunt recipere quantitatem, vel in quantitate recipi, & per consequens nullo modo est extensibilis: differt verò à quantitate, quia hæc est per se extensibilis; substantia verò, & accidens materiale est extensibile per accidens, quia vel recipit, vel potest recipi in quantitate, ut dicetur in conclusione de substantia siue quantitate.

CONCLUSIO SECUNDA.

*Quantitas realiter distinguitur à substantia corporea,  
& ab omni re quantā.*

Est Sco. 2. d. 12. q. unica in fine, & 4. d. 12. q. 2. §. ad questionem

*Opinio. Aliorum. Caput Primum.*

**M**eld. & Cat. disp. 9. q. p. A 2. eandem sustinent conclusionem, sed in principiis eorum nullo modo sustinetur potest, immo stante eorum doctrina quantitas est omnino eadem formaliter cum substantia.

*Meld. & Cat. improbat quoad modum.*

C 2 Probo

Probo sic. Quæ habent omninò eandem rationem formalem sunt omninò idem formaliter, sicut è contrà, quæ habent diuerfas rationes formales, & definitiones distinguuntur formaliter, hoc euidentissimum est in doctrina Scoti. Sed quantitas continua, & substantia habent omninò eandem rationem formalem; primò quantitas continua, & substantia sunt omninò idem formaliter; minor in qua stat difficultas, probatur; quia quantitas continua est illa, quæ habet partes extrà partes naturaliter impenetrabiles secundum istos Doctores in hac quæstione articulo primo; sed substantia est huiusmodi; ergo substantia, & quantitas continua habent eandem rationem formalem; Probo minorem ex doctrina ipsorum, quia substantia habet partes extrà partes naturaliter impenetrabiles, probatur consequentia; Impenetrabilitas, vt dixi in fine primæ capituli præcedentis conclusionis, nihil aliud est, quàm repugnantia duorum corporum coexistendi in eodem loco ex ipsis in hac disp. 9. q. 1. art. 1. num. 13. ac etiam secundum Scotum, sed vnum corpus non repugnat alteri in eodem loco, nisi quia est repletium loci naturaliter, quantum natus est repleri ex Scoto 4. d. 49. q. 16. B. ergo impenetrabilitas nihil aliud est, quàm ratio replendi locum; sed substantia secundum ipsos replet locum; ergo substantia erit impenetrabilis; falsa est ergo differentia quantitatis continuæ à substantia per solam impenetrabilitatem naturalem ab ipsis transcriptam, & falsò imaginatam; sustinentes enim cum Scoto (sed contrà Scotum) substantiam replere naturaliter locum secundum se velint nolint, dicunt substantiam esse naturaliter impenetrabilem; quia secundum Scotum loco citato; impenetrabilitas non est nisi ratio replendi locum, idè enim vnum corpus secundum Scotum est impenetrabile naturaliter, quia repugnat esse cum alio corpore naturaliter, & idè repugnat sic esse cum alio corpore; quia replet locum; ergo quod est repletium loci est impenetrabile na-

tura-


turaliter ab alio ; ergo ratio replendi locum est ratio impenetrabilitatis naturalis. substantia secundum ipsos replet locum; ergo est impenetrabilis.

Aliam rationem nolo afferre , quia ista sola est immediata, & efficacissima in schola subtilissimi Doctoris .

*Quantitas realiter distinguitur à substantia corporea , & ab omni re quanta.*

Est Scoti 2. d. 12. q. vnica in fine , & 4. d. 12. q. 2.

S. ad quæstionem .



*Sententia Auctoris. Caput Secundum.*

**P**Ro cuius declaratione Primò notatur ; quòd distinctio realis, quæ est inter rem, & rem necessariò est inter ea, quæ separari possunt, dummodò non sit essentialis dependentia, vt totum in via Scoti realiter distinguitur à partibus, & tamen ab illis non potest separari , quia ab illis essentialiter dependet, sic est de relatione respectu extremorum, vel quia habent inter se necessariam connexionem, vt corpus organizatum, & quantitas, non enim corpus potest organizari sine quantitate ; nec anima informare corpus organizatum nisi in quantitate , & tamen quantitas realiter distinguitur à substantia corporis organizati : Quare male speculantur dicentes, quòd si à corpore separaretur quantitas , adhuc caput esset distans à pede ; Supponunt enim posse dari corpus organizatum , caput , pedes , manus &c. sine quantitate , figurantur enim omnes istæ partes , & figura non est sine quantitate .

*Quid sit distinctio realis.*

*Corpus nō potest organizari sine quantitate.*

Secundò notatur , quòd sustinentes , vt faciunt Meld. & Cat. substantiam esse diuisibilem, extensibilem in ordine ad locum , & nullo modo differre à quantitate , nisi per impenetrabilitatem , & concedere substantiam habere ex sui natura extensitatem partium in ordine ad locum , vt habent in hac

hac disputatione num. 8. necessariò tenentur dicere substantiam esse realiter, & formaliter quantitatem, quia impenetrabilitas realis, vt dictum est in prima conclusione non est nisi naturaliter posse replere locum quantum natus, & aptus est repleri, quo stante, alia substantia non poterit eundem locum replere; Quare si substantia erit extensibilis in ordine ad locum, & ex sui natura petit partem esse extra partem in loco, habebit extremitatem partium impenetrabilium, in quo secundum istos Doctores essentia quantitatis consistit; sed hoc magis patebit in sequenti conclusione His notatis

Probatur Conclusio. Omne, quod potest saltem per potentiam Dei absolutam ab alio separari, realiter ab alio distinguitur; sed quantitas est huiusmodi, ergo realiter à re quanta distinguitur; Minor probatur, quia de facto videmus Deum in Eucharistia separare quantitatem à substantia panis.

Contrà arguitur Primò. Idem corpus inuariatum potest esse magis, & minus quantum ergo quantitas non realiter distinguitur à corpore, & à substantia corporea; antecedens probatur, quia idem corpus per se nullo alio addito, rarefit, & condensatur; consequentia probatur, quia si quantitas realiter distingueretur à corpore, non posset corpus secundum suam substantiam rarefieri, & condensari, sed per aliquod additum, per quod corpus variaretur.

Respondeo negando antecedens cum sua probatione; quia potest pro nunc dici, quod rarefactio, & condensatio fit per acquisitionem, vel deperditionem quantitatis, & ideo corpus inuariatum non potest rarefieri, vel condensari; quare consequentia est falsa.

Secundò. Substantia circumscripto quocunque accidente realiter distincto, habet omnes effectus, qui dicuntur à quantitate formaliter provenire; est enim per se diuisibilis, per



per se extensibilis, & naturaliter impenetrabilis, ergo substantia, & quantitas omninò idem sunt.

Respondeo negando antecedens; quia substantia nec est per se diuisibilis, nec per se extensibilis in loco, nec per se impenetrabilis, vt dicitur in sequenti conclusione; sed tantum per accidens, scilicet ratione quantitatis, qua ablata, substantia indiuisibiliter se habet, & sic negatur consequentia.

Tertiò, si quantitas est realiter distincta à substantia, tunc Deus poterit substantiam in instanti à quantitate separare; Tunc quæro, aut manebit substantia illa extensa per totum spatium, vbi prius erat, vel in punctum conuertetur illius spatii; Non primum, quia vel ita intelligitur, vt sit tota in toto, & pars in parte, & sic substantia adhuc erit quanta, quia sic esse in loco est esse circumscriptiuè solum quantitati competens: Vel ita intelligitur vt sit tota in toto, & tota in qualibet parte, & hoc non, quia solum hoc Angelis, & substantiis spiritualibus competit; Non secundum quia talis fluxus in puncto fieret per motum localem, & sic in tempore; ergo cum quantitas auferatur in instanti, toto illo tempore sequenti, quo duraret fluxus partium substantiæ ad indiuisibile loci, partes illæ existerent diuisibiliter in spatio.

Respondent Meld. & Cat. ibi num. 27. quòd tunc substantia remaneret in toto spatio, in quo erat sub quantitate, & diuisibiliter, id est tota in toto, & pars in parte, nec tamen esset circumscriptiuè, & quantitatiuè in loco, quia non esset in loco impenetrabiliter.

*Responsio  
Meld. &  
Cat.*

Hanc responsionem confutat multis argumentis Auerfa.

*Confutatio*

Ego tamen vnico argumento probo esse contra doctrinam Scoti. Esse in loco circumscriptiuè nihil aliud est, quàm esse in loco quantitatiuè, scilicet tanquam coextensum, & comensuratum ex Scoto quolibet. ij. l. vbi habet hæc verba: quia circumscriptio illa non videtur aliquid ponere ultra hoc, quod

*quod*

quod est corpus esse præsens huic loco modo quantitativo scilicet tanquam coextensum, & commensuratum. Hæc Scotus. Ergo si substantia sine quantitate esset extensivè, & divisibiliter in loco, & comensurativè, esset in loco circumscriptivè, & modo quantitativo.

*Respondetur tacite  
obiectioni.*

Nec valet dicere, quòd Scotus intelligit de extensione, & comensuratione impenetrabili, hoc enim gratis addunt, & nunquam inuenient in Scoto, quod impenetrabilitas requiratur ad circumscriptionem, impenetrabilitas enim nec mensurat, nec est ratio mensuræ, quia si etiam corpus esset penetrabile, adhuc si extenderetur, secundum illam extensionem præcisè mensuraretur, & non per impenetrabilitatem, quæ est pura negatio, quærun per istam impenetrabilitatem ab aliis transcriptam difficultates aufugere, & confusionem pariunt.

*Responsio  
Auctoris.*

Respondeo igitur ego ad argumentum principale, quòd si Deus in instanti separaret quantitatem à substantia, tunc substantia non remaneret extensa, sed inextensa, & partes eius in instanti confluerent in puncto spatij: Et cum probatur, quod non, quia non posset iste fluxus fieri nisi per motum localem, qui est in tempore, dico quod fieret per mutationem localem, quæ mutatio haberet aliquid de motu, & aliquid de mutatione. Haberet aliquid de motu, quia esset accidentalis, scilicet ad præsentialitatem localem, & aliquid de mutatione, quia fieret in instanti, sicut motus animæ ad gratiam in instanti, habet aliquid de motu, quia est ad formam accidentalem, & aliquid de mutatione, quia est in instanti, & iste motus, vel mutatio localis esset effectivè à Deo auferente quantitatem in instanti, formaliter verò à negatione quantitatis, quia sicut substantia fit præcisè extensa per quantitatem, ita ablata quantitate fit inextensa, & per consequens partes in instanti confluunt in puncto, sicut conflueret in tempore, si quantitatem in tempore auferret Deus, sicut subiectum fieret album in tempore, vel

in



in instanti, si albedo introduceretur in tempore, vel in instanti, & fieret non album in tempore, vel in instanti, si in tempore, vel in instanti auferretur albedo.

Contra consimilem Responsionem arguunt Meld: & Catibibi num. 25. Nam ablatio quantitatis est actio negatiua, fluxus partium in puncto spatii est actio positiua; ergo iste fluxus non potest esse formaliter ex ablatione quantitatis.

Respondeo negando consequentiam, quia actio positiua potest sequi necessariò ex actione negatiua, vt fluxus partium vasis fit ex simplici ablatione medii, vt etiam isti Doctores fatentur, sed exemplum non est omninò simile, quia quod latera vasis distent non est præcisè formaliter à medio, quia dato vacuo per potentiam Dei, latera vasis distarent, & tamen ibi nullum esset medium, sed quod substantia materialis sit extensa est præcisè formaliter à quantitate, quæ ablata, Deus non posset facere substantiam materialem extensam, quia Deus non potest suplere causalitatem causæ formalis; Non enim Deus potest albefacere sine albedine, effectus enim formalis formæ non potest esse sine forma, & idè substantia materialis, ablata quantitate, necessariò fit inextensa, non potest autem fieri inextensa, nisi partes confluant in punctum, & sic à primo ad vltimum ex ablatione quantitatis fit fluxus partium in puncto spatii, sicut enim affirmatio est causa affirmationis in causis præcisis, ità negatio est causa negationis, & idè affirmatio quantitatis in substantia est causa affirmationis extensionis in substantia, ità negatio quantitatis à substantia est causa negationis extensionis in substantia.

Sed tota difficultas stat in hoc, quomodò istæ partes confluerent in puncto spatii in instanti, si naturale in instanti non potest moueri? Respondeo sicuti prius, quòd substantia materialis ex se non faceret se præsentem secundum omnes partes fluentes in puncto spatii in instanti, sed iste motus edet effectiue à Deo auferente quantitatem in instanti.

D

Si

Si dicas, quòd supponitur substantia relicta in suo esse naturali, & quod Deus solum haberet actionem in ablatione quantitatis, non autem in fluxu partium, & in illo motu.

Respondeo, quod supponis vnum falsum, nempe substantiam materialem esse in suo naturali esse extensam, fit enim præcisè extensa per quantitatem, & eadem est per se, & naturaliter inextensa; Vnde Deus auferendo quantitatem à substantia materiali, auferit modum quantitarium, & extensum, & ideo Deus non potest per ablationem quantitatis relinquere substantiam materialem nisi inextensam, & ideo non potest Deus habere actionem circa ablationem quantitatis, nisi habeat actionem in fluxum partium, & in negationem extensionis, quæ negatio extensionis non potest esse, nisi partes iam extensæ fiant inextensæ, non possunt autem fieri inextensæ, nisi illæ partes amittant priores præsentialitates, & confluant in puncto spatij.

Quartò. Eadem sunt species quantitatis, substantiæ, & qualitatis in quantum sunt res corporeæ, & diuisibiles, in his enim omnibus reperitur linea, superficies, & corpus; ergò quantitas non est in substantia, & qualitas, quatenus extensæ, & diuisibiles.

*Responsio  
Meld. &  
Cat.*

Respondent Meld. & Cat. ibi num. 22. concedendo substantiam, & qualratem habere lineam, superficiem, & corpus, sed istæ dimensiones non faciunt molem, quia faciunt substantiam, & qualitatem penetrabilem, quantitas verò habet prædicta modo peculiari, quia faciunt molem, quia ponunt vnā partem extra aliam impenetrabiliter.

*Confutatur*

Sed ista responsio est contra Aristotelem in prædicamentis, nam secundum ipsum corpus de genere substantiæ in hoc differt à corpore de genere quantitatis, quia hoc dicit tantum trinam dimensionem, illud verò non.

Præterea moles est entitas positiva absoluta, quia moles est quantitas, sed impenetrabilitas non est entitas positiva absoluta, ergo non est molis, nec facit molem, quia ne-

giti-

gatiuum faceret positium.

*Responsio  
Auctoris.*

Ideò respondeo negando antecedens cum sua probatione, quia in substantia, & qualitate non reperiuntur nec linea, nec superficies, nec corpus, cum non sit dimensionata, nisi per accidens, scilicet ratione quantitatis, quam recipit substantia, vel in qua recipitur qualitas; Nam esse dimensionum est esse quantum, & esse naturaliter impenetrabile, & aliquod ideò est naturaliter impenetrabile, quia est quantum quantitatiue molis, & non è conuerso; secundum enim Aduersarios Scotistas, & rectè, impenetrabilitas sequitur quantitatem, & non quantitas impenetrabilitatem, passio enim sequitur suum subiectum; Non igitur aliquod est dimensionum, & extensum, nisi repleat, vel possit replere locum, & per consequens impenetrabile.

CONCLUSIO TERTIA.

*Substantia sine quantitate non habet ex natura sua presentiam diuisibilem, & extensam in loco.*

Elicitur ex Scoto 2. d. 12. q. 2. D. quol. ij. l. & 4. dist. 10.  
q. p. M. P.

*Opinio Aliorum. Caput Primum.*

**M**Eld. & Cat. disp. 9. q. p. A. p. n. 3. & præsertim num. 8. in fine sustinent substantiam materialem sine quantitate ex natura rei habere presentiam diuisibilem, & extensam in loco; & probant de materia cum Scoto 2. dist. 12. q. 2. D. de forma materiali ex Scoto in 4. dist. 44. q. p. idem probant de qualitate corporea ex Scoto 4. dist. 12. q. 2. B. & sustinent substantiam quantum ad hoc differre tantum à quantitate, quia substantia habet partes extensas, & diuisibiles naturaliter penetrabiles, quantitas verò naturaliter impenetrabiles.

*Opinio  
Meld. &  
Cat.*

Sed videamus quantum laborent ad trahendum Scotum

D 2 in

*Confutatio  
Aduersa-  
riori, qui  
falsò citat  
Scotum*

in opinionem Recentiorum, citant Scotum ad comprobandum eorum conclusionem, sed nullus in locis citatis, nec alibi in doctrina Scoti inueniet eorum conclusionem.

Nam in 2.d.1 2.q.2, D. dicunt Scotum asserere materiam sine quantitate habere præsentiam diuisibilem, & extensam in loco; sed legant Scotistæ subtilissimum Doctorem, & inuenient quidem, quòd materia sine quantitate habet partes substantiales; sed non dicit, quòd habeat illas extensas in loco, & præsentiam diuisibilem; immò dicit quòd materia tunc esset in loco diffinitiuè, non circumscriptiuè, sicut Angelus; & sic potius elicitur contrarium, & quantitatem esse rationem diuisibilitatis, & essendi in loco circumscriptiuè, & esse in loco circumscriptiuè est esse modo extenso, & diuisibili ex Scoto quol.ii.I. & melius 4.di.10.q.p.M.P.

*Responsio  
di.1. &  
Cot.*

Respondent in hac disp.9.q.p.A.p.num.16. quòd Scotus in secundo loco citato negat materiam esse sine quantitate esse in loco circumscriptiuè impenetrabiliter; Et ideò cum dicitur solam quantitatem esse rationem essendi in loco diuisibiliter, & circumscriptiuè, intelligit Scotus de diuisione, & circumscriptione impenetrabili, non autem penetrabili.

*Confutatio  
efficacissi-  
ma.*

Sed isti Scriptores, vt trahant Scotum ad doctrinam illorum, addunt illam impenetrabilitatem sæpius impugnata in prima conclusione; Et si Scotus dicit simpliciter materiam sine quantitate esse in loco definitiuè, non circumscriptiuè, & solam quantitatem esse rationem extensionis, diuisibilitatis, & circumscriptionis, quare adducunt illum locum Scoti ad probandum cum Scoto materiam sine quantitate esse diuisibilem, extensam, & circumscriptiuè in loco, si dicit materiam sine quantitate, non esse diuisibilem, extensam, & circumscriptiuè in loco? debent adducere loca Scoti, quæ confirmant eorum opinionem, non quæ negent.

Nunc videamus, si eorum glosa ad auctoritates Scoti est  
con-

conformis Scoto. Nam Subtilissimus Doctor quol.ii. I. & 4.d. 10. q. p. M. per per esse in loco modo quantitatio, se explicat nihil aliud intelligere, nisi coexistentiam, & respectum partium totius ad partes loci; ergo falsò additur illa impenetratio, quæ includitur necessariò in quocunque extenso: Affero verba Scoti, quæ sunt clarissima in quol. ii. I. vbi habet. *De primo clarum videtur, quòd talis presentia non potest esse sine vbi; sicut non potest poni sine circumscriptione passiva corporis à loco, quia circumscriptio illa (notate) non videtur aliquid ponere ultra hoc, quod est corpus esse præsens huic loco modo quantitatio scilicet tanquam coextensum & comensuratum.* Et 4. loco citato postquam Sco. posuerit & declarauerit primò positionem de genere quantitatis, & secundo positionem de genere situs, quæ dicit ordinem, & respectum partium totius ad partes loci, habet. *Per modum autem quantitatum, sine dimensionum quocunque modo nominetur, non intelligo nisi positionem dictam secundo modo, hanc autem habitudinem possibile est Deum separare;* Ergo si Scotus per esse in loco circumscripti uè modo quãtitatio, quod est esse in loco extensi uè, & circumscripti uè impenetrabiliter se declarat non intelligere, nisi illam coextensionem, & illum ordinem partium corporis ad partes loci, & nihil aliud dicere, voluntariè additur à Scotistis illa impenetratio, quæ vt probaui in prima conclusione cum Scoto, non est, nisi coextensio, & repletio loci.

Tunc formo argumentum. Materia sine quantitate ex Scoto ab ipsis loco citato, non potest esse in loco modo quantitatio, & concedunt Aduersarii: ergò materia sine quantitate non potest esse extensa, diuisibilis, & circumscripti uè in loco, seu habere ordinem ad locum, & partes loci, & positionem de genere situs, probo, quia habere talem ordinem solum sine addito, non est, nisi esse in loco circumscripti uè, & modo quantitatio ex Scoto locis à me cit. Vtique secundum Scotum, quòd est coextensum est impenetrabile

trabile naturaliter, & quod est impenetrabile naturaliter est coextensum, & habet modum quantitativum, & ideo Scotus nunquam addit ly *impenetrabiliter* quasi quod sit differentia vnius extensionis ab alia, quia ad extensionem sequitur secundum Scotum necessariò impenetrabilitas naturalis.

*Secundum  
distū Mel.  
& Cat.*

Secundò. Dicunt formam materialem sine quantitate esse in loco extensam, & citant Scotum 4. d. 44. q. p.

Sed si vidissent Scotum loco citato, non adduxissent, cum sit contrà eorum conclusionem, quia ibi loco citato B. & D. vocat formam materialem extensam per accidens: ergò forma materialis secundum Scotum loco citato non est per se extensa sine quantitate; Esse enim extensum per se, & per accidens repugnant in eodem; sicut esse album per se, & per accidens, quia idem esset album, & extensum per se, & non per se, quæ contradicunt.

*3. dictum  
Mel. &  
Cat.*

*Responsio  
Mel. &  
Cat.*

Terriò. Dicunt qualitatem corpoream sine quantitate esse extensam, & diuisibilem, & citant Scotum 4. dist. 12. q. 2. B.

Sed Scotus loco citato contrarium dicit, habet enim, quod qualitas corporea non est diuisibilis, nisi per quantitatem, & sine quantitate non est diuisibilis nisi potentia remota, ad quid igitur adducere hunc locum pro eorū conclusione?

Respondent, quòd Scotus dicit albedinem sine quantitate non esse diuisibilem ab agente naturali, quod diuidere nequit, nisi instrumento corporeo.

*Cōfutatur.  
Scotus ab  
Aduersariis  
falsò  
citatur.*

Sed falsum ~~imponitur~~ <sup>ostenditur</sup> Scotò: videamus verba Doctoris; habet enim *Sicut nec esset si argueres de diuisibili, & indiuisibili, illa enim albedo esset diuisibilis potentia remota, quia posset esse in quanto, & tunc esset in potentia propinqua, sed non esset diuisibilis potentia propinqua, quamdiu esset sine quantitate*, hæc Scotus, qui non dicit, vt falsò imponitur, quod non esset diuisibilis ab agente naturali instrumento corporeo, sed dicit simpliciter, quod esset indiuisibilis, sicuti est inextensibilis sine quantitate, quia nullam habet diuisibilitatem, & extensionem intrinsecam, & secundum se sedes

Solum

solum ratione quantitatis . Legite Scotistæ vestrum Do-  
ctorem loco cit. I. ubi habet. *Qui enim dicunt quantitatem legisse Sco-*  
esse aliam essentiam absolutam ab essentia substantiæ corporeæ, *tum.*  
& qualitatis, sicut dicit comunis opinio, dicerent quantitatem  
esse sine subiecto, sed non qualitatem, immò quod qualitas est  
in quantitate, & per hoc est ista probabilitas, quia qualitas  
hec est extensa, patet ad sensum, non est autem extensa essen-  
tialiter, siue extensione, qua sit intrinseca qualitati secundum  
istam opinionem; sed tantum per accidens; sed omne exten-  
sum per accidens, vel recipit extensionem in se, qua extendi-  
tur per accidens, vel recipitur in extensione, vel extenso; qua-  
litas autem non recipit in se extensionem secundum istam  
opinionem; ergo est tantum extensa per accidens quia recipitur  
in extenso, & hoc concordat cum illo dicto in predicamentis  
capite de quantitate: quanta est superficies, tanta est albedo.  
Hæc Scotus, quid clarius?

Tunc sic formo argumentum. Qualitas materialis non  
habet diuisibilitatem, nec extensionem intrinsecam, & es-  
sentialem, seu secundum se, sed tantum per accidens ex  
Scoto loco cit. ratione quantitatis; ergò falsò imponitur  
Scoto, quod dicat materiam, formam, & qualitates mate-  
riales esse per se, & secundum se extensibiles sine quantita-  
te. Bone Deus, si negat Scotus apertè loco citato, quali-  
tatem nullam habere in se extensionem, sed tantum illam  
habere à quantitate, eo quia in quantitate recipitur, quo-  
modo possunt adducere hunc locum ad probandam exten-  
sionem intrinsecam in qualitate?

Si velint proteruiare dicendo, quòd Scotus ibi negat ex-  
tensionem intrinsecam in qualitate impenetrabilem, sicut  
etiam negat in substantia, saltim inualidè adducuntur ista  
loca ad probandam substantiam, & qualitatem esse en-  
tia extensa secundum se, si simpliciter, ut intuenti pater,  
negat in substantia, & qualitate extensionem secundum se.

Præterea probo, quod sic proteruiantes, non respon-  
dent



dent conformiter doctrinæ Scoti; Nam ibi Scotus probat qualitatem in Eucharistia non esse sine subiecto, sed esse in quantitate; eò quia, ut patet sensui, est extensa, non est extensa per se, inquit Scotus; ergò per accidens scilicet ratione quantitatis in qua est; Tunc sic. Si secundum Scotum qualitas esset extensa penetrabiliter, inualidum esset suum argumentum; quia possent contrarii respondere etiam ad mentem Scoti, quòd qualitas esset extensa penetrabiliter secundum se, ac propterea ex illa extensione non necessariò inferitur, quòd sit in re extensa, scilicet in quantitate; ergò Scotus omninò negat extensionem in qualitate secundum se, ut inferat illam in Sacramento Altaris esse in quantitate ut in subiecto; quia ibi est extensa.

*Facit ratio  
confutatur.*

Nec valet dicere, quòd Scotus intelligit de extensione impenetrabilis; ex qua postea inferitur, quòd qualitas sit in quantitate, quia qualitas non potest sic extendi, nisi sit in quantitate, quæ reddit eam impenetrabilem; Non valet inquam, quia Scotus loquitur de extensione simpliciter, & quæ percipitur à sensu; habet enim hæc verba. *Qualitas est extensa, patet ad sensum*: sed penetrabilitas, vel impenetrabilitas non percipitur à sensu, cum aptitudo, & negatio eius sint insensibiles, sed tantum extensio simpliciter qualitatis materialis est huiusmodi: ergò Scotus tantum loquitur de extensione simpliciter, ut abstrahit ab omni penetrabilitate, vel impenetrabilitate.

Hæc argumenta valent contra Pseudo Scotistas sustinentes dari extensionem penetrabilem, & impenetrabilem, quia secundum Scotum non datur extensio nisi quantitativa, & naturaliter impenetrabilis, ac propterea negat in substantia, & qualitate simpliciter per se extensionem, sed tantum hæc esse extensa per accidens, ratione scilicet quantitatis.

*2. confutatur.*

Præterea esse extensum, quantum, & comensuratum idem sunt ex Scoto quod. ii. l. ergò si substantia sine quantitate



tate essent extensa, & haberent dimensiones secundum quas esset comensuratiua, illa esset quanta sine quantitate, quod est ridiculum dicere.

Nec valet dicere, quod utique extensum impenetrabile est quantum, non autem extensum penetrabile, quia extensum simpliciter replet locum, & replens locum est impenetrabile ab alio, quia repugnat esse cū alio in eodem loco, vt sepe dixi cum Scoto in precedentibus conclusionibus.

*Tacita  
responsio  
confutatur*

Præterea si substantia corporea sine quantitate esset extensa, & circumscriptiue in loco, & replet locum, tunc faceret latera loci continentis distare; sed substantia corporea, & corpus naturale non potest facere latera continentis distare vt corpus naturale, sed vt quantum præcisè ex Scoto 2. dist. 2. q. 6. C. ergo substantia sine quantitate non est extensa, nec est in loco circumscriptiue, nec replet locum.

Nec valet dicere, quod corpus naturale, vt naturale est, non facit latera continentis distare impenetrabiliter, sed bene penetrabiliter, quia latera loci non distant penetrabiliter, nec impenetrabiliter, penetrabilitas enim, & impenetrabilitas est corporis in ordine ad locum, quem replet, non autem loci in ordine ad corpus penetrabile, vel impenetrabile, si enim corpus esset in loco, siue penetrabiliter, siue impenetrabiliter, semper eadem latera continentis distarent, dumodò corpus esset extensum, quia locus nec est penetrabilis, nec impenetrabilis, nam sibi non conuenit replere locum, aliter locus, vt locus esset in loco, & à loco circumscriberetur, quod est falsum, quia locus solum vt circumscribit est locus.

*Tacita  
responsio  
confutatur*

Præterea isti Doctores in hac disp. num. 65. in fine ostendentes Angelum habere extensionem virtuales in loco, dicunt, quod quicquid corpori conuenit per quantitatem molis, id totum conuenit Angelo per quantitatem virtutis, & num. 66. idem asserunt, & ostendentes punctum nullam posse habere extensionem, probant per hoc, quia rebus corpo-

*confutatur*  
3.

E reis

reis dedit Deus esse in loco solum per quantitatem molis ; quæ cum in puncto non reperiatur, non poterit punctus loco extesidi ; Hæc sunt verba Aduersariorum.

Tunc sic arguo ; ergo substantia sine quantitate non est extensa, nec potest esse in loco extensiuè , quia rebus corporeis, vt ipsi dicunt, dedit Deus esse in loco solum per quantitatem .

*Tacita  
responsio  
confutatur*

Nec valet dicere, quòd loquuntur de extensione impenetrabili, quia falsa esset eorum doctrina ; Nam fallum esset, quod id totum, quòd facit quantitas molis in corporibus, id faceret quantitas virtutis in Angelo, quia tunc quantitas virtutis faceret in Angelo extensionem impenetrabilem, quòd est falsum etiam secundum ipsos, qui volunt , & rectè impenetrabilitatem nulli conuenire nisi per quantitatem molis, quæ in Angelo non reperitur ; debent igitur loqui de extensione simpliciter , & sic substantia sine quantitate non esset extensa contra ipsos .

Item si loquerentur de extensione impenetrabili , solum probarent punctum non esse extensum impenetrabiliter , & possent Aduersarii respondere , quòd utique eorum ratio probat punctum non habere extensionem impenetrabilem, quia non haberet quantitatem, haberet tamen extensionem penetrabilem, quòd non est inconueniens in doctrina Meld. & Cat. quia secundum ipsos substantia corporea sine quantitate esset extensa, licet non impenetrabiliter ; A diuersis diuersimodè opinantibus diuersa transcribunt, ideò impossibilia, & contradictoria docent.

*Confutatur  
4.*

Præterea. Si substantia sine quantitate moueretur, ille motus esset successiuus ex parte mobilis, quia illa substantia, quæ secundum istos esset sine quantitate extensa prius fieret præsens loco secundum vnâ partem, quam secundum aliam, hoc autem est contra Scotum 2. d. 2 q. 9. B. vbi vult quòd ratio successionis motus ex parte mobilis sit quantitas ; ergo substantia sine quantitate non est diuisibilis in partes

partes extensas, nec poterit successiue moueri, accipiendo successionem à mobili.

Præterea probo, quòd substantia in via Scoti sine quantitate non sit per se diuisibilis in partes integrales eiusdem rationis auctoritate ipsius Scoti 2.d.2.q.9.C.vbi habet. *Imò ibi sicut totum diuiditur in partes homogeneas, ita materia per accidens, & forma per accidens diuiditur in partes suas homogeneas.*

Potest responderi pro ipsis, concedendo, quòd substantia per accidens est diuisibilis, scilicet ratione quantitatis, quia cum diuisibilitas competat etiam quantitati, & quantitas subiectetur in substantia, hæc potest dici diuisibilis per accidens cum hæc diuisibilitas quantitatis accadat substantiæ, non tamen sequitur per hoc quod substantia non sit per se diuisibilis sine quantitate.

Contra. Quòd conuenit alicui præcisè per quantitatem, non potest ei conuenire per se sine quantitate; sed esse diuisibile in partes integrales eiusdem rationis extensas præcisè conuenit substantiæ per quantitatem ex Scoto loco citato D. ergo non potest conuenire diuisibilitas talis sine quantitate.

Confirmatur minor à Scoto loco citato E. vbi habet, quòd naturale, in quantum naturale non est diuisibile in partes, sed solum in quantum quantum.

Respondebunt forsan, quod Scotus loquatur de diuisibilitate in partes impenetrabiles? malè respondebunt, quia diuisibilitas in partes abstrahit ab omni penetrabilitate, & impenetrabilitate.

Præterea respondebunt contra Scotum, qui locis citatis, & infra, probat non posse dari minimum in substantiis homogeneis, eo quia tales substantiæ sunt diuisibiles per quantitatem; Si ergò Scotus intelligeret de diuisibilitate in partes impenetrabiles solum probaret Scotus, quòd non potest dari minimum in substantiis homogeneis, quia illæ

E 2 sunt

sunt diuisibiles per quantitatem in partes impenetrabiles; ergo, quod esset indiuisibile in partes impenetrabiles, habere posset minimam partem naturaliter, & ita indiuisibilem, & sic daretur minima caro, si illa esset sine quantitate; quia sic non esset diuisibilis in partes impenetrabiles. Sed tunc quæro. Illa minima caro est diuisibilis in alias partes, vel non? si non; ergo illa caro sine quantitate erit indiuisibilis, quod est contra ipsos; si sic; ergo dabitur minor caro, quam sit minima, quia pars est minor toto; ergo minus minimo, & sic minima caro non esset minima. quæ omnia sunt absurda, quæ aufugi non possunt, posita diuisibilitate in substantia sine quantitate.

*Sententia Auctoris. Caput Secundum.*

*Substantia sine quantitate non habet ex natura sua presentiam diuisibilem, & extensam in loco.*

Est Scoti 2.d.12.q.2.D. quol.ii.I. & 4.d.x.q.p.M.P.

*Differentia substantia substantia corporea, & incorporea, quod ad diuisibilitatem, & extensionem.*

**P**RO cuius declaratione. Notatur primò ex Scoto 4.d.12.q.2.B. quod differentia est inter substantiam corpoream, & incorpoream, cuiusmodi est Angelus quo ad diuisibilitatem, & extensionem, quia Angelus, & quælibet substantia incorporea est omnino indiuisibilis, & inextensa, substantia verò corporea est indiuisibilis, & inextensa solum per se, per accidens verò diuisibilis, & extensa ratione quantitatis, quia potest recipere quantitatem, quam non potest recipere Angelus, & substantia incorporea; Vnde secundum Scotum loco citato datur duplex potentia ad diuisionem, & extensionem; Vna est potentia remota secundum quam vnum potest remotè diuidi, & extendi, & sic substantia corporea, si esset sine quantitate esset in potentia remota ad diuisionem, & extensionem, quia posset recipere quantitatem; Alia est potentia proxima, secundum quam potest

potest proximè diuidi, & extendi, vt substantia, quæ actua-  
liter est sub quantitate potest proximè diuidi, & extendi;  
Angelus autem nec est diuisibilis, & extensibilis potentia  
remota, nec potentia proxima; quia non potest recipere  
quantitatem; Vnde à primo ad vltimum differunt substan-  
tia corporea, & Angelus; quia substantia corporea est in-  
diuisibilis per se, diuisibilis verò per accidens, Angelus au-  
tem nec per se, nec per accidens est diuisibilis, quia, vt dixi  
cum Scoto, non potest recipere quantitatem, sed quare An-  
gelus, non potest recipere quantitatem? dicendum erit sicut  
Scotus dicit loco cit. B.C. de Angelo, & albedine, quod du-  
plex est ratio istius repugnantiae. Prima est essentialis, & est  
quia Angelus est Angelus, & quantitas est quantitas. Secun-  
da ratio est accidentalis, & est; quia quantitas est forma exten-  
sa, Angelus verò omninò inextensus, sed quare hoc? primæ  
rationis non est ratio, quia hoc est hoc, & illud est illud.

Secundò notatur aliquod dici extensum, & diuisibile per  
accidens dupliciter ex Scoto 4.d. 12. q. 2. I. vel, quia recipit  
extensionem in se, quia extenditur per accidens, vt substan-  
tia materialis, & corporea, quæ cum sit indiuisibilis, & in-  
extensa per se, sit diuisibilis, & extensa per accidens, quia  
recipit quantitatem, quæ est per se extensa. Vel quia reci-  
pitur in extensione, vel extenso, & sic qualitas materialis,  
vt albedo, quæ de sui natura est indiuisibilis, & inextensa,  
dicitur diuisibilis, & extensa, quia recipitur in quantitate,  
quæ per se est diuisibilis, & extensa. Inextensum autem,  
& indiuisibile per se non repugnat esse extensum, & diuisi-  
bile per accidens, vel quia potest recipere extensionem, vel  
inextenso recipi, sicut homini, qui non est per se, & ex sui  
natura albus, non repugnat esse album per accidens, eo quia  
potest recipere albedinem, & licet substantia, & qualitas  
materialis ex sui natura sit indiuisibilis, & inextensa, non  
est autem sic simpliciter, sed tantum potentia proxima, quia  
potentia remota ex sui natura est diuisibilis, & extensa, quia  
potest

*Esse exten-  
sum, &  
diuisibile  
per acci-  
dens pote-  
accipi du-  
pliciter.*

sunt diuisibiles per quantitatem in partes impenetrabiles; ergo, quod esset indiuisibile in partes impenetrabiles, habere posset minimam partem naturaliter, & ita indiuisibilem, & sic daretur minima caro, si illa esset sine quantitate; quia sic non esset diuisibilis in partes impenetrabiles. Sed tunc quæro. Illa minima caro est diuisibilis in alias partes, vel non? si non; ergo illa caro sine quantitate erit indiuisibilis, quod est contra ipsos; si sic; ergo dabitur minor caro, quam sit minima, quia pars est minor toto; ergo minus minimo, & sic minima caro non esset minima. quæ omnia sunt absurda, quæ aufugi non possunt, posita diuisibilitate in substantia sine quantitate.

*Sententia Auctoris. Caput Secundum.*

*Substantia sine quantitate non habet ex natura sua præsentiam diuisibilem, & extensam in loco.*

*Est Scoti 2.d. 12.q. 2.D. quolibet. I. & 4.d. x.q. p. M. P.*

*Differentia substantiæ corporeæ, & incorporeæ, quod ad diuisibilitatem, & extensionem.*

**P**RO cuius declaratione. Notatur primò ex Scoto 4.d. 12. q. 2. B. quod differentia est inter substantiam corpoream, & incorpoream, cuiusmodi est Angelus quo ad diuisibilitatem, & extensionem, quia Angelus, & quælibet substantia incorporea est omnino indiuisibilis, & inextensa, substantia verò corporea est indiuisibilis, & inextensa solum per se, per accidens verò diuisibilis, & extensa ratione quantitatis, quia potest recipere quantitatem, quam non potest recipere Angelus, & substantia incorporea; Vnde secundum Scotum loco citato datur duplex potentia ad diuisionem, & extensionem; Vna est potentia remota secundum quam vnum potest remotè diuidi, & extendi, & sic substantia corporea, si esset sine quantitate esset in potentia remota ad diuisionem, & extensionem, quia posset recipere quantitatem; Alia est potentia proxima, secundum quam potest

potest proximè diuidi, & extendi, vt substantia, quæ actua-  
liter est sub quantitate potest proximè diuidi, & extendi;  
Angelus autem nec est diuisibilis, & extensibilis potentia  
remota, nec potentia proxima; quia non potest recipere  
quantitatem; Vnde à primo ad vltimum differunt substan-  
tia corporea, & Angelus; quia substantia corporea est in-  
diuisibilis per se, diuisibilis verò per accidens, Angelus au-  
tem nec per se, nec per accidens est diuisibilis, quia, vt dixi  
cum Scoto, non potest recipere quantitatem, sed quare An-  
gelus, non potest recipere quantitatem? dicendum erit sicut  
Scotus dicit loco cit. B. C. de Angelo, & albedine, quod du-  
plex est ratio istius repugnantiae. Prima est essentialis, & est  
quia Angelus est Angelus, & quantitas est quantitas. Secun-  
da ratio est accidentalis, & est; quia quantitas est forma exten-  
sa, Angelus verò omnino inextensus; sed quare hoc? primæ  
rationis non est ratio, quia hoc est hoc, & illud est illud.

Secundò notatur aliquod dici extensum, & diuisibile per  
accidens dupliciter ex Scoto 4. d. 12. q. 2. I. vel, quia recipit  
extensionem in se, qua extenditur per accidens, vt substan-  
tia materialis, & corporea, quæ cum sit indiuisibilis, & in-  
extensa per se, sit diuisibilis, & extensa per accidens, quia  
recipit quantitatem, quæ est per se extensa. Vel quia reci-  
pitur in extensione, vel extenso, & sic qualitas materialis,  
vt albedo, quæ de sui natura est indiuisibilis, & inextensa,  
dicitur diuisibilis, & extensa, quia recipitur in quantitate,  
quæ per se est diuisibilis, & extensa. Inextensum autem,  
& indiuisibile per se non repugnat esse extensum, & diuisi-  
bile per accidens, vel quia potest recipere extensionem, vel  
inextenso recipi, sicut homini, qui non est per se, & ex sui  
natura albus, non repugnat esse album per accidens, eo quia  
potest recipere albedinem, & licet substantia, & qualitas  
materialis ex sui natura sit indiuisibilis, & inextensa, non  
est autem sic simpliciter, sed tantum potentia proxima, quia  
potentia remota ex sui natura est diuisibilis, & extensa, quia  
potest

*Esse exten-  
sum, &  
diuisibile  
per acci-  
dens pote-  
accipi du-  
pliciter.*



potest recipere extensionem, & quantitatem, vel quia potest recipi in extenso, & quantitate, vt qualitas materialis, sicuti est albedo, & quilibet color; Angelus autem, & omnis substantia incorporea est ex sui natura omnino indiuisibilis, & potentia proxima, & potentia remota, quia vt dixi in prin. not. non potest recipere quantitatem, aut recipi in quantitate; quia est substantia, cui competit non esse in subiecto.

*Nulla datur extensio, nisi quantitatiua, & impenetrabilis naturaliter.*

Tetiò notatur, quòd cùm quantitas sit ratio extensionis, vt dictum est ex Scoto in 2. not. & alibi sæpè, nulla potest dari extensio, nisi quantitatiua, & naturaliter impenetrabilis; Vnde ponentes cum Scoto extensionem penetrabilem in substantia, & qualitate materiali tenentur asserere in substantia, & qualitate materiali esse lineam, superficiem, & corpus, vt Aduersarii consentunt, & sic dabitur linea, superficies, & corpus de genere substantiæ, quantitatis, & qualitatis quis vnquàm talia audiuit ab Arist. & Scoto? Sunt enim tales Pseudoperipatetici, & pseudo Scotistæ; nullus enim legat, & perlegat Aristot. & Scotum, inueniet dimensiones in substantia, & qualitate; sed solum in quantitate per se, per accidens verò solum in substantia materiali, quatenus est subiectum quantitatis, & in qualitate, quatenus in quantitate recipitur; nec inueniet extensionem naturaliter penetrabilem, quia repugnat extendi, & naturaliter penetrari; Ex hoc enim aduersariorum falso fundamento, fictè deducto ex doctrina Scoti, falsas deducunt conclusiones, quas nunquam Scotus somniauit: His notatis

Probatur conclusio. Quòd non habet rationem formalem proximam fundandi respectum ad locum circumscribentem, non potest esse extensum, replere locum, & esse circumscriptiuè in loco; sed substantia secundum se sine quantitate non habet rationem formalem proximam fundandi respectum ad locum circumscribentem; ergo substantia secundum se sine quantitate non est extensa, nec replet



plet locum, nec est circumscriptiuè in loco: Probo minorem, quia talis ratio formalis proxima fundandi respectum ad locum circumscribentem est quantitas ex Sco. 4. d. 10. q. 3. C. ergo substantia sine quantitate non haberet rationem formalem proximam fundandi talem respectum ad locum circumscribentem.

Nec valet dicere, quòd Scotus intelligit de ratione formali proxima fundandi respectum ad locum impenetrabiliter, quia dicere respectum ad talem locum abstrahit ab omni penetrabilitate, & impenetrabilitate, est enim prius esse in loco circumscriptiuè, quàm esse penetrabiliter, vel impenetrabiliter; cum sit aliquod commune, sustinendo, sed contrà Scotum, dari extensionem naturaliter penetrabilem, sicut animal abstrahit à rationali, & irrationali, & est prius natura animal, quàm sit rationale, vel irrationale: Tunc quaro, quænam sit ista ratio formalis proxima in communi fundandi relationem ad locum circumscribentem, vt abstrahit à præsentia locali circumscriptiua penetrabili, vel impenetrabili? Vel talis ratio erit quantitas, & sic substantia sine quantitate non posset esse in loco circumscriptiuè; quia non posset dicere respectum ad locum circumscribentem: quia non haberet rationem formalem proximam fundandi talem respectum; Vel est substantia, vel aliquid aliud à quantitate, & sic quantum, vt sic, non posset esse in loco circumscriptiuè per eandem rationem; Vel esset aliquod commune ad substantiam, & accidens, & hoc non posset esse, nisi ratio entis finiti in comuni. & sic Angelus, & omnia accidentia, etiam relationes possent esse in loco circumscriptiuè; quia haberent rationem formalem proximam fundandi relationem ad locum circumscribentem, quod est falsissimum.

Si dicerent, quòd talis ratio formalis proxima in communi fundandi relationem ad locum circumscribentem sit extensio in comuni ad extensionem penetrabilem, vel impenetrabilem,

*Tacita responsio cōfutatur.*

*Tacita responsio cōfutatur.*

bilem; quero sicut prius, vel ista extensio in comuni est substantia, vel quantitas, vel aliud accidens, vel aliquid commune ad substantiam, & accidens; si est substantia ergo quantum, ut quantum, non potest esse in loco circumscriptiue; si est quantitas, ergo substantia secundum se non posset esse in loco circumscriptiue, quod est contra Aduersarios; si est aliquod commune ad substantiam, & accidens; ergo quælibet substantia, & accidens posset esse in loco circumscriptiue, etiam relatio, quod est falsissimum apud omnes Philosophos: ergo à primo ad vltimum ratio formalis proxima fundandi respectum ad locum circumscribentem erit sola quantitas, & non dabitur extensio in loco, nisi quæ sit naturaliter impenetrabilis.

Contra arguunt primò Meld. & Cat. disp. 9. q. 1. A. p. Quando quantitas superuenit substantiæ, non reperit eam prorsus indiuisibilem; sic enim non foret subiectum capax quantitatis, ita docet Scotus de materia 2. d. 12. q. 2. de forma materiali 4. d. 44. q. p. & de qualitate corporali 4. d. 12. q. 2. B. ergo substantia sine quantitate erit diuisibilis, & extensa in via Scoti, licet non impenetrabiliter, antecedens probatur, quia cum quantitas in substantia recipitur, vel tota quantitas recipitur in tota substantia, & pars in parte, vel tota in tota substantia indiuisibiliter, ita ut omnes partes ipsius quantitatis applicentur eidem entitati indiuisibili substantiæ: Si primum, ergo pluralitas partium substantialium in substantia præcedit quantitatem; si secundum, ergo accidens diuisibile recipitur in subiecto indiuisibili, quod repugnat.

*Responsio* Respondeo ad antecedens, quod quantitas, superueniens substantiæ, non reperit eam prorsus indiuisibilem; quia licet substantia ex sui natura sit per se indiuisibilis, & inextensa, est tamen diuisibilis, & extensa potentia remota, & per accidens, quatenus scilicet potest recipere quantitatem, ita ex Sco. 4. d. 12. q. 2. B. & ideo, cum quantitas superuenit substantiæ,

*ad argu-  
mentum  
Meld. &  
Cat. cum  
Sco. & do-  
ctrina ip-  
sorum.*

stantiæ, tota recipitur in tota substantia, & pars in parte; Et cum infertur, ergo pluralitas partium substantialium in substantia præcedit quantitatem, concedo; sed illæ partes non præcedunt extensæ, fiunt verò extensæ per quantitatem ex Sco. loc. cit. l. quia extensio est effectus formalis quantitatis ex Sco. loc. cit. & 4. d. 10. q. 3. C. Vnde quantitas non præsupponit partes substantiales extensas, quod etiam cernimus in aliis accidentibus, partes enim albedinis reddunt partes parietis albas, nec eas præsupponit tales, partes caloris reddunt partes manus calidas, quas non præsupponebant tales, & sic de singulis; Ad hoc enim sunt institutæ formæ, inquit etiam Meld. & Car. in hac disputatione nu. 2. in fine, vt per earum communicationem tribuant subiectis effectus formales, quos de se non habebant; quid igitur tribueret quantitas substantiæ? non extensionem, quia præsupponunt extensam; ergo tantum impenetrabilitatem, quæ est negatio penetrabilitatis, & sic effectus formalis formæ positivæ esset tantum negatio, quod est ridiculum.

Secundò arguant nu. 4. Substantia corporea sine quantitate essentialiter distinguitur ab incorporea, sed non potest distingui, nisi per extremitatem, & extensionem partium; ergo substantia sine quantitate erit diuisibilis, & extensa in loco.

Ad hoc argumentum, quod existimant efficax in via Scoti respondet ipsemet Scotus 4. d. 12. q. 2. B. quod substantia incorporea, & corporea differunt, quia incorporea omnino est indiuisibilis, & inextensa, quia non potest recipere quantitatem, secundum quam extendatur: Corporea verò licet indiuisibilis, & inextensa per se, est tamen diuisibilis, & extensa per accidens, quia est subiectum capax quantitatis, vt diffusè dictum est cum Sco: o in primo not. quare negatur consequentia.

Tertiò. Quantitas adueniens substantiæ & si possit illi tribuere partes extensionis accidentales, non autem potest

*Ad argumentum pro opinione Met. et Cap. Respondet Scotus. Differentia inter substantiā corporeā sine quantitate, & incorpoream.*

E

tribuere

tribuere ei partes substantiales, quia accidens non causat suum subiectum, sed potius est contra; ergo substantia sine quantitate habet partes extra partes, & extensas.

Responderetur negando consequentiam, quia licet quantitas non tribuat partes substantiales, causat tamen huiusmodi partes extensas potentia proxima, quæ extensio illis partibus substantialibus accidit. i. non dat quantitas esse substantiale, sed dat esse extensum, quodd est accidentale. Hoc argumentum probat substantiam sine quantitate habere plures partes substantiales, sed non probat illas esse sine quantitate extensas, immò probat oppositum, & contra ipsos, quia non est essentiale substantiæ habere partes extensas, sed tantum accidentale à quantitate proueniens.

Quartò. Non solum in capite est distincta pars quantitatis, sed etiam distincta pars substantiæ ab illa, quæ est in pede, alioquin eadem substantia indiuisibilis secundum entitatem esset in pede, & in capite, immò & in toto corpore; ergo substantia secundum se sine quantitate habet partes extensas.

Respondeo concedendo antecedens, sed hoc ideo est, quia homo habet quantitatem, quam si non haberet, non haberet partem extra partem in ordine ad locum, & non extenderetur, immò homo non remaneret in suo esse, sed destrueretur, quia corpus organizari non potest sine quantitate, quæ ablata non esset pes, nec manus, nec caput, & per consequens corpus organizatum destrueretur; loquendo verò de corpore non organizato, ablata quantitate omnes partes eius iam per quantitatem extensæ, confluerent in punctum, ut patet in responsione ad tertium. in secundâ conclusione huius disputationis; quare negatur consequentia.

*Ablata  
quantitate,  
partes  
substantiæ  
confluerent  
in punctum.*

Quintò. Si consecraretur hostia secundum vnâ medietatem, & non secundum aliam; tunc pars substantialis consecrata desineret esse, alia remanente, quæ à Deo ex-  
poliari

poliari posset sua quantitate; ergo ista quantitas in parte substantiæ remanente, etiam antequam fieret consecratio subiektabatur, & non in alia, quæ desinit; ergo substantia secundum se habet partes integrales, & extensas, & non à quantitate.

Respondeo concedendo, quòd pars hostiæ non consecrata remaneret, & posset expoliari à Deo sua quantitate, sed tunc expoliata non remaneret extensa; & concedo, quòd quantitas in parte substantiæ remanente subiektabatur ante consecrationem; sed non rectè ex hoc inferitur, quòd substantia habeat partes integrales, & extensas, & non à quantitate, sed solum quòd habeat partes, quas tamen solum habet extensas à quantitate.

Nulla istarum rationum præter primam habet euidenti-  
tiam.

### CONCLUSIO QUARTA.

*Continuum constat ex partibus diuisibilibus  
continuatis per indiuisibilia.*

Est Scoti 2.d. 2. q. 9. B. C. D.E.

*Opinio Aliorum. Caput Primum.*

**M**Eld.& Cat.disp.9. Phys.q.2. per totum hanc eandem conclusionem sustinent, sed nu.29. se declarant nomine continui intelligere non solum quantitatem, sed etiam substantiam corpoream, eiusque omnia accidentia materialia, cum hæc omnia habeant suas entitatiuas partes, vnā extrā aliam, seclusa quantitate, & propriam compositionem integram, & per consequens sunt continua. Per diuisibilia verò intelligunt partes, quæ rursus in minores, & minores diuidi possunt. Per indiuisibilia verò intelligunt indiuisibilia Mathematica, qualia sunt puncta, linea,

*Opinio  
Meld. &  
Cat.*

F 2 & su.

& superficies, quæ prorsus nullas habent partes ex eo capite, quo indiuisibilia sunt; Et in fine huius num. 29. habent, quod continuum constat ex diuisibilibus, vt ex partibus componentibus, & integrantibus molem corpoream; quam sententiam dicunt esse germanam peripateticam, quam sequitur Sco. 2. d. 2. q. 9. T.

*Malè intelligunt, & explicant suam opinionem, & confutant.*

Sed hæc conclusio hoc modo intellecta nullo modo à Scotistis sustentari potest, quia vt fufius probatum est conclus. 3. præcedenti, substantia, & qualitas, seclufa quantitate, non sunt continua, nec partes habent integrales diuisibiles per se, sed tantum per accidens, scilicet ratione quantitatis; Hoc patet ex Sco. loco ab ipsis cit. C. vbi habet: *Sicut continuum vnum est per se in actu, & plura in potentia, in qua per se est diuisibile, ita qualitas sensibilis, vt existens in continuo est vna in actu, & plures in potentia, licet per accidens*: Hæc Sco. qui vocat qualitatem materialem, & sensibilem continuum, non per se, sed per accidens; ergò nomine continui per se non potest intelligi qualitas materialis. Et litt. D. Scotus asserit diuisibilitatem in partes integrales eiusdem rationis extensas nulli competere, nisi per quantitatem, & quod diuisibilitas in tales partes vel essentialiter consequitur quantitatem, vel est de per se ratione eius; ergò sub nomine continui non continetur substantia materialis, & eius qualitas, sed solùm intelligitur quantitas in doctrina Scoti.

*Tacita responsio confutatur*

Si respondeant, quod Scotus ibi intelligit de diuisibilitate in partes extensas impenetrabiles, inueniant mihi quando vnquam Sco. posuit aliquam extensionem, & continuitatem naturaliter penetrabilem, sicut semper ipsi inuenient in Sco. quod sola continuitas, extensio, diuisibilitas, & huiusmodi per se tantum competit quantitati, substantiam verò, & qualitatem materialem non esse per se continuum, extensam, & diuisibilem, sed tantum per accidens, ratione quantitatis. Dicant mihi vbi inueniunt in Sco. extensionem

na-

naturaliter penetrabilem, mihi sufficeret vnus locus: Ad quid igitur aufugere ad extensionem penetrabilem, & impenetrabilem naturaliter, & quod Sco. concesserit illam duplicem extensionem, diuisibilitatem, & continuitatem, si ex dictis eius nunquam possunt hoc elicere, sed potius contrarium? quomodo possunt dicere eorum conclusionem esse Scoti illis in locis, in quibus totum oppositum dicit?

Contradi-  
ctio Mel.  
& Cat.

Præterea sibi ipsis contradicunt, more solito, quia dicunt in hac quæstione in fine num. 29. quod hoc continuum, sub quo continetur substantia, & qualitas materialis constat ex diuisibilibus, vt ex partibus componentibus, & integran-  
tibus molem: At in hac disput. q. p. n. 22. §. ad secundum dicunt, quod sola quantitas molem facit, non substantia, nec qualitas; habent enim hæc verba: *Ad secundum concedimus, absolute loquendo, assumptum, cum enim tam substantia, quam qualitas corporea, seclusa quantitate habeant suas partes integrales unitas, & continuas, etiam & indiuisibilia continuatiua debent habere, appropriatè tamen, & peculiari quodam modo admitti debent in quantitate, quia hæc sola (nota diligenter) est, qua molem facit, & corpora magnificat per longum, latum, & profundum. Hæc illi, qui manifestè contradicentes sunt; Nam in primo loco cit. dicunt substantiam, & qualitatem materialem contineri sub continuo, quod constat ex diuisibilibus, quæ molem faciunt: ergò substantia, & qualitas materialis constabit ex diuisibilibus, quæ molem faciunt, aliter non continerentur sub nomine continui; Hoc autem contradicit asserto in secundo loco cit. vbi habent substantiam, & qualitatem materialem non constare ex diuisibilibus, & partibus, quæ faciunt molem, quia sola quantitas facit molem; Quid clarius? Ex his formo efficacissimum argumentum contra ipsos.*

Argumen-  
tū efficax  
contra Mel.  
& Cat.

Quod non constat ex partibus, quæ faciunt molem, non potest sub nomine continui contineri, ex ipsis n. 30. sed substantia, & qualitas materialis non constant ex partibus, quæ faciunt



faciunt molem ex ipsis n. 2. 2. ergo substantia, & qualitas materialis sub hoc nomine continui non continentur.

*Arguitur  
2. ad homi-  
nem.*

Præterea si sola quantitas facit longum, litum, & profundum secundum istos Doctores, & rectè secundum Sco. ergo substantia, & qualitas materialis sine quantitate non erit lata longa, & profunda; ergo non erit extensa, quia non datur extensio nisi secundum longitudinem, latitudinem, & profunditatem; ergo sub nomine continui non poterit contineri.

*3. ad hominem.*

Præterea si secundum istos Doctores, ut prius dictum est, substantia, & qualitas materialis habet lineam, superficiem, & corporeitatem dimensionem sine quantitate: ergo substantia, & qualitas materialis habet molem, & partes impenetrabiles naturaliter, quod est contra ipsos, quia nihil habet molem, nisi sit naturaliter impenetrabile etiam secundum ipsos n. 2. 2. probo consequentiam, quia non potest dari linea sine longitudine, nec superficies sine latitudine, nec corporeitas dimensionem sine profunditate, quod enim constituitur ex partibus copulatis per puncta est longum, copulatis per lineam est latum, & per superficiem est profundum: ergo secundum istos Doctores substantia, & qualitas materialis erit extensa, & inextensa, quod est manifesta contradictio, solvant si possunt.

Item secundò principaliter. Isti Doctores per indivisibilia, ex quibus partes continui continuantur intelligunt, & rectè indivisibilia mathematica, quæ sunt punctus, linea, superficies: Tunc sic, sed substantia, & qualitas materialis sine quantitate non possunt constare ex indivisibilibus mathematicis: ergo substantia, & qualitas materialis non potest contineri sub nomine continui: Probo minorem, quia mathematicum, & quantum idem sunt ex Sco. 2. d. 2. q. 6. C. ergo si substantia, & qualitas materialis sine quantitate constant ex indivisibilibus mathematicis, constarent ex terminis quantitativis, & essent quantitates, vel quanta;

ergo



ergo substantia, & qualitas materialis sine quantitate haberent quantitatem, & essent quanta, quod est omnino impossibile: ergo substantia, & qualitas materialis non constant ex indiuisibilibus mathematicis: ergo à primo ad ultimum non erit continua secundum se, & sine quantitate, quod est contra ipsos.

Item tertio principaliter. Dicunt hanc eorum sententiam esse Sco. 2. d. 2. q. 9. hoc autem est falsum, quia ibi Sco. utique dicit continuum non constare ex solis indiuisibilibus: sed ex partibus diuisibilibus continuatis per indiuisibilia; sed sub nomine continui non comprehendit substantiam, & qualitatem materiale secundum se, & sine quantitate, ut ipsi dicunt, immò, ut iam probatum est, dicit solam quantitatem esse per se continuam, substantiam verò, & qualitatem materiale esse continuam solum per accidens, & esse diuisibilem solum ratione quantitatis, & diuisibilitatem nulli competere, nisi per quantitatem.

Falsò ci-  
tant Sco.  
sunt.

*Sententia Auctoris. Caput Secundum.*

*Continuum constat ex partibus diuisibilibus continuatis per indiuisibilia.*

Est Sco 2. d. 2. q. 9. B.C.D.E.

**P**RO cuius declaratione Notatur primò ex Arist. in prædicamentis cap. de quantitate, quòd continuum est cuius partes copulantur ad aliquem terminum comunem: Cuius species sunt Continuum permanens, cuius partes sunt simul: Successiuum, cuius partes non sunt simul, ut fusius dictum est in primo Not. primæ conclusionis, sed vna alteri succedit; In proposito sub hoc nomine continui non potest contineri nisi sola quantitas in via Arist. & Sco: non autem, ut dicunt Aduersarii, substantia, & qualitas materialis; hæc enim licet habeant partes diuersas, & plures

Sub nomi-  
ne cōtinuū  
non conti-  
netur nisi  
sola quan-  
titas.

plures, atramen illæ partes non sunt per se extensæ, & per consequens non constant ex partibus diuisibilibus continuatis per indiuisibilia, sed solum substantia, & qualitas materialis, vt dictum est in primo cap. & in præcedentibus conclusionibus sunt extensæ, & diuisibiles in partes extensas eiusdem rationis per accidens tantum scilicet ratione quantitatis, quatenus scilicet substantia materialis potest recipere quantitatem, & qualitatem in quantitate recipi.

*Diuisibile,  
& indiuisibile duplex, & quid.*

Secundò Not. quod aliquod potest dici diuisibile, & indiuisibile dupliciter. Vno modo simpliciter: Alio modo secundum quid. Diuisibile simpliciter in proposito est illud, quod potest diuidi in partes eiusdem rationis extensas secundum omnes dimensiones, & illud non potest esse terminus copulans partes alterius: vt corpus de genere quantitatis est diuisibile simpliciter, quia est diuisibile in partes eiusdem rationis extensas secundum longitudinem, latitudinem, & profunditatem, & hoc corpus nunquam potest esse terminus copulans partes alterius quantitatis. Ita per oppositum indiuisibile simpliciter est quod solum est terminus continuans partes alterius quantitatis, & nullo modo est diuisibile in partes eiusdem rationis extensas, vt punctus. Diuisibile verò secundum quid est quod potest diuidi in partes eiusdem rationis extensas, tamen potest esse terminus copulans partes alterius quantitatis, vt linea, & superficies sunt diuisibiles in partes eiusdem rationis extensas, quia pars lineæ est linea, & pars superficiei est superficies, tamen linea potest esse terminus copulans partes superficiei, & superficies terminus copulans partes corporis, & secundum quod sunt termini sunt indiuisibiles ea diuisibilitate, qua illa quantitas, cuius sunt termini, est diuisibilis, linea enim est indiuisibilis ea diuisibilitate, qua diuiditur superficies, non enim linea est diuisibilis secundum latitudinem, & superficies est indiuisibilis diuisibili-

bilitate corporis, cuius est terminus; quia non est diuisibilis secundum profunditatem: Vnde indiuisibile secundum quid est illa quantitas, quæ secundum se est diuisibilis, sed indiuisibilis ea diuisione, qua quantitas, cuius est terminus, diuiditur. Et sic diuisibile, & indiuisibile secundum quid in eodem coincidunt, vt linea, & superficies, quæ sunt quantitates diuisibiles secundum aliquam dimensionem, & non secundum omnes; Diuisibile verò, & indiuisibile simpliciter in eodem coincidere non possunt, quia diuisibile simpliciter est solum corpus, indiuisibile verò simpliciter est solum punctus.

Tertiò Not. quod simpliciter indiuisibile, vt punctus in linea, instans in tempore, & mutatum esse in motu est aliquid positium, non priuatiuum, vt aliqui putarunt, annuente Scoto 2.d.2.q.9. L. quam opinionem amplexati sunt Nominales, nam, vt inquit Sco. loco cit. sequeretur, quod generatio, & mutationes subitæ, vt illuminatio, nullam haberent mensuram positiuam, si instans, quod est mensura talis mutationis non esset quid positium, sed priuatiuum, præterquam quod indiuisibile definitionem continui ingreditur essentialem, quod non posset esse, nisi esset quid positium, cum priuatiuum non possit definire positium. Et hoc indiuisibile non realiter identificatur cum partibus continui, quia in diuisione, quæ cadit super punctum ipsum destruitur, remanentibus partibus continui; Vtique partes continui non possunt esse sine punctis continuantibus; De ratione enim continui, vt continuum est quod habeat partes continuatas per indiuisibilia, tamen potest esse sine tali, vel tali puncto continuante, vt patet per diuisionem continui punctus destruitur, & alia puncta generantur, vel ab agente naturali per illam incisionem, vel naturaliter consequuntur illas partes diuisas, vel ab agente supernaturali produciuntur, ne res naturaliter terminatæ remaneant impossibiliter sine suis terminis. Idem dicen-

*Indiuisibile simpliciter est positium, non priuatiuum.*

G

dus

plures, atramen illæ partes non sunt per se extensæ, & per consequens non constant ex partibus diuisibilibus continuatis per indiuisibilia, sed solum substantia, & qualitas materialis, vt dictum est in primo cap. & in præcedentibus conclusionibus sunt extensæ, & diuisibiles in partes extensas eiusdem rationis per accidens tantum scilicet ratione quantitatis, quatenus scilicet substantia materialis potest recipere quantitatem, & qualitatem in quantitate recipi.

*Diuisibile,  
& indiuisibile duplex,  
& quid.*

Secundò Not. quod aliquod potest dici diuisibile, & indiuisibile dupliciter. Vno modo simpliciter: Alio modo secundum quid. Diuisibile simpliciter in proposito est illud, quod potest diuidi in partes eiusdem rationis extensas secundum omnes dimensiones, & illud non potest esse terminus copulans partes alterius: vt corpus de genere quantitatis est diuisibile simpliciter, quia est diuisibile in partes eiusdem rationis extensas secundum longitudinem, latitudinem, & profunditatem, & hoc corpus nunquam potest esse terminus copulans partes alterius quantitatis. Ita per oppositum indiuisibile simpliciter est quod solum est terminus continuans partes alterius quantitatis, & nullo modo est diuisibile in partes eiusdem rationis extensas, vt punctus. Diuisibile verò secundum quid est quod potest diuidi in partes eiusdem rationis extensas, tamen potest esse terminus copulans partes alterius quantitatis, vt linea, & superficies sunt diuisibiles in partes eiusdem rationis extensas, quia pars lineæ est linea, & pars superficiei est superficies, tamen linea potest esse terminus copulans partes superficiei, & superficies terminus copulans partes corporis, & secundum quod sunt termini sunt indiuisibiles ea diuisibilitate, qua illa quantitas, cuius sunt termini, est diuisibilis, linea enim est indiuisibilis ea diuisibilitate, qua diuiditur superficies, non enim linea est diuisibilis secundum latitudinem, & superficies est indiuisibilis diuisibili-

bilitate corporis, cuius est terminus, quia non est diuisibilis secundum profunditatem: Vnde indiuisibile secundum quid est illa quantitas, quæ secundum se est diuisibilis, sed indiuisibilis ea diuisione, qua quantitas, cuius est terminus, diuiditur. Et sic diuisibile, & indiuisibile secundum quid in eodem coincidunt, vt linea, & superficies, quæ sunt quantitates diuisibiles secundum aliquam dimensionem, & non secundum omnes: Diuisibile verò, & indiuisibile simpliciter in eodem coincidere non possunt, quia diuisibile simpliciter est solum corpus, indiuisibile verò simpliciter est solum punctus.

Tertiò Not. quod simpliciter indiuisibile, vt punctus in linea, instans in tempore, & mutatum esse in motu est aliquid positium, non priuatiuum, vt aliqui putarunt, annuente Scoto 2.d.2.q.9.L. quam opinionem amplexati sunt Nominales, nam, vt inquit Sco. loco cit. sequeretur, quod generatio, & mutationes subitæ, vt illuminatio, nullam haberent mensuram positiuam, si instans, quod est mensura talis mutationis non esset quid positium, sed priuatiuum, præterquam quod indiuisibile definitionem continui ingreditur essentialem, quod non posset esse, nisi esset quid positium, cum priuatiuum non possit definire positium. Et hoc indiuisibile non realiter identificatur cum partibus continui, quia in diuisione, quæ cadit super punctum ipsum destruitur, remanentibus partibus continui; Vtique partes continui non possunt esse sine punctis continuantibus; De ratione enim continui, vt continuum est quod habeat partes continuatas per indiuisibilia, tamen potest esse sine tali, vel tali puncto continuante, vt patet per diuisionem continui punctus destruitur, & alia puncta generantur, vel ab agente naturali per illam incisionem, vel naturaliter consequuntur illas partes diuisas, vel ab agente supernaturali producuntur, ne res naturaliter terminatæ remaneant impossibiliter sine suis terminis. Idem dicen-

*Indiuisibile simpliciter est positium, non priuatiuum.*

G

dum

dum est de indiuisibili secundum quid, sicut linea, & superficies, linea enim, & superficies terminans, & continuans per incisionem destruitur, remanentibus partibus continui, terminatis tamen per alias lineas, & superficies de nouo productas à causa naturali, vel à Deo, vel sic naturaliter consequentes, sicut terminus naturaliter sequitur id, cuius est terminus; His notatis.

Probatur Conclusio multis rationibus à Sco. & primo de Continuo successiuo ratione philosophica desumpta ex Arist. 6. phys. tex. 25 & 29.

Si motus esset compositus ex indiuisibilibus, ergo indiuisibile necessariò esset diuisibile, quod repugnat; Consequentia probatur, quia ponatur Franciscus V.G. quod transeat spatium vnus palmi tribus instantibus, & quod Antonius velocius moueatur in duplo, quia dato quocunq; motu, velocior dari potest ex Arist. loco cit. ergo ille motus velocior in duplo mensurabitur minori tempore in duplo, ergo sicut primus motus mensurabitur tribus instantibus, secundus motus mensurabitur vno instanti, & dimidio alterius instantis, & sic instans indiuisibile erit diuisibile, quod est impossibile.

Secundò probatur à Scoto ratione etiam desumpta ex Arist. 6. phys. tex. 4. & inde. Continuum permanens non componitur ex indiuisibilibus; ergo nec successiuum: Consequentia probatur ex Arist. loco cit. quia eiusdem rationis est motum, & magnitudinem, & tempus componi ex indiuisibilibus; Nam successio in motu, quæ est secundum prius, & posterius accipitur à successione in magnitudine secundum prius, & posterius in ipsa, & successio in tempore accipitur à successione motus secundum prius, & posterius in ipso; Antecedens probatur ex Arist. loco cit. & primo de generatione tex. 8. & 3. Met. tex. 16. quia indiuisibile additū indiuisibili non facit maius, & per consequens extensum, quia talia indiuisibilia aut se tangerent secundum se tota, &

hoc



hoc non, quia vnum non distingueretur ab alio secundum situm, & sic non facerent continuum extensum; Aut se rangerent secundum partes, & hoc non, quia indiuisibile non habet partes, idest aut se tangerent secundum aliquod sui, & secundum aliquod non, vt linea, quæ tangit aliam lineam secundum aliquod sui, idest secundum punctum, & non secundum omnes partes eius, & superficies tangit superficiem secundum lineam, idest vnitur alteri superfici ei secundum lineam, & nõ secundum omnes sui partes, & corpus vnitur alteri corpori secundum superficiem, & non secundum omnes sui partes; modò cum indiuisibile non habeat terminans, & copulans partes, non poterit tangere secundum aliquod sui, & secundum aliquod eius non tangere, quia sic haberet partes, & per consequens cum alio indiuisibili non potest facere maius.

His rationibus Respondent multi negantes fundamentum Arist. & principia; contra ipsos disputare nolo, quia contra negantes principia non est disputandum.

Tertiò probat Sco. Continuum permanens non constare ex indiuisibilibus ratione mathematica, quæ est conuincens. Si continuum permanens constaret ex indiuisibilibus, & punctis: ergo circulus minus haberet tot puncta, & partes; quot haberet circulus maior, & Costa, seu latus quadrati haberet tot partes, & puncta, quot haberet Diameter, quod est falsum, quia Diameter, qui est linea tracta ab vno Angulo quadrati, ad alium Angulum per medium quadrati est maior quocunque latere quadrati: Prob. consequentia hoc supposito fundamento mathematico, scilicet, quòd circa quodlibet centrum possunt describi plures circuli, quorum vnus sit maior, alter necessario minor, & quod à centro possit protrahi linea ad circumferentiam circuli, & ad quamlibet partem circumferentiæ; Trahantur igitur duæ lineæ à centro ad duo puncta immediata circuli maioris (supposito secundum Aduersarios circulum constitui ex

indiuisibilibus, & punctis) tunc illæ duæ lineæ transeundo per circulum minorem, vel secabunt circumferentiam circuli minoris in eodem puncto, vel in alio, si in alio: ergo tot puncta, & indiuisibilia erunt in minori circulo, sicut in maiori, quod est falsum, quia impossibile est duo inæqualia componi ex partibus æqualibus in magnitudinæ, & multitudine, punctus enim non excedit punctum in magnitudine, & puncta in circumferentia minoris circuli sunt tot, quot in circumferentia maioris circuli: ergo minor circumferentia est æqualis maiori, & sic pars æqualis toti, quod est falsum. Non in eodem puncto, quia illæ lineæ essent parallellæ, quæ non concurrunt.

Præterea trahantur duæ lineæ parallellæ à centro ad quemlibet circulum, quæ ducantur ad duo puncta immediata circuli, tunc illæ lineæ non concurrerent, & tamen intrâ illum circulum posset describi minor circulus, & illæ lineæ non secabunt in eodem puncto; ergo tot erunt puncta in illo circulo minori, sicut in maiori.

Confirmatur etiam nostra conclusio Auctoritate Concilii Constantiensis, quod condemnando errores Io: Hus sess. 12. condemnauit continuum componi ex indiuisibilibus, verba Concilii. *Linea autem mathematica continua componitur ex duobus, tribus, vel quatuor punctis simpliciter finitis, vel tempus est, vel fuit, vel erit compositum ex instantibus immediatis. Item non est possibile, quin tempus, & linea, si sint aliter componantur, & statim subdit: Prima pars est error in Philosophia, sed ultima errat circa diuinam potentiam.* Ex quibus patet, quod si continuum non componitur ex indiuisibilibus, consequens erit dicere, quod componitur ex diuisibilibus partibus, quæ facient molem, & extensionem, quæ cum sint continuæ, & copulatæ, per aliud copulantur, & continuantur, quod non potest esse, nisi indiuisibile, quia diuisibile non continuat, sed continuatur, aliter eiudem rationis esset res, & terminus rei, quod est falsum.

Con-



Contrà primò arguunt Zenonistæ Continuum componi ex solis indiuisibilibus; Si Corpus perfectè sphæricum moueretur super perfectè planum non tangeret, nisi in puncto ex Arist. 1. de anima tex. 13. & describeret in plano lineam; ergo totum planum erit ex punctis compositum, & similiter illa linea esset ex punctis composita; Consequentia probatur, quia dato opposito, Sphæricum illud non semper tangeret in puncto, sed immediatè post instans temporis tangeret in tempore sequenti planum in aliquo diuisibili, & sic non semper tangeret in puncto, quod est contra suppositum Aristotelis.

Respondent multi vel negantes, vel malè glosantes dictum Arist. sed confutantur à Scoto 2. d. 2. q. 9. T.

Respondent tamen Meld. & Cat. ibi nu. 63 quod si sphæra volutetur, argumentum non habet difficultatem, quia non tangit lineam in puncto, sed secundum lineam circula-  
*Responsio Meld. & Cat.*

rem: Si autem sphæra trahatur super planum: Respondent ipsum in instanti tangere planum in puncto, sed immediatè post in tempore tangit in linea, vt docet Sco. 2. d. 2. q. 9. ad tertium principale.

Sed isti Doctores putantes hoc argumentum esse facilis solutionis, faciliter respondent, sed contrà Sco. & non sol-  
*confutatur*

uunt argumentum. Nam falsum est, quod si sphæricum volutetur super planum tangat secundum lineam circulariter; Hoc enim impugnatur à Sco. loco ab ipsis citato, immò dicit esse hoc impossibile, & probat, quia quod tangit circulare est circulare; ergo si sphæricum secundum lineam circula-  
*Circulare non potest tangere nisi circulare.*

rem tangeret planum, linea recta in plano tangeret lineam circula-  
*gere*

faciunt molem ex ipsis n. 2. 2. ergo substantia, & qualitas materialis sub hoc nomine continui non continentur.

*Arguitur*  
*2. ad hominem.* Præterea si sola quantitas facit longum, latum, & profundum secundum istos Doctores, & rectè secundum Sco. ergo substantia, & qualitas materialis sine quantitate non erit lata longa, & profunda; ergo non erit extensa, quia non datur extensio nisi secundum longitudinem, latitudinem, & profunditatem; ergo sub nomine continui non poterit contineri.

*3. ad hominem.* Præterea si secundum istos Doctores, ut prius dictum est, substantia, & qualitas materialis habet lineam, superficiem, & corporeitatem dimensionum sine quantitate: ergo substantia, & qualitas materialis habet molem, & partes impenetrabiles naturaliter, quod est contra ipsos, quia nihil habet molem, nisi sit naturaliter impenetrabile etiam secundum ipsos n. 2. 2. probo consequentiam, quia non potest dari linea sine longitudine, nec superficies sine latitudine, nec corporeitas dimensionum sine profunditate, quod enim constituitur ex partibus copulatis per puncta est longum, copulatis per lineam est latum, & per superficiem est profundum: ergo secundum istos Doctores substantia, & qualitas materialis erit extensa, & inextensa, quod est manifesta contradictio, solvant si possunt.

Item secundò principaliter. Isti Doctores per indivisibilia, ex quibus partes continui continuantur intelligunt, & rectè indivisibilia mathematica, quæ sunt punctus, linea, superficies: Tunc sic, sed substantia, & qualitas materialis sine quantitate non possunt constare ex indivisibilibus mathematicis: ergo substantia, & qualitas materialis non potest contineri sub nomine continui: Probo minorem, quia mathematicum, & quantum idem sunt ex Sco. 2. d. 2. q. 6. C. ergo si substantia, & qualitas materialis sine quantitate constant ex indivisibilibus mathematicis, constarent ex terminis quantitativis, & essent quantitates, vel quanta;

ergo

ergo substantia, & qualitas materialis sine quantitate haberent quantitatem, & essent quanta, quod est omnino impossibile: ergo substantia, & qualitas materialis non constant ex indiuisibilibus mathematicis: ergo à primo ad ultimum non erit continua secundum se, & sine quantitate, quod est contra ipsos.

Item tertio principaliter. Dicunt hanc eorum sententiam esse Sco. 2. d. 2. q. 9. hoc autem est falsum, quia ibi Sco. utique dicit continuum non constare ex solis indiuisibilibus: sed ex partibus diuisibilibus continuatis per indiuisibilia; sed sub nomine continui non comprehendit substantiam, & qualitatem materiale secundum se, & sine quantitate, ut ipsi dicunt, immò, ut iam probatum est, dicit solam quantitatem esse per se continuam, substantiam verò, & qualitatem materiale esse continuam solum per accidens, & esse diuisibilem solum ratione quantitatis, & diuisibilitatem nulli competere, nisi per quantitatem.

*Falsò dicunt Sco.  
tunc.*

*Sententia Auctoris. Caput Secundum.*

*Continuum constat ex partibus diuisibilibus continuatis per indiuisibilia.*

Est Sco 2. d. 2. q. 9. B.C.D.E.

**P**ro cuius declaratione Notatur primò ex Arist. in prædicamentis cap. de quantitate, quod continuum est cuius partes copulantur ad aliquem terminum comunem: Cuius species sunt Continuum permanens, cuius partes sunt simul: Successiuum, cuius partes non sunt simul, ut fusius dictum est in primo Not. primæ conclusionis, sed vna alteri succedit; In proposito sub hoc nomine continui non potest contineri nisi sola quantitas in via Arist. & Sco: non autem, ut dicunt Aduersarii, substantia, & qualitas materialis; hæc enim licet habeant partes diuersas, &

*Sub nomine continui non continetur nisi sola quantitas.*

plures

plures, atramen illæ partes non sunt per se extensæ, & per consequens non constant ex partibus diuisibilibus continuatis per indiuisibilia, sed solum substantia, & qualitas materialis, vt dictum est in primo cap. & in præcedentibus conclusionibus sunt extensæ, & diuisibiles in partes extensas eiusdem rationis per accidens tantum scilicet ratione quantitatis, quatenus scilicet substantia materialis potest recipere quantitatem, & qualitatem in quantitate recipi.

*Diuisibile,  
& indiuisibile  
duplex, &  
quid.*

Secundò Not. quod aliquod potest dici diuisibile, & indiuisibile dupliciter. Vno modo simpliciter: Alio modo secundum quid. Diuisibile simpliciter in proposito est illud, quod potest diuidi in partes eiusdem rationis extensas secundum omnes dimensiones, & illud non potest esse terminus copulans partes alterius: vt corpus de genere quantitatis est diuisibile simpliciter, quia est diuisibile in partes eiusdem rationis extensas secundum longitudinem, latitudinem, & profunditatem, & hoc corpus nunquam potest esse terminus copulans partes alterius quantitatis. Ita per oppositum indiuisibile simpliciter est quod solum est terminus continuans partes alterius quantitatis, & nullo modo est diuisibile in partes eiusdem rationis extensas, vt punctus. Diuisibile verò secundum quid est quod potest diuidi in partes eiusdem rationis extensas, tamen potest esse terminus copulans partes alterius quantitatis, vt linea, & superficies sunt diuisibiles in partes eiusdem rationis extensas, quia pars lineæ est linea, & pars superficiei est superficies, tamen linea potest esse terminus copulans partes superficiei, & superficies terminus copulans partes corporis, & secundum quod sunt termini sunt indiuisibiles ea diuisibilitate, qua illa quantitas, cuius sunt termini, est diuisibilis, linea enim est indiuisibilis ea diuisibilitate, qua diuiditur superficies, non enim linea est diuisibilis secundum latitudinem, & superficies est indiuisibilis diuisibili-

bilitate corporis, cuius est terminus; quia non est diuisibilis secundum profunditatem: Vnde indiuisibile secundum quid est illa quantitas, quæ secundum se est diuisibilis, sed indiuisibilis ea diuisione, quæ quantitas, cuius est terminus, diuiditur. Et sic diuisibile, & indiuisibile secundum quid in eodem coincidunt, vt linea, & superficies, quæ sunt quantitates diuisibiles secundum aliquam dimensionem, & non secundum omnes; Diuisibile verò, & indiuisibile simpliciter in eodem coincidere non possunt, quia diuisibile simpliciter est solum corpus, indiuisibile verò simpliciter est solum punctus.

Tertiò Not. quod simpliciter indiuisibile, vt punctus in linea, instans in tempore, & mutatum esse in motu est aliquid positium, non priuatiuum, vt aliqui putarunt, annuente Scoto 2.d.2.q.9.L. quam opinionem amplexati sunt Nominales, nam, vt inquit Sco. locò cit. sequeretur, quod generatio, & mutationes subitæ, vt illuminatio, nullam haberent mensuram positiuam, si instans, quod est mensura talis mutationis non esset quid positium, sed priuatiuum, præterquam quod indiuisibile definitionem continui ingreditur essentialem, quod non posset esse, nisi esset quid positium, cum priuatiuum non possit definire positium. Et hoc indiuisibile non realiter identificatur cum partibus continui, quia in diuisione, quæ cadit super punctum ipsum destruitur, remanentibus partibus continui; Vtique partes continui non possunt esse sine punctis continuantibus; De ratione enim continui, vt continuum est quod habeat partes continuatas per indiuisibilia, tamen potest esse sine tali, vel tali puncto continuante, vt patet per diuisionem continui punctus destruitur, & alia puncta generantur, vel ab agente naturali per illam incisionem, vel naturaliter consequuntur illas partes diuisas, vel ab agente supernaturali producuntur, ne res naturaliter terminatæ remaneant impossibiliter sine suis terminis. Idem dicen-

*Indiuisibile simpliciter est positium, non priuatiuum.*

G

dum

dum est de indiuisibili secundum quid, sicut linea, & superficies, linea enim, & superficies terminans, & continuans per incisionem destruitur, remanentibus partibus continui, terminatis tamen per alias lineas, & superficies de nouo productas à causa naturali, vel à Deo, vel sic naturaliter consequentes, sicut terminus naturaliter sequitur id, cuius est terminus. His notatis.

Probatur Conclusio multis rationibus à Sco. & primo de Continuo successiuo ratione philosophica desumpta ex Arist. 6. phys. tex. 25 & 29.

Si motus esset compositus ex indiuisibilibus; ergò indiuisibile necessariò esset diuisibile, quod repugnat; Consequentia probatur, quia ponatur Franciscus V. G. quod transeat spatium vnus palmi tribus instantibus, & quod Antonius velocius moueatur in duplo, quia dato quocunq; motu, velocior dari potest ex Arist. loco cit. ergo ille motus velocior in duplo mensurabitur minori tempore in duplo, ergo sicut primus motus mensurabitur tribus instantibus; secundus motus mensurabitur vno instanti, & dimidiò alterius instantis, & sic instans indiuisibile erit diuisibile, quod est impossibile.

Secundò probatur à Scoto ratione, etiam desumpta ex Arist. 6. phys. tex. 4. & inde. Continuum permanens non componitur ex indiuisibilibus; ergo nec successiuum: Consequentia probatur ex Arist. loco cit: quia eiusdem rationis est motum, & magnitudinem, & tempus componi ex indiuisibilibus; Nam successio in motu, quæ est secundum prius, & posterius accipitur à successione in magnitudine secundum prius, & posterius in ipsa, & successio in tempore accipitur à successione motus secundum prius, & posterius in ipso; Antecedens probatur ex Arist. loco cit. & primo de generatione tex. 8. & 3. Met. tex. 16. quia indiuisibile additū indiuisibili non facit maius, & per consequens extensum, quia talia indiuisibilia aut se tangerent secundum se tota, &

hoc



hoc non, quia vnum non distingueretur ab alio secundum situm, & sic non facerent continuum extensum; Aut se tangerent secundum partes, & hoc non, quia indiuisibile non habet partes, idest aut se tangerent secundum aliquod sui, & secundum aliquod non, vt linea, quæ tangit aliam lineam secundum aliquod sui, idest secundum punctum, & non secundum omnes partes eius, & superficies tangit superficiem secundum lineam, idest vnitur alteri superficiei secundum lineam, & nō secundum omnes sui partes, & corpus vnitur alteri corpori secundum superficiem, & non secundum omnes sui partes; modò cum indiuisibile non habeat terminans, & copulans partes, non poterit tangere secundum aliquod sui, & secundum aliquod eius non tangere, quia sic haberet partes, & per consequens cum alio indiuisibili non potest facere maius.

His rationibus Respondent multi negantes fundamentum Arist. & principia; contra ipsos disputare nolo, quia contra negantes principia non est disputandum.

Tertiò probat Sco. Continuum permanens non constare ex indiuisibilibus ratione mathematica, quæ est conuincens. Si continuum permanens constaret ex indiuisibilibus, & punctis: ergo circulus minus haberet tot puncta, & partes; quot haberet circulus maior, & Costa, seu latus quadrati haberet tot partes, & puncta, quot haberet Diameter, quod est falsum, quia Diameter, qui est linea tracta ab vno Angulo quadrati, ad alium Angulum per medium quadrati est maior quocunque latere quadrati: Prob. consequentia hoc supposito fundamento mathematico, scilicet, quod circa quodlibet centrum possunt describi plures circuli, quorum vnus sit maior, alter necessario minor, & quod à centro possit protrahi linea ad circumferentiam circuli, & ad quamlibet partem circumferentiæ; Trahantur igitur duæ lineæ à centro ad duo puncta immediata circuli maioris (supposito secundum Aduersarios circulum constitui ex

indiuisibilibus, & punctis) tunc illæ duæ lineæ transeundo per circulum minorem, vel secabant circumferentiam circuli minoris in eodem puncto, vel in alijs, si in alijs: ergo tot puncta, & indiuisibilia erunt in minori circulo, sicut in maiori, quod est falsum, quia impossibile est duo inæqualia componi ex partibus æqualibus in magnitudinæ, & multitudine, punctus enim non excedit punctum in magnitudine, & puncta in circumferentia minoris circuli sunt tot, quot in circumferentia maioris circuli: ergo minor circumferentia est æqualis maiori, & sic pars æqualis toti, quod est falsum. Non in eodem puncto, quia illæ lineæ essent parallellæ, quæ non concurrunt.

Præterea trahantur duæ lineæ parallellæ à centro ad quem libet circulum, quæ ducantur ad duo puncta immediata circuli, tunc illæ lineæ non concurrerent, & tamen intrà illum circulum posset describi minor circulus, & illæ lineæ non seccabunt in eodem puncto; ergo tot erunt puncta in illo circulo minori, sicut in maiori.

Confirmatur etiam nostra conclusio Auctoritate Concilii Constantiensis, quod condemnando errores Io: Hus sess. 12. condemnauit continuum componi ex indiuisibilibus, verba Concilii. *Linea autem mathematica continua componitur ex duobus, tribus, vel quatuor punctis simpliciter finitis, vel tempus est, vel fuit, vel erit compositum ex instantibus immediatis. Item non est possibile, quin tempus, & linea, si sint aliter componantur, & statim subdit: Prima pars est error in Philosophia, sed ultima errat circa diuinam potentiam.* Ex quibus patet, quod si continuum non componitur ex indiuisibilibus, consequens erit dicere, quod componitur ex diuisibilibus partibus, quæ facient molem, & extensionem, quæ cum sint continuæ, & copulatæ, per aliud copulantur, & continuantur, quod non potest esse, nisi indiuisibile, quia diuisibile non continuat, sed continuatur, aliter eiusdem rationis esset res, & terminus rei, quod est falsum.

Con.



Contrà primò arguunt Zenonistæ Continuum componi ex solis indiuisibilibus; Si Corpus perfectè sphæricum moueretur super perfectè planum non tangeret, nisi in puncto ex Arist. 1. de anima tex. 13. & describeret in plano lineā; ergo totum planum erit ex punctis compositum, & similiter illa linea esset ex punctis composita; Consequentia probatur, quia dato opposito, Sphæricum illud non semper tangeret in puncto, sed immediatè post instans temporis tangeret in tempore sequenti planum in aliquo diuisibili, & sic non semper tangeret in puncto, quod est contra suppositum Aristotelis.

Respondent multi vel negantes, vel malè glosantes dictum Arist. sed confutantur à Scoto 2.d.2.q.9.T.

Respondent tamen Meld. & Cat. ibi nu. 63 quod si sphæra volutetur, argumentum non habet difficultatem, quia non tangit lineam in puncto, sed secundum lineam circula-

*Responsio  
Meld. &  
Cat.*

rem: Si autem sphæra trahatur super planum: Respondent ipsum in instanti tangere planum in puncto, sed immediatè post in tempore tangit in linea vt docet Sco. 2.d.2.q.9. ad tertium principale.

Sed isti Doctores putantes hoc argumentum esse facilis solutionis, faciliter respondent, sed contrà Sco. & non soluum argumentum. Nam falsum est, quod si sphæricum volutetur super planum tangat secundum lineam circulariter; Hoc enim impugnatur à Sco. loco ab ipsis citato, immò dicit esse hoc impossibile, & probat, quia quod tangit circulare est circulare; ergo si sphæricum secundum lineam circularem tangeret planum, linea recta in plano tangeret lineam circularem sphærici, & sic linea recta esset circularis, quod est impossibile, quia linea recta inquit Scot. in qualibet parte est recta, sicut linea circularis in qualibet parte est circularis.

*confutatur*

*Circulare  
non potest  
tangere nisi  
circulare.*

Nec valet dicere quod contactus lineæ circularis non potest esse à linea recta simul, tamen linea recta potest tangere

gere circularem successiue; Nam siue sphaericum tangatur à recto successiue, siue simul secundum lineam circularem, semper verum est dicere, quòd linea circularis secundum suas partes circulares tangitur; ergo illud, quod tangit lineam circularem, siue simul, siue successiue, erit circulare, quia, vt dicit Sco. loc. cit. quod tangit circulare est circulare.

Præterea dicunt isti Scotistæ, quod sphaericum si traheretur, tangeret in instanti planum in puncto, in tempore vero sequenti tangeret in linea.

*Contradi-  
ctio Mel.  
& Cas.*

Sed hoc dictum, licet sit verum, contradicit ipsis ibi num. 44. qui probando illam propositionem de corpore sphaerico, dicunt, quòd si tale sphaericum perfectum tangeret in aliquo diuisibili, sequeretur, quod esset in corpore sphaerico aliquod planum, quod est falsum.

Tunc sic arguo. Corpus sphaericum in tempore sequenti post instans non tangit in puncto, sed in linea; ergo tangit in aliquo diuisibili, quia linea est diuisibilis: ergo in tali sphaerico esset aliquod planum, quod est falsum; Si hoc argumentum non valet, nec eorum probatio valebit.

*Responsio  
Auctoris.*

Respondeo itaque ad argumentum, quòd si corpus perfecte sphaericum moueretur in perfecto plano, semper tangeret in puncto, & describeret lineam rectam, idest secundum punctum eius, si traheretur, vel secundum diuersa puncta si volutaretur, semper tangeret perfecte planum, sed non tangeret semper punctum plani, sed punctum sphaerici tangeret in instanti punctum plani, & in tempore sequenti tangeret lineam plani, & sic successiue tangeret punctum, & lineam secundum continuitatem plani, sed semper punctum sphaerici tangeret, & nunquam lineam, vel partem lineæ circularis ipsius sphaerici, quia, vt dictum est cum Scotto, lineam rectam, vel partem lineæ rectæ plani tangens lineam, vel partem lineæ circularis corporis sphaerici esset circularis, quod est impossibile, quia tunc rectum esset circulare, cum

nihil

nihil possit tangere circulare nisi sit circulare: Et punctus sphaerici describeret lineam in plano, quia pertransiret plures partes spatii diuisibilis, & plures partes lineæ plani, sicut motus factus in tempore ab in diuisibili est diuisibilis secundum partes continuatas per indiuisibilia, quæ sunt mutata esse; Non tamen sequitur ergo planum, & linea à corpore sphaerico sic tangentē erunt composita ex punctis, & indiuisibilibus; Et cum probatur, dico, quod sphaericum semper tangeret in puncto, idest secundum punctum eius, sed non semper tangeret punctum plani, quia sequeretur, quod tunc puncta essent immediata in plano, quod est falsum, & argumentum haberet intentum.

Contra. Punctus dum moueretur esset semper in spatio sibi æquali, & sic pertranseundo totum planum comensurabit totam lineam plani, & sic tota linea plani esset composita ex punctis.

Respondeo ex Scoto 2.d.2.q.9.Y. quod tunc punctus esset in spatio sibi æquali semper, idest in quolibet indiuisibili, & instanti, quia sic solum tangeret punctum plani, sed non esset in spatio sibi æquali, idest in qualibet parte temporis, quia in parte temporis tangeret lineam plani, & esset in loco sibi inadæquato, & sic non comensurabit totam lineam plani, quia indiuisibile non potest mensurare diuisibile, ex quo sequitur, quod illa linea plani ex diuisibilibus constabit continuatis per indiuisibilia, & puncta.

Si dicas, punctus saltem per diuinam potentiam simul replicatus potest in tota linea permanere, sicut vnum corpus potest in omnibus locis simul permanere; ergo in tali casu comensurabit totam lineam, & sic in linea punctus erit immediatus puncto.

Respondent Meld. & Cat. ibi num. 64. quod punctus non posset à Deo sic replicari in tota linea & punctis lineæ, sicut non potest vnum punctum esse alteri immediatum, sed tantum potest punctum replicare in singulis punctis lineæ super quam

*Responso  
Meld. &  
Cat.*

quam moueretur, & ideo punctum permanenter existens in linea, & à Deo pluries replicatum per totam lineam erit distans à seipso prout est in vno, & alio puncto eiusdem lineæ; Vnde referunt in fine, quod licet punctum possit immediatè tangere lineam, & punctum successiuè, non tamen potest permanenter, & per consequens Deus non potest replicare punctum in puncto existens, & immediatè in parte lineæ.

*Cōfutatio* Contrà eadem est impossibilitas, quod indiuisibile sit immediatum indiuisibili in successiuis, sicut in permanentibus: ergò si Deus non potest replicare punctum, vt tangat punctum lineæ, & immediatè lineam permanenter, quia vnum punctum non est immediatum alteri in permanentibus; ergo nec punctum poterit successiuè tangere punctum, & immediatè lineam, quia vnum punctum non potest alteri immediatè succedere in successiuis, sed secundum istos Doctores punctum potest successiuè tangere punctum, & immediatè lineam; ergò poterit sic permanenter tangere; ergò Deus poterit replicare punctum in puncto, & immediatè in linea.

Præterea Deus potest conseruare quodcumque mobile in omni loco, in quo potest mobile naturaliter esse successiuè, sed punctum potest esse successiuè in tota linea, & immediatè tangere lineam post punctum: ergo Deus poterit punctum replicare, & conseruare in tota linea, vt sic tangat punctum lineæ, & immediatè lineam ipsam.

*Responsio* Respondeo itaque ad argumentum principale concedendo, quod potest Deus punctum replicare in tota linea, sicut potest ipsum in tota linea successiuè moueri; sed negatur, quod tunc punctum comensuraret totam lineam, quia mensurare est per quantitatem notam aliam quantitatem ignotam cognoscere, punctus autem non est quantitas, sed terminus, & aliquid quantitatis, & quotiescunque replicatus non facit molem, sed semper est indiuisibile, indiuisibile

autem

autem non potest mensurare diuisibile; Et cum dicitur, quod tunc punctus erit immediatus puncto, dico, quod tunc punctus erit immediatus sibi in loco, quod non est inconueniens, sicuti non est inconueniens, quod duo puncta sint immediata in loco, & immediatè moueantur; Est autem inconueniens, quod indiuisibile sit immediatum indiuisibili in compositione continui, siuè permanentis, siuè successiui, quia sic sequeretur, quod continuum continuaretur ex indiuisibilibus, quod est falsum.

Secundò arguitur contra conclusionem. Indiuisibile additum indiuisibili potest facere maius; ergò continuum poterit ex indiuisibilibus componi, quia hoc solum negatur ab Arist. eò quia indiuisibile additum indiuisibili non facit maius: antecedens probatur à simili de Angelo, & anima rationali, quæ per plures spiritales, & indiuisibiles replicationes spiritali extensione se possunt extendere ad maius spatium, quàm per pauciores. Et Christus Dominus existens modo spiritali in Eucharistia pro maiori, vel minori replicatione coextenditur speciebus continuis maioribus, vel minoribus; ergò poterit etiam indiuisibile quantitatiuè facere extensum, sicuti enim se habent indiuisibilia spiritalia ad extensionem spiritalem, vt multiplicata sint extra se, & sibi immediatè succedunt, vel continuè, vt in Angelo, & anima rationali, vel contiguè, vt in Eucharistia, ita se habent indiuisibilia quantitatiua ad extensionem quantitatiuam, vt immediatè sibi succedantia extra poni possint continuè, & aliquid maius facere.

Confirmatur, quia vnitas prædicamentalis, quamuis sit indiuisibilis, tamen aliis vnita facit numerum, quæ est quantitas extensa, sic etiam est instans temporis cum parte temporis longiorem facit durationem, quia Angelus durans per horam, & instans terminatiuum eius plus durat Angelo, qui per totam horam duraret, & in instanti eius terminatiuo desineret, quia in eo instanti de priori verum esset dicere,

**H** *quod*

quod est, de posteriori quod non est.

*Responsio*  
*Meld. &*  
*Cat.*

Respondent Meld. & Cat. ibi num. 65. quòd idèò indiuisibilia spiritualia se extendunt in loco, non per replicationem, sed per sui diffusionem, quia habent quantitatem virtualem, quam quantitatem non habet punctus mathematicus, & idèò spirituale additum spirituali facit maius extensum virtualiter, non sic indiuisibile mathematicum facit maius quantitatiuè; Et confitentur ingenti gaudio hanc responsionem inuenisse in Coninchio de Sacramentis q. 75. A. 4. dub. 3. & se declarant, quòd sistendo in illo comuni modo explicandi extensionem virtualem spiritualis substantiæ per iteratas replicationes per singulas partes loci, quibus est præsens, argumentum est difficilimum, & fortè insolubile.

*confutatio*

Sed isti Doctores non soluunt argumentum, quòd credunt faciliter soluisse, & idèò non respondent ad illud de corpore Christi in Sacramento Altaris, quòd supponit argumentum habere extensionem maiorem, vel minorem per eius replicationem in loco; Nec soluunt argumentum si negant punctum per sui replicationem non posse esse in puncto, & partibus lineæ, quia Deus hoc facere potest, vt prius probatum est.

*Responsio*  
*Auctoris.*

Respondeo itaque ad argumentum negando antecedens; Ad probationem dico, quòd non est simile de Angelo, anima, & corpore Christi, & de indiuisibili Mathematico quoad extensionem, quia vt etiam fatentur Aduersarii, habent virtualem quantitatem, quam non habent puncta, & indiuisibilia mathematica, tamen sicuti spiritualia in puncto existentia per sui replicationem possunt coexistere toti spatio, ita & indiuisibilia mathematica, sed non sequitur per hoc, quòd faciant maius, sed solum quòd existant in maiori spatio, in quo non existerent, si non replicarentur, idem enim replicatum non est maius se ipso, sicut vnum corpus pedale non est maius se ipso, licet per replicationem occupet locum bipedalem



pedalem; Et sic soluitur argumentum, sustinendo coexistentiam in maiori spatio per solam replicationem, quod sustinebant insolubile.

Ad Confirmationem concedo, quod vnitas, quæ est indiuisibilis addita alteri vnitati facit numerum, sed nego quod numerus sit quantitas extensa, non enim extenditur numerus, sed fit maior, vel minor numerus per plures, vel pauciores vnitates, & hæc dicitur maioritas discreta, & pluralitas, concedo etiam, quod instans temporis cum parte temporis facit longiorem durationem, vt optimè probatur in argumento, quia duratio abstrahit ab extensione cum detur duratio instantanea, sed non facit maius tempus, & maiorem extensionem successiuam, quia sicut indiuisibile additum indiuisibili non facit maius, ita nec additum diuisibili, cum semper remaneat indiuisibile, & inextensum.

Tertiò, Ideò continuum non componitur ex indiuisibilibus secundum Arist. eò quia nunquam mobile velox posset velocius moueri, quàm mobile tardum; sed hæc ratio non valet; ergo prob. minor, quia hæc ratio etiam militat contrà ponentes continuum componi ex diuisibilibus, quod licet non componatur ex indiuisibilibus mathematicis, componitur tamen ex indiuisibilibus Physicis, quæ scilicet non possunt à nobis per instrumenta naturalia diuidi, & sic potest formari argumentum eodem modo de indiuisibilibus physicis, sicut facit Arist. de indiuisibilibus mathematicis. Nam mobile nunquam posset pertransire medietatem indiuisibilis physici prius quàm pertranseat aliam medietatem, alioquin esset naturaliter diuisibile, immò de facto diuideretur per instrumenta naturalia, scilicet per morum.

Respondeo concessa maiori, negando minorem, Et cum probatur nego, quod illa ratio militet contrà ponentes continuum componi ex diuisibilibus terminatis per indiuisibi-

H 2 lia.

lia, quia licet tale constet ex indiuisibilibus physicis, hæc tamen sunt indiuisibilia secundum quid, quia non possunt instrumento naturali diuidi, sed tamen sunt diuisibilia simpliciter, & sic mobile nunquam posset pertransire medietatem indiuisibilis physici, nisi prius pertransiret aliam, sed ex hoc non sequitur, quòd illud sit diuisibile, immò quòd diuidatur per instrumentum naturale, & falsum est, quòd motus sit tale instrumentum diuidens, sed est, quò mobile pertransit tale continuum, quòd in motu remanet indiuisum.

Quartò. Línea est in triangulo, & punctum in linea, vt ex quibus substantia ipsoꝝ ex Arist. 1. post. cap. 4. ergò linea componitur ex indiuisibilibus tanquàm ex partibus, aliter punctum non esset de substantia lineæ, quòd est contra Arist. ibi.

*Falsa responsio Meld. & Cat.*

Respondeo Arist. loqui famosè secundum opinionem Antiquorum, qui dicebant punctum esse de essentia lineæ, quo supposito, Arist. declarando vniuersale posterioristici debere esse per se, dat exemplum de puncto in linea ad declarandum illud, quòd est per se, ac propterea falsa est secunda responsio Meld. & Cat. num. 68. dicentium Aristotelem intelligere, quòd indiuisibilia sunt de ratione continui non vt partes, sed vt continuatiua partium, quia vt sic non esset de per se ratione continui, quòd affirmat Philosophus loco cit. vt declararet perfectitatem vniuersalis posterioristici, quòd enim hoc modo est per se est etiam de essentia.

Quintò. Ità se habet punctum ad lineam, sicut vnitas ad numerum ex Arist. primo top. cap. 14. sed numerus componitur ex vnitatibus; ergò linea ex punctis.

Respondet ipse Philosophus loco cit. in fine Capitis, quòd intelligitur sic, quòd sicut vnitas est principium numeri, ita punctum principium lineæ, ponit enim ibi multas similitudines, & dicit etiam, quòd ita se habet tranquillitas in mari, sicut serenitas in aere, & declarat esse similia in hoc



hoc, quia sicuti tranquillitas in mari significat quietem maris, ita serenitas in aere significat quietem aeris: Et sic concessa minori, negatur consequentia, quia in omnibus non sunt similia punctus in linea, & vnitas in numero, immò similitudo necessariò præsupponit diuersitatem in similibus, aliter similitudo esset identitas.

Sextò, Punctus dicitur esse vbique in linea ex Arist. 1. de gener. tex. 9. sed si linea non componeretur ex punctis, tunc punctus non esset vbique in linea.

Respondeo ex ipsomet Arist. loco cit. quòd punctus est vbique in linea, idest in omni parte, sed non consequenter, inquit Arist. idest non immediatè, quia inter duo puncta intercedit linea, & ideò negatur, quòd si linea non componeretur ex punctis, tunc punctus non esset vbique quia esset in omni parte, idest continuaret omnem partem, tamen ipse non est pars lineæ.

Septimò. Lignum existens partim in aqua, partim in aere, necessariò debet habere in medio duas superficies immediatas, quæ correspondeant superficiibus immediatis aquæ, & aeris, à quibus tangitur; ergò in aliquo erunt duæ superficies immediatæ; ergò in linea duo puncta, quia eadem est ratio de superficiibus in corpore, sicut de punctis in linea; ergò continuum erit ex indiuisibilibus compositum.

Respondeo, quòd in ligno est vna superficies correspondens duabus superficiibus aquæ, & aeris, quia illæ duæ superficies simul non occupant maiorem locum, quam occuparet vna tantum, quia est inextensa, & indiuisibilis secundum profunditatem, & sic negantur consequentiæ.

Præterea & si duæ superficies aeris, & aquæ non simul essent, sed vna esset immediatè extra aliam, dico, quòd superficiei V. G. aquæ corresponderet superficies ligni, & alteri superficiei aeris corresponderet pars corporis ligni, quia in corpore immediatè post superficiem est pars corporis.

Octauò,

Octauò. A mathematicis dicitur lineam esse fluxum puncti, superficiem esse fluxum lineæ, & corpus esse fluxum superficiæ; sed hoc non posset esse verum, nisi indiuisibilia essent immediata; ergò continuum constabit ex indiuisibilibus.

Respondeo, quòd sic à Mathematicis loquitur, non quia linea causetur ex fluxu puncti, sed quia fluxus puncti describit lineam, quia punctus fluit, & transit secundum longitudinem indiuisibiliter, & superficies dicitur fluxus lineæ, quia linea describit superficiem eò quia fluit, & mouetur per latera, & secundum latitudinem non se intro-mittendo; Corpus etiam dicitur fluxus superficiæ, quia superficies describit profunditatem, eò quia mouetur se intromittendo; Et sic negatur minor cum sua consequentia.

Nonò. Quando linea diuiditur, diuisio non cadit supra partem, quia per diuisionem non minuitur quantitas lineæ: Non super punctum, quia est indiuisibile; ergò diuisio debet cadere inter duo puncta immediata, sed si duo puncta sunt immediata: ergò linea constabit ex punctis, & indiuisibilibus.

Respondent communiter Scotistæ, & rectè, quòd diuisio cadit super punctum, non quòd punctus diuidatur, sed corumpitur, & fiunt duo puncta de nouo; sed à quo fiunt ista duo puncta? Dicerem, quòd fiunt à diuidente, vel à Deo, vel potius naturaliter consequuntur naturam lineæ, quæ cum sit de sua natura continua, requirit naturaliter puncta continuantia, & illam terminantia.

Decimò. Tempus constat ex indiuisibilibus; ergò continuum componitur ex indiuisibilibus; quia tempus est quantitas continua: Antecedens probatur, quia de tempore non habemus nisi nunc, quòd est indiuisibile; Et confirmatur, quia Deus potest spatio vnius horæ creare semper Angelos successiuè, unum immediate post alium:  
ergò

ergò erunt etiam instantia immediata, sicut & Angeli, qui petunt solum in instanti creari.

Respondeo negando antecedens. Ad probationem respondendo ex Sco. 2. d. 2. q. 9. M. quòd de tempore non habemus, nisi nunc indiuisibiliter, sed diuisibiliter, & successiue habemus tempus præsens, quòd est pars temporis diuisibilis, & continua.

Ad confirmationem respondent Meld. & Cat. ibi num. 7. Deum non posse immediatè vnum Angelum creare post alium in instanti creatum; sed necessariò expectat aliqua mora diuisibili, vt creet alium Angelum, & talis necessitas oritur (dicunt ipsi) ex suppositione, vt inquit moris. Supposito enim quòd velit successiue creare, consequenter etiam vult expectare, quia de ratione creationum sibi succedentium est, vt vna sequatur aliam, & distet ab alia.

Sed hæc responsio à Morisio transcripta est omninò contra Sco. 3. d. 3. q. p. A. vbi habet, quòd Deus potuit creare gratiam in tempore immediato post primum instans in anima Beatæ Virginis, tunc sic arguo. In illo primo instanti potuit Deus creare vnâ gratiam, maximè cùm creatio fiat in instanti, potuit ex Scoto loc. cit. creare immediatè in tempore gratiam in anima Virginis; ergò potest Deus creare immediatè plures gratias, & per consequens plures Angelos, quia eadè est ratio de gratia, & Angelo quo ad creationem.

Si dicerent, quòd vtique Deus potest in primo instanti, & in tempore immediato gratiam creare, sed non simul vnâ gratiam in instanti, & aliam in tempore, sed vel vnâ gratiam in instanti, vel vnâ in tempore falsum dicerent, quia necessitas quòd vna creatio distet ab alia est, quia supponunt creationem solum fieri in instanti; Vnde si fiunt in tempore vna necessariò potest alteri immediatè succedere.

Et ideò respondeo ad confirmationem, quòd non est necesse, vt Angelus creetur in instanti, vt patet ex Scot. loco cit. B.

Responsio  
Meld. &  
Cat. à Morisio  
transcripta.

confutatur

Tacite re-  
sponsio con-  
futatur.

Responsio  
Auctoris.

cit. B. ubi habet, quod si Deus inuoluntariè non agit in aliquo instanti, non propter hoc oportet eum expectare tempus, vt in instanti determinato illius temporis agat, sed potest agere in tempore, in cuius primo instanti non agit: Verum est igitur, inquit Scotus, quod Deus potest agere in instanti quicquid immediatè agit, sed non est necesse ipsum agere in instanti: Vnde si Deus potest creare Angelum in tempore, poterit primùm creare in instanti, & alium in tempore sequenti, & istis creationibus non respondebunt duo instantia immediata, sed primæ creationi correspondebit instans, secundæ verò correspondebit tempus, quia crearetur Angelus in tempore.

Vndecimò. Omni parte continui est aliqua pars minor, vel non; si non; ergò hæc erit minima, & indiuisibilis; si sic, aut illa est diuisibilis, vel indiuisibilis: Non diuisibilis, quia tunc non esset minor omni parte continui; ergò indiuisibilis, & sic ex indiuisibilibus continuum erit.

Respondeo, quod omni parte continui est aliqua minor. Et cum dicitur vel illa est diuisibilis, vel non, dico, quod est diuisibilis: Et cum probatur quod non, quia tunc non esset minor omni parte continui: Respondeo, quod tunc non esset minor secundum proportionem, quia quælibet pars continui est diuisibilis in infinitum, esset verò minor secundum determinatam quantitatem, quia quælibet pars, in quam alia pars diuiditur semper est minor diuisa, quia totum est maius sua parte.

Alia argumenta facit Sco. & soluit 2. d. 2. q. 9. vt videre est apud doctissimum fabrum meum Conciuem Teor. 52.

Duodecimò. Arguunt sustinentes Continuum constare ex solis diuisibilibus, & probant auctoritatibus, & Primò auctoritate D. Augustini lib. de quant. animæ cap. 10. ubi volens ostendere animam incorpoream esse, probat ex hoc quod ista indiuisibilia intelligit. *Nam sola longitudo, inquit, non nisi intelligi animo potest, in corpore inueniri non potest, &*

7. super

7. super Gen. cap. 15. dicit, quòd si anima esset corporea, nullo modo posset cognoscere tales lineas.

Confirmatur auctoritate Arist. 8. Met. tex. 18. faciens mentionem punctorum ait, *Utpote puncta si sint. quidem*, & 3. Met. tex. 17. asserit superficies, lineas, & puncta solum in potentia esse in corpore sicuti Mercurius in rudi lapide; Tum quia 1. met. tex 43. docet contra Platonem magnitudinem non constare ex superficiebus, lineis, & punctis.

Respondent Meld. & Cat. ibi num. 72. non esse de mente D. Aug. negare indiuisibilia cum ea concedat loco cit. *Respondio Meld. & Cat.* cap. 11. & 12. & maxime 11. Confess. cap. 16. sed negat puncta, & lineas in corpore reperiri, vt à sensibus cognoscibilia.

Sed ego concederem illam auctoritatem Augustini non enim est contra nos, nam dicit Augustinus quod sola longitudo intellectu potest percipi non reperiri in corpore, & est verissimum, quia sola longitudo, nec sola puncta, nec sola latitudo reperitur in corpore, quia punctum non reperitur sine linea, nec linea sine superficie, nec superficies sola est in corpore, sed omnes dimensiones simul sunt in corpore cum partibus eius continuatis per superficies, quæ superficies continuatur per lineas, & lineæ per puncta; Non dicit Aug. quod longitudo non reperiatur in corpore, sed dicit, quod sola longitudo non reperitur in corpore.

Ad Auctoritatem primam Arist. 8. met. tex. 18. dico; quòd malè citatur textus, quia est tex. 14. iste enim liber octauus non habet nisi 16. tex. & dicit ibi quod si sint puncta, quia supponit puncta esse, quæ ab alijs negantur esse; semper enim concedit Arist. indiuisibilia, & dimensiones esse, vt patet 3. met. tex. 17. Vnde licet aliquando dicat hæc esse in potentia, loquitur de istis quatenus per diuisionem aquiruntur, vt se explicat in fine tex. 17. 3. met. quando enim diuiditur linea, duo puncta fiunt, quæ prius non erant, & dum diuiditur superficies duæ lineæ fiunt, & dum diuiditur cor-

*Respondio Auctoris.*



pus duæ superficies fiunt, quæ prius non erant; Tamen in principio huius text. dicit quod puncta lineæ, & superficies possunt esse sine corpore; sed impossibile est, quod corpus sit sine ipsis.

Sed quia ibi Arist. supponit multa dicta aliorum Philosophorum. Respondeo aliter, & melius, quod ibi intendit probare puncta, lineas, & superficies non esse entia, sed ad hominem; Nam ait Arist. plures antiquiores Philosophos existimasse substantiam, & ens idem esse, & solum corpus esse ens, & substantiam; Hoc supposito arguit Philosophus; sed istæ dimensiones non sunt corpus, sed termini corporis; ergo non sunt entia, et substantiæ.

Contra quomodo puncta sunt, si non fiunt, nec generantur, nec corumpuntur, ut patet ex Arist. 3. met. tex. 7. & 8. met. tex. 14.

Respondeo, quod ideo Arist. dicit, quod puncta non generantur, neq; corumpuntur, quia supponit secundum antiquos Philosophos fieri, vel generari, & corumpi solum substantiis conuenire, & solum substantias nominari entia, cum enim puncta non sint substantiæ, arguit ad hominem quod nec sunt entia, neq; fiunt, nec generantur, nec corumpuntur; concludit tamen, quod si puncta generantur, & corumpuntur, ex aliquo fiunt, & 8. met. loquitur Arist. de fieri compositi, non de fieri simpliciter, dicit enim in illo textu quod nec formæ fiunt, non enim, inquit Arist. albedinis, sed lignum album. Ex quo patet quod loquitur de fieri compositi.

Ad Arist. 1. met. tex. 43. respondent ex Sco. in Com. talis text. Arist. improbare Platonem ponentem diuersa esse principia constituenta lineam à principiis constituentibus superficiem, & ista esse diuersa à principiis constituentibus corpus, unde arguit quorum principia sunt diuersa, & ipsa sunt diuersa; ergo nequit linea in superficie esse, & hæc in corpore, quia diuersa sunt.

Scd

Sed hæc expositio non mihi videtur bona, quia licet Plato assignet principia dimensionum esse diuersa, non propter hoc sequitur magnitudines non constare ex superficiebus lineis, & punctis, quia etiam secundum Sco. & veros Philosophos, & Arist. dimensiones habent diuersa principia constituentia, aliter dimensiones non essent diuersæ, quod est falsum.

Et attendite Scotistæ. Hæc expositio non est Sco. sed omninò contraria Sco. in expositione istius textus. Non enim Arist. arguit contra Platonem. quia dicat dimensiones habere diuersa principia, sed quia sustinebat punctum esse principium, & essentialiter inclusum in linea, lineam in superficie, & superficiem in corpore tanquam superius in suo inferiori; Vnde inquit Scotus cum Arist. sequeretur quod corpus esset superficies, & superficies esset linea, quod est falsum.

Ideo respondeo ad Argumentum Arist. dicere contra Platonem magnitudinem non constare ex superficiebus, lineis, & punctis tanquam ex principiis essentialibus, vt dicebat Plato, non negat tamen Arist. corpus constare ex superficiebus, superficies ex lineis, & linea ex punctis tanquam ex terminis, qui termini non includuntur essentialiter in quâritate cuius sunt termini, sed omnino sunt extrâ eius quidditatem.

*Responsio  
Auctoris.*

XIII. Aut præter singula, & omnia puncta collectiue sumpta, in linea est, & mediat aliquid vel nihil; si nihil ergo continuum ex diuisibilibus constaret; si mediat aliquid, ergo tale erit diuisibile, & extensum absque punctis, alioquin præter singula, & omnia puncta daretur punctus, quod est falsum, ergo si datur pars lineæ continua siue punctis tota, linea erit sine punctis.

Respondeo quod præter singula & omnia puncta dantur in continuo partes eius; Et cum dicitur, ergo illæ partes erunt diuisibiles sine punctis negatur, nec præter omnia puncta est punctus, quia sunt diuisibiles, extensæ, & continuæ per

I 2 illa

pus duæ superficies fiunt, quæ prius non erant; Tamen in principio huius tex. dicit quod puncta lineæ, & superficies possunt esse sine corpore; sed impossibile est, quod corpus sit sine ipsis.

Sed quia ibi Arist. supponit multa dicta aliorum Philosophorum. Respondeo aliter, & melius, quod ibi intendit probare puncta, lineas, & superficies non esse entia, sed ad hominem; Nam ait Arist. plures antiquiores Philosophos existimasse substantiam, & ens idem esse, & solum corpus esse ens, & substantiam; Hoc supposito arguit Philosophus; sed istæ dimensiones non sunt corpus, sed termini corporis; ergo non sunt entia, et substantiæ.

Contra quomodo puncta sunt, si non fiunt, nec generantur, nec corumpuntur, ut patet ex Arist. 3. met. tex. 7. & 8. met. tex. 14.

Respondeo, quod ideo Arist. dicit, quod puncta non generantur, neq; corumpuntur, quia supponit secundum antiquos Philosophos fieri, vel generari, & corumpi solum substantiis conuenire, & solum substantias nominari entia; cum enim puncta non sint substantiæ, arguit ad hominem quod nec sunt entia, neq; fiunt, nec generantur, nec corumpuntur; concludit tamen, quod si puncta generantur, & corumpuntur, ex aliquo fiunt, & 8. met. loquitur Arist. de fieri compositi, non de fieri simpliciter, dicit enim in illo textu quod nec formæ fiunt, non enim, inquit Arist. albedos, sed lignum album. Ex quo patet quod loquitur de fieri compositi.

Ad Arist. 1. met. tex. 43. respondent ex Sco. in Com. talis tex. Arist. improbare Platonem ponentem diuersa esse principia constituentia lineam à principiis constituentibus superficiem, & ista esse diuersa à principiis constituentibus corpus, unde arguit quorum principia sunt diuersa, & ipsa sunt diuersa; ergo nequit linea in superficie esse, & hæc in corpore, quia diuersa sunt.

Sed



Sed hæc expositio non mihi videtur bona, quia licet Plato assignet principia dimensionum esse diuersa, non propter hoc sequitur magnitudines non constare ex superficiebus lineis, & punctis, quia etiam secundum Sco. & veros Philosophos, & Arist. dimensiones habent diuersa principia constituentia, aliter dimensiones non essent diuersæ, quod est falsum.

Et attendite Scotistæ. Hæc expositio non est Sco. sed omnino contraria Sco. in expositione istius texti. Non enim Arist. arguit contra Platonem. quia dicat dimensiones habere diuersa principia, sed quia sustinebat punctum esse principium, & essentialiter inclusum in linea, lineam in superficie, & superficiem in corpore tanquam superius in suo inferiori; Vnde inquit Scotus cum Arist. sequeretur quod corpus esset superficies, & superficies esset linea, quod est falsum.

Ideo respondeo ad Argumentum Arist. dicere contra Platonem magnitudinem non constare ex superficiebus, lineis, & punctis tanquam ex principiis essentialibus, vt dicebat Plato, non negat tamen Arist. corpus constare ex superficiebus, superficies ex lineis, & linea ex punctis tanquam ex terminis, qui termini non includuntur essentialiter in quâritate cuius sunt termini, sed omnino sunt extrâ eius quidditatem.

*Responsio  
Auctoris.*

XIII. Aut præter singula, & omnia puncta collectiue sumpta, in linea est, & mediat aliquid vel nihil; si nihil ergo continuum ex indiuisibilibus constaret; si mediat aliquid, ergo tale erit diuisibile, & extensum absque punctis, alioquin præter singula, & omnia puncta daretur punctus, quod est falsum, ergo si datur pars lineæ continua siue punctis tota linea erit sine punctis.

Respondeo quod præter singula & omnia puncta dantur in continuo partes eius; Et cum dicitur, ergo illæ partes erunt diuisibiles sine punctis negatur, nec præter omnia puncta est punctus, quia sunt diuisibiles, extensæ, & continuæ per

I 2 illa

illa omnia puncta, cum illæ partes non sint finè omnibus illis punctis, & sic falsum est omne id, quod sequitur in argumento, Nam tota vis, & apparentia huius argumenti, est quia abstrahit puncta à partibus lineæ, quæ non possunt esse finè punctis, & determinat punctum immediate succedens parti, quod non est determinabile quia licet ad declarandam naturam lineæ, dicamus, quod primò est punctus, deindè immediate succedit pars, & post immediate punctus, tamen quia illa pars immediate primo puncto, quod est extremum lineæ est diuisibilis in infinitas partes, inter illa duo puncta sic assignata intercedunt infinitæ partes, & infinita puncta, ac propterea optimè respondetur ad argumentum, quod in linea præter omnia puncta mediat aliquid, quod diuiditur, extenditur, vel continuatur per omnia illa puncta distributivè, non collectivè, quia quælibet pars lineæ non habet omnia puncta lineæ, sed quælibet pars lineæ terminatur propriis punctis, non tamen assignabilibus, quia quælibet pars continet infinitas partes, & puncta.

XIV. Destruat Deus omnia puncta, remanentibus partibus lineæ, vel potius destruat omnes partes lineæ, & cōseruet omnia puncta illius lineæ in aliquo spatio; vel inter illa puncta mediat spatium; vel non; si non; ergo illa puncta essent immediata. si sic ergo illud, quod occupabat spatium inter medium erat sine punctis.

*Improbatur dictum  
Meld. &*

Respondeo quod Deus non potest destruere puncta remanentibus partibus lineæ, quia essentialiter illæ partes à punctis dependent, nec potest destruere partes remanentibus punctis, non quia puncta debeant à lineis, ut dicit Meld. & Cat. ibi num. 73. cum prius non debeant essentialiter à posteriori, sed quia non possunt destitui partes lineæ, nisi destruantur puncta, quia quælibet pars lineæ est diuisibilis in infinitas partes continuatas per puncta, & sic suppositio est impossibilis, quia supponitur omnia puncta, cōseruari, & infinita puncta destitui.

Contra

Contrà quandòcunq; sunt aliqua duo actualiter distincta, potest Deus vnum conseruare sine alio, à quo essentialiter non dependet, sed puncta lineæ realiter distinguuntur à lineà, quia quodlibet illorum potest destrui per diuisionem, remanentibus partibus, cum diuisio cadat super punctum, quod tunc destruitur, nec essentialiter depèdet à lineà, quia prius non dependet essentialiter à posteriori. ergo Deus potest conseruare puncta sine partibus lineæ.

Responderi potest, quod maior propositio vera est de entibus, non de aliquitatibus entis, quia de ratione aliquitatis est, quod sit aliquid entis, idèò si esset aliquitas ab ente separata, non esset aliquid entis, sed per se ens, & vere ens, & sic separata esset, & non esset, esset vt supponitur, non esset, quia non esset aliquid entis, & sic esset aliquitas, & non aliquitas; Modò punctus non est ens, quia nec substantia, nec accidens, Non est substantia, nec ratio, nec qualitas, quia hæc non sunt continuatiua, nec quantitas vt patet; ergo aliquid quantitatis & aliquid entis, & per consequens punctus etiam distinctus à lineà realiter non poterit à Deo sinè lineà conseruari, quia tunc non esset aliquitas, & aliquid lineæ, sed esset quid, & ens secundum se, quia sinè lineà esset, quod est falsum.

Sed contra .Primum instans, & primum mutatum esse potest raptim transire per potentiàm Dei; ergo Deus poterit creare solum primum instans, & mutatum esse sinè tempore, & motu, & tamen instans est aliquid entis, & temporis, sicut mutatum esse est aliquid motus, & punctus aliquid lineæ; ergo si potest esse instans, & mutatum esse sine tempore, & motu, poterit etiam punctus esse sinè lineà.

Idèò dico, quod Deus potest creare plura indiuisibilia, & puncta sinè lineis, & ipsa conseruare, sed non potest omnia puncta lineæ conseruare sinè lineà, & cum dicitur, quod Deus potest vnum realiter distinctum ab alio separare, dico quod hoc est verum, si ex alio capite non includat contradic-

tio-

ctionem, modo includit contradictionem conseruare omnia puncta lineæ, & partes lineæ destruere, quia, vt dictum est, quælibet pars lineæ est diuisibilis in infinitas partes continuatas per puncta, & sic destrutis partibus lineæ, destruerentur infinita puncta, & sic esset conseruare omnia puncta lineæ, & infinita puncta lineæ destruere, & sic esset conseruare, & non conseruare omnia puncta lineæ quod est impossibile.

Si dicatur supponamus hoc impossibile, quod Deus conseruaret omnia puncta lineæ, destructa lineæ; Tunc si erit spatium inter puncta: ergo lineæ, quæ occupabat illud spatium, vel illam longitudinem spatii erat sine punctis.

Respondeo, quod dato hoc impossibile, sequeretur aliud impossibile scilicet lineam interceptam destructâ, fuisse sine punctis, sed hoc fauet mihi, quia ponit oppositum conclusionis esse impossibile.

XV. Deus, vel alius intellectus separatus potest cognoscere omnia puncta: si nihil superest, continuum ex indiuisibilibus componeretur; si aliquid, ergo illud puncta non includeret.

Respondeo, quod Deus cognoscendo omnia puncta in linea eo modo, quo sunt cognoscibilia aliquid superest, scilicet partes lineæ, quæ non sunt puncta, nec essentialiter includunt puncta, non essent tamen sine punctis cognitis, sicut Deus, & intellectus separatus potest cognoscere partes lineæ non esse puncta, sed non potest cognoscere esse sine punctis.

XVI. Si indiuisibilia darentur, ista essent accidentia, ergo in aliquo deberent subiectari, quæro, vel in subiecto diuisibili, vel indiuisibili, non indiuisibili, quia non datur indiuisibile substantiale, ergo in subiecto diuisibili, quod est falsum, quia esset formaliter, vel virtualiter extensum.

Respondeo negando Antecedens, quia puncta non sunt accidentia, sed aliquitates accidentis, scilicet aliquid acciden-

dentis, & quantitatis, quia sunt termini lineæ, & continuantia partes lineæ, ideò sunt in subiecto per accidens, & in subiecto diuifibili, in quo sunt partes eius; Et cum probatur quod non, quia tunc punctum esset formaliter, vel virtualiter extensum, nego, quia tale indiuisibile non est in subiecto per se, sed per accidens, ideò potest dici extensum per accidens, eò quia est per accidens in subiecto extenso.

Præterea si est indiuisibile mathematicum esset per se in subiecto etiam diuifibili, non propterea sequeretur ipsum esse diuifibile, & extensum, æqualitas enim, quæ est relatio, est accidens indiuisibile, & omninò inextensum, & tamen est in subiecto quanto, & extenso, & informaret totum quantum, nec tamen compenetraret omnes partes quanti; Vti què enim extensum non potest subiectari in subiecto inextenso, & indiuisibili, tamen indiuisibile potest esse in subiecto extenso, & diuifibili, nec sequitur tale indiuisibile, & inextensum esse extensum saltem virtualiter, quia relatio, sicut & punctus nullam habet quantitatem molis, nec virtutis & sunt entia omninò inextensa tam potentia proxima, quam remota, & huius ratio vera, & per se non potest esse, nisi quia sunt talia entia.

XVII. Si darentur indiuisibilia componentia continuum, sequeretur quòd perfectum sphæricum tangeret perfectum planum in puncto; sed consequens est falsum; ergò & Antecedens, falsitas consequentis probatur, quia si tale sphæricum tangeret perfectum planum vitreum frangeret illud; ergò tangeret secundum partes, & non in puncto, probatur consequentia, quia fractio prouenit ex resistentia vnius corporis respectu alterius impellentis illud; ergò, si tangeret in puncto puncta sphæræ, & plani essent simul, & vnum non impelleret aliud.

Respondeo etiam concedendo consequens, licet sphæricum solum in instanti tangat in puncto plani, in tempore vero partem plani, & cum probatur, quod est falsum, dico, quòd si sphæ-

Improbatur  
dictum  
Meld. &  
Cat.

si sphaericum tangeret perfectum planum in puncto, idest in puncto plani, nunquam frangeretur, & si frangeretur, hoc non esset propter maximam approximationem corporum, ut dicit Meldula, & Cat. ibi num. 77. sed quia planum vitreum cederet grauitati corporis sphaerici, & sic incuruaretur; & sphaericum tangeret illud secundum partes, secundum quas esset postea resistentia, & tractio.

XVIII. Si daretur indiuisibile in continuo, quæro quid tangeret immediate illud indiuisibile. Non aliud indiuisibile, quia indiuisibile nõ est immediatum indiuisibili, sic enim continuum ex indiuisibilibus componeretur, Non tangeret partem diuisibilem, quia indiuisibile nequit coexistere alicui diuisibili, ergò vanum est ponere indiuisibilia in continuo, & nihil iuuant.

Respondet Scot. 2. d. 2. q. 9. 5. quod immediatum potest accipi dupliciter vno modo inter quod secundum se totum, & aliud non est medium; Alio modo quod secundum se totum est cum altero statim, vel post alterum. Primo modo continuum est immediatum suo termino, quia inter indiuisibile terminans, & diuisibile terminatum non cadit medium. Secundo modo indiuisibili terminanti continuum nihil est immediatum, nihil enim secundum se totum statim sequitur illud indiuisibile, sed pars illius totius, quod est immediatum totum; Vnde indiuisibile immediate tangit diuisibile secundum partem antè partem in infinitum, quia illa pars immediata non est determinata, nec determinabilis, cum sit diuisibilis in infinitas partes; Et cum probatur quod non, quia indiuisibile nequit coexistere diuisibili, negatur, quia indiuisibile, & punctus simul est cum diuisibili, sicut terminus cum suo terminato; Non enim diuersum locum occupant punctus, & linea, non enim magis se extenderet linea sine puncto, sicut nunc cum puncto, quia indiuisibile additum diuisibili non facit maius secundum molem, & sic non est vanum ponere indiuisibilia in continuo, quia ponuntur,



nuntur, vt continent, & terminent partes lineæ. quæ cum sint essentialiter continuæ, necessariò requirunt indiuisibilia continuantia.

XIX. Si darentur indiuisibilia in continuo, sequeretur, quod tot essent puncta in Cœlo, sicuti in minori circulo circa centrum, quod est falsum, quia pars aliqua Cœli erit æqualis toti minori circulo circa centrum, & per consequens habebit æqualia puncta, ergò residuum Cœli vel non erit ex punctis, vel si ex illis componeretur, excenderet in illis minorem circulum.

Respondeo, quòd licet numerus partium & punctorum in quanto non possint assignari determinatè, potest tamen assignari confusè numerus punctorum in ordine ad numerum partium, & quia partes sunt infinitæ in potentia, quia diuisibiles in infinitum, ita infinita sunt puncta continuantia illas partes; Et sicut non est assignare primam, & secundam partem, ita non est assignare primum, & secundum punctum, quia inter duo puncta etiam in minima distantia assignata, & determinata sunt infinita puncta, quia infinitæ partes continuatæ per puncta. Et sicuti dantur finitæ partes determinatæ in continuo, ita dantur finita determinata puncta earundem partium. Vnde sicut dantur infinitæ partes in circulo maiori, & infinita puncta, ita in circulo minori, quod libet enim quantum est æquale alteri quanto secundum partes proportionales, non determinatas, & eiusdem quantitatis.

Respondeo itaque ad argumentum concedendo, quod tot essent puncta in circulo minori, sicut in maiori loquendo de punctis continuantibus partes proportionales circuli minoris, quia sunt infinita puncta, sicut infinitæ partes; Et infinito seu simpliciter, seu secundum quid nullum datur maius infinitum in suo genere, vt dicitur in sequenti disp. cont. Meld. & Cat. seu negatur, quòd in circulo minori sint tot puncta determinata secundum eius determinatas partes eiusdem quantitatis, quot sunt in circulo maiori; Et licet à  
K quolibet

quolibet puncto, & parte circuli maioris possint trahi lineæ non concurrentes ad puncta, & partes circuli minoris distributiue, non tamen possunt trahi collectiue, & simul, quia sicuti simul non possunt assignari partes, & puncta in circulo, quia sunt infinita, ita non possunt simul protrahi istæ lineæ, quia tunc darentur infinitæ lineæ actu, quæ essent determinatæ, protractæ tamen ad infinita puncta & partes omnino indeterminabiles, & inassignabiles, quod repugnat. Idem dicendum est de minori motu, & tempore, & quocumque minori quanto in ordine ad maius quantum.

### CONCLUSIO QUINTA.

*Nullum Continuum inanimatum, & homogeneum habet terminum suæ paruitatis ex natura sua, licet quodcumque tale permanens habeat terminum suæ magnitudinis, etiam in ordine ad omnipotentiam Dei.*

Prima pars est Sco. 2. d. 1. q. 9. c. f. Secunda pars in 3. d. 13. q. p. C. & inde

### Opinio Aliorum. Caput Primum.

**M**eld. & Cat. disp. 9. Phys. q. 3. num. 99. sustinent continua inanimata, & homogenea de potentia Dei absoluta nullum terminum paruitatis, & magnitudinis agnoscere, & citant Sco. 2. d. 1. q. 9. C. & N.

Opinio  
Meld. &  
Cat.  
  
Confutatio  
differtur  
vsque ad  
disputatio-  
nem de in-  
finito.

Sed hæc opinio quo ad terminum magnitudinis sustine-  
ri non potest in doctrina Sco. & male citant Scotum litera  
C. quia ibi Scot. solum loquitur de termino paruitatis, non  
magnitudinis, ut videre est; Et confutatio huius opinionis  
erit in primo capite conclusionis disputatione de infinito,  
ubi ostendam contra ipsos non posse dari infinitum synca-  
thegorematicum in magnitudine, & qualitate, quod idem  
est ac dicere continuuum, & quodcumque homogeneum per-  
manens



manens habere terminum suæ magnitudinis in ordine ad omnipotentiam Dei, sed quia nolo millicies id repetere in proprio loco afferam argumenta.

*Sententia Auctoris. Cap. Secundum.*

*Nullum Continuum inanimatum, & homogeneum habet terminum suæ paruitatis ex natura sua, licet quodcumque tale permanens habeat terminum suæ magnitudinis, etiam in ordine ad omnipotentiam Dei.*

Prima pars est Sco. 2. d. 2. q. 9. c. f. secunda pars in 3. d. 13. q. p. C. & indè.

**P**RO cuius declaratione Primo Not. hic solum primam partem conclusionis examinari cum secunda pars sit in disputatione de infinito examinanda, & in presenti esse sermo nem non de sola quantitate, & Continuo mathematico, sed de habente quantitatem. Habens autem quantitatem, vel est animatum, & hoc siue anima rationali, vt homo, siue sensitiua, vt Bruta, siue vegetatiua; vt Plantæ, Vel est inanimatum, & est omne illud, quod caret anima rationali, sensitiua, & vegetatiua; quantum animatum dicitur etherogeneum, scilicet habens partes diuersæ rationis, de quibus totum non potest predicari; pars enim hominis non est homo; & istæ partes diuersæ rationis necessariò requiruntur in animato, quia sunt instrumenta diuersarum operationum animæ; quantum verò inanimatum dicitur homogeneum, scilicet habens partes eiusdem rationis, de quibus totum prædicatur; quia pars aquæ est aqua, & pars ignis est ignis; In proposito est sermo de Continuis inanimatis, & homogeneis: Et est sensus conclusionis, quod nullum datur Continuum homogeneum, quod ex sui natura petat terminum suæ paruitatis, sic, quod quodcunq; dato paruo homogeneo,

*Quantum duplex, & quid.*

*quantum animatum est etherogeneum; Inanimatum est homogeneum.*

K 2 potest

potest dari minus, idest non repugnat continuo inanimato, & homogeneo ex sui natura, quia semper quocumque paruo per se existente, possit aliquid minus eo per se existere in infinitum, licet extrinsecè possit dari terminus paruitatis, & ratio extrinseca termini paruitatis potest esse secundum Scot. 2. d. 2. q. 9. G. contrarietas corrumpentis, quia si daretur minimum in infinitum, cum hæc sublunaria sint ex contrariis, & contraria, tale minimum non posset per se existere, quia statim corrumpetur à suo contrario; Vnde de facto deuenitur ad minimum, vel deueniri potest, quod si daretur minus non potens resistere corrumpenti, illud minimum haberet terminum suæ paruitatis, sed extrinsecè, non autem intrinsecè, ita quod circumscripto omni corruptiuo, non repugnat dari minus in infinitum etiam in ordine ad omnipotentiam Dei; sed continuum homogeneum ex sui natura habet terminum suæ magnitudinis, sic quod intrinsecè sibi repugnat augeri in infinitum, etiam in ordine ad omnipotentiam Dei, vt dicitur in disputatione de Infinito.

*Differen-  
tia inter  
homoge-  
nea, &  
etheroge-  
nea quoad  
symm.*

Secundò Not. quòd differentia est inter homogenea, & etherogenea in proposito nostro, quòd forma naturalis in etherogeneo impedit ne possit diuidi secundum omnem partem, in quarum vnaquæque sit ratio totius; vtrique potest diuidi in infinitum, quia est quantum, sed partes eius non possunt habere rationem totius, non enim manus, caput, pes est homo, aliter etherogeneum, non esset etherogeneum, & sic anima impedit nè homo diuidatur secundum omnem partem, quarum vnaqueque sit homo, ac propterea homo requirit determinatam quantitatem. Tamen licet homo secundum animam, & secundum quod est corpus etherogeneum non possit diuidi in partes integrales eiusdem rationis, tamen secundum quod est Quantum, est diuisibilis in partes eiusdem rationis, corpus enim quòd afficitur quantitate est diuisibile in partes eiusdem rationis, quia quæli-

quælibet pars corporis est corpus, licet quælibet illarum non sit homo, similiter & caro in homine est diuisibilis in partes, quarum vnaquæque est caro, non tamen quælibet illarum est homo; Propter hoc tamen homo potest dici simpliciter diuisibilis in partes integrales eiusdem rationis, quia quod competit toti per partem, competit ei simpliciter ex Scot. 2. d. 2. q. 9. E. Videre enim licet per manus non competat homini, conuenit ei tamen in quantum habet oculos, & sic valet dicere, quod homo simpliciter videt: A pari licet homo non sit diuisibilis in partes eiusdem rationis, quatenus habet animam, & est corpus etherogeneum, est tamen diuisibilis hoc modo, quatenus est Quantus, & ratione corporis, & carnis quantæ in ipso homine, quia omnes rationes inquit Scot. quæ absolutè procedunt de Quantitate secundum rationem quantitatis, procedunt de ea, vt est in rebus naturalibus, & de ipsis naturalibus verificatur; Nec indiuisibilitas animæ, & etherogeneitas repugnat diuisibilitati in partes eiusdem rationis, quia animatum, & etherogeneum non posset habere quantitatem, cui enim repugnat passio consequens naturaliter aliquam rem, ei repugnat, & ipsa res, & sic cui repugnat diuisibilitas in partes eiusdem rationis, quæ est passio naturaliter consequens quantitatem, ei simpliciter repugnat quantitas, ita Scot. loco cit. D.

Tertiò Not. quod pars alicuius continui. Alia dicitur pars secundum formam, alia secundum materiam, & hoc potest intelligi tripliciter secundum mentem aliorum est Scot. 2. d. 2. q. 9. C. vno modo pars dicitur secundum formam, id est secundum speciem, vt pars quanti naturalis, vt naturale est: Pars verò secundum materiam dicitur pars quanti naturalis, vt quantum est, quia quantitas sequitur materiam, & sic redit in quoddam dictum antiquum, quod quanta secundum quod quanta sunt diuisibilia in infinitum, non autem secundum quod naturalia. Secundò modo pars secundum formam dicitur, quæ potest per se existere actu, & pars

*Quid sit  
pars secundum  
formam, &  
secundum  
materiam.*

& pars secundum materiam, idest pars secundum potentiam, est quæ actualiter existit in toto, & tunc redit cum alio dicto antiquo: quod est dare minimum, quod potest per se existere, non autem est minimum in toto, quo non est minus existens in eo in potentia, & sic pars actu separata à quanto dicitur pars secundum formam, & pars actualiter in toto dicitur pars secundum materiam, idest datur aliqua portio materiæ sub minori qua forma substantialis existere non potest, & dicitur minimum naturale, seu minimum secundum formam, quia dicit Agidius, quod forma substantialis sibi determinat quantitatem, sub qua minori non potest existere, non tamen potest dari minimum secundum materiam, quia quocunque minimo dato in toto, adhuc potest dari minus in ipsa toto. Tertio modo, pars secundum formam dicitur pars formæ, vel totius in quantum habet formam, & pars secundum materiam dicitur pars materiæ, vel totius sine forma: Iste autem tertius intellectus est falsus inquit Scot. quia nunquam dari potest pars in toto sine forma: Et sic excludendo hunc tertium intellectum, siue accipiatur minimum secundum materiam, siue secundum formam primo, vel secundo modo non potest dari minimum in natura, cum quodcumque quantum sit diuisibile in infinitum.

*Terminus  
continui  
quotuplex  
& quid sit.*

Quarto Not. quod terminus continui est duplex, vt etiam optimè notauit Sghem. 1. phys. dig. 3. q. 5. Intrinsecus, & extrinsecus. Terminus intrinsecus magnitudinis est ultra quem res maior fieri non potest, vt si homo non potest attingere ultra quantitatem viginti palmorum, vigesimus palmus est terminus intrinsecus magnitudinis hominis, & dicitur maximum, quod sic; Terminus extrinsecus magnitudinis est illa quantitas, quæ non potest attingi, sed citrà eam potest attingi, vt primus palmus ultra vigesimum, quem non potest attingere homo, dicitur terminus extrinsecus magnitudinis hominis, & dicitur minimum, quod non, quia est  
mini-

minima quantitas, quæ non potest ab homine attingi, quia ultra vigesimum primum palum datur alia maior quantitas, quæ non potest ab homine attingi; Terminus intrinsecus paruitatis est minima quantitas sub qua res esse potest, ut si homo non potest sub minori quantitate esse, quàm bipalmari, quantitas bipalmaris erit terminus intrinsecus paruitatis hominis, & dicitur minimum quod sic. Terminus verò extrinsecus paruitatis est illa quantitas minima, sub qua res esse non potest, ut tota quantitas infra bipalmarem est terminus extrinsecus paruitatis hominis, & dicitur maximum, quod non, quia ultra illam quantitatem, scilicet infra bipalmarem est semper maxima quantitas in infinitum: maximum quod sic, & minimum quod sic sunt termini intrinseci continui: maximum quod non, & minimum quod non sunt termini extrinseci: Sed maximum quod sic, & minimum quod non se tenent ex parte magnitudinis, minimum verò quod sic, & maximum quod non se tenent ex parte paruitatis; Exemplificaui de quantitate palmari tanquam de quantitate certâ ad maiorem explicationem, quilibet autem potest speculari iuxta gradum maioris, vel minoris quantitatis.

Quintò Notând. quòd de terminis rerum, vel loquimur de facto, & certum est, quòd de facto datur maximum, quod est supremum Cœlum, & minimum, quo minus actualiter non inuenitur, licet nobis ignotum; Si verò loquamur de possibili. Vel loquimur de possibili secundum naturam, idest in ordine ad agens naturale, & sic datur maximum, quia agens naturale non potest facere maius corpus, quàm sit vltimum Cœlum, datur etiam minimum non solum in viventibus, quæ secundum Aristotilem 2. de Anima t. 41. habent terminum suæ magnitudinis, & paruitatis, sed etiam in homogeneis, quia cùm hæc sint contraria, vel ex contrariis consistant, non possent naturaliter conseruari, & quantitas licet sit diuisibilis in infinitum, non tamen potest

*An detur  
maximum,  
& minimum  
de facto,  
vel de pos-  
sibili.*

test agens naturale, quod diuidit instrumento corporeo, diuidere in infinitum, sed tandem deuenit ad destructionem continui in diuisione; vel loquimur de possibili simpliciter, scilicet in ordine ad quamcumque potentiam, & sic continua non habent terminum paruitatis, quia sicuti continuo non repugnat diuidi in infinitum, ita Deus potest ipsum diuidere in infinitum, aliter non posset diuidere omne diuisibile, habet verò terminum magnitudinis in ordine ad omnipotentiam Dei, si sit permanens, quia sibi repugnat magnitudo in infinitum, vt dicitur in disp. de infinito; modò præsens conclusio intelligitur de possibili simpliciter, sic quod Continuum homogeneum ex sui natura non habet minimum, & non repugnat dari minus quocumque dato minori homogeneo: His not.

Probatur Conclusio ex Scot. loco in principio conclusionis citato. Nullū diuisibile in infinitas partes eiusdem rationis habet terminum suæ paruitatis: sed homogenea sunt diuisibilia in infinitas partes eiusdem rationis, aliter non essent homogenea: ergo non habent terminum suæ paruitatis.

*Responsio Thomistæ.* Respondent Thomistæ, quòd licet homogeneum sit diuisibile in infinitum ratione quantitatis, non est tamen sic diuisibile ratione formæ naturalis, quæ sibi determinat quantitatem, & impedit nè possit diuidi in partes, in quibus possit esse forma, & saluetur ratio totius.

*Cōfutatur.* Contra ergò homogeneum non esset homogeneum, quia de ratione homogenei est, vt distinguatur ab etherogeneo, quod sit diuisibile in partes in quibus saluatur ratio totius, pars enim aquæ est aqua.

*Responsio pro Thomistis.* Si respondeant, quòd vtique homogeneum est diuisibile in partes eiusdem rationis, sed quando peruenitur ad minimam quantitatem, quam sibi determinat forma homogenei, tunc amplius non potest diuidi, etherogeneum autem nullo modo est sic diuisibile.

*Cōfutatur.* Contra ponamus casum, quòd forma aquæ sibi determinet



net quantitatem palmarem, tunc diuidatur aqua; Vel illa pars aquæ diuisa habet formam aquæ, vel non; si sic, ergò dabitur minor aqua minima determinata; si non; ergò illa pars aquæ, quæ non est annihilata, cum annihilatio sit ipsius Dei, quòd etiam nouit Philosophus, erit actualiter sine forma aquæ; ergò materia naturaliter erit sine forma, quod est contra Thomistas, cum sustineant materiam non habere aliud esse actuale, quàm esse formæ; Si dicant, quòd tunc adueniret alia forma, hoc est falsum, quia sic per diuisionem aliquid generaretur, quæ opinio est Anaxagoræ, quam confutat Aristoteles primo phys. tex. 38. volebat enim Anaxagoras, quòd generatio fieret per segregationem, vt si diuidebatur caro à carne, tunc aliud generabatur secundum ipsum.

Præterea quæro de illa carne de nouo adueniente; Vel est etherogenea, vel homogenea, non etherogenea, quia ista requirit partes diuersæ rationis, quales non habent partes totius homogenei; Non homogenea, quia tunc diuidatur illa pars in alias partes, & sic vel illæ partes habebunt formam eiusdem rationis, vel non; si sic; ergò dabitur minus minimo, & homogeneum poterit esse in minori quantitate determinata; Si non; ergò illæ partes erunt sine forma, vel alia generaretur per illam diuisionem, quòd est falsum, vt prius dictum est secundum Aristotelem contra Anaxagoram.

Præterea ponamus casum, quòd minimum homogeneum inter omnia homogenea sibi determinet quantitatem semipalmarem; Tunc diuidatur quantum semipalmare, quæro vel illa pars diuisa erit eiusdem rationis cum toto, vel non; si sic; ergò illud infimum homogeneum non sibi determinabit quantitatem semipalmarem, quia saluabitur forma illius in minori quantitate: si non; ergò alia forma adueniet, vel remanebit materia sine forma, hoc secundum est falsum, vt dictum est; Non primum, quia vel illa forma erit

L

ethe-



etherogenea, vel homogenea : Non etherogenea , quia hæc requirit partes diuersæ rationis , quas non haberet pars illa diuisa, cum fuerit pars totius homogenei : Si homogenea, ergò minimum inter omnia homogenea non sibi determinabit quantitatem semipalmarem , quòd est contra suppositum, & sic dato quocumque minimo homogeneo, poterit dari minus in infinitum , sicut est in infinito diuisibile.

Si respondeant homogeneum non posse diuidi in partes, quæ actualiter possint existere sine toto , licet in toto sint assignabiles, negarent sensum ; Non enim isti negantes prima principia quantitatis, & continui possunt lauare manus, nisi totam aquam adhiberent, nec bibere vinum, nisi totum vinum simul biberent, & natura frustrà dentes eis dedisset, si carnem actualiter diuidere non possent ; non vtor rationibus, quia prima principia probari non possunt & contra negantes principia non est disputandum, aliter nunquam adinueniretur veritas, & scientia esset impossibilis.

Contrà conclusionem arguitur primò à Thomistis; Forma substantialis in communi requirit quantitatem ; ergò forma determinata requirit determinatam quantitatem : Consequentia patet ex Aristotele 2. physicorum tex. 38. & 5. Met. tex. 3. vbi habet, quòd causæ comparantur effectibus, & commensurantur eis : ergò erit assignare minimum determinatum in continuis homogeneis.

*Responsio  
aliquorum  
Scotistarum,  
quam se-  
quuntur  
Meld. &  
Cat.*

Respondent aliqui Scotistæ, quòd vtique forma determinata requirit determinatam quantitatem, sed non tantam, quin possit esse in minori cum sit diuisibilis in infinitas partes, in quibus saluatur ; Hæc responsionem sequuntur Meld. & Cat. ibi §. ad secundum dicentes, quòd substantia est determinata in perfectione intensiua, non autem extensiua, & in quantitate : sed nihil dicunt ad authoritatem Aristotelis quam etiam ipsi adducunt, & quæ probat determinationem in quantitate.

Contra

Contra hanc responsionem. probò, quòd forma substantialis determinata sibi determinet quantitatem, licet ratione quantitatis sit diuisibilis in infinitas partes, & quòd non soluit argumentum: probò sic forma aquæ scû aqua bipalmaris si diuidatur in duas aquas palmares est aliud indiuiduum ab aquis palmaribus, vt elicitur ex Scotò 2. d. q. 9. f. vbi habet, quòd partes continui homogenei si per se essent, indiuidua essent eiusdem speciei, cuius totum est indiuiduum; ergò forma aquæ bipalmaris non saluatur per diuisionem cum quantitate palmari, aliter aqua bipalmaris, & palmaris diuisa essent vnum indiuiduum, & non diuersa indiuidua, quòd falsissimum est maximè in doctrina Scoti loco citato.

Præterea si forma aquæ bipalmaris non est determinata secundum extensionem, & posset esse in minori, vel minori quantitate in infinitum; ergò poterit esse in tota aqua, & in qualibet parte aquæ, & sic esset solum extensa virtualiter, sicut anima rationalis, quòd non concedunt Philosophi.

Præterea ad quid adducere hoc fundamentum irrefragabile, scilicet, quòd homogeneum est diuisibile in infinitas partes eiusdem rationis ad ostendendum, quòd non detur minimum determinatum in homogeneis, si hæc forma determinata homogenei est indeterminata quo ad extensionem, & potest esse in minori, & minori quantitate in infinitum? igitur absque tali diuisibilitate probabitur non posse dari minimum in homogeneis, & sic fundamentum Scoti quòd est singulare, nullum esset, quia supposita etiam indiuisibilitate homogenei, adhuc saluabitur conclusio, quia forma hæc, & determinata homogenei est indeterminata in extensione.

Ideo respondeo aliter ad argumentum cōcedendo; quòd forma hæc, & determinata requirit determinatam quantitatem, & hoc est, quòd voluit intelligere Aristoteles citatus in

L 2 argu-

Responsio  
Auctoris.

argumento, quòd causa commensuratur effectui sic, quòd effectui in actu correspondet causa in actu, effectui in potentia causa in potentia, effectui particulari, & determinato correspondet causa singularis, & determinata, effectui in communi causa in communi, sic se explicat Aristoteles locis citatis, statuarius est causa statuæ, hic statuarius huius statuæ; sic in proposito forma substantialis in communi requirit quantitatem in communi, forma particularis, & determinata requirit quantitatem singularem, & determinatam, ita vt non possit esse in minori, & minori in infinitum, aliter hæc forma V.G. aquæ bipalmaris poterit esse tota in tota, & tota in qualibet parte, sicut anima rationalis, vt prius dictum est, quòd est falsum, sed nego vltimam consequentiam, scilicet quod detur minimum determinatum in homogeneis, quia quando dicitur, quòd homogeneum non sibi determinat minimam quantitatem, intelligitur sic, quòd non potest dari indiuiduum illius speciei homogeneæ, quod sibi determinet tantam quantitatem cum minori, qua non possit esse aliud indiuiduum illius speciei in infinitum, & sic datur forma aquæ, quæ sibi determinat quantitatem bipalmarem, alia palmarem, alia semipalmarem, alia, & alia minorem in infinitum, quia est diuisibilis in infinitas partes eiusdem rationis, quæ sunt diuersa indiuidua aquæ, & forma totius aquæ non saluatur in partibus diuilibus secundum esse indiuiduale; sed tantum secundum esse specificum.

Secundò. Natura disponit corpora, quæ sunt partes Vniuersi, vt limites suos non pertranseant, non enim ignis cre-  
scit, nisi ad concauum Lunæ, aer vsque ad Sphæram ignis; ergo homogenea habent terminum suæ magnitudinis, & paruitatis.

Respondeo concedendo totum argumentum, quod procedit de facto, non autem de possibili: homogenea enim de facto habent terminum suæ paruitatis ab extrinseco, & ex ordine Vniuersi, non repugnat tamen homogeneo, quòd

aliquod indiuiduum ipsius sit cum minori quantitate, quam sit illa minima, quæ ex ordine Vniuersi de facto est determinata.

Tertiò. Res indiuiduatur per quantitatem in materia signata, ergò petit determinatam magnitudinem, & paruitatem.

Respondeo negando antecedens, quia res indiuiduatur per propriam differentiam indiuidualem, quæ non est quantitas, sed vltima realitas rei, vt dicitur, Deo dante, in Metaphysica disp. de Indiuiduatione; Ad consequentiam respondendo, quòd res determinata, & singularis petit assignatam, determinatam, & singularem quantitatem, sed nego, quòd ita determinatam quantitatem petat, vt aliud Indiuiduum rei homogeneæ in infinitum non possit esse in minori, & minori quantitate in infinitum.

Quartò Aristoteles primo phys. t. 38. docet dari minimum quo aliud minus dari non possit, vt minima caro, & minima aqua, & clariùs 2. de Anima t. 41. omnium natura constantium est terminus.

Respondeo ex Scoto 2. d. 2. q. 9. M. quòd Aristoteles arguit contra Anaxagoram, qui volebat, quòd generatio fiebat ex segregatione vnius ab altero, dicebat enim, vt imponit sibi Philosophus, quòd facta segregatione à carne cuiuscumque generabilis de carne, adhuc remaneret caro tanta, vt ex ea posset vltèrius segregari, seu generari quodcumque generabile, et dicebat, quodcumque generabile requirere quantitatem determinatam illius, ex quo generatur; Tunc arguebat Philosophus, potest fieri ita continua segregatio carnis, vt non remaneat tanta caro, quantam requirit omne generabile; ergò dabitur minima caro, ex qua non potest fieri segregatio, seu generatio cuiuscumque generabilis; segregatio enim, & generatio idem est secundum Anaxagoram; Vnde secundum intentionem Philosophi, non datur minimum in naturalibus, & in carne, quia hæc est diuisibilis in infi-

infinitas partes eiusdem rationis, sed secundum Anaxagoram, probat enim Philosophus contra ipsum ex principiis eius dari minimam carnem, ex qua non potest fieri generatio cuiuscumque generabilis, cum generatio secundum Anaxagoram non sit, nisi segregatio determinatæ quantitatis carnis.

Ad illud 2. de Anima Respondeo ex Scoto loco citat. N. quòd ibi Philosophus loquitur de terminis magnitudinis tantum, & augmenti: Et ideò Philosophus præcisè intendit in illo loco, quòd quantitas perfecta cuiuslibet rei naturalis est determinata in maius, ex quo habet propositum suum, quòd intendit probare, scilicet, quòd ignis non est principium augmentans in aliqua generatione, quia oportet principale agens in aliqua specie esse determinatum ad quantitatem perfectam illius speciei, ut illam solam producat, & non ultra illam, ignis autem non est determinatus ad quantitatem determinatam in illa specie, quia quantum est ex se produceret maius quantum, quia crescit in infinitum, si apponantur combustibilia in infinitum: In proposito est sermo in præsentī de termino parvitatē in homogeneis, non autem de termino magnitudinis in etherogeneis, & animatis, de quibus ibi loquitur Philosophus.

Quintò. Ad generationem ignis, vel aquæ præcedunt certæ, & determinatæ dispositiones in subiecto, quarum præcipua est quantitas: ergò petunt determinatam quantitatem.

Respondeo concedendo, quòd in generatione facta ab agente naturali debent præcedere certæ, & determinatæ dispositiones, & determinata quantitas, sed nego de generatione in ordine ad Deum, qui istis dispositionibus non est alligatus: Vnde licet de facto, vel de possibili in ordine ad agens naturale detur minimum, quo minus dari non possit, non tamen datur intrinsecè, & in ordine ad potentiam Dei, respectu cuius non potest dari ita minimus ignis,  
quia

quin possit dari aliter ignis minor in infinitum: Item præter nouam generationem in infinitum potest per continuam diuisionem dari minus quocumque minimo dato in infinitum.

**Sextò.** Homogenea ordinata sunt ad aliquod opus; ergò non tam paucam exigunt quantitatem, vt non possint operari: ergò determinatam quantitatem petunt.

**Respondent** Meld. & Cat. ibi §. ad tertium, quòd determinata quantitas requiritur ad agendum, loquendo de rebus tantum perfectis, vel saltem sufficit, quòd res habeat potentiam exercendi propriam operationem cum aliquo coniuncto, licet non solitariè; & citant Scot. 2. d. 2. q. 9. N. & 4. d. 44. q. p. §. quantum ergò ad istum art.

*Responso  
Meld. &  
Cat. quæ  
est contra  
Scot. loc. ci-  
tatis ab  
eisdem.*

Sed hæc responsio est omninò contra Scot. in secundo loc. cit. quia ibi Scotus loquitur tantum de operatione naturali sic quòd qualitas sensibilis debet habere determinatam quantitatem, vt possit immutare sensum, scilicet naturaliter, & quòd res sensibilis minima non possit immutare sensum, hoc prouenit à sensu, non à re sensibili, quia quantum est ex se res, est sensibilis virtute, non actione, inquit Scotus ibi, idest posset immutare sensum, si sensus esset sibi proportionatus. Modò sicuti potest esse per potentiam Dei minima res sensibilis in infinitum, ita potest Deus causare sensum sibi proportionatum; Est etiam ista responsio euidentius contraria Scot. in quarto loco cit. Inquit enim ibi Scot. quòd pars secundum formam est, quæ potest habere operationem non tantum totius, sed propriam, & non tantum vt separata à toto, sed vt existens in toto, & quod ad istam operationem exercendam requiritur determinata quantitas extensiuæ, & quantitas intensiuæ virtutis; ergò Scot. non tantum loquitur de rebus perfectis, & de quantitate secundum perfectionem, sed etiam de quantitate modalis, & quod non sufficit, vt possit habere operationem cum aliquo coniuncto, quia si solitariè non posset habere propriam

*confutatur*



priam operationem, nec cum aliquo coniuncto, quia tunc res haberet solam operationem totius: Vnde res secundum Scotum ad hoc vt operetur, requirit determinatam quantitatem molis, & virtutis; Videte Scotum loco cit. G. & videbitis expressè, quòd Moderni fingunt alium Scotum, ~~inueniuntur non sub illius Scoti doctrinam.~~

*Responsio  
Auctoris.*

Idèò Respondeo ego ad argumentum, concedendo, quòd res de facto determinatam quantitatem molis, & virtutis requirunt, vt possint proprias exercere operationes, quia res in minima quantitate, & virtute potius vincuntur à contrarijs, quàm vincant, & sic proprias nequeunt exercere operationes, sed ablato quocumque contrario, vt alibi dicit Scot. tunc res potest in quantitate in infinitum minori conseruari, & quantum est ex se, & ex sui natura haberet propriam operationem, vt pars millii in infinitum minima, posset immutare sensum, si Deus potentiam visiuam sibi proportionatam crearet, quòd sibi non repugnat, & hoc sufficit nostræ conclusioni, quæ procedit de possibili.

Septimò, Ex Aristotele primo de Anima tex. 24. Actus actiuorum sunt in patiente disposito: sed circà homogenea potest esse actus ita tenuis, quo minor esse non possit; ergò dabitur passum susceptiuum, quo minus non est dabile.

Respondeo concesso supposito Aristotelis, negando minorem subillatam, quia non potest esse ita tenuis actus, quin possit dari alter minus tenuis in infinitum, & sic non potest dari passum ita minimum, quin possit dari aliud minus semper aptum ad recipiendas dispositiones.

Præterea potest dici, quòd argumentum præcedit de facto, & in ordine ad agens naturale, respectu cuius minimæ sunt dispositiones ad agendum, non respectu Dei, & de possibili absolutè, quia agens naturale si naturaliter agat, per aliqua media, Deus potest auferre illa media, & sic agens naturaliter habebit effectum sine illis medijs, vt patet  
de



de Virgine in conceptione humanitatis Christi, vide Sco.  
g. d. 4. q. vn. Cogens enim naturale agit per eius virtutem,  
non per media. In proposito si agens naturale minimum non  
posset disponere passum (quod est falsum) adhuc posset ha-  
bere suum effectum, si Deus applicaret sibi minimum pas-  
sum dispositum, vt si lignum dispositum applicaret igni,  
tunc ignis minimus naturaliter igniret.

Octauo. Datur minimum, & maximum in etherogeneis,  
ergo & in homogeneis, quia etherogeneum est ex homo-  
geneis, scilicet carne, sanguine, & ossibus.

Respondeo ad antecedens, quod datur maximum, & mi-  
nimum, in etherogeneis de facto, non autem datur mini-  
mum de possibili, cum possit Deus quocumque etheroge-  
neo minimo dato, aliud minus procederet in infinitum, vt  
diceretur in sequenti conclusione, & sic nego consequen-  
tiam.

Præterea, concesso simpliciter Antecedente, nego Con-  
sequentiam; Ad probationem dico, quod utique etheroge-  
neum constat ex homogeneis, quæ sunt diuisibilia in partes  
eiusdem rationis, vt caro in infinitas partes carnis, & san-  
guis in infinitas partes sanguinis, non sic homo, quia non  
potest diuidi in partes eiusdem rationis, quarum qualibet  
sit homo. Vnde potest dici quod etherogeneum licet habe-  
ret terminum magnitudinis, & paruitatis secundum se to-  
tum id est, vt etherogeneum, non haberet tamen terminum  
magnitudinis, & paruitatis secundum partes, quia illæ sunt  
homogeneæ.

Nono. Virtus, potentia, actio, motus, & forma sunt de-  
finita, ac determinata, quia virtus naturalis est in subiecto  
quanto; ergo requirit determinatam quantitatem.

Respondeo concedendo totum argumentum, scilicet  
quod virtus, actio, & forma requirit determinatam quan-  
titem, sed non ita determinatam, quia virtus, actio, po-  
tentia, & forma alterius individui eiusdem rationis possit

M

esse

esse in minori quantitate : Vtique eadem forma non potest esse in minori, vel minori quantitate in infinitum, potest tamen alia forma, & aliud indiuiduum eiusdem rationis esse in minori & aliud in minori quantitate in infinitum cum sua virtute, potentia, & actione.

Decimò. Aristoteles in libro de sensu, & sensato cap. 6. vult passionēs naturales sensibiles, scilicet qualitates non esse in infinitum diuisibiles, eò quia sensus posset intendi in infinitum: Nam ad percipiendum minus, & minus, requiritur acutior sensus, ergò requirunt determinatam quantitatem.

Respondeo ex Scoto 2. d. 2. q. 9. sup. N. quòd Aristoteles vult, quòd passionēs sensibiles, scilicet qualitates, non esse in infinitum diuisibiles in quantum sunt perceptibiles à sensu, quia licet sint diuisibiles in infinitum, sicut subiectum quantum, in quo sunt, est diuisibile in infinitum, non tamen omnes illæ partes, in quas est diuisibilis qualitas, sunt perceptibiles à sensu, quia potest dari ita minima pars, quæ non possit à sensu percipi; Vnde vult ipse Aristoteles, quòd pars quantumcumque minima potest esse sensibilis virtute non actione, hoc est, pars minima potest cooperari alijs partibus ad immutandum sensum, sed ipsa per se existens non immutaret sensum: Et ratio est, quia de facto non datur sensus ita acutus, qui possit percipere minimam partem sensibilem: Et cum dicitur, quòd tunc sensus cresceret in infinitum; Respondeo ex Scoto loco citato: quòd tunc cresceret in infinitum, si sensus posset percipere minorem partem qualitatis in infinitum, posset tamen Deus alium, & alium sensum acutiorem producere in infinitum, qui posset percipere illas partes minimas in infinitum; modo stat diuisibilitas qualitatis in infinitum absque eo, quòd sensus possit illas partes qualitatis in infinitum cognoscere.

XL In mixtione quidam liquores, vt aqua, & vinum, dum inter se miscentur, amittunt propriam naturam, & in aliam con-

conuertuntur : sed hoc non potest esse, nisi quia ita minuuntur, vt in tam paucis partibus conseruari non possint : ergo requirunt determinatam quantitatem, vt in minori esse non possint.

Respondeo concedendo totum argumentum de facto, quia de facto res petunt determinatam quantitatem, vt si sint in minima quantitate, non possint conseruari, quia à contrario corrumpuntur, vel in propriam naturam conuertuntur, vt cum parua aqua miscetur cum vino, negatur tamen de possibili, ablato enim inquit Scotus, omni contrario, aqua, vel vinum possunt ex sui natura conseruari in minima parte in infinitum; Et Responso Meld. & Cat. ad hoc argumentum negat rationem corruptionis liquorum in mixtione assignatam in argumento, quam concedunt in responsione; dicunt enim quòd ratio corruptionis non est, quae assignatur in argumento, sed ex mutua actione, quòd est hoc; nisi quia in tam parua quantitate non possunt conseruari, quin à contrario corrumpantur?

Contradi-  
ctio Meld.  
& Cat.

XII. Actio fit per excessum actiuitatis agentis suprà resistantiam passi; sed iste excessus est determinatus; ergò qualitas propter talem excessum erit sic determinata, vt minor esse non possit, aliter non posset excedere passum.

Respondeo concedendo suppositum solùm de actione corruptiua, quia sensibile immutans sensum non excedit potentiam sensitiuam, nec obiectum producens cum intellectu intellectionem in eodem intellectu; non excedit intellectum; Præterea concesso supposito simpliciter, dico ad minorem subtilitatem, quòd iste excessus est determinatus, quia hoc agens habet determinatam virtutem, vt possit excedere passum; vt si ad excedendum hoc passum requiruntur quinque gradus virtutis, illud agens non potest habere minorem virtutem, vt possit agere in illo passio; sed ex hoc non sequitur, quòd in genere qualitatis, & virtutis non possit dari minor virtus in infinitum, quia sicut potest dari aliud

M 2 & aliud

& aliud passum minus resistens in infinitum, ita potest dari alia, & alia virtus minor in infinitum, quæ possit excedere resistantiam passi: Et iste est verus intellectus huius conclusionis, quod si aliter intelligatur, vt multi Scotistæ, quos vidi, multas docent propositiones falsas: Vnde si formā, vel agens, vel quodcumque indiuiduum requirit determinatam quantitatem, vt in minori non possit esse, non per hoc sequitur, quod detur minimum naturale de possibili, quia sufficit quod in illa spetie possit dari aliud, & aliud indiuiduum, alia, & alia forma in infinitum, quæ requirunt minorem quantitatem: hoc modo si recte intelligatur conclusio, difficultates facillè soluantur.

### CONCLUSIO SEXTA.

*Viuentia, & continua etherogenea omnia habent terminum magnitudinis, & paruitatis non solum naturaliter, sed etiam in ordine ad potentiam Dei, adherendo rationibus Scotizantium.*

Colligitur ex Scoto omnibus in locis, in quibus habet Creaturam non habere virtutem infinitam.

### Opinio Aliorum. Caput Primum.

*Opinio Meld. & Cat. qua falsè est propter falsa fundamenta.*  
**M**eld. & Cat. disp. 9. phys. q. 3. a. 2. sistent omnia viuētia de facto habere terminum magnitudinis, & paruitatis intrinsecus in quocumque statu, at supernaturaliter nullum terminum agnoscunt, præter homines, quia anima indiuisibili, & rationali sunt præditi, & volunt, quod homines sint de potentia Dei intrinsecè terminati quoad magnitudinem, loquendo verò de termino paruitatis, volunt, quod omnia viuētia indifferenter nullum habeant terminum, ita loco citato n. 110.

Sed

Sed hæc opinio sustineri non potest, nec in via Scot. nec in doctrina ipsorum. Arguo primò, quòd viuientia indifferenter habeant terminum magnitudinis, supponendo, vt etiam ipsi supponunt loco citato n.8. quòd viuientia augentur intrinsecè ex propria virtute animæ, & est verum in doctrina Aristotelis, & Scot. tunc sic: Repugnat viuentibus habere virtutem infinitam, etiam in ordine ad omnipotentiam Dei; ergò repugnat etiam in ordine ad omnipotentiam Dei augeri in infinitum: Antecedens patet, quia virtus infinita soli Deo conuenire potest: Consequentia patet, quia si viuientia possunt augeri propria virtute in infinitum, possent habere virtutem infinitam.

*Cōfutatur*

Ex operatione enim in infinitum per propriam virtutem, arguitur virtus infinita ex Scoto 2. d. 2. q. 6. sup. K. vbi habet, quòd si Angelus posset esse per propriam virtutem in maiori, & maiori, seu in minori, & minori loco in infinitum, argueretur virtus infinita; ergò viuientia in ordine ad omnipotentiam Dei habent terminum suæ magnitudinis.

Confirmatur ex doctrina ipsorum; qui nu. 108. probant viuientia naturaliter esse terminata per hoc, quia virtus animæ est finita, & limitata: Tunc sic, sed virtus animæ in ordine ad omnipotentiam Dei est finita, & limitata, quia non potest Deus creare infinitum, cum repugnet creatura infinita: ergò viuientia etiam in ordine ad potentiam Dei habent terminum suæ magnitudinis.

*Cōfutatio ad hominē*

Secundò probò ad hominem, quòd si viuientia imperfecta non habent terminum magnitudinis etiam in ordine ad potentiam Dei, nec etiam animata anima rationali, quòd est contra ipsos; Nulla forma ex se potest quamcumque materiam informare, sed limitata est ad materiam proportionatam, nisi virtus informatiua eius augeatur: Hæc maior est ipsorum ibi num. 110. sed virtus informatiua animæ rationalis, potest à Deo augeri in infinitum, ergò potest quamcumque materiam informare in infinitum: ergò homo non habet-

*Cōfutatur 2. principaliter ad hominem.*

habebit terminum suæ magnitudinis, minor probatur, quia secundum istos in sequenti disputatione de infinito datur contra Scot. vt dicunt, infinitum syncategorematicum in qualitatibus, & perfectionibus; ergo perfectio quæcumque creata potest à Deo augeri in infinitum, & sic anima rationalis, quæ virtualiter est in toto corpore indiuisibiliter potest augeri intensiue, quamuis non possit augeri per productionem nouæ formæ, vt patet in aliis viuentibus, & sic Deus posset impedire, nè in nutritione hominis partes fluerent, sed solùm quoddam fieret noua conuersio alimenti absque deperditione alicuius partis præcedentis; nè in infinitum fieret accretio, ed quia semper augetetur vis digestiua, attractiua alimenti, & conuersiua in proprias partes corporis.

Confirmatur. Si Deus potest augere virtutem animæ sensitiuæ per productionem nouæ partis formæ, etiam potest augere virtutem animæ rationalis per productionem noui gradus perfectionis, & sic vel in gradibus perfectionis erit status, vel non; si sic, ergo non potest dari infinitum syncategorematicum in qualitatibus, & perfectionibus, & sic non viuentia homogenea habebunt terminum suæ magnitudinis, etiam in ordine ad potentiam Dei, quoddam est contra ipsos; si non, ergo perfectio animæ rationalis, sicut, & quælibet perfectio potest augeri in infinitum, ergo viuens anima rationali non habebit terminum suæ magnitudinis, quoddam ipsi negant.

*Confut. 3.* Tertiò. probo quoddam viuentia habent terminum paruitatis: *ad hominē* Ideò secundum Scotum, & ipsos ibi num. 110. homogenea non habent terminum paruitatis, quia sunt diuisibilia in partes eiusdem rationis, & per se existentes, sed viuentia, & etherogenea non sunt diuisibilia in partes eiusdem rationis, & per se existentes, aliter non essent etherogenea, ergo habent terminum suæ paruitatis: Immo dicunt ipsi nu. 110. quoddam propter hanc rationem animalia sibi determinant mini-

**minimum :**

Si respondent quòd illa ratio valet de facto, & naturali-  
ter, non autem de potentia Dei. Contra, si viuentia natura-  
liter habent terminum paruitatis, quia non sunt diuisibilia  
in partes eiusdem rationis, & per se existentes, ergò super-  
naturaliter sibi determinant terminum paruitatis, quia su-  
pernaturaliter non possunt diuidi in partes eiusdem ratio-  
nis cùm non possit Deus facere etherogeneum esse ho-  
mogeneum.

Si respondeant quòd propter aliam rationem non datur  
minimum in viuentibus in ordine ad potentiam Dei, nem-  
pè quia potest Deus minorare hoc corpus in infinitum, &  
sic Deus potest facere, quòd anima informet illud corpus  
minoratum in infinitum.

Contra, si Deus potest facere quòd hæc anima informet  
hoc corpus minoratum in infinitum; ergò potest facere,  
quòd hæc anima rationalis habeat virtutem infinitam: Con-  
sequens est falsum, quia nō potest dari Creatura infinita, ergò  
& Antecedens; Cōsequentia probatur, quia tunc anima ratio-  
nalis posset esse in minori, & minori loco in infinitum per pro-  
priam virtutem, ergò haberet virtutem infinitam: Hoc pat-  
et dictum est ex doctore Sco 2. d. 2 q. 6. vbi habet, quòd ar-  
gueretur virtus infinita in Angelo, si ipsa posset esse continuè  
in minori, & minori loco in infinitum, sed anima rationalis  
est in loco virtualiter, & per quantitatem virtualem, sicut  
Angelus; ergò si posset esse in minori, & minori loco in infi-  
nitum haberet virtutem infinitam, & sic si Deus minoraret  
hoc corpus humanum in infinitum, anima per eius virtutem  
informaret minus, & minus corpus in infinitum, & esset con-  
tinuè in minori, & minori loco in infinitum.

*Senten-*



## Sententia Auctoris. Cap. Secundum.

*Viuentia, & continua etherogenea omnia habent terminum  
magnitudinis, & paruitatis non solum naturaliter,  
sed etiam in ordine ad potentiam Dei,  
adharendo rationibus Scotizantium.*

Colligitur ex Scoto omnibus in locis, in quibus habet  
creaturam non habere virtutem infinitam.

*Dignosci-  
tur falsum  
fundamen-  
tum Scoti-  
zantium.*

**P**RO cuius declaratione. Notatur primò, has propositi-  
ones de minimo, & maximo habere difficultatem, eò  
quia falsa fundamenta supponuntur, & hanc conclusionem  
posui supposita intellectione malè Scotizantium: Volunt  
enim Pseudoscotistæ viuentia non habere terminum parui-  
tatis, quia anima, quæ informat corpus tantæ quantitatis,  
possit illud corpus informare, si minoretur in infinitum, &  
non habent terminum magnitudinis, quia virtus informati-  
ua animæ potest augeri in infinitum, licet hoc negent de  
virtute informatiua animæ rationalis, de qua minus videtur  
impossibile. Hoc supposito determinavi contra ipsos  
omnia viuentia habere terminum magnitudinis, & paruita-  
tis per rationes factas in primo capite: tamen absolute lo-  
quendo, licet viuentia habeant terminum magnitudinis,  
non tamen terminum paruitatis, sed propter aliam  
rationem:

Vnde secundò Not. quòd viuentia de facto, & de possibi-  
li in ordine ad agens naturale habent terminum magnitudi-  
nis, & paruitatis, quia de facto datur viuens, quòd excedit  
omnia viuentia, licet ipsum non cognoscamus, & non po-  
test naturaliter produci maius viuens in infinitum, quia om-  
ne permanens habet ex sui natura terminum, vt dicitur in  
disputatione de infinito, & quia agens naturale non habet  
potentiam infinitam, sed determinatam, & limitatam: Et de  
facto

facto minus viuens datur, nec naturaliter potest dari minus in infinitum, quia naturaliter non conseruaretur, nec posset resistere corruptenti; Sed de possibili habent viuentia terminum magnitudinis, non solum quia non habent virtutem propriam augmentatiuam in infinitum, sed quia datur terminus in permanentibus, vt dictum est: Non habent verò terminum paruitatis, non quia vt falsi Scotistæ dicunt, anima possit informare minus, & minus corpus in infinitum, sed quia Deus potest producere minus, & minus corpus in infinitum, & producere aliam, & aliam animam in infinitum, quæ ex sui natura petat minorem quantitatem in infinitum, vt Deus potest creare corpus bipalmare, & in illo creare animam, potest producere corpus palmare, & in illo infundere aliam animam, deinde semipalmare, & alia minora corpora in infinitum, & sic creare alias, & alias animas in infinitum, quæ informant illa corpora; Non enim repugnat corpori etherogeneo esse in minima quantitate, cum quælibet minima quantitas constet suo modo ex infinitis partibus; His not.

*Viuentia non habēs terminum paruitatis, & per quā rationem;*

Probatur Conclusio, sicut in primo capite, quia eius probatio est singularis. Repugnat viuentibus habere virtutem infinitam etiam in ordine ad omnipotentiam Dei, ergò repugnat etiam in ordine ad omnipotentiam Dei augeri, & minui in infinitum propria virtute; Antecedens patet, quia soli Deo conuenit virtus infinita; Consequentia probatur, quia si anima posset informare maius, & maius, minus, & minus corpus in infinitum, posset ex sua virtute esse in maiori, & maiori, in minori, & minori loco in infinitum, & sic haberet virtutem infinitam, ex operatione enim in infinitum vbi maior virtus requiritur, arguitur virtus infinita: Vnde Scot. 2. d. 2. q. 6. sup. K. negat Angelum posse esse in maiori, & minori loco in infinitum, quia cum sit in loco propria virtute, haberet virtutem infinitam.

Contra Arguunt Primo Mel. & Cat. ibi num, 110. Nulla  
N forma

formā ex se potest quamcumque materiam informare, sed limitata est ad materiam proportionatam, nisi virtus eius informatiua augeatur: Sed in anima diuisibili potest augeri hæc virtus; ergo anima diuisibilis poterit in infinitum informare materiam quamcumque magnam in infinitum: ergo viuientia imperfecta non habent terminum suæ magnitudinis, minor patet, quia anima diuisibilis potest augeri per nouas partes; quibus potest per nouas partes materiæ informare.

Respondeo quod maior est vera, nisi virtus animæ augeatur in infinitum. Ad minorem concedo quod virtus animæ diuisibilis potest augeri per nouas partes, sed non in infinitum, quia quodcumque permanens, vt dicitur disp. de infinito habet ex sui natura terminum magnitudinis, vt sibi repugnet illam excedere etiam in ordine ad omnipotentiam Dei; Et si permanens non haberet terminum suæ magnitudinis, tunc virtus animæ indiuisibilis, & rationalis posset augeri in infinitum, licet anima ipsa non posset augeri per nouas partes adueniantes, quia est indiuisibilis, & sic posset per eius virtutem informare corpus quantumcumque magnum in infinitum, quod isti Doctores negant.

Secundò probant omnia viuientia indifferenter non habere terminum paruitatis, quia corpora homogenea sunt in infinitum diuisibilia, ergo etiam etherogenea possunt in infinitum minui, ergo anima quæcumque poterit illud corpus minoratum in infinitum informare; probatur Consequentia, quia cum de ratione animæ sit partes corporis dissimilares informare, non videtur essentialiter à quantitate, & magnitudine illarum dependere.

*Retorque-  
tur argu-  
mentum  
Meld. &  
Cat.*

Retorqueo Argumentum. Sed de ratione animæ rationalis est partes dissimilares informare, & per consequens non dependet essentialiter à quantitate, & magnitudine illarum partium; ergo poterit partes dissimilares quantumcumque augmentatas in infinitum informare.

Nec

**Nec** valet respondere, quod diuersa est ratio de maiori, & minori corpore, quia tam virtus infinita requiritur in informatione corporis augmentati in infinitum, quam in informatione corporis minorati in infinitum, sicut eadem virtus infinita requiritur ad essendum in loco quantumcumque, magno, & quantumcumque paruo ex Scot. 2. d. 2. q. 6. supra **K.** quod dictum reputant falsum Meld. & Cat. & contra Scotum arguunt tanquam in hac re problematicum, sed obcecant non videntes Scotum, qui assertiue, & sine dubitatione hoc dicit, & rationes ipsorum, quæ nullius sunt momenti, suo loco soluentur; Vtique Sco. dubitatiue procedit, quod Angelus sit in puncto tanquam in loco, & sit in determinato loco sicut corpus.

Ideo respondeo ad argumentum concedendo primam Consequentiam, scilicet quod corpora possunt à Deo minui in infinitum, sed anima, quæ informat corpus tantæ quantitatis, non posset informare, si illud minoraretur in infinitum, quia tunc anima haberet virtutem infinitam; Vtique potest dari alia, & alia anima, quæ possit aliud, & aliud corpus minimum in infinitum informare, & hoc modo viuientia non habent terminum paruitatis, carent verò termino, tam magnitudinis, quam paruitatis, sic quod nec per potentiam Dei potest anima materiam in infinitum augmentatam, vel minoratam informare, quomodo intelligunt Aduersarij Scotistæ, quia sic anima haberet virtutem infinitam, quod repugnat, vt prius dictum est, & sic negatur vltima Consequentia, quia licet de ratione animæ sit partes dissimilares informare, & à magnitudine illarum non dependeat, tamen quia est virtutis limitatæ, non potest materiam in infinitum augmentatam, vel minoratam informare.

Tertio, Corpus etherogeneum est diuisibile in infinitum in partes eiusdem rationis; ergo non habet minimum; Consequentia patet, Antecedens probatur, quia si etherogeneū

N 2 non

non esset hoc modo diuisibile, non esset quantum, quia cui repugnat diuisibilitas in partes eiusdem rationis, quæ diuisibilitas necessario consequitur quantitatem, ei repugnat quantitas ex Sco. 2. d. 2. q. 9. D.

*Improbatur  
diuissum  
Meld. &  
Cat.*

Respondeo negando antecedens. Ad probationem Respondent Meld. & Cat. quod Sco. loquitur de diuisibilitate in partes in quas etherogeneum, ut tale, est diuisibile, quia habet partes: sed hoc est falsum, quia ut videre est, loquitur Scotus de diuisibilitate in partes eiusdem rationis, in quas etherogeneum, ut tale, non est diuisibile: Nec isti Doctores præbent vim argumento, ut possint respondere. Ideo respondeo, quod etherogeneum, ut tale non est diuisibile in partes eiusdem rationis, aliter etherogeneum esset homogeneum, sed est hoc modo diuisibile secundum partes, quia constat ex partibus homogenis, quæ sunt diuisibiles in partes eiusdem rationis. Vnde etherogeneo non repugnat quantitas, quia sibi non repugnat talis diuisibilitas in ordine ad partes, ex quibus constituitur: Et sic etherogeneum per rationem diuisibilitatis in partes eiusdem rationis habet minimum, quia de quacumque parte totius etherogenei non prædicatur totum, non enim quælibet pars hominis est homo, licet non habeat minimum ratione partium homogenearum ex quibus integratur.

Si dicas, ergo etherogeneum, ut tale non est quantum, quia ut sic non est diuisibile in partes eiusdem rationis.

*Doctrina  
notabilis*

Respondeo concedendo Consequentiam, quia etherogenitas formaliter non dicit, nisi dissimilitudinem partium, quæ est relatio fundata in qualitate tanquam in fundamento proximo, non in quantitate, qualitas enim ex Aristotele in prædicamentis est secundum quam aliquid dicitur simile, vel dissimile, quæ qualitas etiam potest accipi pro formalitate, & quiditate rei, quæ essentialiter rem qualificat, sicut datur similitudo, & dissimilitudo essentialis, ut patet in partibus etherogenicis, manus enim essentialiter est dissimilis

milis à corde, & caput à pede; utique illud, quod est etherogeneum est quantum, & ideò ratione conotati est diuisibile in partes eiusdem rationis, licet enim anima rationalis non sit diuisibilis, & viuens, ut tale non sit diuisibile, in partes eiusdem rationis, est tamen hoc modo diuisibile ratione corporis, quia quælibet pars corporis est corpus, & si non esset diuisibile ratione totius corporis, sufficit quod sit hoc modo diuisibile ratione partium homogenearum, ex quibus corpus etherogeneum constat; quod enim competit toti per partem, competit ei simpliciter, licet secundum aliam partem hoc sibi non conueniat; sicut videre natum est præcisè competere animali secundum oculos, & non secundum manus, tamen videre simpliciter competit animali, ita Sco. 2. d. 2. q. 9. D. sic diuisibilitas in partes eiusdem rationis non competit viuenti per animam, quia anima requirit partes diuersæ rationis ad exercendas varias operationes, competit tamen sibi diuisibilitas in partes eiusdem rationis ratione materiæ, & corporis, quatenus quantum est, & ideò viuens potest dici simpliciter diuisibile in partes eiusdem rationis, cui diuisibilitati non repugnat anima, vita, & etherogeneitas, idest anima, vita, & etherogeneitas possunt stare in corpore etherogeneo, & viuente cum diuisibilitate in partes eiusdem rationis, quæ diuisibilitas competit sibi ratione partium, scilicet ratione corporis pro altera parte compositi, vel ratione partium homogenearum ex quibus tale corpus constituitur; Et hoc est quòd vult dicere Scotus, quòd illi repugnat quantitas, cui repugnat diuisibilitas, non solum in partes, ut dicunt Meld. & Cat. sed in partes eiusdem rationis, modo si etherogeneo omnino repugnaret diuisibilitas in partes eiusdem rationis, ei repugnaret quantitas, & ideò cum sit quantum est etiam hoc modo diuisibile ratione partium homogenearum ex quibus constituitur.

*Improbatur  
diu.  
Meld. &  
Cat.*

Quartò, Deus potest conseruare formam naturalem, & corpus naturale in puncto: ergò potest minorare corpus viuens



uens in infinitum, ergò viuentia non habent terminum paruitatis.

Respondeo concedendo, quòd Deus potest conseruare corpus in puncto, & illud minorare in infinitum, sed non potest facere, quòd anima quæ informat illud corpus in sua determinata quantitate, possit illud informare, si minoretur in infinitum, quia tunc anima esset virtutis infinitæ, vt sæpè dictum est, & hoc modo viuentia habent terminum magnitudinis, & paruitatis, non habent verò terminum paruitatis absolute per rationem assignatam in 2. Not. Hæc de Continuo.



Dispu:



# Disputatio Secunda de Infinito.

## CONCLUSIO PRIMA.

*Infinitum Categorematicum, & Syncategorematicum non differunt secundum multitudinem, & magnitudinem, sed tantum in modo essendi in actu, & in potentia.*

Est Sco. quol. 5. a. p. A. & p. d. 2. q. 2. Z. §. ostenso proposito.

### *Opinio Aliorum. Caput Primum.*

**M** Eld. & Cat. disp. x. q. p. a. p. §. Adhuc tamen dicendū est num. 4. sustinent infinitum Categorematicum, & Syncategorematicum differre non solum in modo essendi in actu, & in potentia, sed etiam in extensione ipsa siue continua, siue discreta, ita quod si omnes partes infiniti syncategorematici simul ponerentur actu, adhuc multitudo illa, & magnitudo dici deberet syncategorematicè infinita, & non categorematicè, quia posset semper augeri, & esse maior: Et sustinent cum Cauello Scotum in hac re problematicum esse, quia varius fuit in hac materia, & nunquā sed determinauit, cum aliud dixerit in locis in principio citatis, & aliud in Met. 2. q. 2. §. ad Rationes.

Sed isti Doctores sapē Sco. faciunt problematicum, ~~ab alijs transferant citius fundamenta, rationes, & articulos integros: laborauerunt transcribere, sed non doctrinam Scoti docere.~~ Nō soluunt rationes Sco. locis ab ipsis, & a me in principio citatis; Præterquam quod maioris est auctoritatis doctrina Scoti in lib. Sent. & in quoli. quam in Met. quæ ab aliquibus non censetur Scoti, licet Scot. Metaphysi-

*Opinio  
Meld. &  
Cat.*

*Institutione  
repre-  
henduntur  
Aduersa-  
rii.*

physicam composuerit, sed non inuenitur nisi ex correptis scriptis recolecta, vt decet ad Auctores Sco. in met. cap. 2.

Præterea dicere Scorum varium fuisse in lib. Sent. & in met. est dicere Scorum esse inconstantem, quando non loquitur sub dubio, sed assertiuè; & nunquam Sco. problematice loquitur, nisi tradat fundamenta, & rationes ad vtramque partem, vel saltem loquatur sub dubio sic loquendo; *diti potest: contrarium sustineri potest.* Videant modò Scotistæ qualiter isti quærant doctrinam Scoti vilipendere; quando Scotus aliquid assertiuè loquitur multoties, & contrarium alibi videtur asserere, debent Scotistæ exponere doctrinam, & non reddere illam infamam, & inconstantem: Imbecillitatis est propter aliquam apparentem difficultatem recedere à veritate, & à Doctrina Magistri.

*Consut. 1.* Contra istam opinionem arguitur Primo illud est infinitum categorematicum, cui non potest fieri additio; sed si omnia possibilia essent in actu, tunc illis non posset fieri additio, quia Daus non posset producere aliud, cum omnia possibilia supponantur producta; ergò infinitum syncategorematicum erit categorematicum, ergò hæc duo genera infinitorum non differunt nisi in modo essendi, scilicet in actu, & in potentia.

*Resp. Mel. & Cat.* Respondent in fine huius art. §. Ad quantum quod tunc repugnantia additionis non briretur ex ratione intrinseca multitudinis, sed ab extrinseco ex impossibilitate aliarum rerum possibilium.

*Contradi- Etio Mel. & Cat.* Sed isti sibi contradicunt, quia declarando diffinitionem vtriusque infiniti num. 2. & 3. dicunt cum Scot. infinitum categorematicum esse id, cuius nihil est extra: Vnde tale infinitum esset totum, & perfectum, & reddunt rationem, quia tanta esset illa infinita quantitas in actu, quanta in potentia, & tunc nihil posset sibi addi ratione quantitatis, ergò ab intrinseco secundum istos Doctores posita omni quantitate possibili in actu, non posset ab intrinseco sibi fieri additio,

tio, quia tanta esset in actu, quanta in potentia: ergò infinitum in potentia si totum esset actu, esset infinitum actu, & Categorematicum; sistent isti Doctores diffinitiones Sco. vtriusque infiniti ex quibus asserunt in fine huius n. 4. hæc genera infinitorum differre tantum in modo essendi in actu, & in potentia, & postea asserunt contra Sco. nō differre hoc modo, sed differre etiā in magnitudine, & multitudine; si volunt inferre hanc conclusionem, quare adducunt principium Scoticum, ex quo opposita conclusio deducitur? assignent igitur diffinitionem infiniti Categorematici, in doctrina Sco. ex qua deducatur eorum conclusio, non assignabunt. Si dicant quòd assignata est n. 4. cum Sco. in Met. loco ab ipsis citato, quòd infinita in actu tot sunt actu, quòd non possunt esse plura; Hæc definitio est eadem cum assignata à Sco. quol. 5. A. & sic si omnia possibilia essent actu, tot essent, quòd non possent esse plura, quia omnia possibilia supponuntur esse actu.

Præterea arguo secundò principaliter. Infinitum syncategorematicum est illud, quod caret fine extrinseco, idest potest augeri in infinitum; Categorematicum verò est, quòd caret fine intrinseco, idest est quo non potest esse maius, ita habent in principio disp. sed si magnitudo possibilis in infinitum poneretur actu, tunc careret fine intrinseco, quia nulla maior posset dari, cum supponatur omne possibile in actu, ergò infinitum in potentia, si poneretur actu, esset infinitum categorematicum.

Confut. 2.  
ad hominem.

Et hoc magis corroboratur, quia Meld. & Cat. loco citato dicunt, quòd ista duo genera infinitorum solum constituuntur per carentiam finis intrinsecam, & extrinsecam; ergò solum per hanc carentiam differunt, & distinguuntur, quia res solum differunt, & distinguuntur formaliter, per quæ formaliter constituuntur, sed carentia finis extrinseca est infinitas in potentia, & carentia finis intrinseca est infinitas in actu, ut isti asserunt loco citato; ergò infinitum

Q

Ca-

Categorematicum, & syncategorematicum solum differunt in modo essendi in actu, & in potentia.

*confut. 3.* Tertiò arguo principaliter. Si magnitudo, & multitudo infinita in potentia poneretur actu, & sibi posset fieri additio, vel sibi posset addi magnitudo possibilis, vel impossibilis: Non posset addi magnitudo impossibilis, quia tunc nihil sibi adderetur, quia impossibile est nihil: Nec possibilis, cum quolibet possibilis supponatur actu; ergò multitudo, & magnitudo infinita in potentia, si poneretur in actu, esset actu infinita, & categorematicè: ergò infinitum categorematicum, & syncategorematicum non differunt, nisi in modo essendi in actu, & in potentia.

Quartò. Infinitum in actu, & Categorematicum, si poneretur à Deo, esset omninò idem re, quod fuisset in potentia, aliter illud, quòd poneretur actu, fuisset impossibile, quòd repugnat; sed hoc idem vt in potentia esset infinitum syncategorematicum etiam in doctrina Aduersariorum: & vt in actu esset infinitum categorematicum, ex suppositione: ergò hæc duo genera Infinitorum solum differunt in modo essendi in potentia, & non in extensione, vel intensione: Non pono hic Auctoritates Scoti in quolib. §. A. & in p. d. 2. q. 2. z. §. ostenso proposito &c. quia isti Scottistæ, vt more solito citius se expedirent, dicerent Scotum fuisse problematicum, licet pro parte ipsorum in libris Sentent. & in quolib. nullum tradiderit fundamentum, sed tantum pro parte mea, videte probationem meæ conclusionis.



*Sententia Auctoris. Caput Secundum.*

*Infinitem Categorematicum, & Syncategorematicum non differunt secundum multitudinem, & magnitudinem, sed tantum in modo essendi in actu, & in potentia*

Est Scot. quol. 5. art. p. A. & p. d. 2. q. 2. z. §. ostenso proposito.

**P**RO cuius declaratione Not. Primò quòd Infinitum *Infinitum multiplex.*  
Aliud est extra genus, vt Deus; Aliud in genere, & est triplex. s. Negatiuum, quod non habet terminum, nec est aptum natum habere terminum, quia eius natura non est capax terminationis, & hoc modo punctus dicitur infinitus, quia non habet terminum, nec est capax alicuius termini;  
Aliud est infinitum priuariuum, & est illud, quod non habet terminum aptum est tamen habere, vt si esset linea, sine punctis terminatibus ipsam, ipsa esset infinita priuariue, quia careret terminis, quos esset apta nata habere. aliud est infinitum positium, & est illud quod in intensione, vel extensione, vel in multitudine excedit quodcumque, vel actualiter, vel potentialiter.

Secundò Notatur quòd infinitum positium solum quantitati competit; quantitas autem est triplex, scilicet quantitas molis multitudinis, & virtutis; Quantitas molis est illa secundum quam aliquid extenditur secundum tres dimensiones, longitudinem, latitudinem, & profunditatem. Quantitas multitudinis est illa, quæ plures vnitates continet, vt numerus; Quantitas virtutis est quantitas perfectiōnalis, de qua habet Aug. 6. de Trinit. cap. 8: In his, quæ mole magna non sunt, idem est maius quod melius; & secundum hanc triplicem quantitatem triplex est infinitas, scilicet Infinitas extensionis, numeralis, & intensiōnis; In proposito est sermo

*Quantitas multiplex secundum quam datur multiplex infinitas.*

in præsentī de quacunque infinitate.

*Quid sit in  
finitū Cat.  
& syncat.*

3. Not. quod infinitū quodcunque est duplex, scilicet Infinitum syncategorematicum; in potentia, & secundum quid, & Infinitum categorematicum, in actu, & simpliciter; Infinitum syncategorematicum, in potentia, & secundum quid, secundum Aristotelem 3. phys. t. 63. est cuius quantitatem accipientibus semper remanet aliquid accipere; Et ratio est, inquit Sco. quol. 5. A. quia infinitum in quantitate non potest habere esse, nisi in potentia, accipiendo semper alterū post alterū; & idcō quantumcumque accipiat, semper est finitum, & quædam pars totius infiniti potentialis, & ideo restat aliquid alterum ipsius infiniti accipiendum; Ex quo concludit Aristoteles; quod sicuti infinitū habet esse in fieri, & in potentia, itā non habet rationem totius, quia totum est id, cuius nihil est extra, sed extra infinitum in potentia, idest extra illud, quod habet talem infinitatem syncategorematicam, semper est aliquid accipiendum. Nec habet rationem perfecti, quia perfectum est, cui nihil perfectionis deest, sed tali infinito semper aliquid deest, quia ipsi semper potest fieri additio: Et tale infinitum syncategorematicum non dicitur in potentia, quia possit esse actu, ut inquit Aristoteles 3. phys. t. 57. & inde, sicut statua, quæ est possibilis, potest esse actu, sed dicitur in potentia, quia consistit in continuo fieri; Et sic tale infinitum dicitur esse actu, sicut dies, quia semper aliquid fit, & est aliqua quantitas actu, dicitur verò in potentia, quatenus semper potest fieri sibi additio in infinitum; Ex hoc possumus commutare rationem Infiniti in potentia in rationem infiniti in actu hoc pacto; Nam si imaginaremur omnes partes acceptibiles esse simul acceptas, & simul remanere, haberemus infinitam quantitatem in actu, & ratio est, inquit Scot. quia tanta esset in actu, quanta esset in potentia; Et sic omnes illæ partes, quæ in infinita successione essent reductæ ad actum, illæ ad actum reductæ essent infinitæ in actu, & ca.

rego-



egorematicæ. Et istud infinitum verè esset totum, quia nihil sui esset extrà, & esset perfectum, quia nihil sibi deesset, & sic in infinitum Categorematicum est cui non potest fieri additio: Ex quibus pat. Scot. apertè asserere infinitum in potentia, & in actu non differre in extensione, & quantitate, sed tamen in modo essendi, quia illud idem, quod est infinitum in potentia posset esse infinitum in actu, si totum id, quod est in potentia posset actu simul existere.

4. Not. est ex Sco. p. d. 3. q. 2. E. quod Infinitas non est passio entis, sed modus intrinsecus rei, ita quod, cum dico ens infinitum, non habeo conceptum ex passione, & subiecto, sed conceptum per se subiecti in certo gradu perfectionis, scilicet infinitatis; sicut albedo intensa non dicit conceptum per accidens, sicut albedo visibilis: Imò Intensio dicit gradum intrinsecum albedinis in se; Et non intelligitur Scot. quod iste gradus infinitatis sit de ratione intrinseca rei, idest de quidditate, quia modus intrinsecus est ille, qui additur quidditati rei, & non variat ipsam rem, sed quia est intrinsecus rei, vt intrinsecum distinguitur contra omne accidens siuè proprium, siuè commune, quia modus intrinsecus nec est quidditas, nec accidens rei, sed tantum modus intrinsecus rei; Idèd conceptus entis infiniti, & rei cum suo modo intrinseco est simplicior, quam sit conceptus entis cum sua passione, quia passio facit cum suo subiecto conceptum per accidens; modus autem intrinsecus facit cum re conceptum per se subiecti in tali gradu intrinseco ex Sco. loco cit. Et Infinitas quæ est modus intrinsecus rei est infinitas in actu, non autem in potentia, quia infinitas in potentia est modus omninò extrinsecus ei, quod dicitur infinitum in potentia, cum modus infiniti in potentia intrinsecus sit finitas, quia tale infinitum non est nisi ens finitum: His not.

*Infinitas  
est modus  
intrinsecus  
entis, &  
quæ infinitas*

Probatur Conclusio ex Scot. p. d. 2. q. 2. §. ostenso proposito &c. quæcumque sunt infinita in potentia, ita quod acci-



*Ratio effi-  
cacissima  
Scoti con-  
tra Pseudo  
scotistas.*

accipiendo alterum post alterum, nullum possunt habere finem, illa omnia, si sunt simul in actu, sunt infinita actu, & categorematicè, sed possibilia sunt infinita in potentia, ita quod accipiendo alterum post alterum nullum possunt habere finem; ergo si omnia possibilia simul ponerentur actu essent infinita actu, & categorematicè; maiorem probat Scoti quam dicit esse satis euentem; nam omnia talia acceptibilia quando sunt simul existentia, aut sunt actu finita, aut sunt actu infinita, si actu finita; ergo accipiendo alterum, post alterum, tandem possunt omnia esse accepta actu, & ratio huius dicti Scotici esse potest, quia Deus potest omne finitum producere actu, cum finito non repugnet esse, ergo si non possunt omnia esse actu accepta, si actu simul sunt, sunt actu infinita.

Contra Arg. Primò. Meld. & Cat. auctoritate Scot. 2.<sup>o</sup> Met. q. 6. §. ad Rationes, ubi in solutione argumenti de animabus hominum posita generatione perpetua, quod probatur Infinitum in actu, ait, quod si omnes animæ humanæ, quæ fuerunt posita generatione humana perpetua à parte ante, siue si omnes partes magnitudinis in potentia essent, quod non essent infinitæ actu, coniungendo infinitatem cum actu. Vnde fortè posset concedi, quod actu essent infinitæ in potentia, accipiendo vnā animam post aliam, quia aliter non competeat eis infinitas, sed non essent infinitæ actu, quia non essent tot, quin plures possint esse; infinita in actu tot sunt, quod non possunt plura compossibilia esse; hæc Scot.

Ad has omnes auctoritates Scot. in Metaphysica possem primò Respondere, & rectè: quod licet Scot. fecerit Metaphysicam in tex. & quæstionibus, tamen illa non inuenitur pura, & incorrupta; Vnde Ant. Andreas recollegit scripta Sco. supra Metaphysicam Aristotelis, & ordinauit, immò ex vnico originali aliàs impresso, & penitus corrupto emendauit, atque instaurauit, vt patebit legenti finem lib.

12. sup.

12. sup. tex. Aristotelis, & per consequens non est Metaphysicæ sub nomine Sco. adhibenda fides, nec est relinquenda doctrina Scoti in lib. Sent. & quoli. vt adhereamus, sicut facit Meld. & Cat. doctrinæ corruptæ sub nomine Sco.

Tamen responderi potest, quòd Sco. ibi in Metaphysica loquitur de possibilibus posita tantum generatione æterna, & à parte ante: Vnde si omnes animæ, quæ fuerunt, simul essent, essent tantum infinitæ in potentia, & à parte ante: quia nunquam esset deuenire ad primam, sed non essent infinitæ in actu simpliciter, quia non omnis anima simpliciter possibilis fuisset posita generatione æterna, quia aliæ sunt possibiles in infinitum, & hac ratione Sco. dicit ibi in Metaphysica, quòd fortè sunt infinitæ in potentia, loquitur dubitatinè de eius infinitate in potentia; Vnde positus in actu omnibus animabus, & omni magnitudine producta ab æterno, posita generatione æterna, tunc illæ animæ, & illa magnitudo non essent infinita actu, quia non essent tot animæ, quin plures, & tanta magnitudo, quin maior; Et hoc concordat cum vera doctrina Sco. 2. d. p. q. 3. l. vbi habet, quòd posito infinito tempore præterito, non potuisset Deus infinitas animas producere, sicut non potest in vno die in quo sunt infinita instantia, eò quia ex parte infiniti repugnat, sed posita actu omni multitudine, & magnitudine in infinitum possibili, tunc illa multitudo, & magnitudo esset infinita actu, quia tanta esset, vt ipsa nulla posset esse maior, nam ipsis non potest fieri additio, quòd est de ratione Infiniti Categorematici; Et nè ista doctrina sub nomine Scoti in Metaphysica repugnet dictis Sco. in lib. Senten. & in quol. Veri Scotistæ debent declarare Scotum, ~~Scoti doctrinam~~  
~~Scoti doctrinam, & inconstantem.~~

Secundò Præscindendo ab omni actualitate, & potentialitate obiectiua, adhuc hæc duo genera infinitorum inter se differunt: ergò non solum differunt in modo essendi potentiali, vel actuali: Probatum assumptum, quia vt docet Sco.

Scō. loco cit. in Metaphysica ratio infinitatis syncategorematicæ est, quòd eius partes non sint tot, quin plures possint esse, ratio verò infinitatis categorematicæ est, quòd eius partes tot sint, quòd nequeant esse plures: sed hæ rationes, quæ sunt contradictoriæ oriuntur ex natura illarum multitudinum, & non tantum ex modo essendi ipsarum potentiali, vel actuali; ergò præcisò tali modo, adhuc differrent, nec vna infinitas euaderet alia, minor patet, quia res ad extrà possibiles sunt infinitæ syncategorematicæ, & adhuc eandem retinent infinitatem, quamvis actu, & simul existant in intellectu diuino in esse obiectiuo: ergò eodem quoque modo se haberent quò ad infinitatem, si ad extrà per impossibile simul omnes producerentur.

Respondeo negando assumptum; Ad probationem: Dico ad maiorem, quòd ratio infinitatis syncategorematicæ est, quòd eius partes non sint tot actu, quin possint esse plures in infinitum, sed sunt tot in potentia, quòd non possunt esse plures, aliter non essent infinitæ in potentia. Item ratio infinitatis categorematicæ est quòd sint tot actu, quòd non possunt esse plures actu: Minor negatur, quia istæ rationes contradictoriæ proueniunt tantum ex modo essendi in potentia, & non ex natura multitudinum, quia cum eadem multitudo, quæ esset actu infinita non possit esse, nisi eadem multitudo, quæ fuerit in potentia ex natura eiusdem prouenirent rationes contradictoriæ, quòd est impossibile aliter idem sibi ipsi contradicere, & cum probatur minor, quia res possibiles infinitæ retinent eandem infinitatem syncategorematicam, quamvis actu, & simul existant in intellectu diuino: hoc est falsum, & contra Scotum multis in locis, vt dicetur in propria conclusione, quæ erit vltima huius disputationis.

Tertiò. Si omnia possibilia ponerentur actu, tunc illa multitudo actualis possibilium non esset suprema, ergò non esset infinitum categorematicum, de cuius ratione est quòd  
eius

eius extensio sit tanta, quod non possit esse maior; Antecedens patet, quia sic Deus posset creare Creaturam infinite perfectam, & in diuisione continui posset deueniri ad aliquam minimam partem, & indiuisibilem, & cetera huiusmodi, quæ repugnaret, ergo repugnat Infinitum syncategorematicum, & in potentia esse infinitum in actu, & categorematicum.

Respondeo negando antecedens, quia possibili posito in esse actuali nulla posset fieri additio. Et cum prior quod non, quia Deus posset facere impossibilia. Respondeo quod dato vno impossibili, non est inconueniens aliud impossibile concedere, & sic posito in actu omni possibili in infinitum, poneretur hoc aliud impossibile, scilicet infinitum categorematicum, & in actu in Creaturis.

Contra ex hyppotesi impossibili non sequitur per locum intrinsecum impossibile quodcumque, sed illud tantum, quod habet connexionem cum tali hyppotesi, vt V. G. ex eo quod lapis est animal, sequitur propriè ipsum esse sensibilem, non tamen sequitur ipsum esse incorporeum: ergo in proposito ex eo quod infinitum syncategorematicum est, sequitur esse simul ea, quæ non sunt compossibilia, non autem sequitur maior pluralitas, quia multitudo variari non potest, nisi varietur principium multitudinis, quod est differentia specifica, vel indiuidualis: sed existentia à parte rei, non est tale principium cum supponat rem, cui aduenit determinatam in specie, & in indiuiduo, vt docet Doctor in 2.d.3.q.4. & quando etiam esset tale principium, cum non sit diuersa in esse actuali, & potenciali, si in esse possibili non facit multitudinem infinitam categorematicè, nec in esse actuali.

Respondeo concedendo, quod si possibile in infinitum poneretur actu, tunc non sequeretur pluralitas maior, vt ipsi probant, & confirmatur, quia agens extrahens actum non largitur multitudinem, sed perfectionem tantum:

P. Non

Non tamen ex hoc sequitur, quòd si possibile in infinitum non facit multitudinem categorematicam, nec etiam in esse actuali, quia non dicit Sco. quòd ideò si possibile in infinitum, & infinitum syncategorematicum poneretur in actu, tunc esset infinitum in actu, & categorematicum, quia acquireret maiorem multitudinem, & extensionem in actu, quam non habebat in potentia, hoc enim est falsum, quia nihil ponitur actu, nisi sit possibile, non enim multitudo, & magnitudo in actu, & in potentia differunt secundum extensionem, sed secundum modum extensionis, scilicet in potentia, & in actu, quia eadem, quæ est in actu, fuit in potentia. Vnde si Deus per impossibile crearet infinitam multitudinem, & magnitudinem; tunc hæc multitudo, & magnitudo actu, & categorematicè infinita non esset maior, quam quæ fuerit in potentia, sed omninò eadem; ergò infinitum categorematicum fuisset syncategorematicum, & sic solùm ista duo genera infinitorum differunt in modo essendi, scilicet in actu, & in potentia, & infinitum categorematicum non est syncategorematicum, tamen vnum fieret aliud, si infinitum in potentia poneretur actu.

## CONCLUSIO SECUNDA

*Maius, & Minus non potest competere Infinito Categorematico nec Syncategorematico*

Est Scoti 2. d. p. q. 3. K.

*Opinio Aliorum. Caput Primum.*

*Opinio* **M**eld. & Cat. disp. X. q. p. num. 14. *Opinio* sustinent, quod maius, & minus competit Infinito Syncategorematico, non autem Categorematico. *Cat.*

Sed hæc opinio sustineri non potest, maximè in doctrina Scoti, & arguo sic. Maius, & Minus sunt differentie quantitatis,

titatis finitæ, non Infinitæ ex Scoto 2. d. p. q. 3. K. ergo  
maius, & minus nulli infinito potest conuenire.

Si Respondeant a 1 Antecedens ex Sco. quod ipse intelli- *Tacita re-*  
git de qua utitate Infinita in actu, & categorematicè, non, *sponsio cō-*  
autem in potentia, & syncategorematicè, contradicunt *sutatur ef-*  
S. o. loco citato l. ubi habet, quod æqualem Infinitatem *ficacissimè*  
habent instantia vnius diei, & vnius horæ cum Infinitis in- *cum Scot.*  
stantibus Infinitorum dieum, sed instantia horæ, & diei  
non sunt Infinita Categorematicè, sed syncategorematicè,  
aliter de facto daretur Infinitum Categorematicum, & in  
actu, ergo secundum Sco. Maius, & Minus sunt differentie  
quantitatis finitæ, vt finis opponitur, tam Infinito Cate-  
gorematico; quam syncategorematico.

Præterea sibi contradicunt ~~maius & minus~~. Nam in hoc arti- *Contradi-*  
culo nu. 10. dicunt Infinitum non posse mensurari, & vnum *ctio Meld.*  
Infinitum non posse alteri dici æquale posituè, & per com- *& Cat.*  
mensurationem, sed tantum per negationem excessus, &  
dicunt hoc valere tam de Infinito Categorematico, quam  
Syncategorematico. Tunc sic. Si Infinitum Syncategore-  
maticum non potest excedi, ergo vnum Infinitum Syncate-  
gorematicum non est maius altero, quia tunc illud excede-  
retur.

Præterea retorqueo argumenta, quæ ipsi faciunt ad ostē- *Retorque-*  
dendum quod vnum Infinitum Categorematicum non po- *tur Resp.*  
test esse maius alio, dicunt enim, quod in quantitate conti- *Meld. &*  
nua illa dicitur extensio infinita, quæ vltèrius, & vltèrius *Cat.*  
profunditur sine termino, ergo repugnat dari lineam Infini-  
tam, quæ non extendatur sicut altera, nam finiretur ibi, vbi  
ab alia incipit excedi, & esset tanta, & non maior. Tunc sic  
arguo. In quantitate continua illa dicitur extensio infinita  
in potentia, & syncategorematicè, quæ vltèrius, & vltèrius  
profunditur in potentia sine termino, ergo repugnat dari  
lineam infinitam in potentia, quæ non extendatur in poten-  
tia sicut altera, nam finiretur ibi, vbi ab alia incipit excedi.

P 2 & esset



& esset tanta, & non maior, & per consequens poterit finiri.

Deinde arguunt de quantitate discreta hoc modo. Si vnus numerus est alio minor, ergò hic non est tantus quantus est ille, nec tot vnitates includit, quot ille, ergò erit tantus, & non maior tot vnitates habebit, & non plures, ergò finitas, & non infinitas in potentia.

*Retorque-  
tur ratio  
Meld. &  
Cat.*

Retorqueo argumentum. Si vnus numerus est alio minor, ergò non est tantus, quantus ille, ergò erit tantus in potentia, & non maior, ergò tot vnitates habebit in potentia, & non plures, ergò finitas, & non infinitas, in potentia.

Si Respondéant cum Amico ab ipsis citato Tract. 18. q. 3. dub. 5. conclusione 8. quòd illæ rationes concludunt de Infinito Categorematico non Syncategorematico ex diuerso modo essendi istorum Infinitorum, nam Infinitum Syncategorematicum quia est potentiale potest semper augeri, & quia non intrinsecè attingit infinitatem, sed extrinsecè tantum, ideò potest magis, & minus ad infinitatem accedere.

Hac Responsio nihil valet, & sibi contradicunt. Nam excessus secundum ipsos ibi num. 17. in Calce infert terminationem finem, & vltimum in re excessa, sed infinito in potentia nullo modo potest assignari terminus finis, & vltimum eius, quia vt inquit Sco. p. d. 2. q. 2. Z. infinitum in potentia nullum habet finem, aliter de facto posset simul accipi, ergò infinitum in potentia non potest excedi, ergò non potest suscipere maius, & minus.

*Distum  
Meld. &  
Cat. im-  
probatur.*

Secundò Principaliter dicunt in hoc articulo num. 15. vnum falsissimum contrà Scotum, & veritatem, scilicet infinitatem in quantitate, supposito quòd detur infinita quantitas, non esset vna forma indiuisibilis, sed diuisibilis in quantitate, vt in subiecto, & extensa ad extensionem quantitatis continuæ, vel discretæ.

Hac doctrina est omninò à Scotistis relinquenda, & pro-



probo, quòd infinitas si esset in quantitate non esset forma in quantitate, vt in subiecto. Nullus modus intrinsecus rei potest esse forma alicuius rei, sed infinitas si daretur esset modus intrinsecus quantitatis, ergò non potest esse forma quantitatis, & in quantitate vt in subiecto, minor patet, & conceditur ab istis Doctoribus, maior probatur, quia modus v.g. quantitatis, vel esset forma, quæ esset substantia, vel quantitas, vel qualitas, vel Relatio. Non substantia, quia substantia non potest esse in quantitate, sed potius è conuerso quantitas est in substantia, non Relatio, quia Relatio non extenditur ad extensionem quantitatis, sicut isti dicunt de Infinitate. Non qualitas, quia qualitas non potest esse modus intrinsecus quantitatis, esset enim quantitas intrinsecè qualis non quantitas, quia modus rei non est illa res, cuius est modus, sed est aliquod additum rei, vltra hoc quantitas esset in quantitate vt in subiecto, quòd est ridiculum, ergò erit aliquod indiuisibile: & modus quantitatis, & non forma in quantitate. Nec est inconueniens modum quantitatis, & rei extensionis esse indiuisibile, & inextensum, sicut extensio, quæ est modus naturalis quantitatis non est extensa, licet per eam quantitas denominetur extensa.

Præterea breuius. Nullus modus intrinsecus rei est in re tanquam in subiecto, quia quod subiicitur in aliquo est omnino extrinsecum rei. Sed Infinitas esset modus intrinsecus quantitatis, ergò nullo modo posset esse forma in quantitate.

Secundò, Si numerus non esset secundum alios nisi aggregatio plurium vnitarum infinitas eius non esset, nisi aggregatio plurium vnitarum ex ipsis loco cit. sed eadem aggregatio non potest esse in se ipsa tanquam forma in subiecto, ergò infinitas non potest esse in quantitate, vt in subiecto, ergò Infinitas quantitatis esset omnino ipsa quantitas, ergò infinitas non est modus quantitatis, quæ omnino implicant, nec debent audiri.

Ter-

Tertiò principaliter dicunt in hoc Art. num. 15. cit. quòd negatio finitatis, quæ est infinitas formaliter. Si poneretur in quantitate illa negatio esset extensa, & tota in toto, sed non tota in qualibet parte quantitatis, quia esset in subiecto diuisibili, & extenso.

*Aliud dictum Mel. & Cat. improbat.* Sed hæc propositio nullam veritatem habet, & isti Doctores falso innituntur fundamento, non enim omne quod est in subiecto diuisibili, & extenso, illud est diuisibile, & extensum, quia relationes sunt in quantitate, & tamen nulla relatio potest dici diuisibilis, & extensa.

Præterea si negatio finitatis esset extensa, & diuisibilis, ergò haberet partes. Tunc quæro, vel illæ partes sunt eiusdem rationis, vel inò; si sic, ergò quælibet pars negationis finitatis esset infinitas, & sic pars negationis in numero denario, vel in linea palmari denominaret numerum denarium, & lineam palmarem actu infinitam, quòd est impossibile, sicut est impossibile finitum esse formaliter infinitum, si partes negationis finitatis sunt diuersæ rationis; ergò negatio finitatis esset compositum etherogeneum, quòd est falsum, quia etherogeneitas etiam secundum ipsos tantum competit animæ propter diuersas animæ operationes, & sic negatio finitatis esset animata, quòd est ridiculosissimum dicere. Multa conspiciuntur, sed quid sint non examinantur, & studiosè in fide scribentium allucinantur.

*Sententia Auctoris. Caput Secundum.*

*Plus, & Minus non possunt competere Infinito Categorico nec Syncategorematico.*

*Est Sco. 2. d. p. q. 3. K.*

*Varie proprietates infiniti.* **P**RO cuius declaratione Notandum Primò, quòd Infinitatis multæ sunt proprietates. Prima quòd Infinitum non est cognoscibile, & hoc verum est de Infinito tam Categorico-

regorematico, quàm Syncategorematico in ordine ad intellectum creatum, licet à Deo vtrunque cognoscatur, vt dicitur in vltima conclusione istius Disp. Cap. 2. Secundo, quòd non possit mensurari, & hoc verum est de quocunque infinito in ordine ad quemcumque intellectum, quia mensuram, & quantitatem ignotam per aliam magis notam cognoscere ex Sco. pluribus in locis dicitur Disp. de Mensura. Intellectus autem creatus cum nullum possit cognoscere infinitum, nullum Infinitum poterit mensurare, & quia respectu intellectus Diuini nullum Infinitum est ignotum, sed omne equè notum, non poterit Deus per vnum Infinitum, vel per vnā quantitatem deuenire in cognitionem alterius quantitatis ignotæ. Tertia, quòd Infinitum non potest pertransiri, id est, non potest perueniri ad vltimum Infiniti, nec possunt assignari termini, principium, & finis, aliter non esset Infinitum, & hoc verum est de quocunque infinito respectu cuiuscunque intellectus tam creati, quàm Diuini.

Secundo notandum quòd cum Infinitas sit modus rei intrinsecus non potest esse forma, quæ sit in re tanquam in subiecto, vt dicunt Meld. & Cat. ibi num. 15. sed est aliquod omnino indiuisibile, & inextensum additum rei non extrinsecè, sed intrinsecè. Nec est inconueniens modum quantitatis, & alicuius extensibilis, & per se diuisibilis esse inextensum, & indiuisibile. Nam ipsamet actualis extensio, quæ est modus quantitatis naturalis non est extensa, & diuisibilis, quia extensio non est extensa, licet per actualem extensionem forma denominaretur actualiter extensa. Vnde Infinitas quantitatis si daretur in quantitate, nec esset continuatio partium quantitatis, nec quantitas, nec aggregatio vnitatum, nec numerus, sed solum modus intrinsecus quantitatis siuè continuæ, siuè discretæ.

*Improbatur dictum Meld. & Cat.*

Tertiò Notandum, quòd Infinito siue Categorematico, siue Syncategorematico non potest aliquid addi, vel detrahi,

**Cuicunq;** hi, quicquid dicant Mel. 1. & Cat. ibi n. 22. Nā si Deus ex infiniti  
*in finito ni-* tis hominibus aliquos annihilaret, & postea eos produceret, tūc  
*bil potest* qui remanerent non essent infiniti, sed finiti, Et propterea ho-  
*addi, vel* minibus remanentibus posset fieri additio hominū reprodu-  
*detrahi, &* ctorum, & tunc additio non fieret Infinito, sed finito, quia  
*improbatur dictum* Infinitum alicuius generis est, cuius nihil est extra pertinen-  
*Meld. &* ad illud genus, & sic si linea Infinita daretur, & ab ipsa ali-  
*Cat.* qua pars eius detraheretur, tunc quæ remaneret esset finita,  
 & ipsi posset fieri additio. Quare patet, quòd ponendo crea-  
 turas possibiles in intellectu Divino actu infinitas, infinitis  
 creaturis possibilibus non potest fieri additio, quia ultra  
 quodcunque possibile non datur aliud possibile, nec potest  
 aliquid detrahi, quia Deus non potest facere, quòd est pos-  
 sibile non esse possibile, cum quodcunque sit possibile ex  
 sui natura formaliter, licet quasi principiatiue ab intellectu  
 Divino. Similiter Infinito Syncategorematico, & in po-  
 tentia non potest fieri additio, quia ultra quemcunque ho-  
 minem possibilem, in infinitum alter homo non est possibi-  
 lis, nec potest aliquid eius detrahi, quia mortuo homine ni-  
 hil eius detrahitur, quia homo mortuus adhuc remaneret  
 possibilis, cuius possibilitas ad Infinitatem in potentia re-  
 quiritur. Vnde cum dicitur, quòd Infinito Syncategore-  
 matico, & in potentia semper fit additio, hoc est, qui partim  
 est in actu, partim in potentia, & partibus in actu possunt  
 addi partes in potentia, sed quod est in actu est finitum,  
 & pars infiniti in potentia, cum infinitum in potentia in-  
 cludat partes æquales, & possibiles simul, & hoc verificatur  
 etiam de Infinito secundum partes proportionales contra  
 istos Doctores, quia licet toti diuisibili in partes proportio-  
 nales possit fieri additio, sibi fit additio, ut finitum est, non  
 ut infinitum, quia ut sic. Semper est diuisibile in partes pro-  
 portionales, & sic quantitas finita, & determinata potest  
 esse infinita, & indeterminata secundum diuisionem in  
 partes proportionales; si enim hoc modo posset fieri addi-  
 tio,

tio, sibi posset finire, & determinare secundum diuisionem, vel assignationem partium proportionalium quod est impossibile. Quare concludendum est, quod nulli Infinito, tam in actu, quam in potentia potest fieri additio, vel subtractio, quæ solum enti finito competit.

Quartò Notandum, quod hic loquor de Infinito in aliquo genere, vt vna quantitas Infinita non potest esse maior alia quantitate infinita, & sic de singulis in essentia, & in perfectione, & de hoc etiam intelligunt aduersarii, quia loquendo de Infinito simpliciter vnum Infinitum potest esse maius alio, vt Deus qui continet omnes perfectiones in infinitum excederet in perfectione quantitatem, vel albedinem si esset infinita ex Sco.p.d.8.q.3.R.& ratio est, quia Deus includit non solum perfectionem quantitatis, vel albedinis, sed etiam omnes alias posibles perfectiones. Item si posset produci infinita substantia, & infinita qualitas, infinita substantia excederet in perfectione infinitam qualitatem, quia à toto genere substantia est perfectior qualitate, & omni accidente.

Probatúr conclusio rationibus in primo cap. positis contra Meld.& Cat.& potest sic confirmando epilogari. Maius, & Minus competit illis, quæ non possunt excedi, sed nullum genus infinitorum potest excedi. Ergò in nullo genere infinitorum datur maius, & minus; maior patet, quia quod est maius alio excedit illud, minor probatur, quia quod caret fine non potest excedi, quia quod exceditur finitur, sed omne genus Infinitorum, caret fine, aliter Infinitum esset finitum; ergò nullum genus infinitorum potest excedi.

Contra arguunt primò Meld. & Cat.num. 16. sustinentes quòd vnum Infinitum Syncategorematicum est maius alio. Ratio infiniti syncategorematici est quòd extra illud semper aliquid remaneat, quòd sibi possit addi, ergò vnum infinitum syncategorematicum potest esse maius, & minus alio.

Q

Re-

Respondeo ex ultimo notabili, & ex Sco. quod 5. A. quoddam Infinitum Syncategorematicum est quoddam extra illud semper remanet aliquid accipiendum, & ratio est inquit Sco. quia infinitum in quantitate, sicut loquitur Philos. non potest habere esse, nisi in potentia accipiendo semper alterum post alterum, & ideo quantumcumque accipiat illud non est, nisi finitum, & quaedam pars totius infiniti potentialis. Vnde secundum Sco. Additio non fit infinito, sed alicui parti Infiniti in potentia. Vnde linea palmari potest fieri additio in infinitum, sed illa linea palmari non est infinita syncategorematicè, sed pars infiniti syncategorematici, quia totum infinitum syncategorematicum includit etiam partes actuales, & potentiales in infinitum, & ideo sibi non potest fieri additio, quia ultra quamcumque partem possibilem alia esset possibilis quod repugnat, & sic falsa est consequentia. Ignorantia terminorum parit difficultates.

Secundò. Sub vna specie multiplicari possunt indiuidua in infinitum, & similiter sub altera specie, sed maior est numerus indiuiduorum possibilium sub utraque specie, quam sub vna specie, ergò vnum Infinitum syncategorematicum maius alio erit.

Respondeo concesso supposito, & minori subilata negando consequentiam, quia numerus indiuiduorum sub utraque specie non est vnum totum Infinitum syncategorematicum, aliter duo infinita syncategorematica essent partes vnius Infiniti syncategorematici, & sic essent duo Infinita finita, quia quod est pars alicuius Infiniti syncategorematici non est Infinitum, sed omnino finitum ex Scoto quod 5. A. & ideo numerus Infinitorum indiuiduorum possibilium sub vna specie, non potest addi numero Infinito indiuiduorum possibilium sub altera specie.

Et si dicas saltè numero Infinito potest dari maior numerus, sicut est numerus indiuiduorum possibilium sub utraque specie, quam sub vna specie. Respondeo ex Sco. p. d. 2. q. 2. §. Simili-  
ter

ter alia consequentia: ubi habet, quod si corpus infinitum  
esset cum alio, fieret totum maius utroque ratione dimen-  
sionum, quia dimensiones alterius corporis essent alie à di-  
mensionibus corporis Infiniti, & eiusdem rationis cum eis.  
& ideo totum maius esset propter diuersitatem dimensionū.  
& totum non maius, quia dimensio infinita non potest exce-  
di. Hæc Scotus.

*Infinitum  
simul cum  
finito, vel  
alio infini-  
to esset ma-  
ius, & non  
maius.*

Ita in proposito. Numerus infinitus indiuiduorum possi-  
bilium sub vna specie, si esset cum alio numero infinito in-  
diuiduorum possibilium sub alia specie, fieret aliquod totum  
maius utroque numero ratione diuersitatis numeri vtriusq;  
Infiniti, quia numerus vnius speciei est eiusdem rationis cum  
numero alterius speciei, quia duo numeri infiniti sunt maio-  
res, quàm vnus numerus Infinitus. Istud vero totum non  
esset maius, quia numerus infinitus non potest excedi, ali-  
ter posset in numero infinito dari determinatus numerus à  
quo incipiat excedi, vt etiam isti Doctores contrarii faten-  
tur ibi num. 17. in fine.

Et aduerte ne fiat contradictio in verbis, quod non asse-  
ro cum Sco. Infinitum cum finito, vel infinitum cum Infini-  
to esse aliquod totum per se, quia hoc immediatè superius  
negavi, sed illud totum voco per accidens, & ratio est ex  
Scoto: 3. d. p. q. p. l. quia infinitum non est cum alio com-  
ponibile, sed vnibile, & ideo poterit vnum Infinitum cum  
finito, & Infinitum cum Infinito esse simul, si duo Infinita  
categorematica essent possibilis, sicut de facto plura Infini-  
ta syncategorematica sunt possibilis, sed illa simul non pos-  
sunt facere, nisi vnum totum per accidens, cum repugnet  
vnicuiq; Infinito esse partem, & sic intelligitur Sco. p. d. 2.  
q. 3. A. & H. quod si essent plura bona Infinita essent melio-  
ra, intellige ratione diuersitatis boni, non ratione bonitatis  
infinita, quia infinitum non potest excedi.

Tertio. Possunt à creatura produci plures effectus in infi-  
nitum, Possunt item à Deo plures produci in infinitum quā

Q 2 possit



possit creatura sicut maior est potentia Dei, quam creaturæ tunc sic. Sed isti effectus producibiles in infinitum à Deo, & à creatura sunt infinita syncategorematica; ergò vnum infinitum est maius alio.

Respondeo ad supposita cōcedendo, quòd creatura possit producere plures effectus in infinitum, & tunc dicitur quòd possunt à Deo plures effectus produci quàm possit creatura; dico, quòd hoc verum est ratione diuersitatis numeri diuersarum rerum, quia Deus potest producere in infinitum infinita possibilia sub quacunque specie rerum, quòd non potest producere creatura, sed negatur, quòd illæ diuersæ infinitates effectuum in potentia excedant numerum effectuum infinitorum in potentia, quos supponitur creatura posse producere, quia æqualis est numerus hominum possibilium numero Angelorum, & omnium aliarum rerum possibilium, eo quia vnus numerus infinitus non exceditur ab alio, cum vterque numerus sit infinitus syncategorematicus, & sic concessa minori subillata negatur consequentia, quia non datur minor numerus; nisi numerus determinetur, & finiat, à quo incipiat excedi ab alio numero, quòd repugnat vniciq; Infinito tam Categorematico, quàm Syncategorematico.

Quartò. Admissò processu specierum in infinitum quelibet creatura distat in infinitum à Deo, & tamen sub hac infinitate magis distant creaturæ imperfectiores, & minus distant perfectiores, sicut istæ magis accedunt ad Diuinam perfectionem, quàm illæ, vt colligitur ex Sco. 4. d. p. q. p. §. Ratio tertia principalis, ergò datur vnum infinitum maius alio.

Respondeo, quòd si necessariò vna species est perfectior alia non potest admitti processus in infinitum in speciebus, quia permanentia, & perfectiones habent terminum in magnitudine, vt dicitur cum Sco. in hac Disputatione. Tamen supponendo processum in infinitum in perfectionibus, &

specie-

speciebus vnum infinitum esset maius alio in diuerso genere eo quia perfectio essentialis vnius speciei excedit perfectionem alterius, vt perfectio hominis excedit perfectionem bouis. Vnde si daretur homo, & bos infinite perfectus, vnum Infinitum esset perfectius, & maius alio, quod non est inconueniens. Si autem duo homines essent infiniti in perfectione, vnus homo non potest esse perfectior alio homine.

Quintò, quia præcedenti disp. Statuimus hac ratione plures partes proportionales, & indiuisibilia in Cœlo, quàm in grano milii, & tamen vtrobiq; sunt infinita syncategorematica.

Respondeo, quòd malè statuistis hac ratione falsa plures partes proportionales, & indiuisibilia in Cœlo, quàm in grano milii, & contra Scotum statuistis, quia, vt aliàs dixi secundum nostrum Doctorem 2. d. p. q. 3. I. tot sunt instantia in vna hora, quàm in vno die, & tot esse partes proportionales in Cœlo, sicut in grano milii, licet in Cœlo sint plures partes determinatæ quantitatis, quàm in grano milii, & hoc modo maius est Cœlum, quàm granum milii, licet vtrumq; sit æquale in diuisibilitate, & in partes proportionales, quia vtrumq; est hoc modo infinitum.

Sextò arguunt sustinentes vnum infinitum Categorematicum esse maius alio, quia si daretur actu numerus infinitus hominum, tunc plures forent oculi, quàm homines, plures digiti, quàm oculi. & adhuc plures capilli, quàm digiti, nam quilibet homo duos habet oculos, decem digitos manuum, & multo plures capillos.

Respondeo negando, quòd si daretur actu numerus infinitus hominum, quòd tunc plures essent oculi, quàm homines, & sic de aliis, & cum probatur, quod quilibet homo habet duos oculos concedo, sed non sequitur, quod plures forent oculi, quàm homines, nam vterq; numerus esset infinitus, qui non potest excedi, & si in oculis essent infinitæ dualitates, ita etiam in hominibus, aliter accipiendo dualitates

tates hominum, numerus hominum finiretur, & ratio est ex Scot 2. d. p. q. 3. K. quia maius, & minus non conveniunt quantitati infinitæ, sed finitæ tantum, & reddit rationem Scotus, quia quantum prius diuiditur per finitum, & infinitum, quam sibi conveniat maius, & minus, æquale, vel inæquale. De ratione enim quantitatis maioris est excedere, & minoris excedi, & æqualis mensurari, quæ omnia concludunt finitatem, & ideo infinitum non potest dici æquale, vel inæquale, maius, vel minus, quæ sunt differentia tantum finitæ, non infinitæ.

Contra hanc responſionem Scoti, arguunt Meld. & Cat. ibi num. 12. arguendo Conimb. ſequentes hanc noſtri Doctoris ſententiam, tali pacto.

Quidquid continet totum, quod continet aliud, & aliud præter illud eſt maius illo, ſed numerus oculorum, & capillorum tot unitates concludit quot numerus hominum, & adhuc multo plures unitates, ergo eſt maior numerus oculorum, & capillorum, quam numerus hominum.

Reſpondeo concedendo maiorem, ſed negando minorem, quia ſi daretur actu numerus infinitus hominum, eſſet ita infinitus ſicut numerus oculorum, & capillorum, nec unitates hominum includerentur in numero oculorum, & capillorum quia tunc eſſet maior numerus oculorum, & capillorum, quam numerus hominum, ſicut totum eſt maius ſua parte, & ratio efficaciffima eſt, quia vnum infinitum non poteſt eſſe pars alterius infiniti, cum infinitum ſit quoddam totum, & perfectum ex Scoto quol. 5. A. & ſic negatur conſequentia. Hoc Argumentum quod videbatur Scotiſtis inſolubile cum vera doctrina Scoti ſoluitur, & ſic cum Infinito non competat maius, & minus, æquale, & inæquale poſitiue, ſed tantum negatiue, quia ſcilicet non poteſt excedi, ita non poteſt ſibi fieri additio, nec detractio, vt patet in notabili, & ſic ſoluuntur omnia Argumenta, quæ poſſunt fieri in propoſito, quæ hic non pono, cum ſit indignum ad  
ſiue

sine necessitate multoties repetere.

CONCLUSIO TERTIA

*Nulla potest dari Creatura Categorematica, seu  
actu Infinita*

Est Aristotelis 3. Phys. & Scoti p. d. 2. q. 2. infra X. & d. 8.  
q. 3. G. H. I. 2. d. 3. q. 7. F. & alibi sepè.

*Opinio Aliorum. Caput Primum.*

**M** Eld. & Cat. disp. X. Phys. q. 2. 3. 4. & 5. eandem  
sustinent opinionem, sed sibi contradicunt in mo-  
do probandi, & confutando alios contra se ipsos arguunt.  
nam num. 25. & 26. loquentes de infinitate secundum es-  
sentiam addunt rationem Scotistarum probantium, ideò crea-  
turam Infinitam dari non posse, quia elset Deus. Instant  
isti Doctores, dicendo quòd huiusmodi rationes ostendunt  
non posse creari infinitum secundum essentiam in tota lati-  
tudine entis, hic autem est quæstio de Infinito in latitudine  
entis creati, quod dependentiam non excludit, & male ex  
infinitate entis creati in aliquo certo genere deducitur Infini-  
titas simpliciter, & in tota entis latitudine.

*Opinio  
Meld. &  
Cat.*

*Confutatur*

Isti autem Doctores ponentes proprias rationes deductas  
ex Sco. concludunt, quòd si elset creatura infinita secundum  
essentiam, tunc elset Deus, ergò eandem conclusionem  
deducunt, quam confutant; & reprehendentes alios se ipsos  
reprehendunt.

Incipiunt enim probare suam conclusionem num. 27. His  
verbis. *Id tamen ostendi potest a posteriori implicite. Primum  
per famosam Scoti regulam, quam docet p. d. 8. q. 3. R. Nun-  
quam ad summum in inferiori sequitur summum in superiori,  
nisi illud inferius sit nobilissimum contentum sub illo superiori,  
sicut non sequitur perfectissimus Asinus, ergò perfectissimum  
ani-*

*animal, sed bene gratia materiæ sequitur perfectissimus homo ergo perfectissimum animal, quia homo est perfectissimum omnium animalium, quia homo creata specie accidentali potest creari perfectior scilicet substantialis creata substantiali corporea potest creari perfectior, scilicet spiritualis certe creata demum substantia spirituali infinite perfecta per datam regulam concludi potest, quod hæc sit Deus, quia cum substantia spiritualis sit perfectissima contenta sub ente argui potest. Est perfectissima, & infinita substantia spiritualis, ergo est perfectissimum, & infinitum ens.*

Adducunt Bassolium negantem hanc conclusionem. Est Infinita substantia spiritualis, ergo est infinitum ens, quia substantia spiritualis creata non est perfectissimum sub ente. nam tale est substantia spiritualis, quæ est necesse esse, ut Deus, & ideo est fallacia secundum quid ad simpliciter.

Reprehendunt Bassolium veram Doctrinam Scoti afferentem, dicendo, quod iste Vir supponit posse dari creaturam infinitam spiritualem in genere substantiæ spiritualis cum dependentia à Deo, quod suppositum negant persistendo, quod data tali substantia spirituali infinita, sequitur quod esset perfectissimum ens, quia esset perfectissimum contentum sub ente.

*Infinite reprehendunt Bassolium.* Verum isti Doctores nec Scotum, nec Bassolium intellexerunt. Subtilissimus enim Doctor in illa famosa regula sic concludit. Ita ergo cum infinitum ens non tantum dicat perfectionem summam, sed etiam non possibilem excedi, non sequitur infinitum ens, nisi præcise ad infinitum tale, quod est perfectissimum, in quo est ratio entis, quod scilicet dicat perfectionem simpliciter. Et ideo licet esset quantitas infinita in ratione quantitatis, cum tamen quantitas non sit perfectio simpliciter, non sequitur, quod sit infinitum ens, esset igitur infinita linea in genere quantitatis, quia esset limitatum ens simpliciter, & excessum simpliciter à perfectiori ente, sed infinitum simpliciter non potest esse in genere.

Hic

His suppositis arguo contra Meld. & Cat. scilicet quod data creatura spiritali infinita non potest concludi per regulam datam à Sco. quòd illa esset Deus, & perfectissimum ens. Nam regula Scoti est, quòd ad summū in inferiori, non sequitur summum in superiori, nisi illud sit nobilissimum cōtentum sub illo superiori. Tunc sic arguo. Sed creatura spiritalis non est nobilissima sub ente, quia tale est solum illud, quod importat perfectionem simpliciter, quod ex se potest esse infinitum, & per consequens solus Deus ex Sco. loc. cit. ergò ad perfectissimam creaturam spiritualement non sequitur perfectissimum ens; nec quod sit Deus, vt isti inferunt, & sic iniuste Bassolium reprehendunt.

*Cōfutatur dictū Mel. Cat.*

Præterea infinitum ens simpliciter non potest esse in genere ex Sco. loc. cit. quia inquit ipse. quòd si daretur infinitum in genere non tolleretur potentialitatem, quam requirit ratio generis, sed tantum poneretur infinitatem secundum quid, sed si daretur substantia spiritalis infinita illa esset in genere; ergò illa non esset infinitum ens, nec Deus.

Præterea efficacissime ad hominem. Si esset creatura infinita, illa haberet dependentiam à Deo, ergò si daretur substantia spiritalis creata à Deo infinita, illa non esset Deus, antecedens patet, quia quælibet creatura à Deo dependet, consequentia etiam patet ex doctrina ipsorum in hac Disput. q. 2. num. 25. ubi habent, quòd infinitum in tota entis latitudine, & Deus excludit omnem imperfectionem, infinitum verò in genere non excludit omnem imperfectionem, & dependentiam, ergò si daretur infinitum in aliquo genere esset dependens, & non esset Deus, quòd est contra ipsos.

*Cōfutatur ad hominē*

Si Respondeas cum ipsis num. 28. qui Doctrinam Scoti, & ipsis contrariam ab Amico receperunt, quòd illa substantia spiritalis, sicut, & species creata categorematicè infinita in nullo esset genere, & sic nullam includeret imperfectionem, & dependentiam à Deo, hoc repugnat ipsis in hac

*Tacita responsio cōfutatur.*

R

Disput.

Disput. q. 4. n. 68. & ipsi Scoto p. d. 8. q. 3. R. ubi habent, quòd si daretur quantitas infinita deberet reponi secundum Doctores in prædicamento quantitatis.

Præterea si Deus posset creare hominem infinitum, quis vellet negare ipsum esse in genere animalis? & si crearet substantiam spirituales, & Angelum infinitum, quare non esset in genere substantiæ? quid amplius, si ipsi concedunt, ut iam dictum est n. 25. Infinitum in genere, si daretur esset infinitum secundum quid.

*Cōsuetatur  
ad hominē*

Præterea probo etiam ad hominem, quòd si daretur substantia spiritualis infinita non esset Deus, nam isti Doctores in hac Disp. x. q. 2. art. 2. n. 36. arguendo contra Radam, sustinentem non posse dari processum in infinitum in perfectione creata arguunt tali pacto. Illa species quæ ponebatur suprema distat infinitè à Deo, vel non. non secundum, quia cum sit creatura infinitè debet à Deo distare, si primum, ergò supra illam possunt dari aliæ, & aliæ species in infinitum perfectiores intra limites finitatis. Hæc illi.

Tunc sic arguo. Illa creatura spiritualis infinita, vel distaret infinitè à Deo, vel non; non secundum, quia cum sit creatura debet à Deo infinitè distare: si primum, ergò supra illam dari possunt aliæ, & aliæ species in infinitum perfectiores, & sic vel illa creatura spiritualis, quæ supponitur infinita, non erit infinita, vel si erit infinita, distabit infinitè à Deo, cum sit creatura, & sic à primo ad ultimum nunquam posset esse Deus, sed tantum concludi potest, quòd esset infinita secundum quid, & per consequens ex hoc medio non rectè probant in essentia creata repugnantiam infinitatis categorematicè, & in actu.

Secundò. Meld. & Cat. dicunt quòd hæc conclusio, scilicet quod non possit dari infinitum categorematicum in essentia potest efficacissimè probari per rationes Scoti, qui us probat 2. d. 3. q. 10. non posse dari speciem impressam, quæ distinet representet quidditates creatas possibiles. ex quibus deducit



deducit, inquit ipsi, quod hæc species esset infinita simpliciter, & absolute infinita in genere entis, & non tantum in certo genere. Sed ego legi, & perlegi illas rationes, nec videre potui Scotum inferre, quod illa species infinita representans, si daretur, esset infinita simpliciter, & non in determinato genere, sed solum inferit quod esset infinita, nec aliud potuit inferre; quia ista species impressa esset qualitas, & per consequens in determinato genere. At quod est in determinato genere, non potest esse ens simpliciter ex Sco. p.d. 8. q. 3. vt prius dictum est; ergo species, si repræsentaret infinitas quidditates, non esset infinita simpliciter. Nam licet illa species impressa æquivaleret infinitis speciebus in repræsentando, non tamen contineret eminenter perfectiōnes essentielles omnium rerū, nec esset aliquod in dependens, sed dependens quia esset ens creaturæ: nam species representans non est substantia formaliter, nec eminenter, esset igitur infinita in ratione speciei intelligibilis, & hoc solum probat Scotus.

falsò adducunt doctrinā Sco.

*Sententia Auctoris . Caput Secundum.*

*Nulla potest dari Creatura Categorématique seu in actu Infinita*

Est Arist. 3. phys. & Sco. p. d. 2. q. 2. infrà X. & d. 8. q. 3.  
G. H. I. & 2. d. 3. q. 7. F & alibi sæpè.

**P**ro cuius declaratione. Notandum Primò quod hic loquor de Infinito Categorématique siue secundum effectiā, siue secundum intensionem, siue secundum extensionem, siue secundum multitudinem. quæ omnia competunt quāto, siue quantitatī molis siue virtutis, vel perfectiōnis, quod infinitum categorématique in perfectiōne est duplex secundum Sco. p. d. 8. q. 3. Q. Aliud est infinitum simpliciter, quod in nullo potest excedi, & includit quacūq;

duplex  
Infinitum  
quod  
sit utrunq;

R 2 per-

perfectionem entis, & quamcunq; entitatem quantum possibile est talem entitatem, & perfectionem contineri in aliquo vno scilicet eminenter, quia non est possibile quamlibet perfectionem, & quolibet ens contineri formaliter, & realiter in aliquo vno, sed tantum virtualiter, & eminenter, sicut dicitur, quod Deus est homo, lapis, Equus, Argentum, non realiter, aut formaliter, sed solum eminenter quia omnis perfectio, quæ est in creaturis reperitur in Deo perfectiori modo, quam sit in ipsis creaturis. Aliud est infinitum secundum quid, idest secundum aliquod genus perfectionis, vt si daretur infinita linea, illa esset secundum quid infinita idest secundum longitudinem tantum, & non secundum alias perfectiones possibles sub ente, Vnde ly. *Simpliciter*, & *secundum quid* in infinito sunt æquiocæ. Aliquādo. n. accipitur ly. *Simpliciter*, vt distinguitur contra *Secundum quid*, quod est esse in potentia, & sic infinitum simpliciter est infinitum Categorematicum, & in actu, & infinitum secundum quid dicitur Infinitum Syncategorematicum, & in potentia. Aliquando accipitur ly simpliciter idest secundum omnem perfectionem entis, vt distinguitur contra secundum quid, idest secundum aliquam perfectionem, & sic tam simpliciter, quam secundum quid conueniunt infinito categorematico, quia infinitum Categorematicum; aliud est infinitum secundum omnem perfectionem entis, vt Deus. Aliud secundum aliquam perfectionem, vt si daretur calor infinitus, linea infinita, albedo infinita, etenim vnūquodq; istorū esset infinitum secundum propriā perfectionē, sed nō secundū omnes perfectiones, quia calor infinitus non includeret perfectionem lineæ, nec linea perfectionem caloris, & sic de alijs.

Secundo Notandū ex Scot. p. d. q. 2. B. B. non posse probari a priori, quod aliquid sit finitum, vel infinitum, quia sicuti contradictoria ex rationibus propriis contradicunt, ita non repugnantia ex rationibus propriis non repugnant, nec videtur

detur posse ostendi repugnantia, & non repugnantia, nisi explicando rationes contradictoriorū, & Infinitum non potest explicari, nisi per finitum. Vnde Infinitum est illud, quod excedit quodcunq; finitum ultra omnem determinatam, vel determinabilem propositionem, & sic quolibet est ponendum possibile finitum, vel infinitum, cuius non apparet impossibilitas ad excedere, vel excedi. Ad hoc autem probandum ponuntur rationes à diuersis, sed non rectè persuadentes, quia licet de quantitate molis ex doctrina Arist. facile deducatur impossibilitas infiniti, non tamen inuenitur ratio probans infinitatem creaturæ secundum essentiam consideratæ, & inter alia media mihi videtur magis efficax illud, quod creatura sit in genere, & per consequens limitata, & finita, quam rationem nituntur Meld. & Car. infringere, sed non rectè, quia ex Sco. 2. d. 3. q. 7. F. quælibet speciei perfectio est finita, vel determinata per determinationem, vel specificationem, vel limitationem differentiæ ultimæ, quæ ultimæ speciem constituit addita generi, & dicit Scotus hoc essetum esse secundum omnes Philosophos, ac propterea, quod est in genere erit finitum in tali genere, & repugnabit per hoc non solum infinitas in tota latitudine entis, sed etiam in tali genere, utiq; verum est ex Sco. p. d. 2. q. 2. B. B. in fine, & C. C. quod quodlibet habet gradum intrinsecum suæ perfectionis, vel finitum, si illud est finitum, vel infinitum, si est infinitum, & non finitur per aliud, & quæcunque essentia finita in se est finita, ut præintelligitur omni comparationi sui ad aliam essentiam, sed non est finita, ut præintelligitur differentiæ ultimæ ex Sco. loc. superius cit. & ratio esse potest, quia non datur in rerum natura quidditas, & essentia, nisi contracta per ultimam differentiam specificam, tamquā per ultimam sui perfectionem, quia differentia numerica, & indit dualis nullam dicit perfectionem, sed potius imperfectionem, quia imperfectionis est naturæ indiuiduari per aliud, & ideo

ideo solum quod est de se, hoc est infinitæ perfectionis. His notatis.

Probatur conclusio Primò, Nullum Infinitum est componibile, sed omnis creatura est in genere, & per consequens componibilis, saltem ex genere, & differentia, ergo nulla creatura potest esse infinita. Maior, quæ est Scot. quol. 5. O. probatur, quia omne compositum, vel componitur ex finitis, vel Infinitis. Non ex Infinitis, quia infinitum non potest esse pars, ergò ex finitis, sed ex finitis non potest componi infinitum, ergò nullum compositum potest esse Infinitum, et hæc ratio valet de Infinito in genere, & specie determinata, quia sicuti Infinitum, ut sic, non est compositum, nec componibile cum alio, ita cuiusq; composito, & componibili cum alio repugnat Infinitas.

Secundò cum Scotistis præcipue. Omne finitum est pars & ens per participationem, quia capit partem illius entitatis, quæ est in Infinito totaliter, & perfecte. Cui ergo repugnat esse pars ei repugnat esse finitum, & cui competit esse, pars ei repugnat infinitas ex Sco. quol. 5. A. A. sed omnis creatura est ens per participationem, ergò creatura repugnat infinitas.

Nec valet dicere, quòd argumentum recedit de Infinitate in tota latitudine entis, quia argumentum procedit de perfectione in communi, & in particulari, nam sicuti creatura est ens per participationem, ergò est etiam tale ens per participationem, & quælibet creatura perfectio est participata, ergò quælibet creatura secundum quemlibet gradum perfectionis, siue genericè, siue specificè est ens per participationem, & per consequens pars infiniti, ergò sibi repugnat infinitas secundum quemlibet gradum perfectionis.

Contra arguitur Primo. Infinitæ potentie activæ debet correspondere proportionatus effectus, ergò potentie Dei infinitæ categorematicè, & in actu debet correspondere consimilis effectus.

Respon.

Respondeo ad antecedens quod infinitæ potentia debet correspondere proportionatus effectus in actu, vel in potentia, quia potentia ista infinita ad extra non habet necessariò effectum, sed contingenter, qui effectus proportionatus est productio omnium possibilium ex Sco. p. d. 42. q. vnica A. & hoc eo modo, quo possunt produci scilicet successiuè in infinitum, & non omnia simul, quia talis effectus infinitus in actu naturæ repugnat, & vt in summa sit dicere. Infinita potentia est, quæ potest producere infinita quantum est ex se, etiam simul actu, si illa essent simul producibilia ex Sco. p. d. 2. q. 2. in X. Ad consequentiam cum dicitur: ergò infinitæ potentia in actu, & categorematicè debet correspondere effectus infinitus categorematicus; nego. quia talis est impossibilis. Vnde infinitæ potentia proportionatur effectus possibilis infinitus, immò si nullus effectus categorematicè, vel syncategorematicè infinitus posset produci, adhuc saluaretur infinitas in potentia ex hoc, quod quantum est ex se posset producere quodcunque infinitum, si quodcunque esset producibile, & sic Deus, siue contingenter agat cum Theologis, siue necessariò cum Philosophis, non posset producere nisi possibile, quia ad impossibile nulla est potentia.

*Effectus  
proportionatus potē  
tia diuina  
quis sit.*

Secundò. Deus potest communicare creaturæ infinitam durationem, & præsentiam localem, producendo creaturam ab æterno, & replicando illam vbique, ergò potest ei communicare infinitam essentiam.

Respondeo concedendo antecedens, sed illa infinitas durationis, & præsentialitatis non est infinitas categorematica, nam æternitas non est nisi negatio deficiendi, vel ratio rationis potentialitatis coexistendi cuicunque possibili in infinitum ex Sco. quol. 6. S. quæ negatio, vel ratio rationis non est infinita categorematicè, similiter præsentialitas cuicunque loco non est propriè infinita, cum infinita pluralitas actu simul repugnet, sed dicitur infinita, id est indeter-

mi-

**Dupliciter potest accipi infinitum.** minata; nam ex Sco. 4. d. p. q. p. G. dupliciter potest accipi infinitum. Vno modo pro excedente simpliciter quodcumque finitum in infinitum. Alio modo pro indeterminato, sicut dicitur, quod inter contradictoria est infinita distantia, idest indeterminata, quia quantumcumque aliquid recedit ab vno contradictorio, statim est sub altero, & ided tam minima, quàm maxima distantia sufficit ad contradictionem, & sic negatur consequentia, quia licet homo possit conseruari à Deo in tota æternitate, & replicari in quocunque loco, non tamen sequitur, quod possit à Deo fieri essentialiter infinitus, quia in natura repugnat infinitas categoriæ rematica, propter rationes in conclusione adductas.

Tertiò. Infinita perfectio in essentia creata, adhuc esset infra perfectionem Diuinam, quia esset in certo genere, & non in tota latitudine entis: ergò Deus poterit illam producere. probatur consequentia, quia Deus potest producere quamcumque perfectionem infra perfectionem Diuinam.

**Responsio Meld. & Cat.** Respondent Meld. & Cat. in hac disp. num. 29. negando, quod illa creatura sic infinita esset in certo genere, & infra perfectionem Diuinam, quia ex continentia eminentiali multarum specierum in tali natura argueremus ipsam esse infinitam simpliciter, & absolutè, & nò in certo genere tantum.

Sed isti Doctores falsò respondent, non minores regulæ Sco. p. d. 8. q. 3. R. etiam ab ipsis adductæ, quod scilicet ad summum in inferiori, non sequitur sumum in superiori nisi illud inferius sit nobilissimum contentum sub illo superiori, cuiusmodi non potest esse creatura, ac propterea non valet dicere. Est Infinita creatura: ergò Infinitum ens, quia creatura non est nobilissimum contentum sub ente, cum tale sit solus Deus. Vnde illa creatura non esset infinita simpliciter, & absolutè, sed in certo, & determinato genere, vt etiam ipsi contradicentes dicunt apertè ibi n. 25.

**Contradictio Meld. & Cat.**

**Responsio Auctoris.** Ideò Respondeo concedendo. assumptum, sed nego con-



consequentiam, quia licet Deus possit producere quamcumque perfectionem infra perfectionem Diuinam, tamen non potest producere impossibile, repugnat enim infinitus homo, infinita linea, & huiusmodi.

Quarto. De facto datur Infinitum categorematicum, ergo non repugnat; antecedens probatur, quia datur Intellectus, qui est receptivus infinitarum intellectuum, & elicivus infinitorum actuum, ergo est infinitus, quia illud est infinitum virtutis, quod potest infinita producere.

Respondeo negando antecedens, ad probationem respondeo ex Sco. 3. d. 14. q. 2. Q. quod infinitas extensiva ad aliqua, ut ad formas recipiendas, non concludit infinitam virtutem receptivam, sicut patet de materia, si esset receptiva infinitarum formarum, immo magis concludit imperfectionem, sed infinitas extensiva ad aliqua, ut ad effectus simul causabiles includit infinitatem intensivam, eo quod talis pluralitas concludit maiorem perfectionem in eo, quod ad plura se extendit, non ita de receptivo, si tamen intellectus ponitur elicivus infinitarum intellectuum, dicit Sco. quod illas infinitas extensiva non concludit infinitatem intensivam intellectus, sed obiecti, quia obiectum est causa principalis activa respectu illarum visionum, & intellectuum, non autem intellectus, & ratio Scot. esse potest, quia obiectum representans infinita, necessario est infinitum, nam requiritur maior perfectio representando duo, quam unum, & sic in infinitum ex Scot. 2. d. 3. q. 10. A. intellectus autem cognoscendo unum, vel plura non indiget maiori perfectione, nisi intelligendo plura simul actu. Vnde si intellectus creatus simul haberet infinitas intellectiones, esset actus categorematicè infinitus.

Quinto. Potest dari species representans obiectum infinitum sub ratione Infiniti ex Sco. 2. d. 3. q. 9. K. L. ergo potest dari species infinita in representando.

Respondeo ex Scot. loc. cit. negando consequentiam;

S quia



quia sicut actus finitus potest habere obiectum ex parte sui infinitum, & tamen immediatus attingit obiectum, quam species, ita species potest representare obiectum infinitum sub ratione infiniti, non tamen ipsa est adæquata in esse, do, nec in cognoscendo simpliciter, quia non est principium comprehendendi, s. cognoscendi in infinito modo, nam essentia, quæ est comprehensibilis ab intellectu suo, non potest comprehendi, nisi per se ipsam, & per rationem cognoscendi.

Sexto probatur, quod potest dari infinitum categorematicum in multitudine. Infiniti homines, infinitæ partes quantitatis sunt entia realia possibilia, quæ cognoscuntur à Deo, ergo nulla erit implicancia, quod ponantur in re, cum omne possibile dicat potentiam ad existendum.

*Responsio.*  
*Meld. & Cat.*

Respondent Meld. & Cat. in hac disp. num. 53. & 54. longo discursu, & in fine responsionis dicunt omnes numeros posse existere, sed non coexistere, quia multitudo numeralis est indeterminata, & ideo non tota simul producibilis, & quando etiam concederemus totam rerum producibilium congeriem posse simul a Deo produci, adhuc negare deberemus talem multitudinem esse categorematicè infinitam, quia sicut quando multitudo illa erat potentialis non erat infinita categorematicè, sic etiam dicendum est talem remanere si actu produceretur tota, quia diversitas status non variat naturam multitudinis, & ex vna infinitate non rectè deducitur alia.

*Non recipitur responsio.*

*Responsio auctoris.*

Hæc doctrina confutata est cum Seo. & doctrina istorum satis diffusè in prima conclusione huius Disputationis.

Respondeo igitur breviter, quod ~~Infiniti~~ homines, infinitæ partes quantitatis, eo modo, quo sunt possibilia, eo modo possunt à Deo produci, sunt possibilia in infinitum, sunt producibilia in Infinitum, & sic ad consequentiam respondeo, quod nulla erit implicancia, quod ponantur in re,

re,

re, eo modo, quo possibilia sunt poni in re, sunt autem possibilia poni in re in infinitum non simul, aliter non essent possibilia in infinitum, quæ si simul essent, essent categorématique infinita, ut apertè asserit Sco. quol. 5. A. & alibi sæpè.

Septimò. Potest continuum diuidi à Deo in omnes eius partes, cum in hoc instanti possit singulas continui partes diuidere, & non magis hanc, quàm illam; ergò poterit omnes; item in quolibet instanti istius horæ poterit creare vnum Angelum, & illum conseruare; sed in continuo sunt infinitæ partes proportionales, & in hora infinita instantia, ergò peracta diuisione continui habebimus infinitas partes actu, & completa hora Angelos infinitos.

Respondeo negando quòd Deus possit simul diuidere omnes continui partes, & producere infinitos Angelos in vna hora, & cum probatur, quia in quolibet instanti vnus horæ poterit singulas continui partes diuidere, & non magis hanc, quàm illam, & in quolibet instanti vnus horæ creare vnum Angelum concedo, sed nego consequentiam, scilicet quòd poterit diuidere omnes partes continui, & in omni instanti creare vnum Angelum, quia ex Sco. 2. d. 2. q. 9. K. à singularibus veris non sequitur vniuersale, quando propositiones singulares sunt impossibiles, est enim fallacia figuræ dictionis à pluribus determinatis ad vnum vniuersalem, & ratio repugnantiae est ex impossibilitate reductionis omnium potentiarum simul ad actum, cuiuslibet enim diuisioni determinatæ repugnant infinitæ indeterminatæ diuisiones, & ponit exemplum Sco. vbi quælibet singularis est possibilis, & tamen vniuersalis non est possibilis, & ponamus, inquit ipse, quòd aliquis homo non possit portare decem lapides, sed nouem tantum, & sint illi decem lapides æquales, ista propositio. Possibile est omnem lapidem portari ab isto, falsa est, & non quia aliqua sin-

gularis sit falsa, nec quia aliqua singularis determinata sic alicui alteri determinatæ impossibilis, sed aliquibus determinatis est aliqua indeterminata impossibilis. Vnde quæcunque nouem singularia sunt compossibilia, & decimum indeterminatè est in compossibile eis.

In proposito valet dicere, quòd hæc pars potest diuidi pro hoc instanti, vel illo, & pro eodem instanti, potest hic Angelus, vel ille creari, sed non possunt omnes partes simul diuidi; nec omnes Angeli pro quocunque instanti horæ simul creari, cuilibet enim diuisioni, & creationi Angeli determinatè repugnant indeterminatæ infinitæ diuisiones, & creationes Angelorum, & ratio physica mihi videtur, quia cum quælibet pars continui sit diuisibilis in partes semper diuisibiles, nunquam omnes partes possunt esse diuise, quia standum esset ad aliquam partem indiuisibilem, quod repugnat continuo. Item omnia instantia vnius horæ non sunt assignabilia simul determinatè, quia quælibet pars temporis est diuisibilis in infinitas partes per instantia copulatas, & ideo Deus non potest creare Angelum in quocunque instanti vnius horæ, ita quod in illa hora non sit instans in quo Deus non creauerit Angelum, quia ista instantia per rationem iam dictam sunt inassignabilla.

Octauò. In materia prima sunt tot priuationes actu, quot sunt formæ producibiles in infinitum, ergò infinitæ priuationes, quia secundum Sco. quol. 5. A. & alibi, quæ sunt infinita in potentia, si essent actu, essent infinita actu, & categorématique.

*Responsio* Ad hoc Argumentum Meld. & Cat. sustinentes contra Meld. & Scotum. Infinitum in actu, & in potentia non differre Cat. non secundum modum essendi. Responderent negando consequentiam, quia dicunt, quòd si illa, quæ sunt infinita in potentia essent actu adhuc diceretur finita, sed hoc improbatum est prima conclusione huius Disputationis.

*Responsio* *Auctoris.* Ideò dicerem quòd non repugnat enti negatio infinitas mul.

multitudinis negativa neque rerum possibilium sicut sunt in intellectu Divino, sed tantum infinitas positiva rerum actualiter existentium.

Si dicas. Dantur tot relationes actu in materia ad formas in infinitum producibiles, quæ relationes dicuntur à Scoto ordines prioritatis ad actum; ergò illæ relationes erunt infinitæ, ergò multitudo actualis, & positiva infinita.

Responderem, quòd triplex est multitudo: Prima est rerum differentium secundum formam, ut multitudo generum, & specierum. Secunda est rerum differentium secundum quantitatem subiecti, ut multitudo individuum per se existentium, vel eorum, quæ sunt in diuiso subiecto, ut plures homines, & plures albedines. Tertia est eorum, quæ non differunt secundum formam, & quantitatem subiecti, sed sunt in eodem subiecto, ut in proposito sunt infinitæ potentie materie ad formas in infinitum producibiles, & sic posset concedi, quòd non repugnat infinita multitudo positiva, in actu, & categorematicè rerum, quæ sunt in eodem subiecto, repugnat verò infinita multitudo positiva rerum differentium secundum formam, & quantitatem subiecti.

Contra. Ergò saltem absolutè loquendo non repugnat multitudo numeralis infinita actu, & categorematicè.

Respondeo concedendo consequentiam, quia ut dicam in ultima cõclusionè. In mente Divina est infinita multitudo actualis omnium possibilium, sed tantum repugnat in rerum natura, eo quia possibilia in infinitum si essent actu, non essent possibilia in infinitum, & sic cui repugnet assignari ultimum posset finire, & finiretur, quod contradicit, & repugnat infinita multitudo actu eorum, quæ secundum formam, & quantitatem subiecti distinguuntur, ut prius dictum est.

Vel responderi potest, & melius, quòd sicut non repugnat

gnat infinitas categorematica rerum possibilem, ita non repugnat talis infinitas relationum possibilem, seu ad res possibile. Relationes enim in materia ad formas introducibiles in illa, quæ dicuntur ordines prioritatis ad actum, sunt utique actuales, & reales non simpliciter, sed secundum quid. Vnde non video, quod repugnet infinitas categorematica ad res possibile, quæ sunt in mente Divina actualiter infinitæ, sed tantum repugnat infinitas positiva rerum simpliciter actualiter existentium.

Nonò Arguitur, quod possit dari infinitum in extensione. Linea girativa constat ex infinitis circulis columnarum ambientibus, quorum singuli sunt determinatæ, & æqualis longitudinis circularis, quantum nempe ipsa columna circumdat, ergo hæc linea erit actu infinita, & si per potentiam Dei tota extraheretur à columna quam veluti fascia cingit, clarè appareret infinita eius longitudo.

*Responsio* Respondent Meld. & Cat. ibi num. 67. confutantes *Meld. & Cat.* Auerisæ responsionem, quæ melior est quod illi circuli non sunt æquales, quia non trahuntur ab vno puncto ad idem punctum, & concludunt, quod tanta est longitudo lineæ girativæ, quanta longitudo columnæ constituta ex partibus proportionalibus secundum longitudinem sumptis.

*confutatur.* Sed hæc responsio non satisfacit, quia difficultas de linea girativa in hoc consistit, quod si girat per omnes partes superficiæ columnæ, quæ sunt infinitæ, si postea extendatur erit infinitæ longitudinis, sicut si omnes lineæ, quæ diuidunt quaslibet partes vnius superficiæ essent simul unitæ, cum diuidant partes proportionales superficiæ infinitas se extenderent in infinitum.

*Responsio* Respondeo saluo semper meliori iudicio, quod argumentum procedit ex falsa imaginatione, non enim est *Auctoris.* assignabilis linea girativa, quæ transeat per partes proportionales superficiæ columnæ: sicut nec omnes lineæ alicu-

alicuius superficiei sunt assignabiles. etiam à Deo, quia assignata vna linea immediatè sequitur pars superficiei, alia autem linea immediatè sequens, & terminans illam partem superficiei est inassignabilis, quia illa pars est diuisibilis in infinitas partes terminatas per infinitas lineas. Quapropter falsum est Deum posse abstrahere illam lineam giratuiam à columna diuidentem quaslibet partes superficiei columnæ, quæ sic Deus poneret omnes partes superficiei columnæ esse actu diuisas, & interminatas per lineas, quod repugnat, quia quælibet pars est diuisibilis in partes, quæ de sui natura hinc necesse est terminantur.

Decimò. Probo, quod possit dari infinitum actu in virtute secundum Scotum in 1. d. 2. q. 2. BB. quantitas virtutis est perfectior quantitate molis; ergo si datur infinitum in potentia in mole, ergo in virtute, sed si datur infinitum in potentia in virtute ergo, & actu. Sic discutitur Scotus.

Responderem Scotum hic loqui de Deo, & summe infinito in essentia, & vult probare, quod in tota latitudine quantitatis virtutis potest dari infinitum, & si potest dari, actu est, quia tale infinitum necesse est esse, & non vult probare Scotus, quod sicut in quantitate molis datur infinitum in potentia, vt in diuisione, vel multitudine, semper accipiendo vnum post aliud in infinitum, & in virtute possit hoc modo dari infinitum, quia hoc negat 3. d. 13. q. p. per totum, sed si sicut in quantitate molis datur infinitum suo modo, idest in potentia, semper accipiendo vnum post aliud in infinitum, ita etiam in quantitate virtutis, quæ est perfectior, potest dari suo modo infinitum, hoc autem si potest dari, actu est, quia infinitum in virtute necesse est esse, & ideo Sco. posuit terminos in permanentibus, & essentis creatis, quibus non competit necesse est esse, sed contingenter.



## CONCLUSIO QUARTA.

*Non datur Infinitum Syncategorematicum in Creaturis  
secundum Essentiam, Intensionem,  
& Extensionem.*

Est Sco. 3. d. 13. q. p. per totum p. d. 2. BB. & 2.

d. 3. q. 7. F.

*Opinio Aliorum, Caput Primum.*

*Opinio  
Meld. &  
Cat.*

**M**Eld. & Cat. disp. 10. phys. q. 2. 4. & 5. oppositam tenent sententiam tanquam tutiorem alserendo Sco. esse problematicum dicendo num. 79. de qualitatibus, quòd Sco. 3. d. 13. q. p. nihil docuit ut omnino certum, quòd patet ex verbis Sco. in commendando Christum malo excedere, quàm deficere à laude sibi debita, si propter ignorantiam oportet in alterum incidere, ubi protestatur, inquit, ob Christi reuerentiam se potius notam ignorantis incurrere velle, quàm indeuori.

Sed miror quomodo Scotistæ sustineant in hac materia Scotum problematicum, qui apertè sine hesitatione, & absolute sustinet in permanentibus dari terminum determinatum, licet vobis ignotum, & probat absolute gratiam habere terminum, sed postea applicando ad Christum. An ipsi sit collata gratia summa possibilis creari sustinet problematicè ipsi collatam fuisse, quia nescit euidenter gradum gratiæ collatum Christo, quàm gratiam determinatam sustinet habere terminum. in collatione gratiæ est problematicus, non in termino gratiæ. Et isti Doctores solunt rationes Sco. sed non in principijs Sco. sed Thomistarum, quæ rationes utique sunt solubiles, quia de non euidentibus non possumus habere demonstrationes, & ideo cum



cum. Scotus non sit certus, an summa gratia possibilis creari sit collata Christo, vult magis excedere, quam deficere, id est si non possumus scire quanta gratia sit Christo collata possumus deficere dicendo, quod sit collata minor gratia, quam non ignorat habere terminum, id est cum aperte hoc asserat, sed ignorat in quo gradu gratia sit collata Christo, & ideo vult magis excedere dicendo, quod sit collata summa gratia, quam quod sit ei collata gratia non summa, non dubitat igitur Scotus an gratia sit summa, & habeat terminum, sed dubitat, an ista summa gratia sit collata Christo.

Scotus non est problematikus de termino gratia sed dubitat qualis gradus sit collatus Christo.

Probo tamen quod maxime in doctrina illorum hæc sua opinio sustineri non potest in aliquo genere deueniendum est ad speciem supremam, qua perfectior creari non potest ex doctrina ipsorum in hac Disp. num. 43 ergo hoc etiam erit in alijs generibus: consequentia patet, quia non videtur maior ratio de vno, quam de altero, & si nullum sequitur inconueniens, quod Deus in tali genere non possit facere perfectiorem speciem in infinitum etiam in alijs generibus nulla erit repugnantia, quod sit deueniendum ad aliquam speciem supremam.

Cōsuetudine opinionis Mel. & Cat. ad bonum.

Secundò. In tota latitudine entis creati datur supremum, quod si esset infinitum esset Deus secundum ipsos ibi num. 27. licet hoc sit in antecedenti conclusione impugnatum, & tale est substantia spiritualis, ergo si nulla est repugnantia, quod Deus non possit facere substantiam spiritualem perfectiorem in infinitum, nec etiam erit repugnantia, quod non possit hoc facere in alijs generibus imperfectioribus.

Præterea tertio dicunt ibi num. 82. quod mediæ qualitates habent terminum suæ intensiōis, ergo & aliæ qualitates, quia non minus videtur, quod mediæ qualitates sint ex se determinatæ ad certum gradum intensiōis quam qualitates extremæ.

T. Respon.

Ratio ex  
doctrina  
Meld. &  
Cat.

Responderi potest ex eorum doctrina loc. cit. quod mediæ qualitates habent terminum suæ intensiōis etiam in ordine ad omnipotentiam Dei, quia cum contineantur inter duo extrema per progressum in infinitum faciliè in alterum extremorum transirent, vt. viriditas in nigredine, & pallor in albedine.

Cōsuetur

Contra. Quilibet gradus viriditatis est eiusdem rationis; ergo si viriditas secundum gradus decem essentialiter, & specificè differt à nigredine etiam secundum gradus in infinitum, erit essentialiter, & specificè diuersa; ergo nunquam poterit transiri in nigredinem, aliter gradus viriditatis additus in infinitum non esset gradus viriditatis, sed nigredinis.

Præterea species quantumcunque perfecta semper differt essentialiter ab alia specie, ergo viriditas quantumcunque perfecta non potest transire in nigredinem, aliter perfectio speciei mutaret speciem, quod est impossibile, sicut impossibile est quod vna species sit alia, & quod perfectio speciei destruat speciem, ergo si mediæ qualitates habent terminum suæ intensiōis etiam extremæ; & rationes, quas conficiunt Meld. & Cat. pro opinione Thomistarum, quam sequuntur magis sunt solubiles, & possunt contra ipsos retorqueri, vt. videbimus in responsione ad eorum argumenta.

3.

Præterea Infinitum in virtute, & in intensiōe si potest esse actu est, imò necesse est esse ex Scoti p. d. 2. q. 2. BB. ergo si in qualitatibus daretur infinitum Syncategorematicum, & in potentia, actu esset necessariò, & sic contingens, esset ens necessarium.

Nec valet dicere, quod Scotus in hac materia sit problematicus, quia ibi Scotus probat posse dari ens infinitum in virtute, & probat per hoc, quod sicuti in quantitate molis datur infinitum suo modo, scilicet in potentia, accipiendo vnum post alterum, ita in quantitate virtutis,

quæ.

quæ est perfectior potest dari. Infinitum suo modo, hoc autem si potest esse, actu est, & necessario est esse. Unde si medium Sco. esset tripolum non rectè probaret Sco. per hoc principium dari ens infinitum.

Nec dicas vtiq; valere illud principium ad ostendendum, quod in tota latitudine entis datur ens infinitum, quod est Deus necessario existens, quia Sco in 2. d. 3. q. 7. F. idem probat in creaturis dicendo, quod si tota perfectio speciei nata est esse in infinitum, sequeretur quod in quolibet specie esset perfectio infinita, & probat per hoc quia quod potest habere perfectionem infinitam, habet eam. Unde Scotus omnibus in locis, in quibus agit de intensione, & perfectione semper uniformiter loquitur.

*Sententia Auctoris. Caput Secundum.*

*Non datur Infinitum Syncategorematicum in Creaturis  
Secundum Essentiam, Intensionem,  
& Extensionem.*

Est Sco. 3. d. 13. q. p. per totum p. d. 2. q. 2. BB. & 2. d. 3. q. 7. F.

**P**RO cuius declaratione Notandum primò, quod essentia, quantitas, & qualitas, quæ ex se est determinata ad talem intensionem, vel extensionem dicitur summa, summum autem potest accipi dupliciter ex Sco. 3. d. 13. q. 1. C. vno modo positivè, scilicet pro eo quod excedit quodcunque aliud, & non potest dari sibi æquale. Alio modo negativè pro eo, quod non exceditur ab alio. Unde *Essentia, Quantitas, Qualitas* in termino dicitur summa, quia non potest excedi ab alia, non tamen excedit quæcumque aliam, quia Deus potest creare sibi æqualem, quæ ratione dicit Scotus 3. loc. cit. quod Deus non potuit confer-

*Summum  
dupliciter  
accipitur.*

re Christo summam gratiam positiuè, quia potest creare æqualem, potuit tamen conferre summam gratiam negatiuè, quæ scilicet non possit excedi, quia perfectio gratiæ non potest in infinitum augeri.

*Secundò Notandum, quòd Scotus non est in hac materia problematicus, vt præfari Scotistæ asserunt, & præcipuè 3.d.13.q.p.vbi loquitur de gratia, & determinat absolute permanentia habere terminum, & postquam determinauit omnia permanentia habere terminum, & quòd summa gratia potuit creari, dicit quòd probabile est secundum Magistrum Sententiarum, quòd Deus tantam gratiam Christo contulerit, quantam potuit, potuit autem, inquit Sco. ex præcedenti quæstione summam gratiam creabilem. Ecce quòd probabilitas non cadit supra summitatem gratiæ, sed supra collationem gratiæ, quam præsupponit posse in summo creari, & quia non est nobis hoc euidens non possumus habere demonstrationes, & rationes insolubiles; sed stando in principijs Scoti, scilicet quòd permanens quodecunque summum possit vnico actu produci, & quicquid potest habere perfectionem infinitam, habet eam, vt videre est p.d.2.q.2.BB. & 2.d.3.q.7.F. loquendo de perfectione creata, necesse est dicere in permanentibus esse terminum, & quod in intensiõne, & extensiõne non datur Infinitum Syncategorematicum, & in potentiã, ita quòd data quacunque quantitate, vel qualitate non possit Deus facere maiorem, & perfectiorem in infinitum, loquor igitur cum Scotistis sustinendo meam conclusionem, quæ posset probari rationibus in primo cap. positis contra aduersarios D. Thomæ sequentibus.*

*His notatis*

Probatur etiam conclusio ex Sco. loc.cit. Permanentia secundum quamlibet extensiõnem, vel intensiõnem possunt vnica productione produci, ergò si possunt in infinitum

nitum extendi, vel intendi, posset infinita intensio, & extensio simul produci, ergò posset dari infinitum in actu, & categorematicum, quòd est falsum. Antecedens probatur primò ex Sco. 3. loc. cit. C. quia possibilitas ad talem, vel tantam formam non est possibilitas ad aliquid tantum in fieri, sed ad aliquid in facto esse, secundò probatur antecedens ex eodem Sco. loc. cit. quia omnes potentiae, quae sunt in maioriatae quantitatis sunt vnus potentiae demonstratae vel determinatae, idest in maioriatae quantitatis est vna potentia ad supremum actum, in quo continentur omnes actus, ad quos sunt illae multae potentiae, quarum vna reducitur ad actum post aliam cuiusmodi non est in diuisione, continui, quia vnum continuum non potest vnica diuisione diuidi secundum omnes partes.

Secundò probo conclusionem quo ad intensiorem ex Sco. p. d. 2. q. 2. BB. & 2. d. 3. q. 7. F. quicquid potest habere perfectionem infinitam habet eam, si igitur potest qualitas intendi in infinitum, ergò qualitas habebit intensiorem infinitam actu, quòd est falsum. Hæc sunt principia Sco. diuersis in locis, vt ostendam ipsum non esse problematicum, sed esse semper conformem.

Contra arguunt Primò Meld. & Cat. ibi num. 34. probando, quòd in creaturis datur infinitum Syncategorematicum secundum essentiam, & quòd non potest dari summa creatura; Non repugnat infinitum syncategorematicum in perfectione essentiali creaturarum, nec ex parte Dei, nec ex parte creaturarum, ergò potest dari. Antecedens probatur, & primò, quòd non repugnat ex parte Dei, quia habet potentiam infinitam, quae nunquam adæquari, & exhauriri potest, quantumcunque à creatura participetur. Non repugnat ex parte creaturarum, quia per hunc processum in infinitum nunquam perueniemus ad aliquam speciem actus infinitam, sed quaecunque assignata erit limitata, & concludunt, quòd hic processus



cessus in infinitum fundatur in perfectione infinita Dei :

Respondeo ad hoc argumentum , quod reputant impossibile , quod repugnat ex parte creaturæ , quæ de se est essentialiter sic determinata per determinationem , vel specificationem , vel limitationem differentię ultimæ , quæ ultimæ speciem constituit addita generi ex Sco. 2. d. 3. q. 7. F. quam responsionem , & doctrinam Scoti amplectitur Smilinch.

Contra arguunt num. 36. Tum quia sequeretur quod potentia generis esset determinata ad tot differentias específicas , & non plures , quod est falsum . Tum quia data illa suprema specie , adhuc sub illa possunt esse infinitæ species inferioris perfectionis , vt suo genere animalis possibiles sunt infinitæ species Brutorum , quæ nunquam attingunt perfectionem speciei humanæ , & tamen non per hoc natura generica animalis ponitur infinitæ perfectionis . Tum tertio , quia etiam si per hoc concluderetur in aliquo certo genere deberi statum in aliqua suprema specie , vt in genere animalis in specie humana , quod utique probabilissimum est , ex hoc tamen non sequitur , quod non possit dari species perfectior extra illud genus , & in tota entis creati latitudine .

Respondeo negando consequentiam , quia licet genus sit determinatum ad talem differentiam specificam , qua perfectior fieri non potest , non est autem per hoc determinatum ad tot differentias , & non plures , quia licet sub genere animalis non possit dari differentia perfectior rationalitate , & per consequens species perfectior homine , non tamen animal determinatur ad tot differentias , & ad tot species , & non plures , cum infinitis enim speciebus in numero potest stare vna suprema species , qua perfectior fieri non potest . Vnde dato quocunque numero specierum , possunt aliæ in infinitum produci , sed data quacunque specie perfecta , non potest alia perfectior produci .

Est

Est status igitur in perfectione, & non in numero specierum, & sic concedo secundum Argumentum, scilicet quod data illa suprema specie, adhuc sub illa possunt esse infinitæ species, sed nihil contra me. Ad 3. dico, quod si limitatio differentię specificæ concludit in aliquo genere dari speciem supremam, ut ipsi sustineant in genere animalis eadem ratione concludit in omnibus generibus, & in tota entis creati latitudine, quia si secundum Sco. loc. cit. genus animalis limitatur per differentias específicas, & propter hoc in aliquo genere secundum aduersarios concluditur dari vnam speciem supremam, etiam hoc sequitur in alijs generibus, cum sit vtrobiq; eadem ratio, nullus enim concedens dari per hanc rationem in aliquo genere speciem supremam, potest assignare rationem, quare in alijs generibus hoc non sequatur.

Præterea retorqueo argumentum principale. Si processus in infinitum in essentijs creatis fundatur in perfectione infinita Dei, ut ipsi dicunt, ergo etiam in genere animalis potest dari talis processus, cum respectu cuiuscunque generis perfectio Dei sit infinita, ergo si stante perfectione Dei infinita, potest dari species suprema in genere animalis, ergo et in alijs generibus, quia non repugnat infinitæ perfectioni Dei, quod detur in generibus suprema species, qua Deus perfectiorem producere non possit.

Retorque-  
tur Arg.  
Meld. Et  
Cat.

Secundò principaliter arguunt num. 37. Species se habent sicuti numeri ex Arist. 8. Met. tex. 10. sed in numeris potest dari processus in infinitum; ergo in speciebus.

Respondeo ex Sco. p.d. 17. q. 6. in XX. quod species, & substantiæ sunt sicuti numeri, quia sicuti addita, vel ablata a numero aliqua vnitate variatur essentialiter numerus, ita substantiæ, addito, vel ablato aliquo essentiali variatur ipsa substantia, & hæc est vera intentio Arist. qui loco cit. hæc verba: *Et quemadmodum de numero ablato, aut addito aliquo, ex quibus numerus est, non est amplius idem numerus.*

Species  
sunt sicut  
numeri  
quomodo  
intelligi-  
tur.



numerus, sed diuersus etiam si minimum auferatur, aut addatur, ita nec definitio, nec ipsum quodquid erat esse, erit amplius, ablato aliquo, aut addito. Hæc Aristoteles, sed quicquid sit de hoc, concedamus omnimodam similitudinem inter speciem, & numerum, argumentum nihil concludit, & idè concedo, quòd sicuti in numeris datur processus in infinitum, etiam in speciebus, datur autem processus in numeris quoad multitudinem, non quoad perfectionem, quia quantitas non suscipit magis, & minus, sed maius, & minus ex Arist. cap. de Quantitate, ita etiam in speciebus datur processus in infinitum secundum multitudinem, non secundum perfectionem, & sic argumentum non est contra me.

Tertio. Præfigere potentia Diuinæ certum specierum numerum est ipsam certis limitibus coercere, finitam reddere, & exhaurire.

Respondeo. Hoc Argumentum non est ad propositum, quia aliud est loqui de numero specierum, & aliud de perfectione specierum, utique ut prius dictum est, datur processus in infinitum in numero specierum, non in perfectione, ita quod data vna specie potest aliam producere in infinitum, sed data vna species perfecta, non potest aliam producere perfectionem, sed standum est in quocunque genere ad speciem supremam. Nec hoc est limitare potentiam Diuinam, quæ quantum est ex se, cum sit infinita, posset perfectiorem speciem in infinitum producere, si talis esset producibilis, est enim in quocunque genere species suprema ex se essentialiter in tali gradu determinata, quæ non potest fieri perfectior. Et si hoc limitaret potentiam Diuinam, ut inquirunt Aduersarij.

Retorqueo Argumentum. Datur summa species in genere animalis, & in qualitatibus medijs secundum ipsos, ut dictum est in primo capite, quia perfectior à Deo fieri non potest, ergo, & ipsi potentiam Diuinam limitant, & reddunt.

Retorque-  
tur Arg.  
Meld. &  
Cat.

reddunt finitam, & imbecillem.

Quarto probant num. 65. quòd possit dari Infinitum syncategorematicum in magnitudine, & extensione. Ignis crescit in infinitum, si continuò apponatur sibi combustibile, ut ait Doctor 2.d.2.q.9. N. ex Philosopho: ergò in magnitudine potest dari infinitum syncategorematicum.

Respondeo hoc argumentum habere aliquam apparentiam, sed secum differt responsionem, quia dicunt, quòd Scò, loquitur ex Philosopho 2. de anima tex. 41. non autem in propria sententia, quia forsan Aristoteles putauit ignem crescere in infinitum, quòd non concederet Scotus.

Contra, Ergò ignis in termino non posset comburere stuppam, quòd est falsum, & ridiculum, ergò si combureret in infinitum, augeretur in infinitum.

Respondeo, quòd ignis combureret, & produceret aliū ignem, sed stuppam non conuerteret in seipsum, quia esset in termino, nec hoc est ridiculum, quia ridiculum dicerent asserentes medias qualitates non posse in infinitum augeri. Nam quaro ab ipsis, quare hoc modo debent dicere, & non aliter, nisi quia sunt in termino, nam si non essent in termino, possent augeri?

Quintò. Posset Deus mundum perpetuare, & singulis diebus eidem quantitati addere vnum palmum, ergò potest illum augere in infinitum.

Respondent alij, & rectè, quòd Deus posset quantitatem augere vique ad terminum proprium, & si ultra aliam quantitatem crearet, non posset illam precedenti vnire, quia esset in termino.

Contra arguunt dicentes, quòd hæc est manifesta petitio principij, nos enim dicimus semper posse addere, quia nunquam illa magnitudo ad maximum quod sic peruenire potest.

Respondeo, quòd supponunt vnum falsum, scilicet quòd

quantitati possit addi quantitas in infinitum ; quod est probandum, & non probant.

Sextò. Potest Deus diuidere virgam palmaris latitudinis per partes proportionales in infinitum secundum longitudinem, & addere vnā alteri secundum latitudinem, & illæ partes essent æquales, quia secundum magnitudinem palmarum, ergò potest augere quantitatem in infinitum, consequentia patet, quia tam possibile est hoc augmentum per partes æquales, sicut est possibilis diuisio per partes proportionales.

Respondeo ad consequentiam, quod Deus potest augere quantitatem in infinitum, semper accipiendo partes ab alia quantitate per diuisionem, & hic processus in infinitum erit propter diuisionem continui, à quo accipiuntur partes, quia est diuisibile in infinitum. Et si illa quantitas diuisa erit quantitatis palmaris, semper apponendo in infinitum alteri quantitati, nunquam poterit excedere magnitudinem palmarem, & hic casus erit in quacunque appositione per diuisionem. Vnde si vni quantitati palmari secundum longitudinem, vel latitudinem apponendo partes diuidendo alteram quantitatem palmarem, semper quantitas cui apponuntur partes diuidendo alteram quantitatem palmarem, semper quantitas, cui apponuntur partes quantitatis diuisæ augebitur in infinitum, quia quantitas est diuisibilis in infinitum, & illæ partes quæ adduntur secundum latitudinem, vt in Argumento, vtique sunt æqualis longitudinis, non latitudinis, quia sic illa tandem quantitas palmaris consumeretur, quare appositio ista erit secundum partes proportionales non eiusdem quantitatis in eadem ratione appositionis, sed quicquid sit de hoc intelligitur in conclusione, quod Deus data quacunque quantitate non potest aliam maiorem creare in infinitum, quia omne permanens secundum Sco. loc. cit. superius habet terminum suæ magnitudinis, in quo gradu  
posita

posita quantitate, & si Deus possit in infinitum alias, & alias quantitates creare in infinitum, non posset illas quantitati in termino apponere, quia non esset cum alia componibilis.

Septimò probant num. 82. quòd in intensiōe possit dari infinitum syncategorematicum. Nam determinatio qualitatis in supremo gradu, cui non possit fieri additio. Vel prouenit ex parte formæ, vel ex parte agentis, vel ex parte subiecti. Nullum istorum dici potest. Ergo in qualitate potest dari Infinitum syncategorematicum, quòd non proueniat ex parte formæ, probatur, quia nulla forma secundum speciem, quantum est ex natura sua, sibi potius determinat ultimum gradum possibilem in summo, quam in infimo, quare ratione Doctor 2. d. 2. q. 9. quibus formis negat minimum, eisdem negat maximum. Tum quia tale augmentum non ponit qualitaem extra limites creaturæ. Nec prouenit ex parte agentis, quia est virtutis infinitæ, nec ex parte subiecti, quia est capax cuiuscunque gradus qualitatis.

Ad hoc Argumentum respondet Scotus ex professio 3. d. 13. q. p. I. §. ad tertium, sed prius retorqueo argumentum contra ipsos hic asserentes medias qualitates habere terminum; Nam hoc non repugnat ex parte formæ per rationes adductas, nec ex parte agentis, quia est virtutis infinitæ, nec ex parte subiecti, quia subiectum est capax cuiuscunque gradus qualitatis, ergò qualitates mediæ non habent terminum, quòd ipsi negant.

Si dicant repugnantiam in qualitatibus medijs ab alio prouenire, scilicet ne transcant in extrema, hoc confutatum est primo. Cap. quia quilibet gradus viriditatis est essentialiter distinctus ab albedine, & nigredine.

Respondet igitur Scotus ad argumentum istorum Sco-  
tistarum Thomizantium, quòd determinatio qualitatis in summo gradu prouenit ex parte formæ, quia charitas est

V 2 quædam.

Respondet  
Sco. ad  
arg. Meld.  
et Cato

*Falso ci-  
tant Sco.*

quædam participatio Dei, ideò necesse est, quòd secundum aliquem gradum determinatum capiat partem infinitæ perfectionis. Prouenit ex parte efficientis, quia licet sit virtutis infinitæ, efficit tamen de nihilo naturam limitatam. Prouenit ex parte capacitatis subiecti, quia etsi capacitas sit respectu cuiuscunque gradus in forma, non tamen capacitas alicuius finiti est ad formam infinitam, & cum probatur, quòd non prouenit hæc determinatio gradus ex parte formæ in quo stat difficultas. Respondeo negando, quòd forma non minus sibi determinet terminum infinitum, quàm summum, & falsum est, quòd Sco. 2. d. 2. q. 9. neget formis terminum summum, quibus negat infinitum: Et cum dicitur, quòd augmentatio in infinitum non ponit qualitatem extra limitem creaturæ concedo, sed gradus additus summo repugnat, potest enim secundum Sco. ibi finitum repugnare finito, sicut album non potest addi nigro. Nec valet dicere, quòd gradus qualitatis est eiusdem rationis cum alio, ac propterea vnibilis cum illo, quia tunc est verum, quando qualitas non est in termino. Nec hoc est petitio principij, sed præcisa ratio, cur illi non possit fieri additio. Qualitatibus enim medijs constitutis in termino, vt isti concedunt, non potest fieri additio, & non propter aliam rationem, nisi quia sunt in termino. Sco. etiam ibi dicit, quòd qualitati repugnat additio, quia est in termino. Si Sco. petit principium, & ego.



**CON**

CONCLUSIO QUINTA.

In Mente Diuina datur Infinitum in Multitudine actu  
& Categorematicum.

[ Est Sco. p.d.2.q.2.Z. S. ostenso proposito, & d.8.q.2. C.  
& d.14.q.2.

Opinio Aliorum . Caput Primum.

**M**Eld.& Cat.Disp.x. q.6. sustinent cum aliquibus Sco-  
tistis, & Thomistis non dari in mente Diuina in-  
finitum categorematicum, ita quod omnia illa, quæ intel-  
liguntur à Deo, & omnia possibilis sunt numero infinita, in-  
finita tamen in potentia, & in fine huius quæstionis n. 101.  
dicunt, quod in hac re non debemus esse solliciti de mente  
Sco. quia variè locutus est.

Opinio  
Meld. &  
Cat.

Sed hæc opinio, nec in viâ Sco. nec in via ipsorum susti-  
neri potest, & maximo dolore afficior, cum video defen-  
sores Sco. offendere Scotum, dicendo, ipsum varium fuisse,  
& in doctrina fuisse inconstantem. Fateor hanc conclusio-  
nem Scoti habere difficultates, sed quid sentiendum sit in  
hac doctrina Sco. Aduersarij decipiuntur, & potest con-  
futari eorum opinio omnibus argumentis positis in primo  
capite primæ conclusionis huius Disp. probando secundum  
Sco. contra ipsos infinitum Categorematicum, & Syncate-  
gorematicum differre tantum secundum modum essendi in  
& actu, in potentia, vt videre est diffusè in Sco. quol.5.A.

Cōfutat

Arguitur tamen primò ex Sco. p. d. 2. q. 2. Z. vbi habet  
Deum intelligere infinita actu, & probat; nam quæcun-  
que sunt infinita in potentia, ita quod accipiendo alterum  
post alterum nullum possunt habere finem, illa omnia si  
simul sunt in actu, sunt actu infinita, sed omnia possibilis

in

in infinitum sunt actu in mente Diuina, ergo actu infinita.  
ergo in mente Diuina datur infinitum in multitudine actu.  
& categorematicum.

*Responsio* Respondent, quod ibi Sco. vult tantum probare, quod  
*Meld. &* intellectus Diuinus est infinitus, vt docet ipse Scot. p. d. 3.  
*Cat.* q. 2. H. vbi explicat quomodo intellectus Diuinus intelligat  
infinitum in potentia.

*Cōsuetur* Sed hæc responsio aufugit efficacitatem Argumenti.  
*1.* nam Sco. probat intellectum Diuinum esse infinitum per  
hoc, quod intelligit infinita actu, nec est ad propositum, quo-  
modo Deus intelligat infinitum in potentia, sed debent re-  
spondere ad illam rationem, quod quæ sunt infinita in po-  
tentia, si actu essent, essent infinita actu. Et quod hæc pro-  
positio non sit à Scotistis. ponenda in dubium, patet quia  
dicit Scotus, quod est euidens, probat tamen hoc pacto; om-  
nia acceptibilia, quando sunt simul existentia, aut sunt actu  
finita, aut actu infinita, si actu finita, ergo accipiendo alte-  
rum post alterum, tandem possunt omnia actu esse accepta,  
ergo si non possunt omnia esse actu accepta, si actu simul  
sunt, sunt actu infinita.

*2.* Præterea ibi Sco. probando, quod intellectus Diuinus  
sit infinitus probat per hoc, quod cognoscit infinita, non  
in potentia, sed actu, habet enim hæc verba. *Intelligibilia  
sunt infinita. & hoc actu in intellectu omnia intelligente  
ergo intellectus simul illa actu intelligens est infinitus, ta-  
lis est intellectus Diuinus.* Hæc Sco. qui apertè, & clarè di-  
cit intelligibilia in intellectu Diuino esse infinita actu, quia  
actu simul intelliguntur.

*Contradi-* Præterea Meld. & Cat. non memores dicendorum in  
*ctio Meld.* hac quæstione, dicunt in hac Disp. num. 38. quod Deus co-  
*& Cat.* gnoscendo omnia possibilia, cognoscit infinita actu, &  
si produceret omnia possibilia in infinitum, produceret in-  
finitum actu, ergo secundum ipsos datur in mente Diuina  
Infinitum categorematicum, & ita sibi contradicunt.

Præ-



Præterea infinito non potest fieri additio, sed obiectis cognitis à Deo non potest fieri additio, quia non datur obiectum cognoscibile, quod à Deo non cognoscatur, ergò obiecta cognita à Deo sunt actu infinita in esse obiectiuo, & cognito; ergò in mente Diuina datur infinitum actu, & categorematicum.

Respondent ibi num. 100. quòd creaturis cognitis à Deo non potest fieri additio, sed talis repugnantia non oritur ex ratione intrinseca talis multitudinis, sed aliunde, quia nimirum aliæ creaturæ possibiles non sunt. Vnde si aliqua entia impossibilia euaderent possibilia, potest illi multitudini fieri additio.

*Responsio  
Meld. &  
Cat.*

Hæc responsio confutata est prima conclusione huius Disput. Arguo tamen contra ipsos tali pacto. Si omnia impossibilia fierent possibilia, & possibilia, & impossibilia simul actu essent, ipsis non posset fieri additio, ergò essent actu, & categorematicè infinita, consequentia patet. antecedens probatur, quia omnia quæ imaginari possunt, vel sunt possibilia, vel impossibilia, sed neutris illorum potest addi, quia supponitur quodcunque simul esse, subinfero, sed omnia possibilia, & impossibilia actu cognoscuntur à Deo, & sunt in mente Diuina possibilia directè, & impossibilia indirectè, ergò in mente Diuina datur Infinitum categorematicum.

*Confutatur*



*Senten-*

## Sententia Auctoris. Caput Secundum:

*In Mente Diuina datur Infinitum in Multitudine actus  
& Categorematicum.*

Est Sco. p. d. 2. q. 2. Z 9. ostenso proposito, & d. 8. q. 2. C. 1  
& 2. d. 14. q. 2.

**P**RO cuius declaratione. Primò Notandum, quòd ideo dicendum est cum Sco. in mente Diuina dari infinitum actum, & categorematicum, quia omnia quæ à Deo cognoscuntur sunt infinita, & licet quoad existentiam sint infinita in potentia, quia producta vna creatura, potest alia in infinitum produci, & nunquam omnia possibilia possunt esse actu simul producta, possunt tamen omnia esse actu cognita à Deo, & licet possit esse distinctio de obiectis cognitis à Deo, vel scientia simplicis intelligentiæ, quomodo directè cognoscuntur possibilia, & indirectè impossibilia, vel scientia visionis, quo modo futura cognoscuntur, loquor tamen absolute de possibilibus, licet futuræ cogitationes hominum, vel Angelorum per totam æternitatem infinitæ in potentia sint à Deo simul cognitæ, & per consequens actu in mente Diuina infinitæ, & Scotus est ita firmus in hac opinione, quòd disputando in 3. Sent. d. 14. q. 2. An Anima Christi videat omnia in verbo problematicè discurret, & dat tres modos concludendo problematicè, quòd anima Christi videt omnia habitualiter, non actualiter, quia habet actum in verbo, in quo omnia relucent in actu primo, scilicet quia Verbum est quoddam speculum ostensuum omnium cognoscibilium, in quo potest non simul actu, sed omnia in infinitum cognoscere, & non alia de causa non se determinat, quia supponit intelligibilia actu infinita, ac propterea si anima Christi

Ostenditur  
quòd Sco.  
est firmus  
quoad in-  
finitatē in  
actu in mē-  
te diuina.

Christi actu intelligeret omnia intelligibilia, intelligeret infinita actu, & sic anima Christi esset infinita, quod est falsum.

Secundò Notandum, quòd licet esset terminus in speciebus quoad multitudinem, tamen in vnaquaque specie concedenda sunt infinita indiuidua in potentia, quæ si actu essent, Infinita actu essent secundum Doctrinam Scoti p. d. 2. q. 2. Z. & quol. 5. A. & quia omnia sunt actu cognita à Deo, dicendum est, quòd in mente Diuina sunt tot infinita, quot sunt diuersæ species, & per consequens multitudo vna non potest addi alteri, quia infinitum non est vnibile, & componibile cum alio. Vnde Meld, & Cat. dicentes, quòd licet possibilibus non possit fieri additio, quia non datur aliud possibile, tamen si aliqua impossibilia fierent possibilia, tunc illa possunt addi possibilibus, minus doctè loquuntur, nam cum impossibile non possit fieri possibile, impossibile est si simpliciter additio omnibus possibilibus. Tamen, etsi alia essent possibilia, dummodò essent diuersæ rationis, illa non possent addi infinitis possibilibus vltæ rationis, & sic possibilia in genere sunt infinita, quia illis non potest fieri additio alicuius possibilis, possibilia autem in specie pariter sunt infinita, quia illis non potest fieri additio alicuius possibilis in illa specie.

*Improbatur dictum Meld. & Cat.*

Tertiò Notandum ex Sco. p. d. 3. q. 2. H. quòd infinitum potentiale est ignotum, quia vnumquodque est cognoscibile in quantum est in actu, non tamen est ita ignotum, quòd repugnet sibi intelligi ab intellectu infinito, sed non potest infinitum potentiale cognosci ab aliquo intellectu cognoscendo ipsum sub modo suæ infinitatis, qui modus est accipiendi alterum post alterum, & intellectus qui cognoscit hoc modo, alterum post alterum, cognoscit semper aliquod finitum, & non infinitum. Intellectus tamen infinitus potest cognoscere totum illud simul, non par-

*Infinitum potentiale est ignotum intellectui finito, non infinito.*

tem post partem, & non loquitur ibi. *Sco. de parte conti-*  
*nuat*; sed de parte Infiniti in multitudinem, quia omnes par-  
 tes proportionales non potest Deus assignare, nec cogno-  
 scere, quia vnaquarque est diuisibilis in infinitum, nse po-  
 test dari status ad partem indiuisibilem, quia repugnat con-  
 tinuo, nec per hoc sequitur, inquit, *Sco.* quod intellectus  
 finitus, & creatus non possit cognoscere infinitum, quia sic  
 non posset cognoscere Deum, nam diuersa est ratio de In-  
 finito obiecto numeraliter, & secundum multitudinem, &  
 de obiecto infinito in intensiōe, cuiusmodi est Deus. Nam  
 inquit ibi *Sco.* quod cognitio obiectorum infinitorum nu-  
 meraliter concludit infinitatem potentiae cognoscentis,  
 quia pluralitas ex parte obiecti concludit maiorem vir-  
 tutis in intellectu, sed intellectio alicuius infiniti intensiue  
 non concludit infinitatem actus, quia non oportet actum  
 habere talem modum, qualem habet obiectum, quia actus  
 sub ratione finiti potest esse ad obiectum sub ratione infi-  
 niti, nisi sit actus comprehensiuus, cum autem actus com-  
 prehensiuus sit ad obiectum secundum omnem intelligibi-  
 litatem eius, & quia obiectum est intelligibile infinito mo-  
 do, actus comprehensiuus obiecti necessario erit infinitus,  
 ac propterea intellectus finitus licet possit intelligere  
 Deum, non potest tamen ipsum comprehendere, quia  
 non potest intelligere Deum infinito modo. His no-  
 tatis.

Probat<sup>ur</sup> conclusio omnibus argumentis in primo cap-  
 positis, & potest adhuc sic confirmari, ex *Sco.* locis cit. in  
 principio, ubi ostendit intellectum Diuinum esse infinitum, quia  
 cognoscit simul infinita. Si obiecta cognita a Deo sunt  
 actu finita, ergo intellectus Diuinus simul illa cognoscen-  
 do non erit propter hanc rationem infinitus, probatur con-  
 sequentia, quia si cognoscere simul duo dicit perfectio-  
 nem, & simul tria maiorem perfectionem; ergo cogno-  
 scere simul finita actu diceret semper perfectionem fini-

tam.

tam, ergò non erit in intellectu infinita perfectio, nisi quia cognoscit actu infinita, ergò in mente Diuina erit actu infinita multitudo cognoscibilem.

Secundò probatur communiter, quia præsentia, vt præsentia sunt actu secundum illud esse, quo præsentia sunt, & non in potentia, sed omnes creaturæ possibiles sunt præsentes intellectui Diuino, ergò non possunt habere esse in potentia, ergò si sunt infinitæ, sunt infinitæ actu, & si sunt infinitæ actu, Deus non potest illas cognoscere in infinitum, sed actu omnia simul.

Contra arguunt primò Meld. & Cat. ibi num. 95. Deus res omnes cognoscit sicuti sunt; ergò sicut extra nulla Infinitas Categorematica rebus competere potest, ita nec in mente Diuina, & sicut extra possibiles sunt finitæ in infinitum eo modo cognoscuntur à Deo vt finitæ in infinitum, probatur, quia nunquam verum est dicere. Deus infinita cognoscit; sed solum non tot cognoscit possibilia, quin adhuc plura cognoscat, vel non cognoscit tantam magnitudinem possibilem, quin adhuc cognoscat maiorem.

Respondeo, quòd Deus cognoscit res, sicuti sunt, idest cognoscit omnes res secundum propriam intelligibilitatem simul actu præsentes, & istas res simul præsentes esse possibiles extra in infinitum, sed negatur consequentia, quia licet extra repugnent simul esse non tamen repugnant simul esse in mente Diuina, & sicuti extra sunt possibiles finitæ in infinitum, ita cognoscit illas esse à parte rei finitas in infinitum, sed sicut omnia possibilia in infinitum, si ponantur simul actu esse, sunt actu infinita ita cognoscit illa esse actu infinita, & cum probatur, quòd non, nego quòd non sit verum dicere, quòd Deus infinita cognoscat aliter Sco. ex infinita multitudine cognitorum non rectè inferret infinitatem intellectus Diuini, & falsum est, quòd Deus non tot possibilia cognoscat, quin adhuc plura, & tantam magnitudinem possibilem, quin adhuc cognoscat maiorem, quia possibilia non datur

maior multitudo, nec maior quantitas quantitate possibili.

Secundò. Si res successiuæ possibiles infinitæ forent in intellectu Diuino, tunc continuum esset obiectiuè diuisum in mente Dei, & sic sequeretur à parte rei ex indiuisibilibus constare, quia Deus intelligeret partes non vterius diuisibiles, & hoc est præcipuum fundamentum Durandi, quem sequuntur Meld. & Cat. qui reputant hoc argumentum insolubile.

Respondeo faciliter negando consequentiam, quia Deus cognoscendo diuisibilitates, quæ possunt fieri de continuo in infinitum, non cognosceret continuum diuisum in partes non vterius diuisibiles, quia repugnat parti continui esse indiuisibilem. Vnde quælibet pars assignabilis alicuius continui importat infinitatem in potentia secundum diuisionem, ac propterea non potest cognosci, nisi diuisibilis in infinitum, si enim Deus in præterita æternitate diuisisset continuum, & diuideret in futura æternitate, semper diuisisset, & diuideret in partes in infinitum diuisibiles, & sic cognosceret simul illas diuisiones præteritas, & futuras in æternitate, non tamen cognosceret continuum diuisum in partes indiuisibiles, quia non dantur, sed in partes diuisibiles. In proposito, quælibet pars multitudinis possibilium non est infinita in potentia, sed solum tota multitudo in ordine ad extra est sic infinita. Ideò quælibet pars, seu yntas & numerus possibilium totus potest esse simul actu præsens intellectui Diuino, non autem quælibet diuisio, nam datis infinitis diuisionibus alicuius continui, adhuc partes diuisæ erunt infinitum diuisibiles, & sic Deus in continuo cognoscit infinitas diuisibilitates in partes diuisibiles in infinitum, non sequitur ergò, quòd Deus intelligeret partes non vterius diuisibiles, quia hoc repugnat continuo, si enim continuum esset diuisibile in infinitum in partes non amplius diuisibiles, tunc omnes partes,  
& di-



& diuisibilitates, & diuisiones simul actu cognoscerentur à Deo, quia aliae partes illius continui, & aliae diuisibilitates, & diuisiones, non essent possibiles, numerus autem, quia componitur ex vnitatibus, quae non amplius diuiduntur in infinitas unitates, ideo Deus cognoscit omnes partes numeri infiniti in potentia, & totum numerum simul actu, quo maior numerus dari non potest, quia cognoscit omnem numerum possibilem, non cognoscit autem omnes partes diuisas sic, quod non possint aliae diuisae esse, quia quaelibet pars est diuisibilis in infinitum in partes semper diuisibiles.

Tertiò. Repugnantiae quae inueniuntur in infinito extra, reperiuntur etiam in infinito in mente Diuina. Nana semper quærendum manebit, quot partes, vel unitates sint in tali infinito, & an sint tot binarij, quot unitates, & an totum mente conceptum sit maius sua parte, & an ei possit fieri additio, vel detractio?

Respondeo negando quod eadem repugnantia inueniatur in infinito in mente Diuina sicuti in infinito, si daretur extra, & cum probatur dico, quod infinitae unitates, & infiniti binarij sunt in mente Diuina, & quod totum esset maius sua parte, quia numerus infinitus est maior binario, vel ternario. Nec posset sibi fieri additio, vel detractio, quia ut dictum est in hac Disp. conclusione 2. ultra quodcunque possibile non datur aliud possibile, nec potest detrahi, quia possibile ex sui natura est tale, nec potest fieri impossibile.

Quartò. Sco. q. 3. prol. AA. dixit in mente Diuina intelligibilia non esse actu infinita: ergo hæc conclusio ad mentem Sco. sustineri non potest.

Respondeo negando quod Sco. dicat, quod in mente Diuina non sint actu infinita intelligibilia, sed dicit, quod loquendo de Theologia nostra, illa est de omnibus scibilibus, quia scibilia non sunt infinita. Vnde scibilia possunt  
 consi.



considerari dupliciter ex Sco. p. d. 3. q. 2. A. Vno modo in ordine ad intellectum Diuinum. Alio modo in ordine ad intellectum nostrum, & considerentur in ordine ad intellectum Diuinum sunt infinita actu, quia actu simul cognoscuntur, quæ sunt cognoscibilia in infinitum, si verò considerentur in ordine ad intellectum nostrum sunt finita, quia cognoscit vnum post aliud, & qui cognoscit hoc modo semper cognoscit finitum. Vnde scibilia in ordine ad intellectum nostrum sunt infinita tantum in potentia, quia intellectus noster vnum cognoscit post aliud in infinitum, sed sunt finita actu, quia non potest omnia simul actu cognoscere, aliter intellectus noster esset infinitus; Deus autem omnia scibilia actu simul cognoscit, ideo in mente Diuina sunt infinita. Finis.



Dispu-

## Disputatio Tertia De Loco.

**C**um in prima parte mearum Disputationum Philosophicarum decreuerim non dari de facto Philosophiam in se, sed esse possibilem dari apud intellectum potentem intelligere substantias abstractas sub propria ratione, non tamen pro statu isto, sed tantum apud Peripateticos Philosophiam sectantes Aristotelis, qui tales substantias non cognouit, nisi immobiles quoddam esse Deos existimans, ideo tantum de corpore naturali, & eius passionibus cum Aristotele consideravi, & licet intelligentiæ, & Angeli verè sint mobiles, & motus earum ad Physicum pertinere possit, quia tamen sub obiecto Philosophiæ traditæ, quod corpus naturale statuitur, non continentur. Ideò solum de passionibus corporis, & per consequens de loco corporum erit ibi differendum, & ut à Modernis quibusdam dissentiam, qui ut volumina magnificent articulos multiplicant. Ego declarando quid sit locus unica conclusione determinabo non esse spatium, nec situm, sed tantum superficiem, & quòd superficiem munitur loci conveniant, ut patebit in notabilibus, & responsionibus ad argumenta.

**DE Loco**

**2013**

## CONCLUSIO PRIMA

*Locus est Vltimum Corporis continentis immobile primum,  
id est est superficies corporis continentis immobiliter  
& adequatè, seu proximè locatum.*

Est Aristot. 4. Phys. tex. 41. & Sco. 2. d. 2. q. 6. D.

## Opinio Aliorum. Caput Primum.

**Opinio**  
**Meld. & Cat.** **M** Eld. & Cat. Disp. 11. Phys. q. 2. a. p. eandem sustinent conclusionem, sed in doctrina eorum non potest sustineri, quo superficies sola sit locus, nam disp. 4. Phys. loquendo de essentia quantitatis, dicunt substantiam materiale sine quantitate esse extensam, longam, latam, & profundam, & ibi sustinent solam superficiem, & non aliud esse locum, qui nulli competit continere locatum, nisi superficiei. Hoc supposito, sic Arguo.

**Cōfutatnr** Cui conuenit continere locatum, illi conuenit etiam ratio essentialis loci, sed superficiei tantum non conuenit continere locatum, ergò tantum superficies non est locus, maior patet, quia de ratione essentiali loci est secundum ipsos, sola continentia locari, minor probatur, quia etiam substantia materialis seclusa quantitate, & per consequens sine superficie continet locatum, & loquor de continentia circumscriptiua, & probatur. Aliquid tanquam locum continere locatum circumscriptiue, non est, nisi locatum commensurari, ut totum locatum correspondeat illi, in quo est, & pars parti etiam secundum istos Doctores in hac disp. q. p. art. 2. in fine, sed corpus locatum potest ita commensurari, ut totum correspondeat toti substantiæ materiali sine quantitate, & pars parti, qui a substantia materialis sine quantitate supponitur ab istis Doctoribus exten-  
sa.

sa, longa, lata, & profunda, ergò substantia materialis se-  
clusa quantitate poterit actualiter continere corpus loca-  
tum, ergò potest habere rationem loci, ergò non soli su-  
perficie, sed etiam in doctrina istorum substantiæ mate-  
riali sine quantitate poterit ratio essentialis loci conue-  
nire.

Si dicas, quòd utique talis substantia materialis con-  
tineret corpus penetrabiliter, non impenetrabiliter, lo-  
cus autem est continens impenetrabiliter, cuiusmodi est so-  
la superficies.

Contrà. Penetrabilitas, & Impenetrabilitas sunt diffe-  
rentiæ contrahentes continentiam localem circumscripti-  
uam secundum istos Doctores disp. 8. log. q. 12. art. 2. n. 2. & 1.  
ergò continentia localis circumscriptiva ab impenetrabili  
& penetrabili abstrahit, & conservatur ratio essentialis  
loci circumscriptivi in sola continentia circumscriptiva.

*Tacita re-  
sponso cõ-  
futatur.*

Præterea data substantia materiali extensa sine quantita-  
te posset dari locus, & corpus locatum circumscriptivè sine  
superficie concava, vel convexa. Nam si darentur duæ  
substantiæ materiales sine quantitate una posset esse in alia  
circumscriptivè, quia esse circumscriptivè in aliquo, ut in  
loco, est esse præsens illi extensivè ex Sco. quol. 1. I. & est  
vera propositio communiter, sed data hypothese una sub-  
stantia materialis esset præsens alteri extensivè, ergò esset  
in illa tanquam in loco circumscriptivè. Quare, vel tenen-  
tur concedere contra Aristotelem, quòd non sola superfi-  
cies est locus; vel quòd substantia materialis sine quanti-  
tate non est extensa, ut fusius probavi in Disp. de Continuo,  
& quòd per consequens non detur ubi circumscriptivum  
naturaliter penetrabile ab ipsis inuentum, à Seo. nunquam  
excogitatum.

*Ad homi-  
nem.*

Probo etiam in doctrina ipsorum solam superficiem  
non esse locum, sed etiam spatium, vel aliud, quòd impro-  
batur in hac Disp. q. p. art. p. nam ibi nu. 7. ostendentes contra

*2. Ad ho-  
minem.*

X

tra

tra quosdam situm in ordine ad polos non esse locum, ut hic de loco, secundum veram significationem loquuntur, dicunt, quod talis situs non potest esse locus, eo quia si totus orbis moueretur à Deo per spatium imaginarium, seruata naturali dispositione elementorum, & corporum, ut nunc iacent, tunc corpora inter Cælum, & terram locum mutarent, & non positionem.

Tunc sic arguo. Si data hypothesi corpora inter Cælum, & terram locum mutarent, ergò ab vno loco recederent, & alium aquirerent, sed non recederent à superficie in qua erant, nec aliam superficiem aquirerent, quia supponuntur remanere in eadem dispositione, & superficie, quam prius habebant, ergò aliud præter superficiem erit locus, à quo recederent, & quod aquirerent, quod non potest esse, nisi spatium.

Si dicant, quod non erit spatium, quia vanum est recurrere ad nihil, tanquam ad locum, quæro quid sit illud. Non est superficies, ut probatum est, non spatium, ergò aliquid aliud à superficie, & spatio, quod semper est contra ipsos.

*Tacita responsio  
com-  
futatur.*

Si dicant, quod illud, à quo recederent, & illud, ad quod accederent essent partes virtuales Diuinæ essentiae, ergo istæ partes virtuales essent propriè locus, ut hic de loco loquimur, ergò non sola superficies. Vnde sustinentes locum esse situm, & ordinem ad polos, & centrum, dicerent, quod data hypothesi, quod Deus moueret totum mundum de vno spatio imaginario ad aliud spatium imaginarium, seruata eadem dispositione, et situ ad polos, & Centrum, tunc corpora inter Cælum, & terram non mutarent locum realem, sed tantum imaginarium, quia sic recederent à tali spatio, & sic perderent præsentialitatem ad illud, & accederent ad aliud spatium imaginarium, & sic aquirerent aliam præsentiam ad aliud spatium.

Si dicant, quod loquuntur de motu locali impropriè, quando asserunt corpora inter Cælum, & terram localiter  
moueri

moueri manentibus ipsis in eadem superficie; & situ ad polos, & centrum, supposito quòd Deus totum orbem moueret per spatium imaginarium, ergò talia corpora in eodem proprio loco remanerent, & sic eorum ratio nihil probaret contra ponentes situm ad polos esse propriè locum, ergò dicendum est, quòd isti Doctores nihil probant, vel quòd tenentur dicere, quòd aliud præter superficiem sit propriè locus.

Secundò dicunt, quòd immobilitas non est de essentia loci, quia Vas habet rationem loci, & tamen est mobile.

*Secundum dictū Mel. & Cat. con-  
futatur.*

Sed isti Doctores more solito sibi contradicunt, quia in hac disp. num. 27. habent, quòd Cymba cum Romam peruenerit in eodem loco non erit, quia superficies aquæ immediatè circundans ipsam, non habet rationem loci, sed Vasis.

Tunc sic arguo. Si Vas habet rationem loci, ergò superficies aquæ immediatè circundans Cymbam erit locus; ergò erit in eodem loco.

Si dicas, quòd Vas habet rationem loci essentialiter, non quoad connotatum, quòd est immobilitas.

Contra. Ergò Cymba cum Romam peruenerit erit in eodem loco essentialiter, ergò mutabit locum accidentaliter tantum, & non essentialiter.

Præterea quodocunque duo sunt idem omninò essentialiter, quicquid competit alicui secundum illam rationem essentialem in qua conueniunt, alteri non repugnai, patet per primam regulam antepredicamentalem, sed locus, & Vas conueniunt essentialiter in ratione loci, ergò quicquid competit loco secundum rationem loci, vasi non repugnat, sed loco secundum rationem loci conuenit immobilitas ex ipsis ibi n. 35. ergò immobilitas Vasi non repugnat, quòd est contra Aristotelem, & ipsos.

Si dicant, quòd immobilitas conuenit loco secundum

Y 2 ratio-



rationem non essentialem, sed integram, scilicet ratione connotati.

Arguo vt prius. ergò loco essentialiter non repugnat mobilitas, quòd est fallissimum.

*Sententia Auctoris. Caput Secundum.*

*Locus est Vltimum Corporis continentis immobile primum, idest est superficies corporis continentis immobiliter, & adquatè, seu proximè locatum.*

Est Arist. 4. Phys. tex. 41. & Scoti 2. d. 2. q. 6. D.

**P**ro cuius declaratione Primò Notandum supponendum esse dari locum ex Arist. 4. Phys. tex. 1. quia datur motus localis, qui non potest esse nisi ad locum, moueri enim localiter est acquirere nouum locum, secundum quem locatum aliter se habet in ordine ad quiescens, si aliquod quiescens esset, vel ad spatium; & hoc vel secundum se totum, vel secundum partes, & dicitur secundum partes propter Cœlum, quòd non mouetur secundum se totum, sed tantum secundum partes, quia aliqua pars Cœli modo plus distat ab aliquo quiescente, quàm prius, vel à spatio, & loquitur ibi Aristor. de loco reali qui est ens reale continens realiter locatum, non de loco imaginario, qui est spatium negatiuum, vel imaginarium, cui aliquid est præsens tanquam loco. Vnde malè dicunt Meld. & Cat. dari duplex vbi, scilicet locale, & præsentiale, quasi quòd aliquid sit præsens alicui spatio, & non in loco, accipientes hanc Doctrinam à Tatareto q. p. de loco art. p. quæ est contra ipsos asserentes, quòd si Deus moueret totum mundum in spatio imaginario, corpora inter Cœlum, & Terram in eadem dispositione, & in eodem continente manentibus, mutarent locum, quòd non potest esse nisi quia mutarent præ-

Duplex  
locus, &  
quid sit  
improban.  
do dictum  
Meld. &  
Cat.



præsentiam ad diuersum spatium imaginarium, & per consequens spatium imaginarium erit etiam secundum ipsos locus non realis, sed negatiuus, vel imaginarius, licet vbi sit realis ex parte rei præsentis, vt dicitur in proprio loco loquendo de Vbi locali.

Secundò Notandum, quòd spatium, & medium est duplex ex Sco. quol. 11. E. F. Vnum positium, & actuale, & est spatium simul cum corpora inter duo corpora distantia. Aliud negatiuum, & potentiale, & est illud, in quo potest tantum corpus intercipi, quantum est illud corpus quod intercipitur, quando medium est actuale, & plenum, & neutrum medium est eorum, quæ tangunt se, & sunt simul, latera autem vacui, & si non habent medium actuale haberent tamen medium potentiale, & priuatiuum, quia Vacuum caret tanto medio. i. corpore, quantum posset intercipi inter illa extrema. Vnde differentia inter vacuum, & spatium simpliciter negatiuum potest esse, quia vacuum dicit in superficie carentiam corporis inter later eius, spatium verò simpliciter negatiuum dicit negationem corporis, quæ cum sit negatio extra genus nulum requirit subiectum ex Sco. p. d. 23. q. vnica H. Vnde differt negatio in genere à negatione extra genus, & à priuatione ex Sco. loc. cit. Nam priuatio requirit subiectum aptum, vel secundum se, si est priuatio secundum se, vel secundum genus, sicut Talpa dicitur cæca, non vt talpa est, sed vt animal, quia talpæ non potest secundum se conuenire visio, qua sit priuata, sed secundum quod animal est, priuata est visione, & consequens ceca. Negatio extra genus nihil requirit absolute, quia æqualiter dicitur de ente, & de non ente, & sic negatio corporis non dicitur de ente, eo quod non est corpus, sed de non ente, sicut est spatium negatiuum, quod nihil est, dicitur tamen negatio corporis. Negatio autem in genere quasi mediat, quia requirit subiectum, de quo dicatur, non autem aptitudine ad formam, vt negatio visio-

2. spatium  
& quid sit

Differētia  
inter  
spatiū ne-  
gatiuum, &  
vacuum.

Differētia  
inter nega-  
tionem, in  
genere, ex-  
tra genus,  
& priua-  
tionem.

visionis est in lapide, non tamen lapis dicit aptitudinem ad visionem.

*Locus accipitur dupliciter.* Tertiò Notandum, quòd locus potest accipi dupliciter. Vno modo pro materiali. Alio modo pro formali. Locus pro materiali est illud, quòd continet locatum, vt superficies loquendo de loco reali, vel spatium imaginarium terminans præsentiam locati, loquendo de loco negatiuo, & imaginario, sed locus realis pro formali erit relatio continentia, fundata in superficie continente ad locatum cum respectu præsentialitatis ad aliquid immobile fundato in relatione continentia, & terminato ad illud immobile.

*Improbatur dictum Meld. & Cat.*

Nou enim est inconueniens relationem fundari in Relatione, vt dicitur Disp. de Motu, qui formaliter dicit respectum subiecti ad formam, qui respectus fundat alium respectum informationis ad non informationem, in quo consistit etiam formalitas motus, sicut etiam locus formaliter, & completiue dicit talem præsentialitatem ad immobile, secundum quam solùm à Vase formaliter, & essentialiter distinguitur. Quicquid dicant Meld. & Cat. sed locus negatiuus, & imaginarius pro formali, cum nullam dicat relationem reale ad locatum, vel erit relatio rationis fundata in spatio imaginario, & negatiuo, idest in negatione corporis, & terminata ad locatum, vel erit ipsamet relatio præsentialitatis locati, quatenus terminatur ad spatium. Eadem enim relatio denominat suum terminum, ac si in ipso esset relatio opposita. Relatio enim creaturæ ad Deum denominat ipsum realiter Creatorem, ac si in ipso esset relatio opposita creationis actiue ex Sco. p. d. 30. q. p. & 2. l. ex Diuo Aug. 5. de Trinitate cap. 16. & vlt. Quare cum locus sit aliquid concretum, & denominatiuum forma denominans erit locus pro formali, sed quia est ibi sermo de loco reali corporum ad mentem Aristot. dicendum est, quòd locus pro materiali est superficies, & pro formali est relatio continentia loci ad locatum, quæ relatio fundat aliam relationem.

lationem præsentialitatis ad aliquid immobile, secundum quam locus est immobilis, & essentialiter à Vase distingu-  
tur, quæ verò sit ista præsentialitas, & quomodo locus sit  
Immobilis dicetur in sequenti conclusione.

Quartò Notandum, quòd locus est duplex ex Aristot. 4. *Quid locus*  
Phyl. tex. 14. Proprius, & communis; Proprius est qui ad- *proprius,*  
quarè continet vnum locatum tantum, vt locus Francisci. *communis.*  
Locus communis est, qui plura, vel omnia corpora conti-  
net, vt Aer, vel Cælum, & Vterque est duplex, scilicet  
actualis, qui actualiter continet locatum, & potentialis,  
qui potest locatum continere, sicut continentia, quæ est for-  
male loci. Alia est actualis, secundum quam aliquid dici-  
tur actualiter locus. Alia potentialis secundum quam de-  
nominatur potens locare. Modò Meld. & Cat. in hac disp.  
q. p. num. 20. quarunt cum alijs Neotericis, an hæc conti-  
nentia, in qua formalitas loci consistit debeat poni actua-  
lis, vel potentialis, loquendo de loco absolutè sumpto, vt  
abstrahit ab actuali, & potentiali. Aliqui dicunt, quòd de-  
bet poni potentialis, sed Meld. & Cat. dicunt requiri con-  
tinentiam actualem, & esse de mente Scot. 2. d. 2. q. 6. G. *Improb.:*  
sed vana est huiusmodi quæstio, quia cum locus absolutè *tur dictum*  
sumptus abstrahat ab actuali, & potentiali, & sit velut ge- *Meld. &*  
nns loci actualis, & potentialis, & actualis continentia sit *Cat.*  
de ratione loci actualis, & continentia potentialis sit de ra-  
tione loci potentialis, est querere, an ratio inferioris con-  
ueniat superiori, quòd est ridiculum, cum certum sit apud  
Peripatericos, inferius vtique includere rationem superio-  
ris, sed non è conuerso, quia Animal non potest esse sub-  
stantia animata rationalis, & Sco. loc. cit. loquitur non de  
loco absolutè sed de loco actuali, hæc enim sunt verba il-  
lius. *De secundo dico, quòd supposito primo, corpus quantum*  
*est in loco, in actu, quia in preciso continente actualiter, non*  
*enim potest esse in loco, quin istud ultimum, quod est proxi-*  
*imum continens faciat esse in actu, quia facit latera corporis*  
*ris.*

*ris continentis distare, secus est de parte in toto, quæ non facit superficiem in potentia continentem ipsam esse in actu, & ideo non est pars in toto, sicut locatum in loco.* Hæc Scotus, qui postquam probauerat primo corpori conuenire esse in loco, nunc secundo probat sibi conuenire esse actu in loco. Vnde loco absolutè sumpto competit continentia absolute accepta, vt abstrahit à continentia actuali, & potenciali, superficiæ autem cum accadat ipsam esse locum, & ratio loci in communi non possit esse per se, & solitariè aliter darentur vniuersalia separata à singularibus, erit locus aliquando actualis, cum actualiter continet corpus, aliquando potentialis, quando non continet actualiter corpus, est tamen potens ipsum continere, & sic non est inconueniens quòd baculus extractus ex aqua sit potentialiter in aqua, tanquam in suo loco potenciali, sicut aqua posset baculum ab ipsa extractum recipere.

**Attributa  
loci.**

Quintò Notandum ex Arist. 4. Phys. tex. 30. multa loco conuenire. Primò, quòd locus continet primo locatum, idest proximè, & immediatè ex Sco. quol. 11. H. & hoc competit loco, non vt locus est, sed vt locus est proprius, & adæquatus. Secundò quòd locus non est aliquid rei locatæ, neque sicut pars, vt materia, & forma, nec vt aliquid inexistens, vt accidentia, nec vt sibi adiacens, vel aliquo alio modo, sic quod cum ipso locato necessariò moueatur, vt vestis, & ea, quæ sunt circa corpus adiacentia. Tertiò, quòd locus non sit maior, vel minor locato secundum continentiam; idest quòd sit æqualis locato, sic, quòd locus commensuretur ei secundum longitudinem, & latitudinem, ita vt locatum aliud non possit ab illo loco contineri, nec ille locus possit aliud corpus continere, naturaliter loquendo, quia, vt dicetur in propria conclusione, duo corpora possunt supernaturaliter esse in eodem loco proprio, & adæquato, & superfluum est dicere, quòd locus non sit æqualis locato secundum profunditatem, quia locus, cum sit

fit superficies non habet profunditatem; Dignoscitur utique ex distantia extremorum superficiei repletæ, quanta sit profunditas locati. Quartò, quòd locus non sit sine locato, sicut non potest esse corpus sine loco, & hoc verum est secundum Aristot. qui ponit vacuum impossibile, licet aliter secundum Théologos per potentiam Dei absolutam; ex hoc sequitur quintum loci attributum, quòd scilicet locus non est separabilis a locato, naturaliter loquendo. Non quod hæc superficies non possit esse sine aliquo corpore. Sextò omnis locus est sursum, vel deorsum, quòd intelligas de loco gratium, & leuium tantum, quia alia corpora possunt moueri ad alias differentias loci, scilicet ante, & retro, dextrorsum; & sinistrorsum, quæ differentiæ non sunt essentielles, sed accidentales ipsius loci, cum possit esse locus sine istis differentiis, vt si homo conseruaretur cum suo loco, destructis omnibus alijs corporibus, nullam loci differentiam haberet. Septimò, quòd locus fit id, ad quod corpus naturaliter fertur, & conuenit loco, vt naturalis est, non vt locus est, quia quæ mouentur violenter feruntur ad locum contra eorum naturam. Octauò, quòd locus fit terminus lationis, seu motus localis, quia motus dicitur localis, quia est ad locum, tanquam ad terminum extrinsecum, non intrinsecum, quia tale est vbi quod est circumscriptio passiva corporis locati, quæ circumscriptio cum sit realiter inhaerens corpori locato, & ab ipso per motum acquisita, dicitur terminus motus intrinsecus, superficies verò dicitur terminus motus localis extrinsecus, quia non inhaeret, sed est omninò extra locatum. Nonò dicitur etiam, quòd locus est conseruatiuus locati, quatenus locus est superficies alicuius corporis, quòd habet qualitates conseruatiuas locati, vt locus piscium dicitur conseruatiuus eorum, eo quia est superficies aquæ, quæ habet qualitates, per quas pisces conseruat. Decimò, locus dicitur attrahere locatum, non quia habeat virtutem aliquam occultam

tam attrahendi corpora, sicut Magnes attrahit ferrum, sed quia est id, quòd corpus naturaliter fertur, tanquam ad locum suum naturalem. Vltimò dicitur, quòd locus est immobilis, quia dicit respectum ad aliquid immobile, sed quomodo; dicetur in propria conclusione. Hæc autem, quæ dicta sunt de loco, sola continentia, & immobilitas competunt essentialiter loco, vt locus est, continentia autem proxima, & adæquata competit essentialiter loco adæquato, de quo loquimur in præsentī, & hunc locum definitiuit Arist. in hoc 4. Physic.

Sextò Notandum, quòd definitio loci posita ab Arist. 4. Phys. quòd sit vltimum corporis continentis immobile primum, id est *ultimum* intelligitur superficies corporis, quæ est vltima in corpore, secundum quam superficiem dicitur continere primò; id est adæquatè, & proximè, vt prius dictum est, & ratio est ex Sco. 2. d. 2. q. 6. D. quia diuisibile secundum illam dimensionem secundum quam est diuisibile, non potest immediatè esse applicatum alicui, vt continens ipsum, sed præcisum continens alicuius est *indiuisibile*, nihil autem indiuisibile de genere quantitatis per se existit, sed in aliquo diuisibili, & idè sequitur illud præcisum continens esse vltimum alicuius diuisibilis continentis; Ita autem vltimitas non est de ratione loci, sicut est de ratione continentis præcisè, quia si posset indiuisibile per se esse, & nullius diuisibilis esse vltimum, illud indiuisibile verè manens per se, posset esse præcisum continens. Superficies enim concaua separata à corpore posset continere aliquod corpus, locus autem ita continet locatum ex Sco. 2. d. 2. q. 6. P. vt contentum sit infra superficiem continentis corporis, & nihil eius extra. Vnde sola superficies concaua potest continere corpus, quia corpus est profundum, & per consequens non potest contineri, nisi à concauo illam profunditatem circumscribente, sed in ordine ad indiuisibile, vt quando Angelus est in loco, quælibet superficies siue

*Declaratur definitio loci.*



siue recta, siue concava: potest esse locus, quia esse infra superficiem secundum Sco. loc. cit. est quòd nihil locati sit extra loquendo de quocunque quòd est definitiuè in loco, quòd est quælibet creatura, siue corporalis, siue spiritualis, quæ creatura spiritualis sufficit, quòd sit præsens superfici. His notatis.

Probatur conclusio. Illa est bona definitio, quæ explicat quidditatem definiti, & facit differre ipsum essentialiter à quocunque alio. Sed hæc definitio de loco tradita ab Aristot. est huiusmodi, quia sola superficies est, quæ immobiliter continet locatum, & differt essentialiter à quocunque, quod non est locus, ergo est bona definitio.

Contra arguitur primò, quòd locus non est superficies, nam si superficies esset locus posset res immota manens mutare locum: stante enim vento mutantur continuæ superficies Turrim ambientes, ipsa è proprio loco non egrediente, quia semper habet eandem distantiam, & propinquitatem cum rebus, quàm antea habebat, quæ tamen variari solet ad mutationem loci.

Hic Meld. & Cat. ponunt responsionem Thomistarum dicentium, quòd Turris in tali casu non mutatur, quia seruat eandem distantiam à rebus, & responsiones Scotistarum dicentium, quòd Turris est in eodem loco per æquivalentiam, quæ responsiones conueniunt cum doctrina Sco. etiam ab ipsis allata, tamen arguunt maximè contra Scotistas, tali pacto.

Dicere, quòd Turris est in eodem loco per æquivalentiam est dicere Turrim accipere locum priori similem, & est dicere Turrim apertè simpliciter moueri.

Retorqueo. Argumentum contra ipsos dicentes cum Sco: quòd superficies succedentes circa Turrim sunt vnus locus per æquivalentiam in ordine ad motum localem.

Retorque-  
tur arg.  
Meld. &  
Cat.

Dicere Turrim habere eundem locum per æquivalentiam.

Z. a. tiam.



tiam in ordine ad motum localem est dicere Turrim habere locum priori similem, & non simpliciter eundem, quia mutatur superficies, & continentia, ergo est dicere Turrim aperte simpliciter moueri. Vnde omnes allatae responsiones sunt optimae, & coincidunt in idem, scilicet quod Turris eo casu non mouetur, quia remanet in eadem distantia à rebus, & illae superficies succedentes sunt una superficies per æquivalentiam in ordine ad motum localem, & ratio vtriusque responsionis est, quia inter superficies succedentes circa Turrim, nullum est spatium interceptum, quod concipitur ex eadem distantia, qua habet Turris ad Vniuersum, vt elicitor ex Sco. 2. d. 2. q. 6. F. Vnde dicere, quod Turris eo casu non mouetur, quia seruat eandem distantiam à rebus, & quia plures superficies succedentes circa Turrim sunt una superficies per æquivalentiam, est idem ac dicere, quod Turris non mouetur eo casu, quia plures superficies succedentes sunt una superficies per æquivalentiam in ordine ad motum localem. Videtur Meld. & Cat. molesta, hæc ratio contra superficiem, quia ducunt in malum sensum responsiones aliorum.

Respondeo igitur in forma ad Argumentum ex Sco. loc. est. negando consequentiam, & cum probatur, quia plures superficies succedunt Turri immotæ. dico cum Sco. quod ille plures superficies sunt una numero per æquivalentiam in ordine ad motum localem, quia inter illas superficies succedentes non est spatium interceptum, & impossibile est, quod aliquod moueatur ab vno loco ad alium, nisi inter illa loca sit spatium interceptum, hoc autem dignoscitur ex diuerso ordine, & distantia ad vniuersum, patet à simili de corporibus succedentibus in eadem superficie, in qua sunt diuersae circumscriptiones ad diuersa corpora, & tamen dicitur, quod illa corpora succedunt eidem loco, quia licet in superficie sint diuersae circumscriptiones, illae tamen sunt una numero per æquivalentiam in ordine ad motum localem.

Item, cum eadem superficies seruet eandem distantiam à rebus. Vnde si in eadem superficie posita in diuersis spatijs succederent plura corpora, illa non essent in eodem loco, nec etiam per æquivalentiam, quia sicut ad locum requiritur non solum circumscriptio, & continentia, sed etiam præsentia ad hoc immobile; variata continentia, & præsentia, dummodò sit præsentia superficies ad hoc immobile, non variatur numero locus, sed est idem per æquivalentiam in ordine ad motum localem, quia superficies habet præsentia ad idem immobile. E contrario non variata superficie, & continentia, dummodò varietur præsentia ad hoc immobile, variatur numero locus, ita quòd nec etiam potest esse vnus per æquivalentiam ad motum localem ex quo dignoscitur immobilitatem esse de ratione essentiali loci, secundum doctrinam Scoti.

Secundò. Si superficies esset locus, ergò res localiter moueretur, eundem retinendo locum, quòd implicat, probatur consequentia, quia si res simul cum loco moueretur, mutaret locum in eodem loco, vt Vinum existens in Dolio tanquam in loco, & simul cum dolo moueretur, esset in eodem loco, & tamen localiter moueretur.

Respondeo negando consequentiam, & cum probatur dico, quòd tunc Vinum non esset in Dolio, sicut in loco, quia de ratione essentiali loci est immobilitas, sed vt in Vase, & Vinum, & Vas in tali casu constituerent vnum mobile, quòd in motu aquireret diuersa loca. Dolum enim est locus Vini, quatenus continet ipsum cum tali præsentia ad tale immobile, ablata tali præsentia aufertur à dolo ratio loci.

Tertiò. Locus debet esse æqualis locato, sed superficies non est huiusmodi, quia non habet trinam dimensionem, sicuti habet locatum, ergò superficies non potest esse locus.

Respon-

Respondeo, quòd duplex est æqualitas, alia dimensionis, per quam vnum adæquatur alteri secundum dimensiones, vt vnum corpus alteri adæquatur secundum longitudinem, latitudinem, & profunditatem. Alia est æqualitas continentia, & est illa, per quam vnum potest circumscribere aliud. In proposito locus debet esse æqualis locato secundum æqualitatem solùm continentia, quæ fit secundum longitudinem, & latitudinem, per quas dimensiones tota corporis locati profunditas dignoscitur.

Quartò probatur; quòd continentia non sit formale loci. Locus pro formali spectat ad prædicamentum vbi; sed continentia ad tale prædicamentum non spectat; ergò continentia non erit ratio formalis loci. minor probatur. quia relatio de prædicamento vbi est mutua, sed relatio continentia non est mutua ex Sco. 4. d. x. q. i. l. ergò relatio continentia ad prædicamentum vbi non spectat.

Respondeo negando minorem; & cum probatur dico ad maiorem, quòd relatio potest dici mutua dupliciter, vno modo, quia habet in termino relationem oppositam, alio modo, quia habet in termino oppositam relationem æquiparantia, & eiusdem rationis, vt Corpus est præsens lapidi, & lapis est præsens corpori, hic in vtroque extremo est relatio præsentialitatis, quæ est eiusdem rationis, relatio verò continentia in loco terminatur ad corpus, in quo non est relatio continentia eiusdem rationis, quia locus dicitur continere corpus, corpus autem non dicitur continere locum, sed contineri à loco; in proposito relatio de Prædicamento vbi est mutua, primo modo, vel secundo modo, quia tam continentia, quàm præsentialitas ex Sco. to loc. cit. pertinet ad prædicamentum vbi. Unde quando Scotus dixit, quòd continentia non est relatio mutua se manifestat, quòd non est eiusdem rationis, sicuti præsentialitas, & non quòd non habeat in termino, mutuam relationem. Quare consequentia est falsa.

Quin-

Quintò . Per immobilitatem superficies vltima constituit in ratione loci , nam continentia etiam vasi competit, & per immobilitatem à vase distinguitur; ergò continentia non est ratio formalis loci .

Respondent Cat.&Mel. ibi num. 29. in fine quòd locus, & Vas essentialiter non differunt in principali significato, sed tantum in connotato; nam illud per quod vnum differt ab alio vltimatè, non est semper differentia essentialis; nam hoc solum est verum in absolutis, non in connotatiuis, quæ vltimatè non differunt, nisi ratione connotati, vt patet de priuatione, & simplici negatione, quæ non differunt, nisi ratione connotati: in proposito, vt superficies continens dicatur. Locus vtique necessariò exigitur immobilitas, & sine ea vas dicitur, non locus, non tamen propterea immobilitas debet iudicari eius differentia essentialis, & ratio formalis, sed connotata.

Sed hæc responsio est omninò falsa, quia vltima ratio distinguendi est ratio distinctionis essentialis, & sic vel est differentia essentialis, vel aliquod circumscribens differentiam essentialem; nam connotatiua, quæ conueniunt in aliqua ratione communi, & vnum non est essentialiter aliud; certè per aliquod essentialiter differunt, quo ignoto circumscribimus per aliquod connotatum notum; Vnde omnes negationes conueniunt in ratione communi negationis, tamen inter se essentialiter differunt ex Scoto 1. d. 23. q. v. H. ergò per aliquod essentialiter differunt, quòd si sit ignotum circumscribimus per aliud, quod sit notum, licet extrinsecum, & sic fallum est priuationem, & negationem differre tantum per connotatam, & conuenire in ratione formali, & principali significato, quia sic priuatio, & simplex negatio differrent tantum accidentaliter, quia differrent tantum per aliquod extrinsecum, & sic lapis habens negationem cognitionis, & beatitudinis esset essentialiter priuatus cognitione, & beatitudine, quòd est ridiculum.

Idcò.

Responsio  
Mel. &  
Cat.

Cōfutatur.

*Responsio  
Auctoris*

Ideò Respondeo ad Argumentum negando consequentiam, quia non solum illud, per quod ultimè vnum distinguitur ab alio, est de ratione formali illius; Nam homo formaliter distinguitur ultimò à Boue per rationalitatem tantum, non tamen sola rationalitas est de ratione formali, & essentiali hominis, sed etiam animalitas, in qua conueniunt homo, & Bos; vnde licet locus, & vas, qui essentialiter differunt, conueniunt in continentia, differunt tamen per mobilitatem, & immobilitatem essentialiter. In ratione enim formali est aliquod commune, in quo plura essentialiter distincta conueniunt, & aliquid, per quod illa plura essentialiter distinguuntur.

Sextò, Meld. & Cat. in hac Disputatione num. 22. probant, quòd immobilitas non sit de ratione formali loci, & locum non differre essentialiter à Vase. Vas, & locus conueniunt in ratione formali loci, ergò locus non est essentialiter immobilis pat. Quia Vas est mobile, & tamen habet rationem loci; Antecedens pat. ex Arist. 4. phy. t. 41. ubi habet, quòd Vas est locus mobilis, locus Vas immobilis; ergò locus & Vas essentialiter conueniunt in ratione loci; & differunt tantum connotatiuè per mobilitatem, & immobilitatem.

Confirmatur, quia ex concepta communi locus concipitur, vt continens, nec expressè concipitur in eo immobilitas, immò vulgo ignoratur.

Respondeo negando Antecedens, & cum probatur ex Aristot. 4. phys. t. 41. quòd Vas est locus mobilis, locus Vas immobilis. Respondeo, quòd hæc auctoritas non minus probat, quòd vas, & locus conueniant in ratione loci, quàm in ratione Vasis, & tamen ibi ponit distinctionem inter Vas, & locum; Ideò dicendum, quòd vas potest dici locus, & locus vas, quia conueniat in ratione continentis, quia utrumque continet aliud, sed non quolibet continentia est locus, sed continentia immobilis, sic etiam materia quic-

quiescens sub forma diceretur moueri, quia dicit respectum ad formam, quæ est ratio formalis motus, sed quia non quilibet respectus ad formam est motus formaliter, sed tantum ille, qui fundat respectum in immediatæ successionis, informationis ad non informationem, ideò materia sub forma quiescens cum illo respectu non potest dici, quòd moueatur; ita etiam non quodlibet continens dicitur locus pro formali, & Vas, sed continens immobile est locus, continens verò mobile est Vas.

Ad confirmationem. Respondeo, quòd concipiendo locum, & non immobilitatem, ille conceptus est falsus; & si vulgò ignoratur, quòd locus sit immobilis vulgaris est deductio, quòd per hoc immobilitas non sit de essentia loci, quia communiter rationes formales rerum vulgò ignorantur. Tamen sibi contradicunt, quia ibi num. 26. dicunt, quòd quicumque de loco locuti sunt, omnes eidem immobilitatem tribuerunt; non ergò loci immobilitas à vulgo ignoratur.

CONCLUSIO SECUNDA.

*Locus est immobilis per relationem presentia litatis ad spatium imaginarium.*

Elicitur ex Scot. 2. d. 2. q. 6. D. c. f.

*Opinio Aliorum. Caput Primum.*

**M**eld. & Cat. in hac Disput. num. 35. dicunt, quòd licet Arist. & Scotus immobilitatem loci delum-  
p. 10. int. ex determinato ordine, quem dicit superficies  
ad partes Vniuersi, quæ modò fixæ sunt, & immobiles,  
& per consequens ex ordine ad spatium, quæ coincidere  
videntur; vt ipsi infra se declarant, tamen solidius visum

*Opinio  
Meld. &  
Cat.*

Aa

est



est ipsis ex immobilitate potius diuinæ substantiæ vbique diffusæ, quàm spatij imaginarij desumere superficiem immobilitatem, quem modum nouum, & Peregrinum dicunt ex Boneto transumpsisse; Et pro declaratione eorum opinionis dicunt, quòd diuina substantia cum sit ob suam immensitatem vbique diffusa, non potest dari superficies, quæ non sit illi intimè præsens, cum superficies ob suam limitationem non possit illi coexistere. vbique intelligitur coexistere alicui parti eius, non formali, quia formaliter est indiuisibilis, sed parti virtuali, quia cum substantia spiritalis ob sui illimitationem per locum extendatur, ac si esset corporea, & diuisibilis, necessariò in ipsa concipere debemus pluralitatem partium virtuales, resque creatas aliquibus illarum coexistere, & non omnibus, & cum quælibet pars eius sit immobilis, relatio presentie ad alias partes erit immobilis; igitur ex tali intima præsentia, bene desumi potest superficiem immobilitatis, quatenus superficies cum tali potentia est prorsus localiter immobilis.

*Cōstat ut*

Sed isti Doctores cupientes solidius, quàm fecerint Aristoteles, & Scotus cum Boneto loci ostendere immobilitatem à principijs Aristotelis, & Scoti, quæ profitentur aberrant, & ut aquæ semper mobiles in assignanda loci immobilitate in errores cum Boneto, à quo receperunt opinionem, dilabuntur.

Et primò videamus quomodo sibi contradicant in assignanda Scoti opinione, quam relinquunt, tanquam minus solidam, & postea insoliditatem eorum opinionis ostendam, & quòd in doctrina ipsorum propriam opinionem sustinere nequeant.

*Contradi-  
cantes sibi  
malè addu-  
cunt opi-  
nionē Scoti*

Isti enim Scriptores ibi num. 35. asserunt Scotum desumere immobilitatem loci ex determinato ordine, quem dicit superficies ad partes. Vniuersi, & per consequens in ordine ad spatium imaginarium; & num. 34. in fine dicunt Scotum non cognouisse spatium imaginarium, & negati-  
uum.



uum, seu potentiale, nisi extra mundum, vt pat. ex ipso p.d. 37. q. vn.

In primis Scot. nihil dicit de hoc loco cit. sed quicquid fit de hoc sic Argumentor. Si Sco. non cognouit spatium imaginarium in Vniuerso; ergo in Vniuerso non cognouit locum; patet Consequentia, quia non potest dari locus, nisi sit immobilis, & est immobilis in ordine ad spatium imaginarium, ergo si Scotus non cognouit in Vniuerso spatium imaginarium, nec etiam cognouit terminum immobilitatis loci, ergo non cognouit immobilitatem; ergo à primo ad vltimum non cognouit locum, quia non potest dari locus, nisi sit immobilis.

Præterea falsum, & negatiuum est, quod Sco. non cognouerit spatium imaginariū in Vniuerso, quia quolibet diffinito spatium imaginarium, & potentiale dicit, quod est illud, in quo potest tantum corpus intercepti, quantum est illud, quod interceptitur, quando spatium est actu plenum, ergo secundum Scot. in Vniuerso datur spatium, in quo interceptitur corpus, & sit actu plenum per corpus, istud autem est spatium imaginarium, & potentiale; ergo in Vniuerso secundum Scotum datur spatium imaginarium, seu negatiuum, & potentiale.

Confut. 2.

Præterea si non daretur in Vniuerso spatium imaginarium, sed spatium esset tantum corpus interceptum, vt isti dicunt, sequeretur, quod locus in ordine ad spatium non posset esse immobilis, quia corpus interceptum non est immobile; ergo nec locus erit immobilis in ordine ad spatium, quia ideo locus est immobilis, quia dicit ordinem ad aliquod immobile.

Confut. 3.

Secundò ostendo opinionem istorum non esse magis solidam, desumentem immobilitatem loci, non ex ordine loci ad spatium negatiuum, sed ad partes virtuales diuinæ substantiæ. Nam diuina substantia est vbique diffusa plurquam corpora crearentur, aliter de nouo diffunderetur ad creationem corporis; ergo partes virtuales diuinæ sub-

Ostend. opinione Aduers. esse inuvalidam.

stantiæ debent concipi in ordine ad partes spatij imaginarij, quæ partes tam diuinæ substantiæ, quam spatij imaginarij sunt immobiles.

Tunc sic arguo. Solidius loquuntur de immobilitate loci, qui illam desumunt à termino, sinè quò partes virtuales diuinæ substantiæ non concipiuntur, quam qui desumunt à partibus virtualibus diuinæ substantiæ, sine quibus haberi potest immobilitas loci, sed sine spatio imaginario non concipiuntur partes virtuales diuinæ substantiæ; ergò solidius loquuntur de immobilitate loci, qui illam à spatio imaginario desumunt, quàm qui desumunt à partibus virtualibus diuinæ substantiæ. Ad quid igitur diuidere substantiam impartibilem secundum partitionem spatij immobilis, & inueniatur loci immobilitas si sine illis partibus imaginatis potest haberi talis immobilitas In ordine ad spatium immobile, quod est aliquid etiam secundum istos Doctores, & recedere vt Peripatetici, & Scotistæ à principijs Aristotelis, & Scoti?

Præterea solidius loquuntur qui desumunt immobilitatem loci ab aliquo reali non ficto, quam ab aliquo penitus ficto; sed spatium imaginarium est aliquod reale non fictum, quia etiam secundum ipsos est negatio realis extra genus, quòd spatium ideò dicitur imaginarium, quia imaginamur esse veluti quoddam extensum, partes verò virtuales diuinæ substantiæ sunt penitus fictæ: ergò solidius loquuntur, qui desumunt immobilitatem loci à spatio imaginario, & negativo, quàm à partibus virtualibus diuinæ substantiæ.

*Doctrina* Tertiò ostendo, quòd hæc eorum opinio in doctrina ipsorum sustineri nequeat. Immobilitas est quædam consistentia realis, & positiva, quæ non potest desumi ex ficto, & imaginario, nisi sit immobilitas imaginata ex ipsis in hac Disputatione num. 32. Sed partes virtuales diuinæ substantiæ

*Aduers. nō  
stat cum  
com. opi-  
nionē.*

Itentia indivisibilibus sunt omnino imaginariæ, & fictæ: ergo à partibus virtualibus divinæ substantiæ non potest desumi nisi immobilitas imaginata.

*Sententia Auctoris. Caput Secundum.*

*Locus est immobilis per relationem præsentialitatis ad spatium imaginarium.*

Elicitur ex Scoto 2.d.2.q.6.D.e.f.

**P**RO cuius declaratione Primò Not. quòd cum locus dicat materialiter superficiem, formaliter verò continentiam immobilem, ista continentia fundabit relationem præsentialitatis ad aliquod immobile, quòd est spatium negativum, & imaginariam, quæ relatio est realis, quia facta sine opere intellectus, & positiua, quia fundata in relatione positiua, est verò negatiua tantum ratione termini, quia terminatur ad spatium imaginarium, quod importat negationem extra genus, ut sæpè dictum est in præcedenti conclusione, & per consequens connotabit relationes reales propinquitatis, & distantie ab aliis corporibus fundatas, vel in continentia, vel in superficie; & hæc præsentialitas ad spatium immobile competit loco cuiuscumque corporis, quia est de ratione loci in sua communitate accepti, quòd fit immobilis, per hoc enim locus à Vase essentialiter distinguitur ex Aristot. 4. Phys. t. 41. & Scot. 2. d. 2. q. 6. D.

*Quid dicat  
continentia  
immobilis.*

Secundò Not. quòd Philosophi desumentes immobilitatem ex ordine ad centrum, & polos, quia secundum Aristotelem sunt immobiles, doctè loquuntur, & in tantum locus dicit hunc ordinem ad centrum, & polos, quatenus dicit relationem præsentialitatis ad spatium immobile: Unde casus positus à Phil. quos sequuntur Meld. & Car. scilicet

cet

cer quòd Deus possit transferre Vniuersum ab hoc spatio ad aliud spatium imaginarium, & per consequens simul moueri corpora, remanente eodem ordine ad centrum, & polos, est contra suppositum, quia supponunt cum Aristotele polos, & centrum esse omninò immobile, posita enim mobilitate polorum, & centri, isti Philosophi non posuissent immobilitatem loci in ordine ad polos, & Centrum, & licet Scot. 2. d. 2. q. 6. D. arguat contra ponentes immobilitatem ex ordine ad polos, & centrum hoc est quia tales existimabant, mota superficie ambiente aliquod corpus remanere eandem relationem in superficie succedente in eodem spatio, quòd est impossibile, quia tunc dicit Scotus ratio migraret de subiecto in subiectum; sustinentes verò talem relationem non remanere, sed corrumpi, non sunt contrarii Aristoteli, nec Scoto; Vnde superficies continens corpus cum præsentialitate ad spatium negatiuum immobile, est omninò immobilis immobilitate appositae motui locali, siue per se, siue per accidens, est verò simpliciter corruptibilis, quia mota superficie circa Turrim, corrumpitur continentia terminata ad Turrim, & respectus præsentialitatis ad tale spatium, tamen superficies succedens in eodem spatio dicitur idem locus numero per æquiualentiam in ordine ad motum localem ex Scoto loco citato, quia inter superficies aeris succedentes circa Turrim nullum est spatium interceptum.

*Mobile est duplex.* Tertiò Not. quòd immobile est duplex, per se, & per accidens; mobile per se est illud quod secundum se, & per motum sui mouetur, mobile verò per accidens, est quod mouetur ad motum alterius, vt omnia accidentia, quæ sunt in homine mouentur ad motum ipsius hominis; In proposito locus nec est mobilis per se, quia est superficies, quæ est aliquid corporis, nec per accidens, quia superficies cum continentia immobili, vt prius explicatum est, non potest moueri ad motum corporis, sed potius moto corpore, cuius

ius locus est vltima superficies, non amplius ista superficies habet rationem loci, quia corrumpitur continentia immobilis, à qua superficies dicitur formaliter, & essentialiter locus, remanente verò eadem superficie, & variatis pluribus corporibus in eadem superficie succedentibus, non variatur locus ex Scoto quolibet. ij. H. quia licet varietur continentia, & relatio adueniente nouo locato, semper tamen remanet idem locus. Exemplum. Corpus habens albedinem, si secundum eam est simile multis, habet multas similitudines, quia similitudo numeratur termino numerato, sed tamen ipsum non est multa similia, sed vnum simile, sicut habens multas scientias est vnum sciens, quia cōcretum non numeratur ad solam numerationem formæ, sed oportet, quòd cū hoc sit numeratio suppositi habētis formā, His not.

Probatur Conclusio. Primò ex Scoto 2. d. 2. q. 6. e. si locus esset mobilis, tunc esset in aliquo loco siue per se, siue per accidens à quo deberet moueri ad alium locum, & sic loci esset locus in infinitum, quod est absurdum.

Possēt responderi ad hanc rationem Scoti, quòd vtrique esset locus loci, sed non esset processus in infinitum, quia cum corpora sint numero finita, standum esset ad vltimum corpus, sicut continens est continens, & tamen non est processus in infinitum in corporibus continentibus, sed standum est ad vltimum Cœlum, quod est continens, non contentum, locans, non locatum; In proposito superficies, & locus esset in loco per accidens ad locationem sui corporis, & illa alia superficies vsque ad vltimum locum, Tamen dicendum pro Scoto, quòd locus, vt locus non habet locum, quia sic vt continens esset contentum reduplicatiuè, & sic non differret formaliter esse locum, & locatum, & hoc modo intelligitur Scoto; Non est tamen inconueniens, quòd illa superficies, quæ est locus, & continens sit contenta, & locata per accidens ad locationem corporis, cuius est superficies, & sic si locus, vt locus, esset mobili-

mobilis, locus vt locus haberet locum, in quo esset, & à quo posset moueri ad alium locum in infinitum, quòd est falsum.

Secunda Ratio, qui probat Scot. loci immobilitatem, est quia sic quiescens moueretur localiter. Nam quod habet alium, & alium locum successiuè, moueretur localiter, fixum autem posset habere alium, & alium continentem, si moueretur locus per accidens.

Sed hæc ratio non videtur concludere, quia posita etiam immobilitate loci adhuc fixum in terra habet alium, & alium continentem; ergò quiescendo mouetur.

Ideo ad hanc rationem potest responderi, quòd non moueretur fixum, & quiescens, quia loci succedentia essent vnus locus per æquivalentiam in ordine ad motum localem, quia inter loca succedentia ad continentium fixum in Terra non esset spatium interceptum, quòd requiritur ad hoc, vt aliquid dicatur localiter moueri.

Dicendum est igitur quòd Scotus format hanc rationem, non in propria sententia, quia dat doctrinam ad ipsam soluendam, & sustinet ibi fixum non moueri localiter per diuersas superficies circa tale fixum succedentes: Tamen potest ex doctrina eius formari talis ratio efficacissima.

Quòd dicit essentialiter ordinem ad aliquid immobile iitu est necessariò immobile, sed locus dicit essentialiter ordinem ad aliquid immobile, scilicet ad spatium: ergò erit necessariò immobilis: minor probatur, quia superficies cum sola continentia non differt à Vase, quòd est mobile: ergò dicit essentialiter aliud, per quod locus à Vase distinguitur, & dicitur immobilis, quòd non potest esse, nisi præsentia ad aliquid immobile, quòd est spatium.

Arg. Mel.  
& Cat.

Contra arguunt Meld. & Cat. ibi num. 34. his rationibus: & Primò, quia tale spatium omninò non datur corporibus coexistens, ergò ab ipso immobilitas loci desumi nò potest.

Re-



Respondeo negando Antecedens, quia si ex ipsis in hac Disputatione q. 6. n. 93. & 94. Deus coexistit spatio imaginario, quod est negatio realis extra genus, ita negatio potest dici quod coexistat corporibus, quia quod aliquo modo est, potest alteri coexistere; Et si spatium imaginarium, & negatiuum non potest alteri coexistere, tamen superficies, & corpora tali spatio coexistunt, & sunt praesentia in doctrina istorum, & sic negatur consequentia, quia superficies cum illa praesentia, quae est relatio realis, & positiua, dicitur immobilis.

*Responso  
Auctoris.*

Secundò immobilitas est consistentia quaedam positiua, ergò à negatione attendi non potest.

Respondeo negando consequentiam, quia formalitas motus est consistentia positiua, & tamen formaliter dicitur secundum Scotum, ut dicam in proprio loco, relationem informationis, ad non informationem, non enim est inconueniens ad negationem esse relationem realem, & positiuam.

*Responso  
Auctoris.*

Tertio, non maiorem habet realitatem hoc spatium imaginarium, si daretur corporibus coexistens, quam puncta imaginaria Thomistarum, ergò si ab istis non rectè sumitur loci immobilitas, ut Neoterici fatentur, ita nec à spatio desumi valebit.

*3. Argumentum*

Respondeo negando Antecedens etiam in doctrina ipsorum, quia illa puncta sunt omninò ficta, ut dicunt ibi n. 32. & spatium imaginarium est aliquid praeter opus intellectus, & negatio realis, ut dicunt q. 6. huius disputationis n. 93. 94. & §. per consequens. maiorem realitatem dicit spatium imaginarium, quia dicit negationem realem, quam dicant puncta imaginaria, cum sint omninò fictitia, & sic falsa est consequentia, & hac doctrina soluitur quartum argumentum, quod est idem cum hoc tertio.

*Responso  
Auctoris.*

Vltimò arguunt. Hæc immobilitas superficiei ex spatio desumpta non est, nisi consistentia eius in tali spatio, id est

*4. Argumentum*

Bb

id est



idest intima eius localis præsentia ad tale spatium ; cum qua omnino moueri repugnat ; ergo loci datur locus , & loci immobilitas ex ordine ad alium locum desumenda erit , atque ita propriè spatium erit locus , non superficies , quod est falsum .

*Responsio* Respondeo quòd immobilitas ex spatio desumpta formaliter dicit præsentiam localem , idest præsentiam loci ad tale spatium ; sed negatur consequentia , scilicet quòd loci detur locus , & quòd spatium sit locus . Non enim præsentia loci dicitur præsentia ad locum , sed præsentia locati , quia sic etiam partes virtuales substantiæ diuinæ essent locus , quia superficies dicit præsentiam ad tales partes virtuales secundum ipsos .

### CONCLUSIO TERTIA.

*Vbi est Relatio superaddita rei existenti in loco .*

Est Scot. quol. ij. A. & 4. d. x. q. p. G. H. I.

*Sententia Auctoris. Cap. Vnicum .*

**P**RO cuius declaratione Not. primò ex Sco. loco cit. & ex Aristotele in Prædicamentis , quòd Vbi est circumscriptio passiuæ fundata in re locata ad superficiem locantem . sicut circumscriptio actiuæ è conuerso fundatur in superficie locante ad rem locantem , quæ circumscriptio passiuæ est præsentia , quam habet corpus ad locum modo quantitatiuo , scilicet tanquam coextensum , & commentum ex Sco. loco citato l. spiritualia verò quando sunt in loco , dicunt præsentialitatem ad locum modo inextenso , sicut etiam substantiæ materiales , si essent sine quantitate , ac propterea eorum Vbi non potest esse circumscriptio . Quæ præsentialitas dicitur locus intrinsecus , quia est forma ,

ma, per quam corpus dicitur esse in loco, & est relatio fundata in corpore, superficies verò locans dicitur locus extrinsecus: eò quia non est in corpore locato, sed extra ipsū.

Secundò Not. ex Sco. 4. d. 10. q. 2. R. quòd Vbi dicitur fundamentum propinquitatis, & distantie, non quia relatio distantie sit solū inter duo Vbi, & non in corporibus distatibus; ita quòd corpora locata denominentur propinqua, & distantia denominatione tantū extrinseca per relationem inter duo Vbi, quia secundum Scotum loco citato, propinquum & distans fundantur in corpore vbicato; sed dicitur Vbi fundamentum propinquitatis, & distantie eò quia corpus vbicatum non fundat relationem propinquitatis, & distantie, nisi quia ipsum Vbi est propinquum, & distans; Hinc possum addere fundamentum propinquitatis, & distantie esse superficiem ambientem, & locantem, quia ideò Vbi quod est relatio est propinquum, & distans, quia superficies locans est propinqua, & distans, quòd debet intelligi tam de Vbi reali simpliciter, quòd est relatio circumscriptionis passivæ ad superficiem ambientem, quàm de Vbi reali secundum quid, quod est relatio præsentialitatis corporis ad spatium imaginarium; Vnde si plura corpora essent in vacuo, & spatio imaginario essent inter se propinqua, & distantia, quia eorum præsentia esset propinqua, & distans, & præsentia esset propinqua, & distans, quia spatia, quibus essent præsentia, essent propinqua, & distantia.

*Quomodo  
Vbi sit fun-  
damentum  
propinquitatis, & di-  
stantie.*

Tertiò Not. ex Sco. quol. ij. supra G. quòd distantia dicitur formaliter respectum unius extremi ad aliud extremum distans, & si ex sola positione terminorum diceretur relatio positiva, posset dici quòd distantia inter duo corpora, inter quæ mediat spatium negativum, est positiva; sed si etiam ultra hoc requiratur medium positivum, & actualé, illa distantia diceretur privativa, & negativa; Vnde dici potest, quòd relatio distantie, sicut & propinquitatis intrinsecè est

*Quomodo  
distantia sit  
positiva, et  
negativa.*

positiua, quia nulla relatio est negatiua, nisi negatio relationis, quæ potest appellari relatio negatiua; si verò consideretur intrinsecè, & ratione medij, distantia erit negatiua, quando medium est negatiuum, & positiua, quando medium est positiuum; distantia verò, & propinquitas, quæ est inter duo entia negatiua, & inter duo spatia imaginaria, quæ important negationem extra genus, potest dici, quòd sit intrinsecè positiua, quia non inconuenit negatiuum fundare relationem positiuam, sicut due priuationes inter se realiter distinguuntur, distinctio illa inter duas priuationes est positiua, non negatiua, licet magis dicatur non identitas, patet hoc de priuatione, quæ est principium motus, & per consequens fundat relationem positiuam principij: distantia verò, & propinquitas inter duo spatia negatiua dicitur negatiua ratione extremorum, quæ sunt negationes, & ratione medij negatiui; si tamen inter duo spatia negatiua intercederet spatium positiuum, tunc illa distantia diceretur positiua etiam ratione extremi, & si videatur difficile, quòd relatio positiua resulter in extremis negatiuis, potest dici, quòd duo spatia imaginaria distantia, dicuntur distantia negatiuè, idest non propinqua, & duo spatia imaginaria propinqua dicuntur propinqua negatiuè, idest non distantia; quare distantia in spatiis imaginariis erit negatio propinquitatis, & propinquitas erit in illis negatio distantiae. Hoc notato.

Probatum Conclusio, quòd mouetur ad aliquod, recipit illud, quòd prius non habebat, quia moueri est recipere, quòd est pati; ergò quòd mouetur localiter recipit illud, quòd prius non habebat, ergò terminus istius motus, qui est Vbi, erit aliquod superadditum corpori locato: sed istud non potest esse aliquod ens absolutum; ergò erit relatio minor sub illata probatur, quia Arist. tertio. Phys. ait, quòd ad quatuor prædicamenta est motus, scilicet ad substantiam, quantitatem, qualitatem, & Vbi: ergò Vbi non erit  
sub.

substantia, nec quantitas, nec qualitas, & per consequens erit relatio, quia præter illa tria non datur aliud ens absolutum, & omnia alia ab ipsis sunt relatiua.

Contra arguitur primò. Aristoteles 8. Met.t.9. ait per motum localem non mutari intrinsecè ipsum mobile, sicut mutatur per alios motus, quia in alijs motibus acquiritur noua forma accidentalis, non autem in motu locali.

Respondeo negando quòd Aristoteles dicat, quòd in motu locali non acquiritur noua forma, aliter quod moueretur localiter non moueretur, quia non se haberet aliter, quàm prius, sed dicit, quòd mobile localiter non mutatur sicut in alijs motibus, quia in alijs motibus est acquisitio formæ absolutæ, & idèd illi motus sunt magis apparentes, quam motus localis, in quo acquiritur tantum relatio, quæ est minima entitas insensibilis.

Secundò, si Vbi est aliquid superadditum locato, tunc illud magis diceretur esse in loco per locatū, quam è conuerso, quia accidens est in loco, quia subiectū eius est in loco, vt albedo in homine dicitur esse in loco, quia homo est in loco.

Respondeo communiter cum alijs, negando consequentiam; Et cū probatur, quia accidens est in loco ratione subiecti: Responderetur quod verum est de quocumque accidente, quòd non est ratio, qua aliquid dicitur esse in loco, sicut est Vbi, & præsentia locati ad locum; sicut omne accidens mouetur ad motum subiecti; motus autem, qui est relatio subiecti ad formam, vt nouam, non dicitur moueri, quia est ratio, qua mobile dicitur moueri.

Tertiò, si Vbi esset aliquid supradditum, sequeretur quòd id corpus posset simul, & semel idem Vbi acquirere & perdere, & simul habere idem Vbi, & non habere quod implicat: Consequentia patet, quia si Nauta in Navi à prora ad puppam ambulat, in tali casu, cū mobile acquirit vnum Vbi per vnum motum, ab eodem simul recedit per alium motum, & sic in eodem tempore simul habet,

bet, & non habet idem Vbi.

Respondeo negando Consequentiam, Ad probationem dico, quòd Nauta in Naui habet duos motus, vnum per se, qui est à prora ad puppim, alium per accidens, dum è contrario mouetur ad motum Nauis, cum qua facit vnum mobile torale; In proposito si Nauta in Naui à prora ad puppim ambulet, in tali casu cum acquirit vnum Vbi per accidens ab illo non recedit, sed habet idē Vbi per accidēs, quòd prius cum Naui habebat, recedit verò per se à prora, & à præsentialitate ad proram, & acquirit nouam præsentialitatem ad puppim, quæ recessio à prora ad puppim stat cū eadē præsentialitate, quam habet Nauis ad suum locum, & Nauta, qui mouetur ad motū Nauis nō potest recedere, vel accedere, nisi Nauis recedat, vel accedat ad hunc vel illum locum.

Quartò, & sequentibus argumentis probatur Vbi, non esse relationem, quia ad relationem non est motus, ex Aristotele 5. Phys. t. 10. sed ad Vbi est per se motus: ergò Vbi non est relatio.

Respondetur ex Scoto quolib. ij. K. L. quòd Aristoteles loquitur de relationibus intrinsecus aduenientibus, quæ pertinent ad quartum prædicamentum, non autem de relationibus extrinsecus aduenientibus, & ratio est, inquit Scotus, quia relatio intrinsecus adueniens cum sequatur necessario extrema posita, nunquam potest ipsa per se acquiri, sed tantummodo per accidens, alio scilicet absoluto acquisito in altero relatorum, & talia, quæ non acquiruntur nisi per accidens, scilicet alio acquisito, negat Philosophus per se terminare motum, respectus autem non necessario consequens extrema potest habere propriam nouitatem absque nouitate vnus vel alterius extremi, & ita potest habere propriam acquisitionem, cuiusmodi est Vbi; & sic concessa minori, negatur Consequentia.

Quintò, si plures aeris superficies se compenetrarent, & sic compenetrata idē corpus ambirent, tunc Corpus haberet



beret plura. Vbi quia plures relationes ad plures superficies, quod est falsum, quia Corpus ita est in vno loco, si ambiatur ab vna superficie, quam si ambiatur à pluribus.

Respondent Meld. & Catibi n. 49. quòd plures superficies inuicem compenetratæ circa idem corpus, dicerentur idem numero locus, quia illud contineret cum ordine ad easdem partes diuinæ substantiæ, iuxta quem ordinem præferrim attendi debet vnitas loci, & multiplicitas.

*Responsio  
Meld. &  
Cat.*

Sed hæc responsio non soluit argumentum, quod procedit de Vbi intrinseco, non extrinseco, quod Vbi intrinsecum non dicit relationem ad partes diuinæ substantiæ.

*Confutatio*

Præterea sibi contradicunt, quia sustinent immobilitatem, quæ secundum ipsos est per ordinem ad partes diuinæ substantiæ non esse de essentia loci, & hic dicunt locum habere vnitatem ab hoc ordine ad partes diuinæ substantiæ: Tunc sic. A quo aliquid habet vnitatem, ab eo habet entitatem, quia vnitas est passio entis; sed per vos locus habet vnitatem ab ordine ad partes diuinæ substantiæ, secundum quem locus est immobilis; ergò ab illo habet entitatem: ergò ille ordo & immobilitas esset de essentia loci. Dicerem ergò quòd tunc corpus non haberet vnum Vbi intrinsecum, sed plura, quia plures vbicationes, quæ plures vbicationes vtrique possunt dici Vnum Vbi extrinsecè, quia essent terminatæ ad plures superficies, vt habent præsentialitatem ad idem numero spatium, & hoc non esset inconueniens.

*Contradictio  
Meld.  
& Cat.*

*Responsio  
Auctoris.*

Sextò, si existente corpore circumscriptiuè in loco, Deus annichilaret superficiem ambientem, tunc corpus non esset præsens per relationem ad superficiem, quia illa esset annichilata: ergò per aliam præsentiam absolutam.

Respondeo quòd corpus remaneret præsens spatio, sed negatur, quòd hæc præsentialitas sit entitas absoluta, sed esset

esset relatio ad spatium imaginarium; & Argumentum nihil valeret, loquendo de Vbi circumscriptiuo.

### CONCLUSIO QUARTA.

*Corpus est in loco circumscriptiuè tantum per quantitatem.*

Est Scot. 2. d. 2. q. 6. C. & quol. ij. B. & alibi sæpè.

#### *Opinio Aliorum. Caput Primum.*

*Opinio  
Meld. &  
Cat.*

**M**Eld. & Cat. in hac disputatione q. 5. 2. p. numu. 66. sustinent, quòd Vbi circumscriptiuum est ratio formalis essendi in loco circumscriptiuè, corporeitas verò ratio fundamentalis, si intelligatur Vbi, quòd affert tantum præsentiam extensam; si verò vltra hoc addat impenetrabilitatem naturalem, ratio fundamentalis essendi in loco circumscriptiuè est sola quantitas, & hoc quia sustinent substantiam materiale habere dimensiones sine quantitate: Vnde ratio fundamentalis essendi in loco circumscriptiuè penetrabiliter est corporeitas ex Scoto quol. ij. a. p, impenetrabiliter verò est sola quantitas, in quo sensu loquitur Scotus 4. d. 10. q. 3. Sed ista opinio est omninò falsa in via Aristotelis, & Scoti, & est confutata in disputatione de Continuo, vbi pluriès ostenditur substantiam, & accidentia materialia sine quantitate non esse extensa, & quòd nullum potest dari extensum, quin sit naturaliter impenetrabile.

*Fuit confu-  
tata in di-  
spu. de Con-  
tinuo.*

*Ostenditur  
mala Scoti  
intelligen-  
tia.*

Præterea falsum est, quòd Scotus quol. ij. B. quando dicit, quòd corporeitas est ratio fundamentalis respectu huius, quod est locabile, & respectu huius, quòd est locari, intelligat corporeitatem esse aliquid distinctum à quantitate, idem enim est in proposito esse corporeum, & quantum, quia datur Corpus de genere quantitatis, quòd dicitur



citur corpus dimensionatum secundum longitudinem, latitudinem, & profunditatem, & hoc patet ex eodem Scot. 2. d. 2. q. 6. C. vbi habet quod esse in loco circumscriptiue competit corpori in quantum quantum, vel in quantum corpus, vbi esse quantum, & corpus accipitur à Scoto pro eodem, quia esse quantum, & esse corpus de genere quantitatis idem sunt.

Præterea situs de prædicamento situs præsupponit positionem, quæ est differentia quantitatis ex Scoto 4. d. x. q. p. M. Sed omne corpus circumscriptiue locatum est necessario situatum ex istis scriptoribus ibi n. 71. ergo substantia materialis non potest esse locata, nisi sit situata; sed non potest esse situata, nisi habeat positionem, quæ est differentia quantitatis, & per consequens quantitatem; ergo non potest esse locata hoc modo, nisi habeat quantitatem; ergo vanum est, & contra Peripatericos Scotistas distinguere de duobus sitibus, quorum vnum cor- respondeat Vbi corporeo, & alter cor- respondeat Vbi quantitativo, cum Vbi corporeum, & quantitativum sint vnum, & idem, & cum substantia sine quantitate non sit extensa, nec situata, quia situs, vt dictum est ex Scoto loco citato, qui est prædicamentum, necessario præsupponit quantitatem.

*Cōfutatio  
efficacissi-  
ma.*

*Sententia Auctoris. Caput Secundum*

*Corpus est in loco circumscriptiue tantum per quantitatem.*

Est Scot. 2. d. 2. q. 6. C. & quolij. B. & alibi sæpè.

**P**ro cuius declaratione Not. Primò, quod corpus aliud *Corpus est* est naturale, & est omne constitutum ex materia, & *duplex.* forma, ad cuius entitatem sequitur necessario quantitas; Aliud est Artificiale, & hoc est compositum ex naturali  
Cc cor-

corpore, & accidente arte fabricatum; vt statua, quod cum sit vnum per accidens non potest per se moueri, & locari, sed tantum per accidens ratione materiae, & corporis naturalis inclusi; Statua enim non mouetur deorsum, nisi quia lignea, vel terrea est, & est in loco solum ratione quantitatis ligni, vel terrae; In praesenti est sermo de corpore naturali.

*Corpori su-  
blunari  
sex conue-  
niunt.*

Secundò notatur ex Sco. 2. d. 2. q. 6. C. G. H. quòd cuilibet corpori praeter vltimum, cuius non est aliud extra continens sex conueniunt. Primò esse in loco. Secundò esse in loco actuali. Tertiò esse in loco determinato. Quartò esse in loco commensuratiuè. Quintò esse in loco determinato hoc, vel illo. Sextò esse in loco naturaliter, vel violenter: quatuor prima conueniunt corpori in quantum quantum, vel in quantum corpus. Quintum competit corpori ab agente locante, quia scilicet agens naturale non habet virtutem locandi idem corpus in diuersis locis. Sextò competit corpori in quantum est corpus naturale, scilicet in quantum habet formam substantialem determinatam, & qualitates determinatas, & vt sic natum est ab aliquo locante conseruari, & saluari, & ab aliquo corrumpi, & quando continetur ab vltimo illius, quod natum est ipsum saluare, dicitur esse in loco naturali, licet naturalitas multum accadat rationi loci.

*Esse in lo-  
co intelli-  
gitur du-  
pliciter.*

Tertiò Not. ex Scoto 2. d. 2. C. D. quòd esse alibi in loco potest intelligi dupliciter. Vno modo circumscriptiuè id est esse in loco modo extenso, & hoc competit tantum habenti quantitatem; Alio modo diffinitiuè, & est esse ita hic, quod non alibi, id est esse in loco determinato; & hoc competit non habenti quantitatem: Sco. enim habet ibi, quòd Angelus, qui non est quantus, est in loco diffinitiuè, non circumscriptiuè, vt innuat rationem essendi circumscriptiuè esse solam quantitatem etiam in substantijs materialibus, quia inquit, quòd si materia esset sine forma, esset in loco

loco diffinitiuè, sicut Angelus, qui cum non sit quantus, non est in loco circumscriptiuè.

Quartò Not. quòd duplex est ratio formalis: Alia est ratio formalis proxima, Alia est ratio formalis remota, & fundamentalis ex Scoto 4.d.10.q.3.C. & d.13.q.3.P. Ratio formaxis proxima dicitur potius ratio denominandi, vt simile est simile similitudine, tanquam ratione formali proxima denominandi. Ratio formalis remota est fundamentum proximum relationis, seu ratio fundandi relationem, vt qualitas, quæ est ratio fundandi similitudinem est ratio essendi simile; sic in proposito quantitas est ratio remota, & fundamentalis essendi in loco, vbi verò passiuum est ratio formalis proxima essendi in loco denominatiuè; Et causa istius multipliciter rationis formalis accidit quando aliquod abstractum in ablatiuo construitur cum aliquo concreto denotante respectum ex Sco. 4.d.13.q.3.P. Hæc enim est vera, inquit Scorus simile est simile similitudine, intelligendo ablatiuum construi in ratione formæ proximè denominantis; Et hæc est vera simile est simile qualitate intelligendo ablatiuum construi in ratione principij formalis remoti. Tamen hæc ratio proxima formalis, vt innuit Sco. locis priùs cit. non dicitur propriè ratio essendi, sed ratio denominandi, ratio verò fundamentalis, seu ratio proxima fundandi dicitur propriè ratio essendi; Vnde quantitas erit ratio propriè essendi in loco circumscriptiuè, quia nihil actualiter extenditur, nisi sit quantum, vt diffusè probatum est disput. de Continuo: Vbi verò, siue circumscriptio passiuæ est ratio denominandi, idest est qua corpus quantum denominatur esse in loco. His not.

Probatur Conclusio, omne illud, quòd est corpori ratio extendendi, idem erit ratio formalis essendi in loco circumscriptiuè, patet, quia esse hoc modo in loco, est esse extensiuè in loco; sed sola quantitas est ratio formalis, per quam corpus extenditur, & facit latera continetis dista-

Quæ-  
plex sit ra-  
tio forma-  
lis, & quid  
sit.

re ex Sco. 2. d. 2. q. 6. C. ergò quantitas est præcisa ratio formalis essendi in loco circumscriptiuè.

*Argumenta contra hanc conclusionem & Respõs. sunt in disp. de Continuo.*

Contra hanc conclusionem sunt omnia argumenta Mel. & Cat. probantium, substantiam sine quantitate esse extensam; sed omnia adæquatè sunt soluta disputat. de Continuo; Et ideò ne multoties idem repetatur; relinquantur.

### CONCLUSIO QUINTA.

*Corpus existens circumscriptiuè in loco nullo modo potest habere cum suis partibus essentialibus, & accidentalibus materialibus, nisi tantum unum Vbi.*

Est Sco. 2. d. 2. q. 6. E. G. H. & 4. d. x. q. 6. f. & omnibus in locis; in quibus asserit substantiam esse tantum diuisibilem, & extensam per quantitatem.

### Opinio Aliorum. Caput Primum.

*Opinio Mel. & Cat.*

**M**Eld. & Cat. disp. ij. q. 5. a. p. nu. 67. & infra sustinent; quòd loquendo de Vbi circumscriptiuo, solum præsentiam diuisibilem afferente, siue impenetrabiliter, nedum multiplicandum est Vbi pro earum rerum multitudine in ordine ad partes virtuales diuinæ substantiæ, aut ad spatium, sed etiam in ordine ad superficiem ambientem, ita quod quando corpus est in loco, non solum partes essentielles, sed etiam omnia accidentia materialia in ipso habent proprium Vbi.

*Ostenditur aliter opinio.*

Sed hæc opinio nititur falso fundamento cum præcedenti, quia sustinent substantiam, & omnia accidentia materialia habere sine quantitate propriam extensionem impenetrabilem, quod improbatum est disp. de Continuo.

Suppo-

Supponit etiam vnum falsum, quòd Vbi circumscripti-  
uum dicat ordinem ad partes virtuales diuinæ substantiæ,  
vel ad spatium, quia Vbi circumscriptiuum dicit tantum  
relationē ad superficiē circūscribentē, partes. n. virtuales di-  
uinæ substantiæ, & spatium non possunt circūscribere.  
Contra hanc suam opinionem arguunt ipsis referentibus,  
Vasquez, & Ruuius. Illis debetur distincta per se præsen-  
tia, quæ mouentur localiter per se, quia Vbi est terminus  
morus, sed partes essentielles, & accidentia compositi non  
mouentur per se, sed per accidens ex Arist. 5. phys. cap. 1. &  
7. Top. cap. 3. & ex Scot. 2. d. 2. q. 6. E.

*Hæc opi-  
nio suppo-  
nit falsum.*

*Cōfutatō  
aliorn.*

Respondent quòd Aristoteles, & Scotus volunt intelli-  
gere, quòd partes, & accidentia in corpore non mouen-  
tur per se idest solitariē, quia hoc modo solū suppositum  
cuius sunt partes, & accidentia, mouetur per se, & per se  
locatur, non tamen per accidens moueri dicuntur, & loca-  
ri, eò quia non recipiant in se intrinsecè motum, & termi-  
num motus, sic enim per se mouetur non minus, quam  
totum, & ita colligitur, inquiunt ex Scot. 4. d. 10.  
q. 6. D.

*Responsio  
Meld. &  
Cat.*

Sed hæc ratio est contrà Aristotelem, & Scot. locis  
citatis: Nam Aristot. 5. phys. cap. 1. dicit, quòd illud muta-  
tur per accidens, quod coniungitur illi, quod per se mu-  
tatur, & excludit quamcumque mutationem per se, quia  
dicit, quòd musicum non ambulat, sed illud, cui accidit  
musica, sed non potest musica aliquo modo per se deambu-  
lare: ergo hic Aristoteles intelligit, quòd accidens in su-  
biecto mouetur per accidens absolutè, vt excludit om-  
nem perseitatē. Item falsum est, quòd Arist. in 2. top.  
cap. 3. dicat ea, quæ sunt in mobili non moueri per se, idest  
solitariē, quia intelligit, quòd omninò mouentur per acci-  
dens: Nam loquitur de Ideis, quæ ab aliquibus ponun-  
tur in nobis, & illas immobiles esse, & dicit, quòd si sunt in  
nobis, accidit eas moueri, & reddit rationem, quia motus  
nobis

*Confutatio  
tāquā  
contra A-  
rist. & Sco-  
locis ab ip-  
sis citat.*

nobis necessarium est, & quæ in nobis sunt omnia simul moueri; ergò non intelligit Aristoteles, quòd Ideæ in nobis sint mobiles per accidens, idest solitariè, quia supponuntur immobiles per se.

Nec Sco.4.loco ab ipsis cit. dicit quòd partes, & accidentia totius moueantur per accidens; idest non solitariè, tamen per se recipiant Vbi, sed totum oppositum elicitur ex dictis eius; Inquit enim quòd illud, quod non potest mouere aliquod, si esset per se, nec potest mouere illud per accidens, quando est coniunctum cum alio, cum quo non facit vnum sicut actus, & potentia, quia & si aliquod, quod est actus alicuius non posset per se moueri ab aliquo, tamen posset moueri per accidens ab eodem potente mouere totum, cuius est iste actus; ex quibus elici tantum potest, quòd dicit Aristoteles, scilicet quòd *illud simpliciter* mouetur per accidens, quod est coniunctum alicui quod per se mouetur; etiam si illud, quod coniungitur non sit actus, vel potentia, sed aliquod totum, & dat exemplum Sco.de Corpore Christi, & Hostia, & littera E.F. de Ang.& lapide. Vnde saltem secundum Aristotelem, & Scot. illud mouetur per accidens, vt excludit omnem perfectitatem, quòd est in eo, quod per se mouetur, vt patet ex Sco.loco cit. f. vbi respondendo ad illam propositionem: quod mouet aliquod per se, mouet per accidens quicquid est in illo. Respondet. *Ad primum dico, quòd illa propositio falsa est, nisi intelligatur de illo, quod est in moto, vel sicut actus in potentia, vel sicut pars in toto, vel sicut aliquod necessitate naturali coniunctum.* Hæc Sco. & subiungit, quòd illa propositio est falsa, quando illud quod coniungitur per se mobili, coniungitur per eius voluntatem, & non est in potestate mouentis, vt mouens hostiam, non mouet per accidens Corpus Christi in hostia, & mouens lapidem, cui est præsens Angelus, non mouet per accidens Angelum: Quare si Angelus, & Corpus Christi essent in potestate vir-

Quod mouet ali-  
quid per  
se, mouet  
per acci-  
dens quic-  
quid est in  
illo, quo-  
modo in-  
telligatur

tutis



entis motiue Sacerdotis, vel mouentis lapidem, etiam in sententia Scoti moueret Corpus Christi, & Angelum per accidens, & tamen Corpus Christi, & Angelus haberet propriam rationem mouendi, & locari; & Sco. 2. d. 2. q. 6. E. declarando motum quomodocumque per accidens, dicit quod illud mouetur quomodocumque per accidens, quod mouetur per aliud, nam primò corpus mouetur, & per hoc superficies, & per hoc Albedo, & per hoc similitudo, ex qua doctrina Scoti formo Argumentum.

Quicquid est in aliquo, quod mouetur per se, vel tanquam pars, vel tanquam actus, & potentia, mouetur per accidens, vt excludit quamcumque perfectitatem, quia mouetur ad motum alterius; sed partes essentielles, & accidentia sunt huiusmodi; ergò mouentur omninò per accidens, & per consequens quicquid est in loco per locationem alterius, non per se locatur, sed per accidens: Nam vtrique manifestum est, quod est in alio non esse solitariè, sed quia est in alio, idè mouetur per accidens, quia ad motum alterius, & quod locatur ad locationem alterius, omninò per accidens locatur, & per consequens quando corpus locatur, nullo modo potest esse nisi vnum Vbi corporis, & omnium eorum, quæ sunt in corpore locato.

Secundò Arguitur. Si Vbi in corpore multiplicaretur ad multiplicitatem eorum quæ sunt in corpore, dum locatur, mouetur, non vno motu moueretur, sed tot quot sunt eius partes. Cōfutatur 2.

Respondent quod sicut in composito sunt plures partiales entitates, ex quibus vnum totum coalescit, ita motus totius suppositi tot motus quasi partiales includit, qui terminantur ad plura Vbi partialia, ex quibus coalescit vnum Vbi vnitatis integritatis, & aggregationis, per quod suppositum dicitur esse in vno loco, & vno motu ad vnum locum moueri. Responsio  
Meld. &  
Cat.

Con-

**Confutatur 1.**

Contra ergò, tam Vbi actiuum, quàm passiuum erit vnum per accidens, quia vnum aggregatione, ergò non poterit definiri, quia solum vnum per se est definibile.

**Confut. 2.**

Item sequeretur, quòd superficies circumscriberet corpus, quia partes superficiei circumscriberent, & corpus esset circumscriptum, quia partes corporis essent circumscriptæ, & sic locus locaret, quia partes loci locarent, & corpus esset locatum, quia partes corporis essent locatæ.

**Confut. 3.**

Præterea, Vbi est fundamentum propinquitatis, & distantiae ex Scot. 4. d. 10. q. 2. R. & ipsi confirmant in hac Disputatione num. 40. quæ propinquitas, & distantia sunt etiam secundum ipsos relationes intrinsecus aduenientes; sed relatio realis intrinsecus adueniens, cum sit vna entitas per se, non potest fundari in vno per accidens; ergò Vbi fundans talem relationem non erit vnum aggregatione, & per accidens, sed vnum per se. Ergò Vbi erit relatio actu per se fundata in toto corpore locato, & terminata ad totam superficiem locantem.

**Confut. 4.**

**Ostenditur contra dictio.**

Præterea sibi contradicunt in hoc articulo num. 71. vbi dicunt, quòd Vbi differt à situ, vt colligitur ex Sco. 4. d. 10. q. p. M. quia Vbi passiuum resultat in re locata ex habitudine ad totum locum, situs verò ex habitudine partium rei locatæ ad partes loci, & loquuntur de Vbi in communi ad Vbi, quod affert penetrabilitatem, & ad Vbi quod affert impenetrabilitatem; ergò Vbi passiuum erit relatio totius corporis ad totum locum; ergò vna relatio per se, & non vna aggregatione ex pluribus Vbi partialibus, hoc est enim ridiculum, & vanum in doctrina Aristotelis, & Scoti.

**Confut. 5.**  
**ad hominem.**

Præterea ad hominem. Si Vbi corporis esset vnum aggregatione ex pluribus Vbi partialibus; ergò non differret Vbi à situ, quod est contra ipsos loco iam citato probato Consequentiam, quia situs non est nisi ille ordo partium loca-

locatè ad partes loci, qui ordines sunt Vbi partialia, & sic Vbi nihil addit supra situm.

Item arguo. Ego immediatè contra Conclusionem. Penetrabilitas naturalis est passio substantiæ materialis impenetrabilitas est passio quantitatis, vt ipsi dicunt. ergò Vbi non potest afferre penetrabilitatem, vel impenetrabilitatem, quia illam supponit in fundamento; Relatio enim supponit fundamentum, passiones eius, & quicquid consequitur naturam eius; ergò Vbi abstrahit à penetrabili, & impenetrabili, cum relatio non sit penetrabilis, vel impenetrabilis; ergò superfluè fingunt duo Vbi. Vnum correspondens substantiæ materiali secundum propriam extensionem corporalem, & aliud correspondens substantiæ Quantæ. Sed hoc prouenit ex falso fundamento, quia volunt sustinere substantiam sine quantitate esse extensam, latam, & profundam, quòd Peripateticis, & Scotistis est omninò inaudibile, vt patet in disputat. de Continuo: Præterquam quòd si etiam partes corporis, & eius accidentia haberent propriam quantitatem, secundum quam separata possent per se locari, attamen quia sunt in corpore, mouentur, & locantur ad motum, & locum corporis, & sic per accidens, quia per aliud, & hoc

*Confutatur  
immediatè  
opinio Mel.  
& Cat.*

Probo ad hominem, quia isti Scriptores in hac disputatione num. 17. in fine, dicunt, quòd si vesica arena plena in flumen proijcitur; tunc arena non per se mouetur, & non esset in alio, & alio loco, quia tunc non moueretur, vt àliquod totum, sed tantum moueretur, & esset in loco per accidens ratione totius constantis ex continente, et contento.

Tunc sic; sed partes essentielles, & accidentia corporis quando corpus mouetur, non habent rationem totius; ergò partes essentielles, & accidentia corporis mouentur tantum per accidens ad motum corporis.

Nec valet dicere, quòd mouentur per accidens, idest

Ad non

non solitarie, tamen per se mouentur secundum propriam rationem, quia tunc arena in Vesica circumscripta à superficie Vesicæ per se mutaretur, & reciperet aliud Vbi existens circumscripta ab eadem superficie Vesicæ, quod ipsi negant: Et maxime argumentum vrget, quia tam Vesica, quam Arena habent propriam quantitatem, secundum quam separatim possunt esse in loco circumscriptiue impenetrabiliter.

Præterea quod accidentia materialia semper moueantur per accidens, & per consequens quod semper sint in loco per accidens est manifestè Aristot. quarto phys. s. r. 32. ubi asserens, quod aliqua mouentur per se, aliqua per accidens, & quæ mouentur per accidens, alia possunt moueri per se, ut partes in corpore, alia nunquam possunt moueri per se, sed semper per accidens, ut Albedo, & scientia: ergo secundum Aristotelem non possunt moueri per se, sed tantum quia in aliquo sunt, quod per se mouetur: Hæc sunt verba clarissima Aristotelis. Est autem quod mouetur aliud quidem per se actu, aliud verò per accidens: Eius autem, quod secundum accidens, aliud quidem potest moueri per se, ut partes corporis, & in Nautigio clauis, alia verò non possunt, sed semper secundum accidens, ut albedo, & scientia, hæc enim sic mutantur secundum locum, quia id, in quo sunt, mutatur. Hæc ille.



*Sententia Auctoris. Caput Secundum*

*Corpus existens circumscriptivè in loco nullo modo potest  
habere cum suis partibus essentialibus, & acciden-  
talibus materialibus, nisi tantum  
vnum Vbi.*

Est Sco. 2. d. 2. q. 6. E. G. H. & 4. d. x. q. 8. f. & omnibus in locis,  
in quibus asserit substantiam esse tantum diuifi-  
bilem, & extensam per quantitatem.

**P**RO cuius declaratione Not. quòd mobile per se est illud, <sup>Mobile du-</sup>  
ad motum cuius alia mouentur, mobile verò per ac- <sup>plex per se.</sup>  
cidens, quod mouetur ad motum alterius; sic illud erit in <sup>& per ac-</sup>  
loco per se, ad cuius locationem cetera locantur. Illud <sup>cidens.</sup>  
verò erit in loco per accidens, quod locatur ad locationem  
alterius: In proposito corpus dicitur mobile, & locatum  
per se, partes verò essentialis, integrales, & accidentia  
corporis dicuntur mobilia per accidens, & locata, maxime  
sustinendo cum Scoto substantiam, & accidentia quæcum-  
que non habere extensionem sine quantitate, & nullam  
posse dari extensionem nisi naturaliter impenetrabilem, ut  
diffusè dictum est in disputatione de Continuo. Hoc  
not.

Probatur Conclusio Primò. In quibus reperitur tantum  
vna ratio essendi in loco, illa non habent nisi vnum Vbi, &  
non locantur, nisi ad locationem illius, quòd habet illam  
rationem essendi in loco; sed partes essentialis corporis, &  
accidentia eius non habent nisi vnā rationem essendi in  
loco, quæ corpori competit; ergò non habent nisi vnum  
Vbi, & non locantur nisi ad locationem corporis, minor  
probat, quia ratio essendi in loco est præcisè quantitas  
ex Sco. 2. d. 2. q. 6. C. quæ tantum corpori competit.

Dd 2 Sc.

Secundò, quòd mouetur, vt alquod totum, mouetur per se, & quod mouetur vt pars illius totius, vel aliquid illius, mouetur tantum per accidens ex Aduersarijs Scotistis in hac disputatione num. 17. Sed corpus est totum, partes essentielles, & accidentia in toto non mouentur, vt totum: ergò solum corpus mouetur per se, partes verò, & accidentia tantum per accidens: ergò omnia ista simul cum toto non possunt habere, nisi tantum vnum Vbi.

*Arguunt* Contra arguunt Meld. & Cat. in hac disputatione nu' 69.  
*Meld. & Cat.* Conseruari potest quantitas cum eodem suo Vbi, ablata substantia, & è conuersò, substantia sine quantitate modo extenso, & diuisibili ob suam extensionem entitatiuam, & eodem modo etiam conseruari potest albedo, ablata substantia, & quantitate; ergò signum est, quòd vnumquodque illorum habet proprias præsentias, & vbicationes.

Confirmatur ex mysterio Eucharistiæ, vbi credimus accidens remanere cum eadem præsentia ad spatium, quam prius habebant, quando erant in subiecto: ergò cum ex vi consecrationis nulla fiat in eis variatio quòd ad locum, & præsentiam in loco, fatendum est, quòd non erant in loco per præsentiam subiecti, sed per propriam Vbicationem.

Respondeo negando, quòd quantitas possit conseruari cum eodem suo Vbi, ablata substantia, quia quantitas cum substantia non habebat locum, sed erat ratio essendi in loco, & ratio essendi in loco non est locatum, etiam secundum ipsos. Item falsum est, quòd substantia, & albedo sine quantitate possit conseruari cum modo extenso, & diuisibili, quia sola ratio extendendi est quantitas, substantia verò, & accidentia materialia sunt tantum per accidens extensa ratione quantitatis ex Sco. pluribus in locis citatis in disputatione de Continuo; quare falsa est Consequencia, quia illa accidentia habebant tantum præ-



præsentiam circumscriptiuam per accidens, & locabantur, ad locationem corporis quanti.

Ad Confirmationem Respondeo; quòd in mysterio Eucharistiæ non credimus, quia falsum crederemus, accidentia remanere cum eadem præsentia circumscriptiua, nec ad spatium, quam prius habebant, quia nullam habebant, nisi per accidens; Ad Consequentiam respondeo, quòd ex vi consecrationis fit variatio quòd ad locum, quia quæ erant in loco per accidens, fiunt in loco per se, quia accidentia sine substantia habent rationem per se locati, & sic fatendum est, quòd in subiecto habebant Ubicationem; Nec valet dicere quòd si quantitas V. G. sine subiecto habet propriam Ubicationem, ergo etiam in subiecto habebit illam, quia quod est in alio tanquam pars essentialis vel potentia, vel actus, non potest moueri, vel locari nisi ad locationem illius, in quo sunt ex Scoto 2.d. 2.q.6. E. & 4. d. x.q. 6.D.

*Arguit Auerſa.*

Secundò arguit Auerſa, si corpus hic existens replicaretur à Deo in alio loco sine aliqua sua forma accidentali, quam hic habet V. G. sine albedine, & deinde etiam ipsam albedinem replicet in corpore, alibi existente, utique in hac consequenti replicatione fit sola præsentia formæ in illo secundo loco; Vnde & ibi erit per suam distinctam præsentiam, & non erit præſens ad præsentiam corporis.

Respondeo quòd licet Deus posset replicare corpus sine albedine, quam hic habebat, & replicaret illam albedinem in corpore alibi existente, falsum est quòd in illo secundo loco fiat tantum præsentia formæ, & sit ibi per suam præsentiam distinctam, quia si forma, ut albedo solitarie accepta replicaretur in corpore alibi existente, prius intelligeretur replicata in corpore, quam fieret præſens loco, ac propterea locaretur ad locationem corporis, & non per propriam præsentiam; Et si etiam concederetur hoc falsum, quòd ibi esset albedo per propriam præsentiam, nunquam tamen locaretur circumscriptiuè, quia albedo, & quodcumque

que ens non potest esse extensum, nisi ratione quantitatis, quæ soli corpori competit, & idèd omnia, quæ sunt in corpore quanto, locantur circumscriptivè ad locationem illius, & per consequens non poterit esse nisi vnum Vbi circumscriptivum corporis locati, & omnium eorum, quæ sunt in corpore.

*Arguit Amicus.*

Tertiò Arguit Amicus; si aliquod accidens de novo produceretur in subiecto, non potest dici fieri prætens eidè loco per Vbi ipsius quætitatis, quia modus non potest modificare, nisi rem, quam afficit, quia forma non potest denominare, nisi subiectum in quo est, ergò

Respondeo negando Antecedens; Et cum probatur, quia modus non potest modificare, nisi rem, in qua est, negatur, quia non solum quantitas denominatur alba per albedinem, sed albedo dicitur quanta, & extensa per quantitatem, & Vbi modificat albedinem per accidens, & omnia, quæ sunt in corpore, quia denominando corpus esse prætens, denominat omnia, quæ sunt in corpore esse præsentia, & sic omnia ista locantur ad locationem corporis.

### CONCLUSIO SEXTA.

*Ultima Sphæra non est in loco.*

Est Sco. 2. d. 2. q. 6. C. & quol. ij. B.

*Opinio Aliorum. Caput Primum.*

**M**Eld. & Cat. in hac disp. cōveniunt in eadem assertione sed ut videantur in aliquo singulares, ferè semper in illo contradicunt Scoto. Nam num. 54. asserunt Doctores male Scotizare, qui dicunt ultimam sphæram esse in loco quò ad locare ex Sco. quol. ij. cum sit manifesta contradictio, quia nun-

*Opinio  
Meld. &  
ar.*

nunquam continens est in contento tanquam in loco, sed dicit Scotus, quod vltima sphaera mouetur localiter, quoad locare.

Sed si rectè Scotum inspexissent, oppositum inuenissent; Nam Scotus loco ab ipsis citato quol. ij. C. habet hæc verba: *Si primum Cælum mouetur tantum secundum locare, & non secundum locari, Cælum erit in loco per centrum, quia suum esse in loco est locare locabile fixum in loco*; Hæc Sco. qui colligit, quod ex quo primum Cælum mouetur localiter secundum locare, sicut etiam est in loco secundum locare; Et sic secundum Scotum esse in loco potest accipi dupliciter: Vno modo actiue scilicet secundum locare, alio modo passiuè, scilicet secundum locari, quod est ab alio contineri; Cælum autem primum cum non habeat continens, sed tantum contineat, erit in loco actiue, non passiuè, & secundum locare, non secundum locari.

*Confut. 1.  
Infideliter  
adducunt  
Scotum.*

Præterea motus localis terminatur ad locum, sed motus vltimæ sphaeræ est localis, ergo terminatur ad locum, non passiuum; ergo actiuum; ergo suum esse in loco erit locare, non locari.

*Confut. 2.*

*Sententia Auctoris Caput Secundum.*

*Vltima Sphaera non est in loco.*

*Est Sco. 2. d. 2. q. 6. C. & quol. ij. B.*

**P**ro cuius declaratione Not. Primò ex Sco. quol. ij. loco cit. quod esse in loco potest intelligi tripliciter; vno modo actualiter, & est actu fundare relationem circumscriptionis ad locum, seu ad superficiem ambientem, vel a quacunque fundare relationem præsentia ad spatium, loquendo de loco non simpliciter reali, sed imaginario; Alio modo esse in loco potentialiter, & est non habere repugnantiam ad

*Esse in lo-  
co potest  
accipi tri-  
pliciter.*

ad esse circumscriptum, sicuti est vltimum Cælum, quod licet actualiter non circumscribatur ab alio Cælo, quia est vltimum, tamen sibi non repugnat circumscribi, quia si Deus aliud Cælum crearet, circumscriberet actualiter Cælum, quod nunc est vltimum. Tertio modo aptitudinaliter, & est habere aptitudinem ad locari, & hoc conuenit omni corpori, omne enim corpus est aptum locari, & circumscribi ab alio.

Secundò Not. quòd cum motus localis non possit esse sine termino, qui est Vbi, & cum duplex sit Vbi, actiuum, & passiuum; motus ad Vbi passiuum erit motus omnium corporum grauium, & leuium, quæ de loco ad locum mouentur, qui motus dicitur rectus; Alter est motus ad Vbi actiuum, & est motus Cælorum, qui dicitur circularis, & motus circa corpus locatum; Vnde vltima sphaera cum non habeat corpus continens, sed illa contineat omnia corpora, non potest dici esse in loco, vt locus diffinitur ab Aristotele, nec in loco per superficiem conuexam, quia locus est extra locatum, & nihil est locati; Nec est in loco per partes, quia sicuti totum Cælum per se mouetur, totum Cælum est per se in loco, & non per aliud, erit igitur in loco secundum locare, sicut mouetur secundum locare, & non secundum locari; Et licet Cælum semper ambiat idem locatum, & dicat eandem relationem ad spatium, vel centrum, per quod Cælum vt locus, est immobile immobilitate opposita motui locali eorum, quæ motu recto mouentur, tamen dicitur moueri localiter, quia ambit idem locatum secundum diuersas præsentiæ omnium suarum partium per circumuolutionem, id est ambit idem locatum, sed circa illud diuerso modo se habet, dum circulariter mouetur, & ista habitio diuersorum, seu relatiō totius Cæli ad totum locatum secundum diuersas partium præsentiæ est terminus motus circularis, nec alio modo explicari potest. Vnde quando dico, quòd vltima sphaera non est in loco, intelligi-

*Vltima  
sphaera nō  
est in loco,  
vt de loco  
loquitur  
Arist.*

telligitur de loco passiuè , non actiuè .

Tertiò Not. quod aliter Philosophus, aliter Theologus loquitur de vltima sphæra ; Nam Aristoteles per vltimâ sphæram intellexit vltimam sphæram, quæ mobilis est localiter; Theologus verò intelligit Empyreum sedem Beatorum, quod est immobile ; vt Tataretus ait, quod si loquamur de sphæra secundû Theologos, cum sit immobilis, nullo modo erit il loco, sed loquendo secundum Aristotelem , vltima sphæra, quæ est mobilis, necessario est in loco, saltem quoad locare; Et ratio esse potest, quia motus localis terminatur ad locum : Dicerem tamen ego , quòd licet motus localis in sphæra ponat maiorem necessitatem ad asserendum vltimam sphæram esse in loco saltem quoad locare per eandem rationem, eò quia motus localis terminatur ad locum, tamen quia locare abstrahit à motu , etiam si vltima sphæra sit immobilis, semper dicitur locare , ac propterea indifferenter dicitur esse hoc modo in loco , siue moueatur; siue non ; Vtique verum est , quòd si sphæra moueatur, locat secundum diuersas præsentias partium, si verò non moueatur, locat secundum eandem partium præsentiam.

Quartò Not. quòd vltima sphæra potest dici esse in loco negatiuo, quia est præsens spatio negatiuo , quòd dicit negationem extrà genus , non quia repleat spatium , sed quia coexistit spatio sicut Meld. & Cat. dicunt in hac disp. q. 6. quòd Deus coexistit spatio imaginario ; Nec valet dicere cum istis Doctoribus ibi, quòd spatium imaginarium sit impossibile cum corpore , quia licet imaginarium spatium sit negatio corporis, potest itare negatio tanti corporis, quantum est corpus , quòd actualiter replet, vt dictum est de immobilitate loci ; Et sibi contradicunt in hac disp. n. 56. vbi habent, quòd loquendo in sententia illorum, qui dicebant spatium esse locum , tunc certum est omnia esse in loco: Intero ego: ergò omnia sunt in spatio , & sic spatium non est impossibile corpori : Præterea si spatium imagina-

E c rium

*Vltima  
sphæra est  
diuersa se-  
cundû Phi-  
losophos ,  
& Theolo-  
gos.*

*Vltima  
sphæra si-  
ue sit mo-  
bilis, siue  
non dici-  
tur esse in  
loco actiuè*

*Vltima  
sphæra po-  
test dici  
quod sit in  
loco nega-  
tiuè.*

*Contradi-  
ctio Meld.  
& Cat.*

rium esset impossibile corpori, non tamen esset impossibile esse extra corpus, sic enim Deus non esset extra Cœlum in spatiis imaginariis, quod est contra ipsos in hac disp. q. 6. per totum, quia sic non daretur spatium imaginarium: His not.

Probatur Conclusio. Quod non habet corpus extra se continens ipsum, non est in loco, sed vltima sphaera est huiusmodi; ergo non est in loco; maior patet, quia esse in loco est esse in continente, sed vltima sphaera, cum sit vltima, omnia continet, & non continetur: ergo non est in loco.

Contra Arguitur Primò. omne corpus est in loco secundum Arist. 3. phys. t. 54. & quarto phys. t. p. & 13. & maxime Cœlum t. 32. quia semper Cœlum mouetur localiter, & t. 45. explicat quomodo Cœlum sit in loco, & dicit, quod est in loco per accidens, scilicet per partes; ergo conclusio est expresse contra Arist.

Respondeo, quod Arist. in 3. phys. t. 54. cum dicit, quod omne corpus est in loco, loquitur de corpore sensibili, quod est sublunare, habet enim hæc verba: *Amplius omne corpus sensibile est in loco.* In 4. phys. t. p. volens probare, quod locus sit, probat per hanc famosam propositionem: *Est enim illud, quod sunt, omnes existimant alicubi esse:* sicut etiam famosè loquitur t. 13. & 32. quia putabant Antiqui Philosophi, quod non possit esse motus localis sine loco, si igitur Cœlum semper mouetur, maxime erit in loco: Ex quo elicit Arist. locum esse: Et cum in t. 45. dicit, quod Cœlum est in loco per partes, intelligit de Vniuerso, quia loquendo de vltimo Cœlo, dicit quod non est in loco, quia non habet aliud, quod contineat ipsum; vnde ad omnes Aristot. auctoritates responderi debet, quod quando Arist. dicit, quod Cœlum est in loco, vel loquitur de vniuerso, & sic est in loco per partes, quæ sunt corpora contenta ab vltima sphaera; vel non loquitur de vltima sphaera, quia talis secundum ipsum

sum Aristotelem non est in loco, cum non contineatur ab alio corpore; vel loquitur famosè secundum opinionem Antiquorum.

Secundò, vltimum Cælum mouetur localiter; ergò est in loco, in quo fit hic motus, quia locus inuentus est propter motum localem ex Aristotele 4. phys. tex 32.

Respondeo, quòd vltimum Cœlum mouetur localiter secundum locare, non secundum locari, & ideo est in loco secundum locare tantum ex Scoto quol. ij. C. motus enim vltimi Cœli est ad Vbi actiuum, non passiuum.

Tertiò Corporeitas est ratio essendi in loco circumscriptiuè; ergò omnia corpora sunt in loco necessariò.

Respondet Scotus quol. ij. B quòd corporeitas est ratio fundametalis respectu huius, quòd est esse locabile, & respectu huius, quòd est locari, quia cuius est potentia, eius est & actus: sed respectu primi scilicet locabilis est ratio necessaria, respectu secundi scilicet locari non est necessaria. Vnde hæc est per se Corpus est locabile; sed hæc: Corpus locatur: est per accidens: sicut Homo est risibilis: est per se secundo modo; hæc autem contingens: Homo ridet: quare negatur consequentia, quia corpus ratione corporeitatis necessariò est locabile, sed non necessariò locatur, quia potest stare corpus sine loco actuali, quia sine continente, vt patet de vltima sphaera.





## CONCLUSIO SEPTIMA!

*Duo corpora non possunt esse in eodem loco naturaliter.*

Est Scoti 4. dist. p. q. 5. f. & dist. 49. q. 16. A. B. C.

*Sententia Auctoris. Caput Vnicum.*

**P**RO cuius declaratione Not. primò, quòd idèd duo corpora naturaliter non possunt esse in eodem loco, quia sunt impossibilia, & sic vnum expellit necessariò aliud in eodem loco; qualis autem sit ista repugnantia, videtur esse diuersus Scotus locis citatis. Nam in 4. dist. 49. cit. dicit, quòd non potest esse formalis, quia talis inter qualitates solum reperitur, sed tantum dicitur virtualis, sed in 4. dist. 1. cit. dicit esse repugnantiam, & impossibilitatem formalem, habet enim, quòd corpora videntur habere impossibilitatem respectu eiusdem vbi, sicut qualitates contrariæ respectu eiusdem subiecti; sed si rectè doctrina Scoti perpendatur, nullam repugnantiam inuoluit: Nam cum dicit Scotus duo corpora esse impossibilia formaliter, sicut duæ qualitates contrariæ, non intelligit simpliciter, & quoad entitatem corporum, quia nec substantiæ, nec quantitati est aliquid contrarium secundum Aristot. in prædicamentis; sed intelligit similitudinariè, & in ordine ad expulsiõnem: Habet enim Sco. in 4. dist. p. cit. hæc verba: *Vbi cumque est formalis impossibilitas in Creatura, idest impossibilitas per formas, vnum illorum non expellit aliud ætine, sed tantum formaliter, agens autem inducens vnum effectiue expellit aliud effectiue, corpora autem videntur habere impossibilitatem respectu eiusdem vbi, sicut qualitates contrariæ respectu eiusdem subiecti; sicut ergò idem corpus effectiue inducit calorem, ita frigus expellit, non autem*

*Qualis sit repugnantia duorum corporum in eodem loco videtur Scotus diuersus, sed est vniformis.*

autem effectiue calor expellit frigus, sed tantum formaliter. Ita in proposito de expulsiōe corporis ad ubi per aliud corpus: Hac Scotus. Vult igitur dicere Scotus, quod duo corpora repugnant formaliter in eodem loco, quia vnum formaliter expellit aliud, idest per formam, quæ est quantitas, non autem effectiue, quia sic expellit mouens corpus ad eundem locum, in quo est aliud corpus, quod expellit, sicut vna qualitas contraria non expellit aliam effectiue, sed tantum formaliter; Cum hoc tamen stat, quod eadem duo corpora sint in eodem loco virtualiter impossibilia: Vnde.

Secundò Not. ex Scoto 4. dist. 49. cit. quod aliqua possunt esse repugnantia dupliciter, scilicet formaliter, & virtualiter. Virtualiter repugnat causa naturalis, & oppositum sui effectus V. G. si Cœlum de hac materia produceret vermem, & si agens fortius superueniret, & in eandem materiam induceret formam aliquam oppositam formæ vermī, istud superueniens virtualiter opponeretur Cœlo: formalis verò repugnantia est illorum, quæ secundum se, & suos effectus opponuntur, vt albū, & nigrum, sed in proposito inter dimensionē, & dimensionē non est repugnantia formalis, quia talis non est nisi respectu eiusdem subiecti, si ergo sunt repugnantia, hoc non est nisi respectu loci, ex eo scilicet quod locus est spatium capax corporis, & vnum corpus replet, locum vnum quantum natus est repleri, & per consequens aliud corpus quo ad hoc opponitur sibi, quia non potest habere suum effectum in illo loco, eò quia non potest replere locum, cum sit repletus: opponuntur igitur virtualiter, idest per effectus eo modo, quo quantitas potest habere efficientiam in loco, quæ est replere locum; Nam posita repletionē loci ab vno corpore, vt dictum est, aliud corpus non potest replere locum, quia iam repletus est quantum natus est repleri.

*Quid sit repugnantia formalis, & virtualis.*

*Corpus opponitur alteri in eodem loco virtualiter.*

Tertiò Not. pro quibusdā apparentibus experiētiis, quæ solent

*Doctrina  
pro appa-  
rentibus ex-  
perientijs  
contra con-  
clusionem.*

solent adduci ab omnibus ferè scriptoribus contra huiusmodi conclusionem, quòd cum notum sit naturaliter duo corpora non posse in eodem loco existere, si aliquando videantur simul esse, est quia decipitur sensus; Aliquando enim simul videtur esse vinum cum pane, ignis simul cum ferro, spiritus vitalis cum partibus animalis, sed, ut innuit Sco. quarto dist. 49. q. 16. cum omnia terè corpora habeant quasdam partes solidas, & quasdam porrosas, vnum corpus in partibus porrosis alterius corporis existit, ut der in porris, vel spiritus tenuiores alterius corporis extrahuntur. Aliquando videtur esse aqua simul cum farina, sed hoc non fit per penetrationem, sed per iuxta positionem: Aliquando in condensatione videntur partes corporis simul penetrari, cum magis dicantur consistipari, & constringi: Aliquando videtur ventus simul cum aere esse cum, tamen ventus ab aere non differat, vel si ventus est exalatio calida, & sicca circa terram lateraliter mota, & ab aere differt, scindit partes aeris, & aerem expellit; Aliquando videtur cinis esse simul cum aqua in aliquo vase, sed tunc extrahuntur tenuiores partes cineris, & in porris partium solidarum cineris etiam immittitur aqua: Aliquando partium metallum videtur esse simul cum aqua in eodem vase, & tamen aqua cedit metallo intumescendo, & si labia vasis madefiant, statim dilabitur aqua: Ex quibus experientiis potius dignoscitur duo corpora naturaliter non posse simul esse in eodem loco, sed vnum necessario expellere aliud. His notatis.

Probatur Conclusio. Duo corpora sunt quanta; ergò impenetrabilia naturaliter, quia quantitas est ratio impenetrabilitatis naturalis, effectus enim formalis corporis quanti est expellere aliud in eodem loco, quia vnum corpus replet locum quantum natus est repleri.

Contrà arguitur primò. Plura accidentia materialia eiusdem corporis sunt ad inuicem compenetrata cum eo in eodem

eodem spatio, ut patet de albedine, & dulcedine in lacte.

Respondent Meld. & Cat. in hac disp. num. 104. contra se ipsos, & optimè, penetrationem propriè spectare ad res corporeas distinctas quantitatem habentes, qualia non sunt plura accidentia materialia eiusdem corporis, quæ vnica quantitate extenduntur, & ideo propriè dici non debent ad inuicem compenetrata, sed potius simul esse in eodem subiecto.

Responso  
Meld. &  
Cat.

Sed hæc responsio includit contradictionem in doctrina ipsorum, quia sustinent accidentia materialia habere propriam extensionem sine quantitate: ergo non extenduntur, ut hic dicunt, vnica quantitate, aliter huiusmodi accidentia non haberent propriam extensionem.

Confutatur. & est  
ditur con-  
tradictio.

Nec possunt respondere, quod omnia illa accidentia in vno subiecto extenduntur vnica quantitate impenetrabiliter, quia sic essent impenetrabilia, & non possunt esse simul cum subiecto in eodem loco; ergo tenentur dicere, quod illa accidentia materialia non habent propriam extensionem, sed extenduntur ad extensionem quantitatis, quod est contra ipsos pluribus in locis.

Præterea probo, quod si accidentia materialia haberent propriam extensionem absque extensione quantitatis, tunc penetratio non solum spectaret propriè ad quantitatem, sed etiam ad accidentia materialia secundum se: Nam sicuti impenetrabile est illud, quod replet locum quantum natus est repleri, quem locum non potest simul replere aliud corpus, ita corpus penetratur quando simul cum alio corpore replet locum: sed si accidens materiale esset sine quantitate extensum, repletet locum quantum natus est repleri etiam secundum ipsos in hac questione, ubi uolunt, quod replere locum competat non solum quantitati, sed etiam omnibus substantiis, & accidentibus materialibus, quia impossibile est esse aliquod trina dimensione in loco extensum,

sum, & quodd non faciat latera continentis distare, & per consequens non repleat locum: ergo aliud accidens non posset sic replere; ergo si repleret, penetraret: ergo penetratio non solum propriè spectaret ad corpora habentia distinctam quantitatem, sed etiam ad accidentia materialia secundum se considerata: Impenetrabilitas enim secundum Scotum 4. dist. 49. q. 16. nihil aliud est quam impossibilitas duorum effectuum, qui sunt duæ repletiones simul eiusdem loci.

Secundò possunt naturaliter partes vnius Corporis penetrari, vt patet de condensatione; ergo etiam corpora distincta poterunt naturaliter penetrari.

Respondeo negando antecedens; quia in condensatione partes vnius corporis non penetrantur, sed restringuntur, & constipantur, & sic falsa est consequentia.

Tertiò, superficies duorum corporum simul se tangentium penetrantur, quia sunt simul in eodem spatio; ergo etiam partes illorum corporum ad inuicem penetrantur. Consequentia probatur, quia sicut indiuisibile non est extra partem, ita non est extra locum partis; ergo quodd est simul cum indiuisibili, est etiam simul cum parte: ergo partes, quæ sunt simul cum suis superficiebus simul se tangentibus, erunt etiam simul in eodem loco.

Respondetur communiter, quòd superficies, quibus se corpora tangunt, debent dici simul, & non compenetratæ, quia ex eo capite quo sunt simul non sunt extensæ, & diuisibiles.

*Responsio  
communis*

Sed hæc responsio patitur difficultatem, quia duæ superficies vnius palmi secundum longitudinem, & latitudinem simul se tangentes, sunt simul secundum talem longitudinem, & latitudinem; sed sunt diuisibiles secundum longitudinem, & latitudinem; ergo ex eo capite, quo sunt simul sunt extensæ, & diuisibiles.

*Responsio  
Auctoris.*

Ideo debet clarius Responderi, quòd hæc superficies simul

simul se tangentes non sunt compenetratæ, quia non sunt profundæ, penetratio enim est secundum profunditatem, quam non habent superficies: Et sic sola corpora possunt compenetrari: Alia autem si sunt in eodem loco, dicuntur esse simul sine penetratione. Ad simultatem autem duarum superficierum non sequitur simultas partium in eodem loco: Ad probationem dico, quod indiuisibile non est extra partem, quia est terminus, vel copulans vnā partem cum alia, & per consequens non est extra locum partis, quia est in eodem loco, vbi est pars, & hoc per accidens, quia est in illo loco ad locationem partis, per se tamen ipsi correspondet aliquod indiuisibile in loco, vt puncto in corpore correspondet punctus in loco, & superfici ci correspondet superficies: & sic negatur vltima consequentia.

CONCLUSIO OCTAUA.

*Duo Corpora possunt esse simul in eodem loco per diuinam potentiam.*

Est Scoti 4. dist. 49. q. 16. & quol. ij. M. H.

*Opinio Aliorum. Cap. Primam.*

**M**eld. & Cat. disp. ij. Phys. q. 7. num. 107. eandem sustinent Conclusionem, sed in modo illam explicandi differunt à Scoto, & seipso redarguunt propter fundamentum à Neotericis Thomistis acceptum de impenetrabilitate, quod non solum cum Doctrina Scoti, sed nec etiam cum dictis eorum potest subsistere; Inquiunt enim, quod duo corpora naturaliter nequeant se in eodem spatio compenetrari, plenum est ex eorum quantitate prouenire in hunc modum. Ex quantitate oritur duplex potentia, & aptitudo: Prior est aptitudo occupandi locum diuisibiliter, cuius

Ff

ap

*Opinio  
Meld. &  
Cat.*

aptitudinis. actus est actualis occupatio loci, & repletio, quæ non est nisi actualis extensio in ordine ad locum, & dicitur ubi circumscriptum; Posterior aptitudo, quæ quasi ex priori proximè emanare videtur, est potentia expellendi aliam quantitatem ab eodem spatio, in quo est, quæ aptitudo dicitur impenetrabilitas, cuius actus est actualis expulsio alterius quantitatis ab eodem spatio: Et hæc aptitudo idè à priori emanare censetur, quia vnum corpus idè aliud à proprio loco expellit, quia locum illum replet, & occupat; quæ passiones sunt à quantitate inseparabiles, & ei realiter identificatæ.

*Cōfutatur* Sed isti Doctores sunt in Doctrina inconstantes, quia  
*ostendi-* disp. 9. Phys. num. 17. dicunt, rationem replendi locum esse  
*sur manife-* priorem ratione expellendi corpus prioritate vniuersalitaris,  
*sta eorum* quia etiam cæteris rebus corporeis conuenit, sicut animal  
*contradi-* in homine dicitur prius rationalitate; Vnde impenetrabi-  
*ctio.* litas, quæ secundum istos est aptitudo ad expellendum, se  
 habet veluti ratio specifica contrahens rationem replendi  
 locum.

Tunc sit arguo. Passio, quæ oritur à quidditate specifi-  
 ca, & à specie, nullo modo potest generi conuenire, &  
 aliis speciebus sub illo genere contentis; sed aptitudo ad  
 replendum locum secundum istos Scriptores disp. ii. num.  
 107. oritur à quantitate, est inseparabilis à quantitate, &  
 realiter cum quantitate identificata; ergo hæc aptitudo  
 non potest aliis rebus corporeis conuenire, quæ in doctri-  
 na istorum sunt substantia, & accidentia materialia sine quan-  
 titate, & si aliis rebus corporeis conuenit, non potest oriri à  
 quantitate, quodd est contra ipsos; Minor est eorum, ma-  
 ior est euidentissimè Aristotelis primo post. cap. 5. ubi ha-  
 bet, quodd si passio inferioris demonstraretur adæquatè de  
 Superiiori esset error, & patet, quia risibilitas, quæ est pas-  
 sio hominis, non potest animali adæquatè conuenire,  
nec aliis speciebus animalis competere, non enim equus,  
 vel



**Vel Bos est risibilis.**

Si respondeant, quod aptitudo ad replendum locum est duplex; Alia ad replendum locum impenetrabiliter, & hæc solum conuenit quantitati; Alia ad replendum locum penetrabiliter, & hæc omnibus rebus corporeis conuenit.

*Responsio  
pro Mel. &  
Cat.*

Contrà; ergo aptitudo in quantitate ad replendum locum non est aptitudo distincta ab aptitudine ad expellendum, quæ dicitur secundum eos impenetrabilitas; sed hoc est falsum, quia Ponunt impenetrabilitatem esse distinctam aptitudinem ab illa, quæ est ad replendum locum. Non igitur dabitur repletio penetrabilis, & impenetrabilis secundum eos, sed abstrahit à penetrabilitate, & impenetrabilitate cum maximè secundum istos Scriptores aptitudo ad replendum sit veluti commune contrarium per aptitudinem ad expellendum tanquam differentiam specificam, & omne commune essentialiter abstrahat à differentiis contrahentibus.

*Cōsuetur*

Præterea. Si impenetrabilitas oritur ab aptitudine ad replendum locum, ut isti Scriptores suprà dixerunt, & ideo corpus expellit aliud, quia replet locum; ergo non potest dari repletio sine impenetrabilitate naturali; ergo non potest dari repletio penetrabilis naturaliter.

*Consuetur. 12.*

Si dicerent, quod hoc valet in quantitate, non autem in aliis rebus corporeis sine quantitate.

*Responsio  
pro Mel. &  
Cat.*

Contrà. Aptitudo ad replendum locum secundum istos in hac disp. & disp. 9. locis in principio citatis competit rebus corporeis, & quantitati, & est eiusdem rationis in omnibus, licet hoc alias sit improbatum: ergo si in quantitate impenetrabilitas, & aptitudo ad expellendum emanat ab aptitudine ad replendum emanabit etiam ab aptitudine ad replendum in rebus corporeis sine quantitate, cum sit eiusdem rationis in omnibus; ergo si res corporeæ replent, etiam expellunt, & sunt naturaliter impenetrabiles.

*Consuetur*

trabiles, quòd negant; ergò non potest dari repletio penetrabilis naturaliter.

*Sententia Auctoris. Caput Secundum.*

*Duo Corpora possunt esse simul in eodem loco per diminutam potentiam.*

Est Scoti 4. dist. 49. q. 16. & quol. ii. M. N.

**Locus est duplex.** PRO cuius declaratione Not. Primò, quòd locus est duplex: Adæquatus, & inadæquatus: Adæquatus est qui ita continet corpus, quòd non aliud potest naturaliter continere, & habet tantam capacitatem continendi, quantum corpus est extensibile; locus inadæquatus est qui excedit extensionem corporis, vel in extensione exceditur à corpore: In proposito duo corpora non possunt esse naturaliter in eodem loco adæquato, possunt tamen esse in loco inadæquato, quia duo corpora vnus palmi possunt esse in eodem loco bipalmari, loquendo verò in ordine ad omnipotentiam Dei duo corpora possunt esse in eodem loco adæquato diuersimodè: Vel quia ambo sint in eodem loco sine modo naturali quantitativo, scilicet sine extensione: Vel quia vnum sit extensum in loco, aliud verò inextensè, vt est Corpus Christi simul cū hostia: Vel quia ambo sint in loco extensè, & in hoc ultimo sensu intelligitur Conclusio.

**Quomodo repugnent dua quantitates.**

Secundò Not. ex Scoto in 4. loco superius citato F. quòd inter quantitatem, & quantitatem non est repugnantia formalis, nec inter situm, & situm, nec inter vbi, & vbi, quia quaecumque formæ quantumcumque sint contrariæ, si sunt in diuersis subiectis non repugnant; Vnde dato quod in hoc corpore, & illo sint duo vbi, scilicet duæ circumscriptiones passiuæ terminatæ ad eandem superficiem, ista duo  
vbi

vbi non repugnant formaliter, quia sunt eiusdem speciei; nec repugnant respectu corporis scilicet subiecti, quia hoc vbi est in vno corpore, aliud in alio: Si ergo est impossibilitas, quod illa duo vbi sint in diuersis, hoc non est propter repugnantiam, quam habent inter se absolute, nec etiam vt comparata ad subiecta, ergo oportet, quod propter comparisonem eorum ad eundem terminum, respectu cuius accipiuntur, sed nec sic est impossibilitas, cum non sit impossibile duos respectus extrinsecos esse in diuersis ad vnum terminum, sicut non est impossibile de respectibus intrinsecis aduenientibus, quia duo respectus similitudinis possunt esse ad vnum simile: Vnde effectus quantitatis vtrique est replere locum, vt dictum est cum Scoto in præcedenti conclusione, sed effectus distinctæ quantitatis est replere distinctum locum: ergo cum dicit Scotus loco cit. sup. C. quod si corpus esset in loco repleto alio corpore, tunc illud corpus non haberet suum effectum, non vult intelligere, vt dicit Auerſa q. 27. sect. 5. quod tunc illud corpus non repletet locum, sed vult dicere, quod non repletet distinctum locum, qui est effectus distinctæ quantitatis, quia secundum Scotum loco citato infra D. nihil potest esse ratio distincti situs, nisi quantitas distincta: Et immerito Meld. & Cat. in hac disput. reprehendunt Auerſam contra Scotum arguentem, quasi quod imponat Scoto non posse dari penetrationem, nisi impediendo repletionem, sic quod vnum corpus repleat, aliud non; Nec ipsi soluant rationem Auerſæ, cuius vis argumenti est talis. Si ex Scoto loco cit. supra C. vnum corpus esset simul cum alio in eodem loco, tunc illud non haberet suum effectum, qui est replere locum; stante hoc rectè sequitur; ergo illud non repletet locum: Cui argumento satisficit adæquatè, dicendo ex Scoto, quod sicut primus effectus distincti corporis non est replere locum, sed replere distinctum locum, sequitur etiam, quod si vnum corpus esset cum alio in eodem

*Immerito  
Meld. &  
Cat. repre-  
hendunt.  
Auerſam.*

dem loco etiam repletiuè, non haberet suum effectum, quia non repletet distinctum locum. Vnde

*Non rectè philosophatur Meld. & Cat. de possibilitate duorum corporum in eodè loco.* Tertio Not. Meld. & Cat. cum aliis Neotericis Philosophis non rectè speculari dicentes duo corpora posse esse simul, impediendo non quidem repletionem, quæ est effectus distincti corporis, sed solum expulsionem vnius corporis, ab alio, cum non possit impediri expulsio, nisi impediat repletio distinctæ quantitatis, & distincti corporis, vnum enim corpus necessariò etiam in ordine ad omnipotentiam Dei absolutam expellit aliud, quia corpus distinctum replet distinctum locum: Vnde duo sunt effectus naturales quantitatis distinctæ, prior est repletio distincti loci, alter est expulsio; Non potest impediri secundus, nisi priori impedito, & idè Deus potest impedire expulsionem, quia potest impedire distinctam repletionem: Datur enim distincta repletione duorum corporum, datur etiam necessariò in ordine ad potentiam diuinam absolutam, expulsio vnius corporis ab alio.

Quarto Not. quòd sicut penetrare corpus est esse simul cum alio in eodem loco, circumscriptiuè, ita non penetrare est negatio illius similis: Et sicut penetrabilitas non est, nisi non repugnantia ad esse simul cum alio corpore in eodem loco circumscriptiuè, ita impenetrabilitas naturalis est repugnantia ad esse simul cum alio corpore in eodem loco.

*Quid sit impenetrabilitas naturalis.* Nihil autem repugnat alicui, nisi per aliquod positum sibi conueniens, corpori autem hoc repugnat naturaliter, quia habet aptitudinem ad replendum distinctum locum, eò quia habet distinctam quantitatem: Et quia habet aptitudinem ad replendum distinctum locum, consequenter habet aptitudinem ad expellendum aliud corpus ab eodem loco, quem replet: Vnde malè dicunt Meld. & Cat. cum Thomistis, quos sequuntur, impenetrabilitatem esse aptitudinem ad expellendum corpus, quia idè vnum corpus expellit aliud, quia est impenetrabile. Impe-

netra-

inetrabilitas igitur erit naturalis repugnantia simultatis cum alio corpore in eodem loco circumscriptiue, quæ connotat aptitudinem ad replendum naturaliter distinctum locum, ex qua sequitur postea aptitudo ad expellendum: Ideo enim duæ formæ sunt impossibiles in eodem subiecto, quia sunt oppositæ, & ex quo sunt oppositæ una expellit aliam: sic corpus, ideò est impenetrabile naturaliter, quia replet naturaliter distinctum locum, & ex quo replet distinctum locum expellit etiam aliud in eodem loco.

Quintò Not. quòd si vnum corpus naturale esset penetratum cum alio, posset contrà Auerfam loco cit. sine alio corpore moueri ad alium locum absque nouo miraculo, & influxu diuinæ virtutis, quia stante primo miraculo, quo impediatur distincta repletio loci, & per consequens expulsio, posset illud corpus penetrare aliud corpus in quocunque loco moueretur. Et dato, & non concesso, quòd opus esset nouum miraculum adhuc, vt corpus penetratum cum alio corpore in vno loco, penetraret aliud corpus in alio loco, ad quem moueretur, posset corpus penetrans moueri sine alio corpore penetrato in primo loco, quia Deus posset relinquere partes egredientes à primo loco in suo esse naturali, & sic expelleret aliud corpus in alio loco absque nouo miraculo, & per consequens non secum ferret necessariò aliud corpus penetratum, quia quod facerent duo corpora simul compenetrata in eodem loco, si ad alium locum mouerentur sine nouo miraculo, id faceret vnum corpus, si alio corpore relicto in primo loco, ad alium locum moueretur. His notatis

*Si duo corpora essent penetrata, vnum posset sine alio moueri absq; nouo miraculo.*

Probatur Conclusio ex Scoto 4. dist. 49. q. 16. G. Impossibilitas quanti ad quantum existendi in eodem loco, non est nisi sicut impossibilitas causæ essendi sine suo effectu naturali: sed non est impossibile causam esse sine suo effectu naturali in ordine ad potentiam Dei absolutam: ergò non est impossibile duo quantà esse sine suis effectibus naturalibus;

bus : minor probatur, quia causa est prior suo effectu naturali, & Deus potest conseruare prius sine posteriori ; subinfero : sed effectus naturalis distinctæ quantitatis est reple-  
re distinctum locum ; ergò Deus potest conseruare distin-  
ctam quantitatem sine repletionem distincti loci : ergò po-  
test facere, quòd duo corpora sint in eodem loco exten-  
sionè, quia si duo corpora non replent distinctum locum, se-  
quitur necessariò, quòd sunt simul in eodem loco . Præter-  
ea fide tenemus, quòd Christus natus est de Maria Virgi-  
ne, & remanserunt integra claustra Virginis : ergò oportuit  
Corpus Christi esse simul cum partibus illius Corporis ; ergò  
tunc fuerunt duo corpora simul. Item Christus resurrexit clau-  
so sepulcro, & intrauit ad discipulos suos ianuis clausis :  
ergò tunc corpus Christi fuit cum alio corpore.

Contrà arguitur primò. Si duo corpora possunt esse in  
eodem loco, ergò & duæ partes eiusdem corporis poterunt  
se inuicem penetrare, quia sicut naturaliter diuersis corpo-  
ribus diuersa loca debentur, ita diuersis partibus eius diuer-  
sæ loci partes, & per consequens diuersa paradoxa seque-  
rentur, nimirum partem fore æqualem toti, totum includi  
in quauis minima parte, maximam molem posse transire per  
foramen acus, & similia.

Afferunt Meld. & Cat. ibi communem Responsionem,  
quòd sustinendo essentiam quantitatis consistere in exten-  
sione aptitudinali, non actuali, conceditur quòd partes  
vnius corporis possint se inuicem compenetrari in puncto,  
neque sequi absurdum, scilicet, quòd totum non esset ma-  
ius sua parte, quia si totum non magis actualiter se extende-  
ret, quàm eius pars V.G. palmaris, haberet tamen aptitudi-  
nem ad maiorem extensionem.

Sed hæc Responsio non satisfacit Auerſæ. Nam qui ne-  
gant penetrationem corporum esse possibilem, id solum ne-  
gant, stante extensione locali actuali vtriusque corporis :  
Idcirco Respondet Auerſa, stante hac extensione non posse  
qui-

quidem omnes prorsus corporis partes penetrari, ita ut indiuisibiliter se haberent in loco, quia id sanè foret contra essentiam huius extensionis, sed tamen posse vnā aliquam partem cum alia penetrari V.G. vnum semipalmum cum alio, & per hoc non destruitur essentia talis quantitatis, & extensionis, quia non est de ratione eius, ut quilibet pars actu sit extra omnem aliam partem in loco, sed facis est, ut sit extra aliquas, quòd adhuc saluaretur esse, si per partiū penetrationē totū vniuersum in bursa concluderetur.

Contrā hanc Responſionem arguunt Meld. & Cat. eò quia in primis falsò innititur fundamento; scilicet quod ratio quantitatis existit in actuali extensione, quòd est in magno præiudicio Sacramenti Eucharistiæ, atque idè non saluat Auerſa, quòd in duobus palmis, vel semipalmis ad spatium digitale deductis, detur adhuc extensio, & magnitudo bipalmis maior palmari, & palmari maior semipalmari, cum vnus palmus non sit extra alium, nec semipalmus extrā semipalmum.

Sed isti Scriptores immeritò Auerſam arguunt, & reprehendunt, qui licet ſuſtinent eſſentiam quantitatis conſiſtere in actuali extensione, hoc tamen non ſupponit tantum fundamentum, ſed ſolum ſupponit contrā primam reſponſionem communem extensionem actualem localem, quæ debet præſupponi ad inferendam penetrationem duorum corporum in eodem loco, nam aliter nulla eſſet difficultas; dicit enim, quòd qui negant penetrationem corporum poſſibilem, id ſolum negant ſtante extensione locali actuali vtriuſq; corporis, ac poſtea ſtante hac extensione, penetratio aliquarum partium corporis non eſſet contra eſſentiam quantitatis, & extensionis actualis.

Idèò reſpondent Meld. & Cat. cum Baſſol. negando conſequentiam; ſi enim duo corpora valent eſſe per Dei potentiam in eodem loco circumſcriptiue, non inde valet inferre; ergo pariter & duæ partes, vel plures eorum

Gg

Cor-



corporum ita in loco existentium, cum enim esse in loco circumscriptiue sit ita esse in loco, ut totum corpus toti loco corripsondeat, & singula partes singulis loci partibus, plane implicat in terminis, quod corpora illa sint in loco circumscriptiue, & quod partes eiusdem corporis sint inuicem compenetratae, partes enim eiusdem corporis esse ita compenetratas, formalissime infert corpus, cuius sunt partes non esse in loco circumscriptiue, non igitur implicat absolute penetratio partium ad inuicem, quia si fieri potest in corporibus, etiam fieri potest in partibus, ut patet in Eucharistia, sed implicat facta suppositione, quod corpus, cuius sunt partes, sint in loco circumscriptiue, ut est in casu conclusionis nostrae; In casu vero, quo partes penetrantur ad inuicem, recte saluatur inaequalitas partium respectu totius modo à communi responsione allata explicato.

*Cōfutatur*

Sed isti Scriptores cum Bassol. non satisfaciunt argumentato; Et primò asserunt vnum falsum, scilicet quod argumentum supponat corpus esse in loco circumscriptiue, & partes eius compenetrari; Infert enim argumentum duas partes vnius corporis posse compenetrari si duo corpora possunt penetrari, & ex hoc sequitur totum non esse maius sua parte, & maximam molem posse per foramen acus pertransire, quod non posset inferre, si corpus secundum se totum remaneret extensum, cum non possit dari penetratio partium eiusdem corporis remanente toto corpore extenso. Secundò dicunt in hac responsione, quod partes corporis Christi in Eucharistia se compenetrantur; Hoc enim est falsum, quia non potest dari penetratio sine extensione, utique istae partes dicuntur esse simul, etiam in doctrina ipsorum, cum sint sine suo modo naturali quantitatiuo, & extenso.

*Responsio  
Auctoris.*

Respondeo igitur concedendo absolute consequentiam, quia sicut duo corpora possunt penetrari, etiam duae partes quantae eiusdem corporis; sed negatur ex hoc sequi par-

tem

Veni esse æqualem toti, hoc enim id inconueniens sequeretur de corpore Christi in Eucharistia, quia tam partes, quam totum habent modum indiuisibilem: Ideo si partes corporis compenetrarentur, & totum extenderetur solum ad quantitatem digiti, tamen totum remaneret maius sua parte, quia maiorem exigeret extensionem, si actualiter extenderetur; Nec est paradoxum maximam molem pertransire per foramen acus, data partium penetratione, sicut non est paradoxum corpus Christi quantum, & magnum in indiuisibili consistere; Argumentum in contrarium magnificiunt isti Scriptores, sed nullius est momenti.

Secundò. Varietas loci facit defferentiam in numero ex Boetio p. de Trinit. cap. p. ergò repugnat duo corpora esse in eodem loco, quia sic duo corpora essent vnum corpus, quòd repugnat.

Respondeo ex Scoto 4. dist. 49. q. 16. A. quòd nulla accidentia faciunt intrinsecè indiuiduum, & sic multò minus locus, corpus enim, quantum est ex se, posset esse, si locus non esset, & tamen esset indiuiduum; Et auctoritas Boetij sic est intelligenda, quòd diuersitas loci facit diuersitatem numeralem, non intrinsecè, sed quoad innotescentiam, quia facit nobis magis inotescere diuersitatem numeralem corporum, quia cognitione naturali non possumus illa duo corpora cognoscere, si ipsa essent in vno loco idèò diuersitas loci magis innotescere facit diuersitatem numeralem corporum.

Tertiò, Ratio repugnandi duo corpora esse simul in eodem loco est dimensio distincta; ergò remanente tali dimensione, quæ est ratio formalis huius repugnantia, impossibile est duo corpora esse simul in eodem loco.

Respondeo ex Sco. loc. cit. infra C. ad antecedens, quòd vtique distincta dimensio est ratio repugnandi duo corpora esse simul virtute naturali, quæ non potest facere cau;

Gg 2 sam

Iam sine suo effectu naturali, non tamen virtute diuina, quæ potest facere causam sine suo effectu naturali, sicut calorem potest facere sine calefactione, vt patet de tribus pueris in fornace ignis ardentis; quæ repugnantia in ordine ad virtutem naturalem non est formalis, quia talis est inter qualitates in eodem subiecto, sed potius dicitur virtualis, vt patet in secundo Notabili, & in præcedenti conclusione.

Quartò. Effectus formalis formæ non potest separari à forma; sed effectus formalis quantitatis distinctæ est replere distinctum locum, & aliud corpus expellere; ergò non potest à Deo separari; ergò impossibile est etiam per potentiam Dei duo corpora esse simul in eodem loco.

Respondeo concedendo maiorem, sed negando minorem, quia sicut effectus formalis formæ est informare, & denominare subiectum; ita effectus formalis talis formæ est tali modo informare, & denominare; Vnde effectus formalis albedinis est albefacere, & denominare subiectum album, effectus formalis nigredinis est nigrefacere, & denominare subiectum nigrum, & effectus formalis caloris est denominare subiectum calidum. Effectus verò naturales istarum formarum, vt congregare visum, quod competit nigredini, diligere visum, quod competit albedini, & calefacere competens calori, non sunt effectus formales, quia non competunt formis, vt formæ sunt, sed magis vt efficientes sunt; Ità effectus formalis quantitatis est denominare subiectum quantum, replere verò distinctum locum, & expellere corpus non est effectus formalis distinctæ quantitatis, quia illi non competit, vt forma est, sed magis vt efficiens est. Idèò dicitur totus loc. superius cit. quòd isti effectus reducuntur magis ad causam efficientem; Et ratio esse potest, quia competunt formis, non vt simpliciter formæ sunt, sed vt sunt rationes efficiendi, nam sepa-

Qui sit effectus formalis quantitatis.

Separatæ à subiectis, possent habere tales effectus in ratione causæ efficientis; Ideò sicut Deus non potest separare albescationem ab albedine, nigresationem à nigredine, & reddere calidum à calore, ita non potest separare à quantitate reddere, & denominare subiectum quantum; sed sicuti potest separare congregationem visus ab albedine, disgregationem visus à nigredine, calefactionem à calore, ita potest separare à quantitate replere distinctum locum, & expellere corpus; Et sic negantur consequentiæ.

Quintò. Si duo corpora essent in eodem loco; ergò essent vnus locus, quòd implicat, sicut implicat idem esse duo & vnum; Consequentia probatur, quæcumque sunt eadem vni tertio sunt eadem inter se; sed si duo corpora essent in eodem loco, essent idem cum illo loco ex Arist. 4. Phys. vbi habet, quòd dimensiones corporis sunt eadem simpliciter cum dimensionibus loci; ergò dimensiones plurium corporum in eodem loco erunt eadem inter se.

Respondeo negando consequentiam, ad probationem negatur minor. Et cum dicitur ex Arist. quòd dimensiones corporis sunt eadem cum dimensionibus loci. Respondeo ex Scoto loc. cit. N. quòd hæc propositio potest intelligi dupliciter, scilicet, positivè, & negativè: Si accipiatur positivè, falsa est, quia locus non habet dimensiones præter dimensiones locati, cum locus sit tantum superficies ex eodem Arist. 4. Phys. Si verò intelligatur negativè, facit sensum, quòd dimensiones locati sunt eadem, idest non aliæ quia non sunt dimensiones loci, aliæ à dimensionibus locati; Vnde si duo corpora essent in eodem loco, tunc dimensiones illorum corporum essent eadem dimensionibus loci, idest non aliæ, non tamen sequeretur, quòd dimensiones duorum corporum essent eadem inter se, quia essent distinctæ, quia non essent positivè eadem vni tertio, & sic negatur consequentia.

*Eadem est  
dimensio  
corporis  
et loci, quo  
modo in-  
telligatur.*

Sextò

**Sextò.** Duo indiuisibilia non possunt esse immediata, quia tunc non essent duo, ut patet ex Arist. 6. phys. tex. 3. ergò à simili, si duo corpora essent simul immediata non remanerent duo, quòd est impossibile.

*Responsio*  
*Meld. &*  
*Cas.* Respondent Meld. & Cat. in hac disp. num. 113. quòd punctum additum puncto sunt vnum punctum penetratiuè, non entitatiuè,

*Cōfutatur* Contrà. Penetratio solùm propriè spectat ad res corporeas distinctam quantitatem habentes, & idèd plura accidentia materialia, quæ secundum ipsos extenduntur, non possunt in doctrina ipsorum in hac disp. num. 104. dici penetrata, sed esse simul in eodem subiecto; ergò multo minus punctum additum puncto dicuntur simul penetrari, sed esse simul; quare igitur negant penetrationem accidentibus materialibus, quæ sustinent contra Scotum per se extensa, & concedunt eam punctis, quæ sunt inextensa, & indiuisibilia.

*Responsio*  
*Auctoris.* Respondeo igitur ad hoc argumentum, quòd conficit Scotus, sed non respondet, dicendo, quòd hæc ratio, & sequens facit pro Philosophis, quòd punctum additum puncto non sunt duo, sed vnum quoad extensionem, & quantitatiuè, quia punctus additus puncto non facit maius, sunt tamen duo puncta entitatiuè; Sic in proposito duo corpora in eodem loco non sunt duo, sed vnum quantitatiuè, idest quòd ad maiorem extensionem, & occupationem loci, quia ambo non occupant maiorem locum, quàm occuparet vnum Corpus, sunt tamen duo entitatiuè, quia habent diuersam entitatem, & quantitatem.

**Septimò.** Si duo corpora essent in eodem loco, sequeretur quòd ab vno puncto loci possent duci duæ lineæ rectæ ad punctum lacati, nam tot lineæ duci possunt à puncto loci, quot corpora sunt in eo, & tamen à puncto ad punctum potest tantum duci vna linea recta.

Respondent Meld. & Cat. eodem loco iam cit. negando

ic-

sequellam; sed puto esse errorem impressionis, quia, *Responsio*  
 ut patet ex verbis sequentibus, concedunt sequellam. *Meld. &*  
 melius tamen fecissent, si sine impressionis errore, ipsam *Cas.*  
 negassent, dicunt enim, quod punctum ex parte locati cor-  
 respondens puncto loci, licet esset vnum situaliter tamen en-  
 titatiuè duo forent, sicut duo sunt corpora locata; Vnde duæ  
 etiam forent lineæ rectæ ductæ à puncto loci ad puncta cor-  
 porum, quæ tamen inter se compenetratæ forent, sicut pun-  
 cta ad quæ terminantur.

Sed hæc responsio non satisfacit, quia argumentum va- *Cōfutat.*  
 let de ductione naturali linearum, aliter nullam haberet  
 difficultatem; Vtique si per potentiam Dei possunt esse  
 plura corpora in eodem loco, concederentur plures lineæ  
 rectæ compenetratæ per potentiam diuinam, ductæ ab  
 vno puncto loci, non solum ad puncta corporum compe-  
 neratorum, sed etiam ad vnum tantum punctum entitati-  
 uè; sed difficultas stat in hoc, quod naturaliter possent  
 duci plures lineæ rectæ ad puncta simul existentia duorum  
 corporum, eò quia sunt duo puncta entitatiuè, ut inferunt  
 isti Scriptores in responsione.

Ideò aliter respondeo negando, quod si duo corpora es- *Responsio*  
 sent in eodem loco, possent duæ lineæ rectæ duci ad duo *Auctoris.*  
 puncta simul existentia illorum corporum, quia cum illa  
 duo puncta sint sicuti vnum indiuisibile, non posset trahi,  
 nisi vna linea, aliter alia non esset recta, quia medium alte-  
 rius lineæ necessariò transiret ab extremis indiuisibilibus:  
 Et ideò falsum est, quod tot lineæ possint duci à puncto  
 loci, quot sunt corpora, quia puncta infinitorum corpo-  
 rum compenetratorum sunt veluti vnum, quia non faciunt  
 maiorem extensionem, secundum quam possent plures li-  
 neas rectas terminare; Vtique per potentiam Dei à pun-  
 cto loci possunt trahi plures lineæ rectæ siue ad vnum  
 punctum entitatiuè, siue ad plura puncta simul existen-  
 tia, dummodò illæ lineæ essent simul in eodem loco indi-  
 uisi-

uisibiliter secundum longitudinem; sed istæ lineæ hoc modo ducerentur supernaturaliter, non naturaliter, de qua ductione naturali procedit argumentum.

Octauò. Si duo corpora essent in eodem loco; ergò quodlibet haberet Vbi, ergò essent duo Vbi, quòd falsum est, quia vnus loci vna est circumscriptio.

Respondeo ex Sco. quol. ij. M. concedendo consequentias, sed negatur quòd sint falsæ, & cum dicitur, quod vnus loci vna est circumscriptio, verum est, quando naturaliter locus continet tantum vnum corpus, si verò plura corpora contineat, falsum est, quòd vnus loci sit tantum vna circumscriptio, quia sicuti vnum suppositum potest habere plures respectus intrinsecos ad diuersos terminos, vt Franciscus potest habere plures paternitates ad diuersos filios, ita superficies continens plura corpora potest habere plures circumscriptiones ad illa corpora, & in illis corporibus possunt esse plures circumscriptiones passiuæ ad eundem locum; Et sic vnus loci essent plura Vbi tam actiua, quàm passiuæ.

Nonò. Si duo corpora essent in eodem loco; ergò vnum illorum adueniens non repletet; nec faceret latera continentis distare, quia iam per primum corpus interceptum latera continentis distabant.

Confirmatur, quia si vtrumque faceret latera continentis distare; ergò vtrumque esset medium inter latera distantia; sed vbi est aliud, & aliud medium per se, ibi videtur esse alia, & alia distantia, & ita inter latera eiusdem loci esset duplex distantia.

Respondeo ex Sco. loc. cit. N. negando consequentiam, quia vtrumque repletet, & faceret latera continentis distare quasi formaliter, effectiuè verò ab agente, quia vtrumque corpus est medium inter extrema.

Nec officit, quòd locus sit iam repletus, quia de nouo potest repleri: Non enim est magis inconueniens locum plenum



num repleti de nouo aliquo replente formaliter, quàm continens vnum sibi commensuratum de nouo continere aliud simili modo continendi.

Ad confirmationem respondeo ex Sco. loc. cit. quòd distantia potest accipi dupliciter, Vno modo pro relatione, quæ est in vno latere distante ad aliud latus distans, & sic esset vna tantum distantia, siue esset vnicum medium, siue plura; Alio modo potest accipi distantia pro dimensione media inter extrema, quæ distant, & sic si duo corpora essent in eodem loco, tunc vnus loci esset duplex distantia, quòd non est inconueniens.

CONCLUSIO NONA.

*Vnum Corpus potest esse in pluribus locis per potentiam  
Dei absolutam.*

Est Sco. 4. dist. x. q. 2. per totum, & quol. x. l. K.  
& sequentibus.

*Sententia Auctoris. Caput Vnicum.*

**P**RO cuius declaratione Not. primò ex Sco. 4. dist. 10. q. 2. F. G. quòd cum dicimus, quòd idem corpus potest simul esse in pluribus locis, nihil dicimus, nisi quòd super idem corpus fundantur plures respectus extrinsecus aduenientes ad plura quanta circumscriptibentia; quòd autem isti respectus possint plurificari, manente eodem fundamento ad diuersos terminos, non apparet contradicens rationi, quia respectus intrinsecus aduenientes, de quibus minus videtur, possunt plurificari in eodem fundamento ad diuersos terminos, vt supra eandem albedinem possunt duæ similitudines fundari ad diuersos terminos. Et mirum est (inquit Scotus) quòd sequentes ratio-

Hb

nem

nem, sequuntur imaginationem, quæ imaginatio non separat locum à corpore, nec corpus à loco, nec percipit vnum plurificari sine alio, ideo secundum imaginationem videtur impossibile simpliciter vnum sine alio plurificari. Sed exclusa imaginatione, quæ semper innitens sensibus, non aliud apprehendit, & sequendo rationem ex rationibus terminorum, nulla est necessitas, quod plurificato mo. plurificetur aliud, vt plurificato posteriori, non est necesse prius plurificari, ipsa autem Vbi sunt manifeste posteriora locato. Et si intēs (inquit Scotus) quod vique plures respectus possunt fundari in eodem fundamento, quando vnus eorum non adæquat totum fundamentum, vnum autem Vbi adæquat totam rationem quanti in quantum locale est. Hoc videtur sine ratione dictum, quia respectus, qui oritur ex natura fundamenti magis videtur adæquari fundamento; quàm ille, qui est extrinsecus adueniens, & ideo sicut possunt esse in eodem fundamento duo respectus orientes ex natura fundamenti, & duæ æqualitates ad duo quanta æqualia, ita poterunt esse in eodem fundamento duo respectus extrinsecus aduenientes ad diuersos terminos, vt duæ circumscriptiones partium in eodem corpore ad diuersa loca.

Secundò not. quod licet minus videatur impossibile, duos respectus extrinsecos, vt duas vbicationes esse in eodem fundamento ad diuersos terminos, quam duos respectus intrinsecos aduenientes, eo quia, vt inquit Scotus loc. cit. G. vix est aliqua alia habitudo accidentalior suo fundamento, quàm sit vbi, tamen non valet inferre, quod si naturaliter duo respectus intrinsecus aduenientes possunt esse in eodem fundamento respectu diuersorum terminorum, quod etiam naturaliter possint esse duæ vbicationes in eodem corpore ad diuersa loca, quia hoc non prouenit ex ratione talis habitudinis, sed quia vt norant alij Scotistæ cum Scoto 4. dist. 49. q. 16. M. dici potest, quod  
 natura

natura non potest dare, nec causare mutationem positiuam sine mutatione priuatiua, in quibus nata sunt concurrere; Vnde non potest dare albedinem, nisi priuet nigredine, in quibus tamen non sunt natæ concurrere mutatio priuatiua, & positiua, tunc in illis naturaliter potest esse mutatio positiua sine priuatiua, vt in illuminatione, ibi enim est mutatio positiua sine priuatiua, quia aer quando illuminatur nihil deperdit; In motu autem ad diuersa vbi (inquit Scotus) est talis quasi ad contraria, & ita absolute loquendo natura non potest facere, quod corpus aliquod accipiat vnum Vbi, & non priuetur alio Vbi, quia in talibus natæ sunt concurrere mutationes positiuæ, & priuatiuæ. Addo, quod ideo in mutatione locali necessario concurrunt mutatio positiua, & priuatiua, & quod naturaliter non potest vnum corpus acquirere vnum Vbi, nisi recedat ab alio, quia quodlibet corpus naturaliter est diffinitiuè in loco, & est limitatum in ordine ad locum, est enim ita ibi, quod non alibi, quomodo non est limitatum in ordine ad respectus intrinsecus aduenientes; Sed quare Corpus sit naturaliter limitatum ad Vbi, & non ad respectus intrinsecos: dicerem, quod ad hoc vt corpus sit in pluribus locis secundum Sco. 4. dist. 49. q. 16. M. requiritur aliqua actio positiua, & aliqua virtus actiua, & per consequens si corpus posset esse in pluribus locis, posset esse in infinitis, & sic haberet virtutem infinitam: Sed ad hoc, vt habeat plures respectus intrinsecus aduenientes non requiritur aliqua actio, vel virtus actiua ex parte fundamenti, ad fundandam enim si similitudinem nulla ex parte fundamenti requiritur actio; Et licet ad fundandas plures paternitates requiratur in Patre virtus generatiua, quæ multiplicet filios, & terminos, hoc est, quia relatio actualis non potest, insurgere sine positione terminorum, tamen positus extremis, nulla requiritur actio, vt homo fundet plures paternitates, sed in Vbicatione, positus extremis, requiritur in fundamento actio ad

*Quare corpus potest naturaliter fundare plures respectus intrinsecus aduenientes, non vero plures extrinsecus aduenientes.*

Hh 2 hoc

hoc, vt fundet Vbicationem, quia fundamentum debet se facere præfens terminò circumscribenti.

*Propositio  
nes Scoti  
supponēda  
pro solutio  
ne argumē  
torum.*

Tertiò Not. ex Sco. 4. dist. 10. q. 2. H. quòd pro solutione argumentorum, quæ maximam habent apparentiam tres supponendæ sunt propositiones, quarum prima est. Quæcumque sunt priora essentialiter ipso Vbi, vniformiter in- sunt corpori quamuis habenti diuersa Vbi; nec variabuntur, variato ipso Vbi; Quæ verò sunt posteriora, vel simul natura cum ipso Vbi, variabuntur secundum variationem ipsius Vbi: Hoc patet, quia prius essentialiter non variatur propter variationem posterioris, sed benè postèrius variatur ad variationem prioris, & etiam quæ sunt simul natura cum aliquo, variantur cum illo: Vnde omnia absoluta, & etiam relatiua, quæ sunt priora loco, & non habent ordinem ad locum, non variantur ad variationem loci; vt esse quantum, album, Patrem, simile, & cetera huiusmodi: sed loquendo de eis, quæ connexionem habent cum Vbi, variantur ad variationem ipsius Vbi, vt situs de prædicamento situs, cum habeat connexionem cum Vbi, variatur ad variationem eius, vt sedere, & stare; Vnde notat Tat. 4. sent. ibi D. Ambr. habuit diuersum situm, quando simul fuit Turonis, & Mediolani causa exequiarum S. Martini.

Secunda propositio. Sicut passum existens in vno Vbi reciperet formam à duobus agentibus sibi ibidem approximatis, sic ipsum in duobus locis existens patieretur ab eisdem sibi in illis duobus Vbi approximatis, & hoc intelligitur de passione, quæ est ad formam absolutam, hoc patet, quia ad hoc, vt patiens patiatur ab agente introducente ipsam formam, non oportet nisi quod sit in potentia passiuæ, & agens habeat formam actiuam, & sint debite approximata, siue in hoc vbi, siue in illo sit approximatio, nihil differt quantum ad actionem, quæ est ad formam absolutam; sed passo posito in duobus Vbi, ipsum habet eandem potentiam passiuam ad formam absolutam, & actiuum habet ean-

dem

dem potentiam actiuam, & eodem modo potest approxi-  
mari sibi, vt est in isto Vbi, sicut in alio; ergo eodem  
modo parietur quantum ad formam omnem absolutam  
à quocumque actiuo sibi approximato, siue in isto Vbi,  
siue in alio, sicut si tantum esset in vno Vbi, & esset agens  
sibi approximatum.

Tertia Propositio elicitur ex dictis, quòd sicut corpus  
in vno Vbi existens se haberet in ratione actiui ad diuer-  
sa sibi approximata in illo Vbi, sic ipsum vt existens in  
duobus Vbi se habet ad eadem sibi in illis Vbi approxima-  
ta: Vt si ignis in vno Vbi calefaceret simul duo passa si-  
bi approximata, idem ignis in duobus locis calefaceret illa  
passa diuersa, si in illis locis sibi essent approximata; His  
notatis

Probatur Conclusio à Scoto in 4. loco superius citato. Et  
Vbicunque potest Deus facere substantiam naturalem sine  
suo modo naturali, vel sub modo sibi opposito, potest eam  
facere sub modo suo naturali, seu conuenienti suæ natu-  
ræ; Probatur quia in faciendo primum est duplex miracu-  
lum, in faciendo secundum est tantum vnum miraculum.  
Sed Deus potest facere corpus Christi secundum omnes,  
& de facto facit sacramentaliter, id est non sub modo suo  
naturali, simul in diuersis locis; ergo potest facere in eis-  
dem sub modo naturali, scilicet localiter, & dimen-  
siuè.

Contrà arguitur primò. Si vnum corpus esset in pluri-  
bus locis, ergo idem corpus à se ipsa distaret, sicut locus à  
loco, sicut ex opposito sequeretur, quòd illa plura loca es-  
sent simul, quia quæ sunt simul alicui tertio, sunt simul  
inter se, & sic simul idem à seipso distaret, & non  
distaret.

Respondent Meld. & Cat. num. 120. §. ad tertium, quòd *Responso*  
Scotus 4. dist. x. q. 2. §. ad secundum principale, dicit non *Meld.*  
esse inconueniens idem per Vbi, quo Romæ constituitur. *Cat.*  
dist.

distare ab vbe Venetiarum, & ab eadem non distare per vbi Venetum.

*Infideliter adducunt Scotum* Sed hæc responsio non est Scoti, qui de vbi Veneto, & Romano nullam facit mentionem in loco cit. immò contrariam adducit doctrinam scilicet, quòd ratio propinquitatis, & distantiae sunt duo Vbi distantia, vel propinqua; Ideò per Vbi Venetum non potest corpus replicatum esse sibi propinquum, sed tantum quia potest habere Vbi propinquum vbi Veneto, & potest esse à seipso distans; quia potest habere Vbi distans ab eodem vbi Veneto.

*Responsio vera scoti* Respondet igitur Scotus loco citato, quòd non est inconueniens in eodem fundari relationes contrarias secundum diuersa fundamenta, sicut idem potest esse simile alicui secundum albedinem, & dissimile secundum scientiam, propinquum autem, & distans fundantur in corpore vbicato, quia vbi est propinquum, & distans; Et ideò idem Corpus potest esse propinquum, & distans, quia potest habere plura vbi propinqua, & distantia.

Sed contra hanc Responsionem Scoti arguo cum ipso Scotò in 2. dist. 2. q. 7. C. vbi habet, quòd anima in manu dextra, & sinistra non distat à se, & tamen manus distat à manu, ita Deus non distat à se, tamen distant inter se illae, quæ cum illo sunt his, & Romæ, & reddit rationem, quia quodcumque est in pluribus locis, quaeunque virtute sit in eis, est aliquo modo illimitatum; ergò propter distantiam locorum non debet poni distantia corporis replicati in eisdem locis; ergò idem corpus secundum Scotum hic non distat à se ipso propter distantiam locorum, quod est contra dictum Scoti in 4. loco superius citato.

*Corpus dicitur à se distans dupliciter.* Respondeo, quòd corpus replicatum potest dici distans dupliciter; Vno modo absolutè: Alio modo relatiuè. Corpus diceretur absolutè distans, si secundum suam entitatem à se ipso esset diuisum, quomodo intelligunt Thomistae dicentes, quòd si corpus replicaretur in diuersis locis.

tunc



tunc à se ipso diuideretur. Relatiuè verò dicitur distans, quia eadem entitas corporis fundat relationem distantie à se ipsa ratione loci distantis, loca enim distantia sunt fundamenta distantie in corporibus, corpora enim à se inuicem distant, quia loca, in quibus sunt, distantia sunt, & sic corpus replicatum in diuersis locis propinquis, vel distantibus dicitur à se ipso distans, & propinquum: Vnde quando Scotus dicit in 2. loco citato, quòd anima in manu dextra, & sinistra non distat à seipsa, intelligit de distantia absolute secundum eius entitatem, quia anima à se ipsa non est diuisa, sed indiuisibiliter est in toto corpore: Quando verò dicit Scotus 4. loco cit. quòd corpus distat, & est propinquum secundum loca propinqua, & distantia, intelligit de distantia, & propinquitate formali, quia secundum distantiam, & propinquitatem locorum fundat relationem propinquitatis, & distantie à se ipso.

Secundo, Corpus est natura limitata; ergò est etiam limitatum secundum omne, quod sibi inest; ergò secundum locum; ergò non potest esse in pluribus locis.

Respondeo ex Scoto 2. dist. 2. q. 7. C. negando consequentias; quia licet corpus sit ex se limitatum quo ad naturam & proprietates naturales, non est tamen limitatum quo ad accidentia relatiua, cuiusmodi est Vbi, ita quòd impossibile sit ipsum habere plura Vbi adæquata, licet virtute naturali sit limitatum ad vnum Vbi adæquatum, virtute tamen supernaturali potest esse in pluribus, & ita quodamodò illimitatum, quæ illimitatio non potest dici immoditas, cum non sit ex principiis intrinsecis Creaturæ, sed à virtute diuina dependeat.

Terriò, Contraria non possunt esse in eodem; Sed duo Vbi sunt contraria; ergò non possunt esse in eodem; ergò idem non potest esse in pluribus locis, minor probatur, quia duo Vbi possunt inter se distare, & potest ab vno ad aliud esse motus, qui est a contrario in contrarium.



rium, vel à contrario ad medium.

Respondeo ad maiorem, quòd contraria absoluta non possunt esse in eodem simul, vt albedo, & nigredo non potest esse simul in eodem homine; negatur tamen maior de contrarijs relatiuis ex Sco. in 4. dist. x. q. 2. supra R. respondendo ad primum principale, maxime quando idem potest habere plures rationes suadendi; Vt aliquod ens potest secundum aliquod esse maius, & secundum aliud, esse minus, simile, & dissimile, simile secundum albedinem, dissimile secundum scientiam, & sic concessa minori, negantur consequentiæ.

Quartò. Si idem Corpus posset esse in pluribus locis, ergo posset simul moueri, & quiescere, moueri in vno Vbi, & quiescere in alio; ergo posset quiescere, & non quiescere, quæ sunt contradictoria.

Respondeo ex Scoto 2. dist. 2. q. 7. C. & 4. dist. xq. R. concedendo, quòd tunc corpus posset moueri in vno Vbi, & in alio quiescere. Et cum inferatur ergo posset quiescere, & non quiescere simul, negatur consequentia, est enim fallacia à secundum quid ad simpliciter; A prædicatis enim determinatis ad eadem prædicata simpliciter est fallacia consequentis; Vt Antonius est magnus in ordine ad Ioannem, & paruus in ordine ad Franciscum; ergo Antonius est magnus, & paruus, negatur consequentia, sed tantum sequitur, quòd est magnus, & paruus in ordine ad diuersa cum eadem determinatione, cum qua accipiebatur ly magnus, & paruus in antecedenti. Ita in proposito. Antonius quiescit in vno Vbi, & in alio non quiescit, non valet sic absolutè inferre; ergo quiescit, & non quiescit, sed tantum sequitur; ergo quiescit, & non quiescit in diuersis Vbi, quæ non sunt contradictoria, quia affirmatio, & negatio potest esse eiusdem prædicati de eodem subiecto respectu diuersorum, ex Aristotele in post prædicamentis.

Quintò

Quintò : Aut posset moueri Corpus simul ad duo Vbi, aut ab vno Vbi moueri ad aliud, & tamen manere in primo Vbi, & moueri ad aliud ; Non primum, quia duo motus eiusdem speciei non possunt eidem inesse secundum Aristotelem 3. Phys. tex. 19. neque mulrò magis duo motus contrarij : Non secundum, quia termini motus sunt impossibiles : Vnde acquirendo terminum ad quem, necessario amittit terminum à quo.

Respondeo ex Scoto in 2. loco iam citato, quòd vtrunque est possibile, posset enim in tali casu moueri simul ad duo Vbi, & posset in vno Vbi manere, & ad aliud moueri, vnum non amittere, & aliud acquirere ; Et cum improbatur primum, quia duo motus non possunt eidem inesse secundum Aristotelem, dico cum Scoto loco citato, quòd non est impossibilitas motuum, nisi propter impossibilitatem formarum, secundum quas sunt motus, & ideò sicut duo Vbi non sunt impossibilia, vt habent esse in motu, & fluxu, ita nec duo motus ad duo Vbi in eodem erunt impossibiles : Vnde Arist. intelligitur de motibus ad formas impossibiles, quales sunt formæ absolutæ, non relatiuæ. Præterea dicerem, quod & si Aristoteles loqueretur de formis relatiuis, & de Vbicationibus, loqueretur naturaliter, & lumine naturali, non supernaturaliter, quomodo nos loquimur ; Et cum probatur, quòd secundum non est possibile, quia termini motus sunt impossibiles. Dico cum Scoto in 2. loco citato, quòd verum est de terminis formalibus, sicuti est forma, & priuatio, non autem de terminis concomitantibus ; Vnde quis potest non amittere terminum concomitantem à quo, scilicet Vbi, in quo est, & acquirere terminum ad quem scilicet aliud Vbi ; Et licet regulariter motus sit recessus à termino à quo, & accessus ad terminum ad quem, tamen quia generatio potest absque contradictione esse sine corruptione, & e conuerso, quia non sunt eadem mutatio, ita potest esse motus, vel mutatio

in quantum est accessus ad terminum ad quem sine recessu  
à termino à quo.

Sextò. Idem temporale non potest esse in diuersis temporibus simul; ergò nec idem locabile in diuersis locis.

Respondeo ex Scoto 4. dist. x. q. 2. R. quòd non valet paritas, quia cum tempus sit in continuo fluxu, & quantitas successiua, non est nisi secundum partem præsentem; & idèò temporale non potest esse simul in diuersis temporibus, sicut potest esse simul in pluribus locis, quia loca simul existunt, non autem diuersa tempora; Et idèò valet proportio quoad hoc, quòd sicut temporale vnica temporalitate non potest esse in pluribus temporibus, ita locabile non potest eadem, & vnica locabilitate esse in pluribus locis; Vnde hæc ratio (inquit Scotus) potest duci ad oppositum hoc modo, sicut idem locabile in eodem loco existens potest esse in diuersis temporibus, ita simul existens in eodem tempore potest esse simul in diuersis locis.

Septimò sequeretur quòd idem corpus haberet operationem sentiuiu in vno loco, & in alio non haberet, quia in vno loco posset videre corpus sibi propinquum, & in alio loco posset non videre idem corpus, quia esset distans, & improporcionatum.

Respondeo ex Scoto 4. dist. 2. q. x. S. negando sequellam, quia omnis actus immanens, qui inest corpori in hoc Vbi, inest sibi in quocunque alio loco: Et cum probatur, quòd non, quia tunc in vno loco haberet obiectum proportionatum, & propinquum, in alio non concedo, sed solum ex hoc sequitur, quòd sensatio fieret in illo loco, in quo esset obiectum propinquum, in alio loco non fieret, tamen iste actus esset in corpore in vtroque loco. Inest igitur primò corpori sensatio in hoc loco, in quo fieret sensatio non inest verò corpori primò, vt esset in alio loco; Vt Christus habens sensationem de aliquo obiecto in Cælo, eandem haberet in Eucharistia, in qua non immutaretur

tur

tur ab obiecto propter modum existendi indiuisibilem, & ideo sensatio Christo non inesset, primò, vt in Eucharistia ex Scoto 4. dist. x. q. 4. D.

Octauò Arguit Henricus quol. 9. q. 31. Si idem corpus posset esse in pluribus locis: ergò in omnibus, & sic esset vbique, quod est proprium Dei.

Respondeo ex Scoto 4. dist. x. q. 2. I. k. concedendo, quòd corpus potest esse vbique, quòd non est falsum, etiam in doctrina Henrici, & aliorum, quia ipsi concedunt corpus Christi posse esse vbique sacramentaliter, quia Deus potest conuertere quòdcunque corpus Vniuersi in corpus Christi, sicut potest conuertere panem, & quia non est maior ratio ad esse alicubi localiter, quam sacramentaliter, comparando ad potentiam Dei; Et cum probatur, quòd vbique est proprium Dei: Respondeo ex Scoto loco citato, quòd esse vbique necessariò secundum essentiam, presentiam, & potentiam, & per consequens immensuè, est proprium Dei, sed esse vbique dependenter à Deo non est proprium Dei, sed creaturæ conuenire potest, concurrente Dei omnipotentia.

Nondò. Arguit Henricus: Si vnum corpus esset in pluribus locis, sequeretur, quòd idem corpus in vno loco frigido haberet frigiditatem, & in alio calido haberet caliditatem; In vno loco non inueniens cibum, esuriret, in alio inueniens cibum non esuriret; in vno loco inueniens aeris intemperiem, infirmaretur, in alio ex temperie reciperet sanitatem, & sic esset simul sanum, & non sanum; In vno loco occideretur, in alio non, & sic moreretur, & non moreretur, quæ sunt contradictoria.

Respondeo ad hoc argumentum, quòd includit multa repugnantia cum Scoto loco citato K. & primò ad illud de frigiditate, & caliditate, quòd eodem modo speculandum est de igne, & aqua, si eidem corpori in vno loco existenti applicarentur, ac si essent in pluribus: Vnde si talia agentia

essent æqualis virtutis, vel vnum ageret, quia vnum impediret aliud, vel ambo ad effectum medium agerent. Si vero vnum vinceret aliud, tunc ignis V.G. calefaciens corpus in hoc loco, vinceret aquam aproximatam eidem corpori in alio loco, & sic corpus esset vtrobique calidum, passum enim eodem modo se habet respectu duorum agentium in vno Vbi, ac in pluribus, vt patet per secundam propositionem positam in notabilibus; Ad illud de fame, & saturitate dicit Scotus, quod fames est appetitus calidi, & sicci, iste autem appetitus; cum non dicat ordinem ad Vbi, non variatur ad variationem Vbi, & per consequens si hic corpus satiaretur, & cessaret appetitus vbi, cessaret, & alibi. Et si quæras an corpus recipiens cibum in hoc loco, recipiat etiam in alio loco vt hic: Respondet Scotus, quod non, sicut corpus Christi vt in pixide, non fuit vulneratum, quia licet vulnus sit in corpore Christi vtrobique, vulneratio autem, & actio fuit in Cruce; sic in proposito de repletionem, quæ dicit præsentiam alimenti contenti in continente, scilicet stomacho, vel ventre, cibus sit præsens corpori, vt hic, & non vt alibi; Vnde dicit Scotus, quod sicuti possibile est, quod corpora continentia illud corpus hic, & ibi sint alia, ita possibile est, quod continentia actiua istius corporis hic sit alia continentia eius in alio Vbi; quia non dicit absolutum, sed respectum extrinsecum.

Sed in hoc Scoti dicto videtur esse difficultas, quia non variatur relatio, nisi varientur extrema; modò in casu esset idem corpus continens, & cibus contentus hic, & ibi.

*Difficultas nulloris contra Scotum, et Responsio.* Dicerem, quod Scotus intelligit de continentia non secundum esse formale simpliciter, sed vt dicit ordinem ad locum diuersum, & sic eadem continentia est alia, vt hic, & alia, vt alibi; sicut si eadem superficies continens replicaretur ad replicationem corporis contenti, esset eadem

omniñò formaliter continentia superficiei, & tamen non esset idem locus formaliter, quia diceret respectum ad aliud, & aliud immobile, quod est complementum essentialiale loci, & sic inuariatis fundamento, & termino, esset alia, & alia continentia, & ideò dicit Scotus, quòd corpus repletum vtroque, esset tantum repletum hic, ut hic, & non ut alibi, quia alibi non fit præsens nisi per replicationem præsentiæ factæ tantum in vno loco.

Ad illud de sanitate, & infirmitate, temperie, & intemperie. Respondetur per secundam propositionem in Not. sicut de corpore in pluribus locis approximato igni, & aquæ, ut iam dictum est. Idem dicendum est de morte, & vita, quæ cum sint absoluta positiua, vel priuatiua non variantur ad variationem Vbi, ac propterea homo viuens in vno loco, viuit in alio, & mortuus in vno est mortuus in alio, sed tamen non sequitur, vulneratur hic; ergò vulneratur ibi, quia vulneratio dicit diuisionem continui, ut hic ab aliquo hic diuidente, verum tamen est, quòd habet vulnus hic, & ibi, ut supra dictum est de corpore Christi.

Decimò Arguit Dignus Thomas. Termini locati, & termini loci sunt simul: ergò si locatum est extra terminos proprii loci, est etiam extra terminos proprios.

Respondeo cum Scoto loco citato N. quòd termini loci, & locati sunt simul simultatè adæquata, sed non præcisa in ordine ad potentiam Dei: quare negatur consequentia, quia termini loci non sunt termini corporis locati, licet sint inter se adæquati, quòd patet quia corpus existens adæquatè in vno loco, potest replicari, & esse consimili adæquatione in alio loco.

XI. Arguit Ægidius. Sicut res per propriam naturam est tantum in vna specie, sic per vnā dimensionem est simul tantum in vno loco: probatur quia sicut se habet natura ad speciem, sic quantitas ad locum.

Respon-



Respondeo cum Scoto loco citato negando paritatem, quia naturo vna est ratio formalis essendi in vna specie, sed dimensio non est ratio formalis proxima essendi in loco, sed tantum est ratio fundamentalis, quæ ratio fundamentalis potest esse vna, licet respectus sint diuersi; sicut albedo potest esse vna ratio fundamentalis, licet similitudines sint diuersæ, Franciscus enim per suam albedinem fundat diuersas similitudines ad diuersa alba.

XII. Arguit Scotus ipse in corpore questionis sæpè citata contra hanc conclusionem infra scriptis argumentis. Si vnum corpus posset esse simul per potentiam Dei in pluribus locis: ergo & per potentiam naturalis agentis; Consequencia probatur. Agens naturale non intendit per se corruptionem termini à quò, sed tantum per accidens, quia ille est impossibilis termino ad quem, quem intendit inducere; ergo si vnum Vbi sit compossibile alteri Vbi, agens naturale non corrumpet primum vbi ad hoc, quòd inducat secundum Vbi; ergo posset facere corpus in nouo Vbi, absque hoc, quòd remoueat illud aliud Vbi, quòd habuit prius.

Respondeo cum Scoto loco citato P. negando consequentiam, quia aliqua sunt repugnantia respectu virtutis creatæ, quæ non sunt repugnantia respectu virtutis diuinæ; Et ideo si duo Vbi non repugnant simpliciter, non propter hoc virtus creata potest facere vnum corpus esse simul in illis; Vt Virginem parere non repugnat, & tamen hoc non potest facere virtus creata, sicut non repugnat simpliciter duo corpora esse simul in eodem loco, & tamen hoc repugnat in ordine ad potentiam creatam.

XIII. Sequeretur quòd eadem materia posset esse sub duabus formis substantialibus, quòd est impossibile; probatur sequella. Primum, quia si ponatur idem nutrimentum in pluribus locis, & à diuersis animalibus in illis ex-

sten-



stantibus comedatur, nutritiua vtriusque conuerteret idem in substantiam suam, & per consequens eadem materia nutrimenti illius erit simul sub diuersis formis substantialibus, & animabitur in brutis diuersis animabus sensitiuis, & in hominibus diuersis intellectiuis. Secundò quia posito, quòd idem lignum sit in diuersis locis, & in illis sint duo ignes, agent in illud lignum, & corrumpetur, quia non potest resistere virtuti agentis, & inducerent formam ignis, non eadem, quia agentia sunt diuersa: ergò aliam, & aliam, & in eadem materia.

Scotus loco citato dat duas Responsiones, firmiter tamen negat sequelam, scilicet, quòd tunc materia possit esse sub duabus formis substantialibus: Et cum probatur Primò de nutrimento in pluribus locis sumpto à diuersis animalibus. Respondet Scotus, quòd idem fieret de alimento sumpto à diuersis animalibus in diuersis Vbi, ac si essent in eodem loco, & cibus esset in vtriusque animalibus: Et tunc vel vna virtus totaliter vinceret aliam, & sic vnum animal totaliter conuerteret cibum in sui substantiam: Vel esset æqualis virtutis, & tunc æqualiter conuerterent materiam in corpus suum, idest æqualem partem: Vel si vnum animal vinceret aliud in virtute: Vnum magis, & aliud minus conuerterent de illa materia in suam substantiam, & sic eadem numero materia totalis, vel pars materiæ non conuerteretur in substantiam amborum, sed vel tota in substantiam tantum vnius animalis, vel vna pars materiæ in substantiam vnius animalis, & alia pars, siue æqualis, siue minor in substantiam alterius animalis conuerteretur: Et cum secundò Probatur sequela de ligno in diuersis locis, cui duo ignes essent appropinquati. Respondetur ex Scoto loco citato, quòd eodem modo agerent in ligno in diuersis Vbi posito, ac si essent in vno, & eodem loco: Vnde si illi duo ignes essent æqualis virtutis, generarent vnum ignem, sed essent causæ partiales vnā totalem causam  
inte-

integrantes, & per consequens eadem materia; quæ erat sub forma ligni, fit sub vna tantum forma ignis.

XIV. Sequeretur, quod quatumcunque paruulus ignis posset comburere omnia combustibilia; quia si habeat hic, & ibi, & in omnibus locis proportionatum combustibile, posset in illis locis omnia combustibilia simul comburere: Sed quæcumque virtus potest simul in multa passa parua, potest simul in passum magnum integratum ex illis paruis; ergo minimus ignis potest comburere integratum ex omnibus combustibilibus.

Respondeo cum Scoto loco citato Q. quod paruulus ignis eodem modo se haberet in diuersis locis, ac si esset in vno loco approximatus pluribus combustibilibus; & ideo sic ut propter eius tenuem virtutem non posset nisi in vnum, vel in plura remissè agere, ita se haberet, si talis ignis esset in pluribus locis, ac propterea negatur, quod paruus ignis posset comburere combustibile ex omnibus combustibilibus integratum.

XV. Si animal hic habens conueniens nutrimentum, nutriretur, alibi verò non habens nutrimentum, non nutriretur, sic simul nutriretur, & non nutriretur.

Respondeo ex Scoto loco citato Q. negando, quod animal non habens nutrimentum in aliquo Vbi, non nutriretur, dum tamen idem animal susciperet nutrimentum conueniens alibi, vti que motus localis nutrimenti ad stomachum non esset in hoc loco, tamen conuersio nutrimenti in substantiam alendi est eadem hic, & ibi; sed non valet dicere, ergo nutritur, & non nutritur; sed tantum ergo accipit hic nutrimentum, & non alibi.

XVI. Si in duobus locis animal haberet conueniens nutrimentum, & susciperet vtroque, sequeretur, quod id dupliciter nutriretur, vel quod nutrimentum susceptum deperderetur, & non conuerteretur in nutrimentum.

Re

Respondeo cum Scoto loco citato, quòd tunc nutrimentum superflueret, & totum alimentum conueniens vtrobi- que non conuerteretur in substantiam aliti, quia vel more- retur, vel infirmaretur, eò quia non posset digerire totum nutrimentum, vel si digeriret, nutrimentum superflueret, ita quòd partem nutrimenti in vtroque loco digeriret, sicut si partem nutrimenti in vno loco, & partem nutrimenti con- uenientis in alio susciperet, vtrobi- que nutriretur, non so- lum quia vtrobi- que alimentum conuerteretur in substantiã aliti, sed etiam quia vtrobi- que esset susceptio nutrimenti, & motus localis nutrimenti ad stomachum.

XVII. Occupatio loci est effectus adæquatus quantita- tis; sed implicat ab vna forma esse plures effectus forma- les adæquatos; ergo implicat idem corpus occupare plura loca.

Respondeo concedendo, quòd occupatio loci est effe- ctus adæquatus quantitatis, sed non hæc, vel illa occupatio, quia plures determinatæ occupationes sunt inadæquatæ nõ tantum in ordine ad potentiam diuinam, sed etiam natura- lem, quia corpus non est ita naturaliter determinatus ad vnum locum, quin per eandem quantitatem non possit esse successiue in alio loco, in quibus potest esse simul per po- tentiam diuinam.



rium, vel à contrario ad medium.

Respondeo ad maiorem, quòd contraria absoluta non possunt esse in eodem simul, vt albedo, & nigredo non potest esse simul in eodem homine; negatur tamen maior de contrarijs relatiuis ex Sco. in 4. dist. x. q. 2. supra R. respondendo ad primum principale, maximè quando idem potest habere plures rationes fundandi; Vt aliquod ens potest secundum aliquod esse maius, & secundum aliud, etse minus, simile, & dissimile, simile secundum albedinem, dissimile secundum scientiam, & sic concessa minori, negantur consequentiæ.

Quartò. Si idem Corpus posset esse in pluribus locis, ergò posset simul moueri, & quiescere, moueri in vno Vbi, & quiescere in alio; ergò posset quiescere, & non quiescere, quæ sunt contradictoria.

Respondeo ex Scoto 2. dist. 2. q. 7. C. & 4. dist. x. q. 3. R. concedendo, quòd tunc corpus posset moueri in vno Vbi, & in alio quiescere. Et cum infertur ergò posset quiescere, & non quiescere simul, negatur consequentiæ, est enim fallacia à secundum quid ad simpliciter; A prædicatis enim determinatis ad eadem prædicata simpliciter est fallacia consequentis: Vt Antonius est magnus in ordine ad Ioannem, & paruus in ordine ad Franciscum; ergò Antonius est magnus, & paruus, negatur consequentiæ, sed tantum sequitur, quòd est magnus, & paruus in ordine ad diuersa cum eadem determinatione, cum qua accipiebatur ly magnus, & paruus in antecedenti: Ita in proposito. Antonius quiescit in vno Vbi, & in alio non quiescit, non valet sic absolutè inferre; ergò quiescit, & non quiescit, sed tantum sequitur; ergò quiescit, & non quiescit in diuersis Vbi, quæ non sunt contradictoria; quia affirmatio, & negatio potest esse eiusdem prædicati de eodem subiecto respectu diuersorum, ex Aristotele in post prædicamentis.

Quintò

Quintò : Aut posset moueri Corpus simul ad duo Vbi, aut ab vno Vbi moueri ad aliud, & tamen manere in primo Vbi, & moueri ad aliud ; Non primum, quia duo motus eiusdem speciei non possunt eidem inesse secundum Aristotelem 3. Phys. tex. 19. neque mulrò magis duo motus contrarij : Non secundum, quia termini motus sunt impossibiles ; Vnde acquirendo terminum ad quem, necessario amittit terminum à quo.

Respondeo ex Scoto in 2. loco iam citato, quòd vtrunque est possibile, posset enim in tali casu moueri simul ad duo Vbi, & posset in vno Vbi manere, & ad aliud moueri, vnum non amittere, & aliud acquirere ; Et cum improbatur primum, quia duo motus non possunt eidem inesse secundum Aristotelem, dico cum Scoto loco citato, quòd non est impossibilitas motuum, nisi propter impossibilitatem formarum, secundum quas sunt motus, & ideò sicut duo Vbi non sunt impossibilia, vt habent esse in motu, & fluxu, ita nec duo motus ad duo Vbi in eodem erunt impossibiles : Vnde Arist. intelligitur de motibus ad formas impossibiles, quales sunt formæ absolutæ, non relatiuæ. Præterea dicerem, quod & si Aristoteles loqueretur de formis relatiuis, & de Vbicationibus, loqueretur naturaliter, & lumine naturali, non supernaturaliter, quomodo nos loquimur ; Et cum probatur, quòd secundum non est possibile, quia termini motus sunt impossibiles. Dico cum Scoto in 2. loco citato, quòd verum est de terminis formalibus, sicuti est forma, & priuatio, non autem de terminis concomitantibus ; Vnde quis potest non amittere terminum concomitantem à quo, scilicet Vbi, in quo est, & acquirere terminum ad quem scilicet aliud Vbi ; Et licet regulariter motus sit recessus à termino à quo, & accessus ad terminum ad quem, tamen quia generatio potest absque contradictione esse sine corruptione, & e conuerso, quia non sunt eadem mutatio, ita potest esse motus, vel mutatio



in quantum est accessus ad terminum ad quem sine recessu  
à termino à quo.

Sextò . Idem temporale non potest esse in diuersis temporibus simul; ergò nec idem locabile in diuersis locis.

Respondeo ex Scoto 4. dist. x. q. 2. R. quòd non valet paritas, quia cum tempus sit in continuo fluxu, & quantitas successiua, non est nisi secundum partem presentem; & ideo temporale non potest esse simul in diuersis temporibus, sicut potest esse simul in pluribus locis, quia loca simul existunt, non autem diuersa tempora; Et ideo valet proportio quoad hoc, quòd sicut temporale vnica temporalitate non potest esse in pluribus temporibus, ita locabile non potest eadem, & vnica locabilitate esse in pluribus locis; Vnde hæc ratio (inquit Scotus) potest duci ad oppositum hoc modo, sicut idem locabile in eodem loco existens potest esse in diuersis temporibus, ita simul existens in eodem tempore potest esse simul in diuersis locis.

Septimò sequeretur quòd idem corpus haberet operationem sentitiuam in vno loco, & in alio non haberet, quia in vno loco posset videre corpus sibi propinquum, & in alio loco posset non videre idem corpus, quia esset distans, & improporionatum.

Respondeo ex Scoto 4. dist. 2. q. x. S. negando sequellam, quia omnis actus immanens, qui inesset corpori in hoc Vbi, inesset sibi in quocunque alio loco. Et cum probatur, quòd non, quia tunc in vno loco haberet obiectum proportionatum, & propinquum, in alio non concedo, sed solum ex hoc sequitur, quòd sensatio fieret in illo loco, in quo esset obiectum propinquum, in alio loco non fieret, tamen iste actus esset in corpore in vtroque loco. Inesset igitur primò corpori sensatio in hoc loco, in quo fieret sensatio non inesset verò corpori primò, vt esset in alio loco; Vt Christus habens sensationem de aliquo obiecto in Cæto, eandem haberet in Eucharistia, in qua non immuratur

tur

tur ab obiecto propter modum existendi indiuisibilem, & ideo sensatio Christo non inesset, primò, vt in Eucharistia ex Scoto 4. dist. x. q. 4. D.

Octauò Arguit Henricus quol. 9. q. 31. Si idem corpus posset esse in pluribus locis: ergò in omnibus, & sic esset vbique, quod est proprium Dei.

Respondeo ex Scoto 4. dist. x. q. 2. I. k. concedendo, quòd corpus potest esse vbique, quòd non est falsum, etiam in doctrina Henrici, & aliorum, quia ipsi concedunt corpus Christi posse esse vbique sacramentaliter, quia Deus potest conuertere quodcunque corpus Vniuersi in corpus Christi, sicut potest conuertere panem, & quia non est maior ratio ad esse alicubi localiter, quam sacramentaliter comparando ad potentiam Dei; Et cum probatur, quòd vbique est proprium Dei: Respondeo ex Scoto loco citato, quòd esse vbique necessario secundum essentiam, presentiam, & potentiam, & per consequens immensiue, est proprium Dei, sed esse vbique dependenter à Deo non est proprium Dei, sed creature conuenire potest, concurrente Dei omnipotentia.

Nondò. Arguit Henricus: Si vnum corpus esset in pluribus locis, sequeretur, quòd idem corpus in vno loco frigido haberet frigiditatem, & in alio calido haberet caliditatem; In vno loco non inueniens cibum, esuriret, in alio inueniens cibum non esuriret; in vno loco inueniens aeris intemperiem, infirmaretur, in alio ex temperie reciperet sanitatem, & sic esset simul sanum, & non sanum; In vno loco occideretur, in alio non, & sic moreretur, & non moreretur, quæ sunt contradictoria.

Respondeo ad hoc argumentum, quòd includit multa repugnantia cum Scoto loco citato K. & primò ad illud de frigiditate, & caliditate, quòd eodem modo speculandum est de igne, & aqua, si eidem corpori in vno loco existenti applicarentur, ac si essent in pluribus: Vnde si talia agentia

li 2 essent



essent æqualis virtutis, vel vnum ageret, quia vnum impetiret aliud, vel ambo ad effectum medium agerent. Si vero vnum vinceret aliud, tunc ignis V.G. calefaciens corpus in hoc loco, vinceret aquam aproximata eidem corpori in alio loco, & sic corpus esset vtrobique calidum, passum enim eodem modo se habet respectu duorum agentium in vno Vbi, ac in pluribus, vt patet per secundam propositionem positam in notabilibus; Ad illud de fame, & saturitate dicit Scotus, quod fames est appetitus calidi, & sicci, iste autem appetitus; cum non dicat ordinem ad Vbi, non variatur ad variationem Vbi, & per consequens si hic corpus satiaretur, & cessaret appetitus vbi, cessaret, & alibi. Et si quæras an corpus recipiens cibum in hoc loco, recipiat etiam in alio loco vt hic. Respondet Scotus, quod non, sicut corpus Christi vt in pixide, non fuit vulneratum, quia licet vulnus sit in corpore Christi vtrobique, vulneratio autem, & actio fuit in Cruce; sic in proposito de repletionem, quæ dicit præsentiam alimenti contenti in continente, scilicet stomacho, vel ventre, cibus sit præsens corpori, vt hic, & non vt alibi; Vnde dicit Scotus, quod sicuti possibile est, quod corpora continentia illud corpus hic, & ibi sint alia, ita possibile est, quod continentia adiuuantiis corporis hic sit alia continentia eius in alio Vbi, quia non dicit absolutum, sed respectum extrinsecum.

Sed in hoc Scoti dicto videtur esse difficultas, quia non variatur relatio, nisi varientur extrema; modò in casu esset idem corpus continens, & cibus contentus hic, & ibi.

*Difficultas nulloris contra Scotum, et*  
 Dicerem, quod Scotus intelligit de continentia non secundum esse formale simpliciter, sed vt dicit ordinem ad locum diuersum, & sic eadem continentia est alia, vt hic, & alia, vt alibi; sicut si eadem superficies continens replicaretur ad replicationem corporis contenti, esset eadem

Omni-

omniñd formaliter continentia superficiiei, & tamen non esset idem locus formaliter, quia diceret respectum ad aliud, & aliud immobile, quod est complementum essentialiale loci, & sic inuariatis fundamento, & termino, esset alia, & alia continentia, & ideo dicit Scotus, quòd corpus repletum vtrouque, esset tantum repletum hic, ut hic, & non ut alibi, quia alibi non fit præsens nisi per replicationem præsentiæ factæ tantum in vno loco.

Ad illud de sanitate, & infirmitate, temperie, & intemperie. Respondetur per secundam propositionem in Not. sicut de corpore in pluribus locis approximato igni, & aquæ, ut iam dictum est. Idem dicendum est de morte, & vita, quæ cum sint absoluta positiua, vel priuatiua non variantur ad variationem Vbi, ac propterea homo viuens in vno loco, viuit in alio, & mortuus in vno est mortuus in alio, sed tamen non sequitur, vulneratur hic; ergò vulneratur ibi, quia vulneratio dicit diuisionem continui, ut hic ab aliquo hic diuidente, verum tamen est, quòd habet vulnus hic, & ibi, ut suprà dictum est de corpore Christi.

Decimò Arguit Diuus Thomas. Termini locati, & termini loci sunt simul: ergò si locatum est extra terminos proprii loci, est etiam extra terminos proprios.

Respondeo cum Scoto loco citato N. quòd termini loci, & locati sunt simul simultatè adæquata, sed non præcisa in ordine ad potentiam Dei: quare negatur consequentia, quia termini loci non sunt termini corporis locati, licet sint inter se adæquati, quòd patet quia corpus existens adæquatè in vno loco, potest replicari, & esse consimili adæquatione in alio loco.

XI. Arguit Ægidius. Sicut res per propriam naturam est tantum in vna specie, sic per vnā dimensionem est simul tantum in vno loco: probatur quia sicuti se habet natura ad speciem, sic quantitas ad locum.

Respon.

Respondeo cum Scoto loco citato negando paritatem, quia naturo vna est ratio formalis essendi in vna specie, sed dimensio non est ratio formalis proxima essendi in loco, sed tantum est ratio fundamentalis, quæ ratio fundamentalis potest esse vna, licet respectus sint diuersi; sicut albedo potest esse vna ratio fundamentalis, licet similitudines sint diuersæ, Franciscus enim per suam albedinem fundat diuersas similitudines ad diuersa alba.

XII. Arguit Scotus ipse in corpore questionis sæpè citata contra hanc conclusionem infra scriptis argumentis. Si vnum corpus posset esse simul per potentiam Dei in pluribus locis: ergo & per potentiam naturalis agentis; Consequentia probatur. Agens naturale non intendit per se corruptionem termini à quò, sed tantum per accidens, quia ille est impossibilis termino ad quem, quem intendit inducere; ergo si vnum Vbi sit compossibile alteri Vbi, agens naturale non corrumpet primum vbi ad hoc, quòd inducat secundum Vbi; ergo posset facere corpus in nouo Vbi, absque hoc, quòd remoueat illud aliud Vbi, quòd habuit prius.

Respondeo cum Scoto loco citato P. negando consequentiam, quia aliqua sunt repugnantia respectu virtutis creatæ, quæ non sunt repugnantia respectu virtutis diuinæ; Et ideo si duo Vbi non repugnant simpliciter, non propter hoc virtus creata potest facere vnum corpus esse simul in illis; Vt Virginem parere non repugnat, & tamen hoc non potest facere virtus creata, sicut non repugnat simpliciter duo corpora esse simul in eodem loco, & tamen hoc repugnat in ordine ad potentiam creatam.

XIII. Sequeretur quòd eadem materia posset esse sub duabus formis substantialibus, quòd est impossibile; probatur sequella. Primò, quia si ponatur idem nutrimentum in pluribus locis, & à diuersis animalibus in illis exi-

stea-

sentibus comedatur, nutritiua vtriusque conuerteret idem in substantiam suam, & per consequens eadem materia nutrimenti illius erit simul sub diuersis formis substantialibus, & animabitur in brutis diuersis animabus sensitiuis, & in hominibus diuersis intellectiuis. Secundò quia posito, quòd idem lignum sit in diuersis locis, & in illis sint duo ignes, agent in illud lignum, & corrumpetur, quia non potest resistere virtuti agentis, & inducerent formam ignis, non eadem, quia agentia sunt diuersa: ergò aliam, & aliam, & in eadem materia.

Scotus loco citato dat duas Responsiones, firmiter tamen negat sequelam, scilicet, quòd tunc materia possit esse sub duabus formis substantialibus: Et cum probatur Primò de nutrimento in pluribus locis sumpto à diuersis animalibus. Respondet Scotus, quòd idem fieret de alimento sumpto à diuersis animalibus in diuersis Vbi, ac si essent in eodem loco, & cibus esset in vtriusque animalibus: Et tunc vel vna virtus totaliter vinceret aliam, & sic vnum animal totaliter conuerteret cibum in sui substantiam: Vel esset æqualis virtutis, & tunc æquiditer conuerterent materiam in corpus suum, idest æquale in partem: Vel si vnum animal vinceret aliud in virtute: Vnum magis, & aliud minus conuerterent de illa materia in suam substantiam, & sic eadem numero materia totalis, vel pars materiæ non conuerteretur in substantiam amborum, sed vel tota in substantiam tantum vnius animalis, vel vna pars materiæ in substantiam vnius animalis, & alia pars, siue æqualis, siue minor in substantiam alterius animalis conuerteretur: Et cum secundò Probatum sequela de ligno in diuersis locis, cui duo ignes essent a pproximati. Respondetur ex Scoto loco citato, quòd eodem modo agerent in ligno in diuersis Vbi posito, ac si essent in vno, & eodem loco: Vnde si illi duo ignes essent æqualis virtutis, generarent vnum ignem, sed essent causæ partiales vnam totalem causam inte-

integrantes, & per consequens eadem materia; quæ erat sub forma ligni, fit sub vna tantum forma ignis.

XIV. Sequeretur, quod quatumcunque paruulus ignis posset comburere omnia combustibilia; quia si habeat hic, & ibi, & in omnibus locis proportionatum combustibile, posset in illis locis omnia combustibilia simul comburere: Sed quæcumque virtus potest simul in multa passa parua, potest simul in passum magnum integratum ex illis paruis; ergo minimus ignis potest comburere integratum ex omnibus combustibilibus.

Respondeo cum Scoto loco citato Q. quod paruulus ignis eodem modo se haberet in diuersis locis, ac si esset in vno loco approximatus pluribus combustibilibus; & ideo sicut propter eius tenuem virtutem non posset nisi in vnum, vel in plura remissè agere, ita se haberet, si talis ignis esset in pluribus locis, ac propterea negatur, quod paruus ignis posset comburere combustibile ex omnibus combustibilibus integratum.

XV. Si animal hic habens conueniens nutrimentum, nutriretur, alibi verò non habens nutrimentum, non nutriretur, sic simul nutriretur, & non nutriretur.

Respondeo ex Scoto loco citato Q. negando; quod animal non habens nutrimentum in aliquo Vbi, non nutriretur, dum tamen idem animal susceperet nutrimentum conueniens alibi, vtique motus localis nutrimenti ad stomachum non esset in hoc loco, tamen conuersio nutrimenti in substantiam alendi est eadem hic, & ibi; sed non valet dicere, ergo nutritur, & non nutritur; sed tantum ergo accipit hic nutrimentum, & non alibi.

XVI. Si in duobus locis animal haberet conueniens nutrimentum, & susceperet vtroque, sequeretur, quod in duplici nutriretur, vel quod nutrimentum susceptum perderetur, & non conuerteretur in nutrimentum.



Respondeo cum Scoto loco citato, quòd tunc nutrimentum superflueret, & totum alimentum conueniens vtrobi- que non conuerteretur in substantiam aliti, quia vel more- retur, vel infirmaretur, cò quia non posset digerire totum nutrimentum, vel si digeriret, nutrimentum superflueret, ita quod partem nutrimenti in vtroque loco digeriret, sicut si partem nutrimenti in vno loco, & partem nutrimenti con- uenientis in alio susciperet, vtrobi- que nutriretur, non so- lum quia vtrobi- que alimentum conuerteretur in substantiã aliti, sed etiam quia vtrobi- que esset susceptio nutrimenti, & motus localis nutrimenti ad stomachum.

XVII. Occupatio loci est effectus adæquatus quantita- tis; sed implicat ab vna forma esse plures effectus forma- des adæquatos; ergo implicat idem corpus occupare plura loca.

Respondeo concedendo, quòd occupatio loci est effe- ctus adæquatus quantitatis, sed non hæc, vel illa occupatio, quia plures determinatæ occupationes sunt inadæquatæ nõ tantum in ordine ad potentiam diuinam, sed etiam natura- lem, quia corpus non est ita naturaliter determinatus ad vnum locum, quin per eandem quantitatem non possit esse successiue in alio loco, in quibus potest esse simul per po- tentiam diuinam.



Kk

Hæc

## Disputatio Quarta de Vacuo.

## CONCLUSIO PRIMA.

*Non reperitur Vacuum in rerum natura.*

Est Arist. 4. Phys. tex. 64. & inde, & Scot. 3.  
dist. 27. q. Vnica §. istæ rationes, &  
4. dist. 49. q. 13. H.

*Opinio Aliorum. Cap. Primum.*

*Opinio  
Meld. &  
Cat.*

**M**Eld. & Cat. disp. 12. Phys. q. prima num. secundo  
eandem sustinent conclusionem, sed in præfatione  
istius disp. num. primo assignantes rationem Vacui, non  
memores eorum, quæ contra Scotum dixerunt de dimen-  
sionibus in substantia, etiam sine quantitate, sibi contradi-  
centes, ponunt Vacuum esse plenum; Nam ibi dicunt,  
quod si in aula esset aer omni quantitate priuatus, verè da-  
retur vacuum, e contra si deretur quantitas sine substantia,  
locus ille non esset vacuus, sed plenus, ratio est, inquit,  
quia id dicitur replere locum, quod facit partes vniuersi ex-  
tensas, & distantes, hoc autem à quantitate prestatur.

*Contradi-  
ctio Meld.  
& Cat.*

Sed contrà arguo ad hominē. Illud facit latera continen-  
tis distare, & replet locum, quod est circumscriptiue in lo-  
co secundum longitudinem, latitudinem, & profunditatē;  
sed substantia sine quantitate secundum istos scriptores  
esset in loco circumscriptiue secundum longitudinem, lati-  
tudinem, & profunditatem; ergò substantia sine quantita-  
te faceret latera continētis distare, & repletet locum, &  
sic Vacuum esset plenum; Similes contradictiones inueni  
in disp. de continuo, & loco, vt videre est in confutatio-  
nibus istorum,

Præ-



Præterea clarius sibi contradicunt, Nam disp. ij. Phys. Contradictum. 107. & disp. 9. num. 17. habent, quod repletio omnibus rebus corporeis etiam sine quantitate competit; & in hac disputatione de Vacuo dicunt, quod corpora sine quantitate non replent; Replere autem, & non replere locum est manifesta contradictio, & velint nolint, fatentur hic extensionem à sola quantitate prouenire.

Si dicerent, quod utique aer sine quantitate replet locum penetrabiliter, non autem impenetrabiliter, quia hoc solum est à quantitate; Non valet, quia penetrabilitas, vel impenetrabilitas non facit latera continentis distare, sed solum extensio, & repletio secundum ipsos, & rectè; Repletio enim est aliquod commune ad penetrabilitatem, & impenetrabilitatem, abstrahens ab utraque; quia secundum ipsos disp. 9. & ii. Phys. locis iam citatis repletio contrahitur ut aliquod commune tanquam per differentias per penetrabilitatem, & impenetrabilitatem, licet hoc dictum sit falsissimum, ut satis confutavi disputatione de continuo.

Item isti Doctores assignando causam, à qua mouentur corpora violenter ne detur Vacuum, dicunt in hac disputatione q. 2. art. prim. num. 14. cum Amico recedentes à doctrina Scoti, quod mouentur ab illo, quod mouet corpus, cum aliud violenter succedit; Ut attrahens aerem è fistula aqua plenam, attrahit etiam aquam; Vnde dicunt in motu violento ad replendum Vacuum duo interuenire. Primum est coniunctio corporum Vniuersi ad inuicem. Secundum est motus ipse quo Vacuum repletur, Colligatio est ab Auctore naturæ, motus verò fit à mouente corpus illud, in cuius locum aliud corpus violenter motum succedit.

Sed isti scriptores contra seipsos arguunt auctoritate Sco. 4. dist. 43 q. 5. D. E. & quolib. ii art. 2. quod si Deus in instanti condensaret aliquod corpus, vel illud annihilaret,

Kk 2 & nihil

Tacita  
ipforum  
Resp. con-  
futatur.

Secundum  
dictum  
Meld. &  
Cat.

Confuta-  
tur.

& nihil circa latera continentis efficeret, quòd tunc daretur Vacuum ad tempus, quia non posset natura in instanti accurrere per motum localem ad repletionem Vacui; ergo per Scotum datur vis aliqua infra rebus impeditiua Vacui.

*Responsio  
Meld. &  
Cat.*

Respondent, quòd ibi per naturam intellexit Deum ipsū, vt Auctorem naturæ, in illis enim casibus Deus vt Auctor. Vniuersi deberet mouere corpus ambiens ad superficiem condensati, vel ad aliud latus continentis, sicut est, quòd condensat, vel anihilat corpus medium, & quia motus localis includens totam realitatem nequit fieri in instanti, ideò in tempore esset, ideò daretur Vacuum ad tempus.

*Infideliter  
adducunt  
Scotum.*

Sed hæc responsio quam sic falsa, patet intuitu textum Scoti, vbi habet hæc verba. *Quia potest Deus dimittere naturam sibi & cum natura non possit mouere aerem in instanti, vt applicetur lateribus illius corporis minoris, erit ibi Vacuum ad tempus quousque, scilicet natura possit aerem circumstantem consignare corpori illi.* Hæc Scotus.

Tunc sic arguo. Scotus loquendo de natura, quando dicit, quòd non potest mouere aerem in instanti, dicit esse per hoc, quia Deus potest dimittere naturam sibi, id est in suo esse, & virtute naturali; Deus autem tunc non dimitteret se sibi; ergo per naturam Scotus non intelligit Deum.

*Confutat.  
Secundum*

Præterea si Scotus per naturam intelligeret Deum, sequeretur, quòd Deus non potest mouere aerem in instanti.

Si respondeant, vt videntur innuere in hac disp. num. 15. concedendo Deum non posse mouere aerem in instanti, quia motus localis includens totam realitatem nequit fieri in instanti. Hoc est falsum, quia Scotus. 2. dist. 2. q. ii. C. ideò negat Angelum posse moueri in instanti loquendo de motu locali includente totam realitatem motus, quia non videtur, quod virtute sua naturali possit habere plura

Vbi

Vbi æqualia.

Tunc sic argumentor, Deus virtute sua infinita potest facere, quod corpus habeat plura Vbi æqualia secundum Scotum maxime 4. dist. 43. q. 4. B. vbi habet, quod nunquam est successio necessaria, nisi propter aliquem defectum agentis, qui defectus non est in virtute infinita: Tum quia potest Deus facere, quod in eodem instanti corpus sit simul in pluribus locis totalibus; ergo Deus potest mouere corpus in instanti, loquendo de motu locali secundum totam eius realitatem, & qui hoc negat, negat etiam Deum esse infinitum.

Secundo arguo principaliter contra eorum dictum, scilicet, quod colligatio corporum sit à Deo, & motus violentus, ne detur Vacuum, sit à mouente corpus illud, in cuius locum aliud corpus violenter mouetur; Nam aperte Scotus 4. dist. 27. q. Vnica S. istæ rationes, dicit quod aqua violenter mouetur à virtute regitiua Vniuersi; Nec valet dicere, quod Scotus quando ait virtutem regitiuam mouere partes Vniuersi, ne detur Vacuum, intelligat, quod conseruet contiguitatem partium Vniuersi, motus verò sit ab alio, quia ostendendo, quod in tali casu aqua non mouet se sursum, ne detur Vacuum, sed à virtute regitiua, loquitur proprie de motu. Immo isti Scriptores in hac Disp. num. 12. ostendendo, quod talis motus violentus, ne detur Vacuum, non est à principio intrinseco, adducunt hanc rationem Scoti in 3. loco citato; ergo ibi Scotus non intelligit contiguitatem, ut distinguitur à motu, aliter eorum confutatio non esset ad propositum, quia sic ostenderet contiguitatem, non motum partium Vniuersi, non esse à principio intrinseco, quod ibi à nullo disputatur.

Præterea Colligatio corporum, ne detur Vacuum, non potest fieri sine motu; immò non est nisi motu præcedente, ita quod qui mouet corpus violenter, ne de-

rur

tur Vacuum ipsemet colligat, & coniungit partes Vniuersi; ergò si colligatio erit à Deo, & motus erit à Deo; Vel è conuersò si attrahens corpus, mouet aliud violenter, nè datur Vacuum, & coniungit, & colligat partes Vniuersi; ergò colligatio non erit à solo Deo.

*Confut. 3.* Præterea probo, quòd attrahens aerem è fistula plena aqua, vel alio corpore graui non mouet aquam, vel aliud graue violenter, quia si attrahens aerem non haberet virtutem attrahendi illud graue, non posset illud mouere.

*Tacita Resp. Mel. & Cat. confutatur 1.* Si dicas, quòd tunc in illo casu non attraheret aerem, quæro à quo impediretur. Non à Deo, quia dicunt ipsi n. 16. quòd melius est seruare corporum colligationem, sinendo causas secundas motus suos agere, quàm eas impediendo, impediretur autem actio causæ secundæ si ex fistula aquæ immersa ex parte inferiori aerem attrahere non possemus; hæc illi; ergò illud graue à virtute regitiua Vniuersi moueretur.

*Confut. 2.* Præterea si attrahendo vnum corpus, necesse esset multa corpora distantia mouere, quæ essent extra actiuitatem attrahentis, & quodlibet illorum excederet virtutem attrahentis, tunc attrahens non posset illa corpora mouere; ergò ab alio mouerentur, quod est contra ipsos.

*Sententia Auctoris. Caput Secundum.*

*Non reperitur Vacuum in rerum natura.*

Est Arist. 4. Phys. tex 64. & inde, & Scoti 3. dist. 27. Siste rationes, & 4. dist. 49. q. 13. H.

*Multiplex Vacuum.* **P**RO cuius declaratione Not. primò, quòd Vacuum potest accipi tripliciter. Vno modo pro spatio sine corpore naturali, vel mathematico, vt spatium extrà Cælum, in

in quo nullum est tale corpus; Alio modo pro spatio, in quo non est corpus naturale, sed Mathematicum scilicet quantitas separata à substantia, & qualitatibus, & hoc modo acceperunt Antiqui Philosophi concipientes in spatio esse quantitatem separatam, & hoc vocauerunt Vacuum, quod confutat Philosophus 4. Phys. tractatu 2. Tertio modo accipitur propriè Vacuum pro loco priuato corpore. Vnde Vacuum propriè dictum importat pro materiali superficiem concuam, & pro formali priuationem corporis; Et sic Vacuum, & locus licet sint idem materialiter, opponuntur tamen formaliter oppositione priuatiua, quia locus formaliter dicit continentiam corporis, Vacuum verò dicit priuationem corporis in eadem superficie, vel rectius loquendo dicit priuationem continentiae corporis, quia cum priuatio, & forma sint opposita, & corpus repleans non pertineat formaliter ad locum, solum continentia, & priuatio continentiae propriè ad rationem loci, & Vacui pertinebunt, & licet continentia non repleat, terminus tamen istius continentiae, qui est corpus, replet spatium inter latera continentis, & hoc modo locus, & plenum idem sunt; si verò accipiatur Vacuum pro spatio sine corpore, plenum erit spatium cum corpore, quod plenum non erit locus; Vt vltima sphaera est in spatio, & spatium per ipsam est plenum, & tamen non est in loco, idè illud spatium est plenum, & non est locus; & clarius. si vnum tantum corpus, vt homo, esset in mundo, daretur plenum, & non daretur locus, quia illud corpus à nullo contineretur; Ista autem repletio est tantum per quantitatem, substantiae enim materiales sine quantitate non replent, quia sine quantitate nullam possunt habere extensionem, replent enim per accidens, sicut sunt extensae per accidens, scilicet ratione quantitatis, vt fusius dictum est disp. de Continuo: In praesenti autem Conclusio intelligitur de Vacuo propriè dicto.

Se-

*Quare natura abborreat Vacuum contra Mel. & Cat.*

Secundò Not. quod ideò natura abhorret Vacuum, quia Deus talem ordinem, & colligationem corporum determinauit, non solum propter perfectionem Vniuersi cum Vnitas sit perfectior disconinuitate, sed magis ut hæc inferiora possint à celestibus gubernari per influentias ex Aristot. 1. Meteor. cap. 2. contra Meld. & Cat. In hac disp. q. prima num. 3. quia & si aliquæ actiones possent haberi sine plenitudine medijs, & sublunaria possent per aliquod tempus conseruari, non tamen omnes actiones, quæ in Vniuerso determinatæ sunt, fierent, nec diù hæc inferiora conseruaretur, & tandem mundus in his inferioribus destrueretur; Nè autem detur Vacuum plures motus violenti sunt, non ab illis, quæ violentè mouentur, quia ut dicit Scotus 3. dist. 23. q. unica. si istæ rationes: impossibile est aquam se mouere sursum, quia ex quo habet formam naturalem, quæ est determinata ad vnā actionem, illa forma inuens eandem numero, nunquam potest esse ratio formalis agendi opposita actione, sed solum mouetur ab aliquo extrinseco, quod est virtus regitiua totius, quæ virtus regitiua vocatur hic à Scoto Totum, quia sibi partes Vniuersi attribuitur, quas mouet, sicut congruit bono Vniuersi, & in 4. dist. 43. q. 5. D. E. & quolib. ii. art. 2. & magis in 4. dist. 49. q. 13. H. vocatur natura totius, quæ non potest esse natura inferior, & sublunaris, cum talis non habeat virtutem mouendi tot corpora, ne detur Vacuum; Nec potest esse Deus, quia dicit Scotus 4. dist. 43. q. 5. D. E. quod si Deus in instanti condensaret corpus, vel annihilaret, esset Vacuum ad tempus, quia natura non posset in instanti accurrere, nè detur Vacuum, Deus autem hoc posset facere in instanti; erigitur virtus Angeli, quæ colligat, & mouet corpora violentè, nè detur Vacuum, ab eodem enim est colligatio, & motus corporum, colligare enim corpora non est nisi mouere corpora in loca, à quibus aliud corpus recedit violentè, ne detur Vacuum; Nec benè Philosophantur Meld.

& Cat.

*Quæ sit virtus regitiua Vniuersi quæ colligat corpora, ne detur Vacuum.*

& Car. dicentes colligationem esse à Deo, motum verò corporis violentum ab attrahente aliud corpus, vt in primo capite diffusè probaui.

Tertiò Not. quod motus, qui violenter fiunt, nè detur Vacuum, si spectentur secundum naturam eorum, quæ sic mouentur, sunt violenti, & nullo modo naturales, quia vt dictum est superius naturæ aquæ, & similium, quæ est determinata ad vnâ actionem, non potest esse ratio formalis oppositæ actionis, ita Scotus 3. dist. 27. f. §. istæ rationes. Nec verum est, inquit ipse, quòd pars magis appetat bonum totius, quam bonum sui, & per consequens aqua V. G. magis inclinetur ad moueri sursum propter bonum Vniuersi nè detur Vacuum, quam ad moueri deorsum, quia sic mouetur à toto, seu à virtute regitiua totius, cui partes Vniuersi attribuantur: Ex quo colligitur tantum, inquit Scotus, quòd totum Vniuersum magis diligit esse bonum totius, quam bonum cuiuslibet partis, pars enim magis appetit bonum proprium quam bonum totius; Isti autem motus violenti non sunt simpliciter violenti ex Sco. 4. dist. 49. q. 13. H. quia illud est simpliciter violentum, quod opponitur simpliciter naturali, modo motus aquæ sursum, nè detur Vacuum, non opponitur simpliciter naturali, quia est secundum naturam Vniuersi, immo dicitur magis naturalis, quam motus deorsum secundum propriam eius naturam, quia natura totius Vniuersi magis est principium naturalitatis, quam natura cuiuscunque corporis particularis, & magis naturale est, quòd toti competit, quam quòd partibus conuenit: Vndè si aqua descenderet, relicto Vacuo sursum, esset simpliciter magis violentus ille motus, & secundum quid naturalis, quia illud est magis violentum, quòd opponitur magis naturali, & minus violentum, quòd opponitur minus naturali, magis autem est naturale, quòd est secundum naturam Vniuersi, quam quòd est secundum naturam propriam cuiuscunque partis Vniuersi; Natura

LI

autem

*Quomodo  
motus vio-  
lentus, nè  
detur Va-  
cuum sit  
naturalis,  
& simpli-  
citer vio-  
lentus.*



autem Vniuersi, vt dictum est in 2. Not. est virtus regitiua Vniuersi conseruans colligationem corporum à Deo determinatam; Vnde motus secundum naturam Vniuersi est motus secundum ordinem Vniuersi à virtute regitiua conseruandum, quæ virtus dicitur natura Vniuersi.

Non specta-  
to Dei  
decreto  
posset dari  
Vacuum  
in Natura,  
quod non  
posset sus-  
tinere  
Meld. &  
Cat.

Quare Not. quod posset dari naturaliter Vacuum, si Vniuersum solum secundum vires naturæ spectetur, & non spectato Dei decreto de colligatione corporum, quod dictum in doctrina Meld. & Cat. sustineri non potest, quia volunt, quod attrahens aerem è fistula aquæ immersa, etiam attrahit, & mouet violenter aquam in locum aeris; At non spectato Dei decreto de colligatione corporum, adhuc attrahens aerem, moueret aquam violenter, & colligaret corpora necessario, quia non minus ageret attrahens, ablato Dei decreto, quam agit tunc stante Dei decreto de colligatione corporum; præterquam quod hæc motio est naturalis, non voluntaria, & libera, licet homo possit velle abstractionem aeris, & non velle, tamen posita illa attractione, quæ est naturalis ad plura corpora attrahenda, non potest homo vnum corpus attrahere, & non aliud, nec illud decretum aliquid facit, vel mouet aquam, sed tantum attrahens secundum ipsos; Et sicut natura mouens vnum corpus, necessario aliud expellit, ita attrahens vnum corpus, necessario aliud attrahit, & per consequens corpora colligat, quæ colligatio Vacuum impedit; Nec hoc dictum, afferentibus ipsis, colligi potest ex Scoto 4. dist. 43. q. 5. E. vbi ait, quod si natura produceret corpus in instanti, daretur Vacuum absque miraculo, immò potius oppositum colligitur; Nam subinfero; sed natura non potest producere corpus in instanti; ergo non spectata Dei ordinatione de colligatione corporum, non potest inducere Vacuum, sed dicendum est, quod natura, si solum secundum vires eius consideretur, posset inducere Vacuum, quia virtus regitiua Vniuersi posset non mouere corpora violen-

violenter, & illa non contiguare, & colligare, quia sicuti de facto hæc virtus regitiua Vniuersi ex necessitate decreti, necessario hoc facit, ablato decreto, posset non mouere corpora, & sic inducere Vacuum; His notatis.

Probatur Conclusio. Ordo præfixus à superiori agente videtur esse necessarius cuicunque agenti interiori, quando habet actionem præcisè circa talia ardinata ex Scoto 2. dist. 2. q. 12. C. Sed colligatio corporum, nè detur Vacuum, est præfixa à Deo, ergo iste ordo est necessarius cuicunque agenti naturali, ita quod nullum agens naturale potest discontiguare corpora, & inducere Vacuum; minor probatur, quia videmus multa corpora violenter moueri, ne detur Vacuum, quod non esset, nisi ista colligatio esset à Deo ordinata, sine qua ordinatione non essent isti motus violenti, & per consequens corporum colligatio.

Contra arguitur primò experientijs, quibus inducebantur Antiqui ad asserendum Vacuum in natura. In Vase habente cineres, tantum recipitur de aqua, vt in Vase sine cineribus existente, & tantum de vino recipitur in dolio, in quo, sunt vtres, sicut si esset sine vtribus.

Respondeo, quod istæ experientiæ destruunt seipsas, quia si essent veræ sequeretur quod cineres, & vtres non replerent locum, & per consequens Vas cinere plenum, & dolium cum vtribus esset Vacuum, quod est falsum: Et si Respondeatur communiter ad illud de Vase cinere pleno, quod tunc eueniret, quia cineres ab aqua consumerentur, & aqua à cineribus, hoc destruit suppositum argumenti, quia tunc Vas non esset cinere plenum, nec tantum de aqua reciperet cineribus plenum, ac si esset sine cineribus, quia ista adæquata quantitas aquæ, & cinerum destrueretur; Ad illud de vino in dolio cum vtribus dicitur communiter, quod eueniret, quia vinum comprimeretur, & humores exhalarent, sed loquendo de vino secundum eius extensionem cum vaporibus existente in dolio sine vtribus non posset re-

cipi in dolio cum vtribus.

Secunda experientia est de vase vitreo aqua, vel vino pleno, quod tantum de aqua, vel vino continet cum moneta, quam sine moneta, ergo signum est, quod in aqua, vel vino sunt vacuitates.

Respondeo, quod est antecedens falsum, remanente aqua in eadem positione: Nam si ponatur moneta in Vase, statim aqua, vel vinum cedit monetae, & intumescit, & si labia Vasis madefacta sunt, tunc aqua, vel vinum versatur, nec intrà vas contineri potest, quare negatur consequentia.

Tertia experientia est de lucerna ad modum turris fabricata, quam ingredi nequit aer, & tamen à flamma paulatim oleum consumitur; ergo in illa erit Vacuum.

Respondeo, quod si aer ingredi non posset, tunc tantum oleum non potest consumi, sed tantum remanebit de oleo, quantum posset per rarefactionem totam lucernam replere, aliter vel exstingueretur lumen, vel frangeretur lucerna, ne daretur Vacuum, sicut si ab aula totus aer extraheretur, concurrent simul parietes, vel in aliqua parte discontinuaretur, & sic de similibus.

Quarta experientia est, quod Empireum est quadratum iuxta illud Apoc. cap. 21. Ciuitas in quadro posita est; ergo inter Empyreum, & primum mobile sunt vacuitates.

Respondeo negando quod Empyreum sit quadratum; Et ad illud Apoc. Respondeo ex Scoto 3. dist. 36. q. Vnica infra D. quod Ciuitas in quadro posita est, id est est fundata supra quatuor insignes virtutes, quibus meremur Dei gloriam; quare negatur consequentia.

Quintò arguitur ratione. Si non esset Vacuum in rerum natura; ergo non posset esse motus localis: Consequens est falsum, ergo & antecedens; Consequentia probatur, quia illud, quod mouetur, Vel mouetur in Vacuo, vel in pleno;

pleno ; Si in Vacuo , hebetur intentum ; si in pleno ; ergò duo corpora naturaliter simul essent , quòd est impossibile.

Respondeo negando consequentiam ; & cum probatur dico , quòd illud , quod mouetur , recipitur in pleno ; Et cum intertur ; ergò duo corpora essent simul , nego consequentiam , quia adueniente mobili in eodem spatio , aliud corpus recedit , & sic illud spatium non potest dici Vacuum , sed plenum , quia nunquam est sine corpore replente ; Vnde sensus est , quòd mobile recipitur in pleno , idest in spatio , quòd erat plenum alio corpore , & fit plenum corpore immediate adueniente , illud autem spatium si præsuisset sine corpore , tunc fuisset Vacuum , sed quia semper est cum corpore , semper est plenum , ideò mobile semper in pleno recipitur.

Sextò . Si non esset Vacuum , sequeretur quòd non posset fieri rarefactio , & condensatio , nec augmentatio , quod est falsum ; Probatur consequentia , quia cum aliquod condensatur : partes extensæ accedunt ad medium , & cum rarefit , vel augmentatur occupat maiorem locum : Tunc sic ; Vellæ partes ad medium , & quæ elongantur , & augentur recipiuntur in Vacuo , vel in pleno : Non in pleno , quia tunc duo corpora essent simul ; ergò in Vacuo , & sic habetur intentum .

Respondeo negando consequentiam , ad probationem dico , quòd siue partes accedant ad medium , vt in condensatione , siue à medio elongentur , vt in rarefactione ; vel augmententur , vt in augmentatione ; semper aliud corpus cedit in aduentu alterius , quòd recipitur in pleno , vt dictum est in præcedenti responsione ; Et si aliquid in condensatione deperditur , & in rarefactione acquiritur , quòd pro nunc non curo , aliud corpus occupat locum deperdit , ne detur Vacuum , & aliud corpus cedit corpori , vel partibus eius de nouo acquisitis ; Si autem hæc omnia in instanti fierent , tunc ad tempus daretur Vacuum , sed per po-

potentiam Dei, & non naturaliter, vt procedimus in hac conclusione, quia motus non possunt nisi à Deo fieri in instanti.

Septimò, datur plenum in natura, ergò & Vacuum; Nam posito vno contrario debet poni, & alterum.

*Responsio  
Meld. &  
Cat.*

Respondent Meld. & Cat. ibi num. 6. quòd posito vno contrario positino vtique debet dari aliud, sed non valet de contrarijs priuatiuis cuiusmodi sunt Plenum, & Vacuum.

*Cōfutat*

Contrà. Albedo, & nigredo contrariantur posituè, & tamen data albedine, non sequitur necessario, quòd detur nigredo.

*Responsio  
Aucto. s.*

Idèò Respondeo negando consequentiam cum sua probatione, quia posito vno contrario, non necessario debet dari aliud, sed sufficit, quòd possit aliud dari, idest quòd aliud non repugnet esse; Vnde si detur plenum, non necessario sequitur, quòd detur Vacuum, sed quòd possit dari, non enim repugnat Vacuum saltem per potentiam Dei, vt dicitur in propria Conclusionè.

Octauò, In propositione de tertio adiacente valet inferre propositionem de secundo adiacente, Vt si homo est albus, homo est; sed Vacuum est locus priuatus corpore; ergò Vacuum est.

Respondetur communiter, quòd tunc infertur propositio de secundo adiacente in materia contingenti, non necessaria, vt est allata de Vacuo; vt Antichristus est homo, non valet inferre; ergò est, quia istæ abstrahunt ab omni differentia temporis.

Contra. Ex eo enim quòd res est, vel non est, oratio dicitur vera, vel falsa ex Arist. cap. de Substantia; Ergò si hæc oratio: Vacuum est locus priuatus corpore: est vera, erit etiam verum, quòd vacuum est.

Respondeo, quòd hic Arist. loquitur de oratione in materia contingenti, & de illa propositione, quæ potest esse

VC12,

vera, & falsa, quatenus circa alterum aliqua passio facta est; Vt hæc oratio: Franciscus est sedens: est vera, ipso sedente, non est vera ipso cubante, propositiones autem in materia necessaria semper sunt veræ, & abstrahunt ab existentia actuali, & simpliciter; Est enim semper verum: Equus est inhibilis, siue equus existat, siue non; sed propositiones de secundo adiacente supponunt pro esse simpliciter, & actuale; Vnde si Vacuum est locus carens corpore, & infinitum quantitativum est, quod caret terminis, non vult inferre; ergo Vacuum est, & infinitum est, sed tantum intelligitur, quod si Vacuum, & infinitum daretur, essent talis naturæ.

Nonò. Aliquod est carens vino: ergo vacuum est.

Respondeo negando consequentiam; Est enim fallacia à secundo quid ad simpliciter, quia si aliquod est Vacuum vino, non tamen est Vacuum simpliciter omni corpore; quia potest esse plenum aqua, vel alio corpore; Vacuum autem simpliciter est illud, quod caret omni corpore.

## CONCLUSIO SECUNDA.

*Vacuum potest dari per Divinam potentiam.*

Est Scot. 4. dist. 43. q. 5. D. E. & quol. ij. S. de secundo art. per totum D. E. F.

*Sententia Auctoris. Caput Vnicum.*

**P**RO cuius declaratione Notandum primò, quod non solum non contradicit omni potentie diuinæ Vacuum propriè dictum, quod est locus carens corpore, seu superficies concava nullum continens corpus, sed nec etiam est impossibile vacuum impropriè dictum ab Antiquis exco-  
gitatum, quod est spatium cum trina dimensione separata à sub-  
Potest esse Vacuum per potentiam Dei etiam ab Antiquis exco-  
gitatum.

à substantia, & qualitatibus; Non enim repugnat quantitas sine substantia, ut patet in Sacramento Altaris, potest enim Deus facere sine substantia, & alijs accidentibus, cum possit facere materiam sine forma à subiecto realiter distinctam, ut diffusè dictum est in prima parte Philosophiæ disputatione de materia; In isto autem Vacuo posset fieri motus, nec vrget, quod tunc fieret penetratio corporum, quia hæc penetratio potentiæ Dei non repugnat, cum possit facere duo corpora esse simul, ut dictum est *disput. de loco*; Tamen hic est sermo tantum de Vacuo propriè dicto.

*Quid sit  
potentia  
ordinaria,  
& absolu-  
ta, & in  
quo sit.*

Secundò Notandum ex Scoto p. dist. 44. q. Unica A. B. quòd in omni agente per intellectum, & voluntatem potente conformiter agere legi rectæ, & non agere necessariò conformiter legi rectæ, est distinguere potentiam ordinariam, & absolutam; Potentia ordinaria est secundum quam operatur secundum legem præfixam: Potentia absoluta est secundum quam potest contra illam legem agere, & idèd potentia absoluta excedit ordinariam: Idèd dicunt Iuristæ, quòd quis potest hoc facere de facto, hoc est de potentia eius absoluta, vel de Iurè, hoc est de potentia, ordinaria secundum Iura; Quando verò illa lex recta, secundum quam ordinatè agendum est, non est in potestate agentis, tunc potentia eius absoluta non potest excedere potentiam eius ordinariam circa objecta aliqua, nisi circa illa agat inordinatè; Sed quando in potestate agentis est lex, & rectitudo eius, tunc potest rectè agere, agendo aliter, quàm illa lex dicet, quia potest statuere aliam legem rectam, secundum quam agat ordinatè: Modò quia in potestate Dei est lex, & rectitudo legis, potentia eius absoluta excedit ordinariam, & potest contra legem vniuersaliter præfixam ordinatè agere secundum aliam legem, & ordinem contrarium: Vnde si Deus fecit legem de colligatione corporum, potest contra istam legem agere, & ordinare Vacuum dari, secundum quem ordinem ista ordinatè, & rectè



& rectè agerét, si daret vacuum in rerum natura, sicut ordinatè agit conseruando colligationem corporum secundum legem vniuersaliter ab ipso ante præfixam; His notatis.

Probatur Conclusio primò ex Scot. locis cit. Deus potest annihilare omnia corpora, quæ intra superficiem concavam Coeli continentur, & potest in instanti corpus condensare; ergò potest inducere Vacuum; Consequentia patet, quia natura non potest in instanti accurrere ad replendum spatium, cum motus non possit fieri in instanti à natura.

Secundò. Ideò de facto non datur Vacuum, quia Deus ordinauit colligationem corporum; Sed Deus potest contrà talem ordinationem facere, quia potentia absoluta Dei excedit ordinariam; ergò Deus potest inducere Vacuum.

Contrà arguitur primò. Inter latera Vacui nihil est medium: sed secundum Philosophum 5. Phys. tex. 22. illa sunt simul, quorum, nihil est medium; Si igitur esset Vacuum, latera essent simul, & non simul.

Respondet Scotus quolib. ii. D. quòd medium potest intelligi, vel positium, & actuale, vel priuatiuum, & potentiale, & utroque modo debet intelligi nullum esse medium eorum, quæ simul se tangunt, latera autem Vacui, & si non habeant medium primo modo, habent tamen medium secundo modo, quia inter ea posset tantum corpus intercipi, quantum est illud corpus, quod intercipitur, quando spatium est actu plenum; hæc Scot. In proposito ad maiorem concedo, quòd inter latera Vacui nullum est medium actuale, quod est corpus præsens, sed negatur quod non sit medium potentiale, & priuatiuum, quod est spatium non habens corpus replens; Ad minorem concedo, quod illa sunt simul, quorum nullum est medium actuale, nec potentiale, modo inter latera Vacui, vt dictum est, esset medium potentiale, & priuatiuum, & sic negatur consequentia.

Quotuplex  
est mediū.

Mm

Se

Secundò. In tempore est contradictio duo instantia esse distantia, & non esse tempus medium; ergò à pari contradictio est in loco duo esse localiter distantia, & non esse corpus medium; ergò est contradictio Vacuum esse.

Respondeo ex Scoto loco citato, quòd in tempore est contradictio duo instantia esse distantia, & non esse tempus medium actuale, & positium, vel potentiale, & priuatiuum, & hoc sufficit, quia si nullus esset motus, esset tamen quies propriè accepta, nullo enim corpore moto posset aliquod corpus vniformiter se habere in sua dispositione, & huic vniformi dispositioni corresponderet propria mensura, quæ est tempus, inter cuius quæcunque duo instantia imaginata posset tantum fluxus, siue morus intercipi, & ita si tempus dicitur mensura motus, illa vniformis existentia habebit tempus, licet non actuale, & positium, sed potentiale, & priuatiuum: Vnde habens notitiam temporis actualis, & positiui, applicando eam ad istam durationem vniformem, potest cognoscere quantitatem ipsius, scilicet, quod tantam haberet positiuè, si esset tempus positium: Ad consequentiam dico ex Scot. loc. cit. f. quòd contradictio est duo esse localiter distantia, & non esse aliquod medium vel actuale, vel potentiale: Vnde si inter latera distantia nullum esset corpus, & medium actuale, illa distantia esset realis; & positiua ratione terminorum, esset verò potentialis, & priuatiua ratione medij potentialis, & priuatiui, & sic negatur quod propter hanc rationem Vacuum sit impossibile in ordine ad Dei omnipotentiam.

Tertiò. Impossibile est effectum formalem posse separari à sua causa; sed effectus formalis corporis quanti est facere latera continentis distare: ergò nullo existente corpore in medio, impossibile est latera distare, & per consequens Vacuum esse.

Respondeo ad suppositum, quòd effectus formalis priuatus causæ non potest separari à sua causa, benè tamen potest

potest separari effectus secundarius. Modo ad minorem, facere latera continentis distare non est effectus primarius corporis quanti, cum tale corpus possit esse sine tali effectui formali, quia potest habere modum indiuisibilem, ut patet in Sacramento altaris, effectus enim formalis corporis quanti est extensibilitas, & locabilitas extensiuæ, sicut effectus primarius quantitatis est reddere corpus quantum, & extensibile, & sic negatur consequentia.

*Qui sit effectus primarius, & secundarius quantitatis.*

Quarto. Sicut ex discontinuatione partium in homine sequitur hominis destructio, ita ex discontinuatione partium Vniuersi totum Vniuersum destruitur; ergo non potest dari Vacuum, remanentibus partibus Vniuersi.

Respondeo quicquid dicant Meld. & Cat. negando, quod ex discontinuatione partium vniuersi totum Vniuersum destruat; Nec valet paritas, quia idem homo destruitur ex discontinuatione partium siue essentialium, siue integralium, si sint principales, quia vita, & esse hominis, sicut cuiuslibet compositi per se, resultat ex necessaria coniunctione, & vnione materiæ, & formæ, & partium integralium principalium, quibus destructis, totum simpliciter destruitur; Vniuersum autem, cum sit vnum aggregatum per accidens, semper remanet idem, siue partes sint vnitæ, vel

non, quia aggregatio abstrahit à continuatione, vel discontinuatione, &

sic  
negatur consequentia.

*Respondeo*

## CONCLUSIO TERTIA!

*Si daretur Vacuum posset in eo fieri motus :*

Est Scot. 2. Dist. 2. q. 9. S. ad quartum Principale ij. A. A. & sequentibus.

*Opinio Aliorum. Cap. Primum!*

**M** Eld. & Cat. disp. 12. q. 3. art. 1. eandem sustinent conclusionem, sed aliqua transcribunt tanquam Scoti doctrinæ consentaneæ, quæ Scoti doctrinam destruant.

*Op. Meld.  
& Cat.*

*Primum  
dictū Mel.  
& Cat.*

Primo indeterminatè discurrendò dicunt numero 18. an grauiā, & leuiā in Vacuo naturaliter moueantur, determinant, quod necessarium est esse grauiā sub leuibus, & leuiā suprā grauiā, ad hoc vt naturaliter moueantur, & non quia determinatum situm postulent in Vniuerso, & citant Scotum 2. dist. 2. q. 6. H. & ramen Scotus nihil dicit ad hoc pertinens, sed solum ostendit, quod corpori competit esse in loco naturaliter, in quantum naturale est. Videatis Scotistæ vestrum Doctorem, nē dicta contra Scotum falsis citationibus consolidentur. Honorabilius est liberculos fidelissimos proprio Marte componere, quā multa falsa dicere.

Sed quia hoc dictum transferunt examinandum in libris de Cælo, & impugnationem ego transferam, & nescio pro nunc quomodo sibi contradicentes adducant in hoc art. Scotum in 2. dist. 2. q. x. B. ad litteram, quæ est eorum dicto, & determinationi omninò contraria.

*Infideliter  
citāt Scot.  
Transfer-  
tur impu-  
gnatio in  
lib. de Cæ-  
lo.*

Item numero 16. dicunt quod Scot. 2. dist. 2. q. 9. ad quartum Principale negat motum naturalem grauium in Vacuo interminato, sed inspicienti patet nihil de hoc Sco-  
rum

tum asserere, sed solum probat, quòd in Vacuo posset fieri motus successiuus; Necesse est hoc considerare, vt sciant lectores, qui sint de numero sapientum, & Scotistarum.

Secundò, dicunt, quòd si animalia essent in Vacuo interminato, posset moueri motu progressiuo, & si essent in Vacuo terminato, & grauia, ac leuia ad propria loca tenderent, tunc non posset moueri sine sustentaculo, sub pedibus, & per consequens non posset progressiuè moueri; si verò (loquuntur de Vacuo terminato) ad situm non tenderent, sed tantum ad superficiem corporis continentis, & conseruantis, non indigerent sustentatione, & sic volatus, & motus progressiuus posset fieri sicut in Vacuo interminato.

2. dictum  
Meld. &  
Cat.

Contrà arguo ad hominem, quòd si animalia in Vacuo terminato ad propria loca tenderent, progressiuè mouerentur. Ideo animalia in Vacuo inani possunt moueri motu progressiuo, quia secundum ipsos ibi num. 18. haberent virtutem motiuam, & nihil impediret, sicut eueniret, si in Vacuo terminato ad propria loca non tenderent, & non indigerent sustentaculo; Tunc sic; sed animalia in Vacuo terminato, & ad propria loca tendentia haberent virtutem motiuam, & nihil impediret; ergò posset moueri progressiuè, & non indigerent sustentaculo; Probo minorem, & primò, quòd haberent virtutem motiuam, quia hæc virtus est intrinseca mobili, & animal esset eiusdem rationis intrinsecè, quomodocumque in Vacuo tenderet; Non ab alio impediretur, quia non ab alio corpore, cum supponatur Vacuum; Non à loco suo naturali, cum ad ipsum magis mobile secundum eius virtutem moueatur; ergò à nullo impediretur: ergò progressiuè moueretur.

2. Dictum  
Meld. &  
Cat. im-  
pugnatur  
ad homi-  
nem.

Præterea magis indiget sustentaculo, quòd extrà propriū locum mouetur, quam quòd mouetur ad propriū locum naturalem; Sed secundum istos Scriptores ibi num. 18. Si graue non tenderet deorsum in Vacuo terminato, tunc sus-

Consut. 2.

sten-

sistentaculo non indigeret, & moueretur progressiue; ergo multo minus indigeret sustentaculo, si deorsum moueretur, & per consequens progressiue moueretur; maior pater, quia graue non potest sursum moueri, & quiescere, cum violenter detineatur, & à virtute violenter mouentis sustentetur.

Præterea hoc dictum supponit vnum falsum scilicet, quod graua, & leuia in vacuo terminato non tenderent ad propria loca, sed ad superficiem corporis continentis, & conseruantis.

Confut. 3.  
ad hominem.

Vnde arguo ad hominem, & secundum veritatem. In quocunque spatio sunt assignabiles locorum positiones sursum, & deorsum, & propria loca mobilium, si mobilia propriæ naturæ relinquerentur ad propria loca, & non alibi mouerentur; sed si daretur Vacuum terminatum, tunc & secundum Scotum 2. dist. 2. q. X. B. & secundum ipsos num. 18. essent assignabiles locorum positiones scilicet sursum, & deorsum; ergo graue deorsum, & leue sursum mouerentur: ergo non ad superficiem continentis, & conseruantis, vt ipsi dicunt, quia dato Vacuo, superficies concava Lunæ non haberet virtutem conseruandi corpora graua.

Tacita responsio im-  
pugnatur.

Si responderent, quod tunc darentur istæ positiones, supposito, quod ad rationem loci naturalis requiratur tantum situs Vniuersi, quod non concedunt, quia dicunt requiri etiam, quod graue sit sub leui, & leue supra graue. Hoc destruit suppositum, supponimus enim dari vacuum terminatum in Vniuerso, ac propterea nullam esse colligationem, & ordinationem corporum grauium, & leuium; Destruit etiam doctrinam Scoti ab ipsis loco citato allatam, quæ circumscribit, & aufert omnia corpora graua, & tamen admittit proprium locum: Afferunt enim isti scriptores hæc verba Scot. 2. dist. 2. q. X. B. *Si nullum graue esset in centro, sed tota terra ammota ab eo, & remanente*

*centro*



centro sub sola ratione capere, ut prius, adhuc graue natu-  
raliter tenderet ad centrum; quid clarius? Pro hac mea, non  
aliena doctrina, detractiones, & calumnias inueniam, non  
responsiones.

Tertio dicunt in Responsione ad quartum nu. 20. quod  
iste motus in Vacuo, qui esset latio, non posset dici motus  
localis, quia motus localis non potest fieri, nisi in pleno, in  
quo solum reperitur Vbi locale, quod attenditur penes su-  
perficiem realem ambientem.

3. dictum  
Meld. &  
Cat.

Sed isti sibi contradicunt, quia ibi num. 17. probando  
motum localem fieri posse in Vacuo, probant per hoc quia  
iste motus localis à medio pleno nullo modo dependet, &  
loquuntur tam de Angelis, quàm de corporibus, habent  
enim hæc verba. Secundo probatur descendendo ad motus in  
particulari, manifeste loquamur de Deo, patet, quod posset in Va-  
cuo aliquod mobile mouere: Angelus posset se ipsum, &  
aliud mobile localiter mouere, quia à medio pleno nullo modo  
dependet. hæc illi: Dependere autem à medio pleno, & non  
dependere est manifesta contradictio.

Contradi-  
ctio Meld.  
& Cat.

Præterea, si Vbi locale attenditur penes superficiem am-  
bientem, quomodo posset Angelus siue in pleno, siue in  
Vacuo localiter moueri, cum sit tantum in loco definitiue,  
non circumscriptiue.

Confut. 2.

Præterea in Vacuo terminato esset superficies ambiens,  
ad quam tenderent graua, & leuia secundum ipsos ibi co-  
dem numero 18. ergo ibi esset propriè motus localis, quia  
esset Vbi locale, quod secundum ipsos attenditur penes  
superficiem ambientem realem.

Confut. 3.

Præterea ibi num. 18. supponunt in Vacuo terminato  
propria loca grauium, & leuium; ergo ibi esset motus lo-  
calis, quia motus localis est motus ad locum.

Confut. 4.

Præterea in easdem angustias incidunt cum propria eo-  
rum responsione ad quartum in quas volunt incidere aliter  
respondentes, quia dicunt, quod incidunt in angustias di-

Arguēt  
alios re-  
prehendit  
sophas.

centes



centes terminum à quo, & ad quem esse negationes reales, quas importat spatium, quia latio est motus realis positivus; Nam in propria responsione ad quartum, dicunt hunc motum lationis attendi penes determinatas partes diuinæ substantiæ ubique diffusas; Tunc sic, sed istæ partes diuinæ substantiæ non sunt reales, sed imaginariæ, quia imaginantur in Deo omnino indiuisibili plures partes iuxta partes imaginarias spatij; ergo istæ motus lationis ab vna parte diuinæ substantiæ ad aliam erit omnino imaginarius: quare in maiores angustias incidunt ponentes motum realem inter terminos simpliciter imaginarios, quam qui huiusmodi motum ponunt inter negationes reales.

*Sententia Auctoris. Caput Secundum.*

*Si daretur Vacuum posset in eo fieri motus.*

Est Scot. 2. dist. 2. q. 9. §. ad quartum principale ii. A. A. & sequentibus.

**P**RO cuius declaratione Notandum, quod in proposito potest hic Vacuum accipi: Vno modo pro Vacuo infinito, scilicet pro spatio non habente corpus ambiens ipsum, valens corpora in illo spatio continere, vt est spatium extra Cælum; Alio modo pro Vacuo terminato, scilicet pro superficie carente corpore contento, & de hoc loquor tantum in præsentī, supponendo tanquam verum quod continentia locantis, siue superficiēi concavæ nihil faciat ad motum simpliciter; Vnde, si homines extra Cœlum constituerentur posset intelligere, velle, & supra Cœlum deambulare, loquendo verò de Vacuo terminato, omnes motus posset fieri, qui non indigent medio, qui verò indigent medio, cuiusmodi est respiratio, & visio, non posset

*Quid sit  
Vacuum  
terminatum  
& inter-  
minatum.*

possent in Vacuo fieri; Vnde si infra Cœlum nullum esset corpus, & deinde aliquod graue, vel leue in hoc Vacuo constitueretur posset naturaliter moueri ad proprium locū, quia ibi daretur sursum, & deorsum, & ablato contra Meld. & Cat. quod graue sit sub leui, & leue supra graue, positis solis dispositionibus locorum, & sint Vniuersi, adhuc corpora ad proprium locum naturaliter tenderent, vt pat. ex Sco. 2. dist. 2. q. x. B. Immo graue tendens ad centrum, cum ad illud peruenerit, non posset vltra moueri, aliter sursum, & contra propriam naturam moueretur, & sic non posset moueri ad superficiem Cœli continentis, vel potentis continere; Vnde cum in motu progressiuo necessarium sit sustentaculum, in quo vnus pes firmetur, & alius eleuetur ad figendum illum in alia parte spatii, si situs centri ad quod animal tanquam graue moueretur, vt ad proprium locum, esset extensus saltim priuatiuè, & potentialiter, tunc animal posset progressiuè moueri in centro, quia illud centrum sustentaret animal; eo quia animal, ex sui natura non posset vltro progredi, aliter contra eius naturam, vt dictum est, progredieretur: Si verò non esset extensus, non posset progressiuè moueri, sed tantum saltare, & pedes eleuare, & à concauo Lunæ, si ibi esset positum, motu recto ad centrum moueri; In proposito autem est sermō præcipuè de motu lationis, seu motu locali.

Secundò Notandum, quod iste motus lationis, qui concederetur in Vacuo diceretur verè motus localis, non positiuus, sed priuatiuus, quia termini talis motus essent priuatiui, tamen formaliter esset positiuus, quia diceret realem, & positiuam relationem in mobili ad terminum Vacui, non esset tamen realis simpliciter, quia esset ad negationem, esset verò realis, quia fieret nullo cogitate intellectu; Et iste motus localis non esset circumscriptiuus, quia supponeret nullum dari corpus circumscribens, quia ad rationem motus localis non requiritur terminus, qui sit corpus cir-

*Motus localis duplex, positiuus, & priuatiuus;*

Na

cum-

cum scribens, aliter Angelus non posset moueri localiter, sed sufficit præsentialitas ad Vbi, siue positium, siue priuatiuum, ut esset in proposito; Et si Arist. non posuit aliud Vbi locale, nisi circumscriptiuum, hoc est quia non cognouit nisi corpora per se moueri, & alia ad motum corporum, nam putauit Angelos esse Deos, & immobiles: & licet Scotus quolib. ii. O. dicat Angelum, & corpus indiuisibiliter existens non habere propriè Vbi, & non esse per consequens propriè in loco, loquitur de Vbi ad mentem Arist. Nam Scotus 2. dist. 2. q. 6. per totum probat Angelum esse in loco, & §. ad argumenta. P. ait omnes Auctoritates negantes Angelum esse in loco, intelliguntur de loco circumscriptiuo. His notatis.

Probatur Conclusio. Vbicumque poneretur mobile, cuius virtus motiua non impediretur, ibi posset esse motus; sed si in Vacuo poneretur graue, vel leue, ibi poneretur mobile, cuius virtus motiua à nullo impediretur, quia nullum esset, ex suppositione Vacui; ergo in Vacuo posset esse motus.

Contrà arguitur primò. Si daretur Vacuum mobile non posset moueri, nec naturaliter, nec violenter, quia non esset maior ratio cur magis ad hanc, vel ad illam partem moueretur; ergo nullo modo posset moueri.

*Resp. Mel. & Cat.* Respondent Meld. & Cat. ibi num. 20. quòd tunc mobile moueretur neutraliter.

*Confut.* Sed hæc responsio est falsa, ut patet ex dictis in primo cap. quia secundum ipsos darentur dispositiones locorum, & illis positis, mobile moueretur naturaliter ad proprium locum ex Sco. 2. dist. 2. q. x. B.

*Responsio Anterioris.* Ideò respondeo negando antecedens, quia vnusquisque naturaliter moueretur ad proprium locum naturalem; Præterea illud antecedens est insufficiens, non enim valere dicere, Non mouerentur naturaliter, nec violenter; ergo non mouerentur, quia præter motum naturalem, & violentum

datur

datur motus neuter; quare negatur consequentia.

Secundo Si esset motus in Vacuo, sequeretur quod naturaliter posset dari Vacuum, quia spatium illud à mobili occupatum fieret Vacuum per motum, atque naturaliter mobile Vacuum causaret.

Respondent Meld. & Cat. ibi num. 20. negando sequen- *Responsio*  
 lam; Nam & si mobile illam partem Vacuum redderet, id *Meld. &*  
 tamen referri deberet ad potentiam diuinam, quæ Va- *Cat.*  
 cuum illud effecit.

Sed hæc responsio est falsa, quia si mobile illam partem *Confusio*  
 Vacuum redderet, Vacuum etiam efficeret, & non Deus,  
 qui Vacuum illud non effecit, sed plenum, quia in spatio  
 posuit illud mobile; Et probatur, quia posita à Deo illa  
 parte plena, nullo posito nouo Dei concursu, sed relin-  
 quendo mobile suæ naturæ adhuc mobile redderet illam par-  
 tem Vacuum naturaliter.

Ideo respondeo, concedendo consequentiam, quam & *Responsio*  
 ipsi tenentur concedere, quia quæstione antecedenti di- *Autoris*  
 cunt, quod spectatis solum vicibus naturæ, & non ordi- *inducendis*  
 ne diuino de colligatione corporum, adhuc natura posset *contradi-*  
 inducere Vacuum; Modò si poneretur mobile in vacuo, *ctionem*  
 non esset ordinatio Dei de colligatione corporum, quia *Meld. &*  
 esset contra suppositum, & per consequens mobile, relin- *Cat.*  
 quendo partem spatij, faceret vacuum naturaliter, & sine  
 miraculo.

Tertio. Omnis motus sublunaris pendet à Cælesti motu,  
 & influxu, ex 8. Physi. tex. 56. & 12. Met. tex. 38. Sed in Va-  
 cuo non posset transmitti influxus, cum nullum sit me-  
 dium plenum; ergo nullus posset esse motus in Va-  
 cuo.

Respondeo quicquid dicant alij, negando, quod ibi Ari-  
 stot. maxime in 4. Phys. dicat motum sublunarem pendere  
 à cælesti motu, & influxu, sed tantum probat motum loca-  
 lem, vt sic, esse primum motum, quia potest esse motus lo-

Nn 2 calis

calis sine generatione, augmentatione, & alteratione, sed non è conuerso potest esse motus augmentationis, alterationis, & generationis, sine motu locali, nam quòd augmentatur recipit maiorem locum: In alteratione applicatur agens ad passum, quòd non fit sine motu locali, similiter in generatione, quia generatio non est sine alteratione: Vtique in 12. Met. loco cit. postquam probauerit motum localem esse primum motum, dicit, & inter lationes motum circularem esse primum, quia ponit Philosophus talem motum esse sempiternum, non autem est primus primitate causalitatis, sed tantummodo cuiusdam perfectionis in quibusdam conditionibus motus, quæ sunt regularitas, & velocitas, patet enim quòd essentialiter non dependet actio ipsius corporis Cœlestis in aliquod inferius ex motu ipsius corporis, quia secundum Philosophum 2. de generatione tex. 55. nihil facit latio ad generationem, nisi quia adducit generans, si ergò sine illo motu inquit Scot. 4. d. 48. q. 2. L. generans esset æquè approximatum, æquè ageret, & sic concessa minori negatur consequentia.

Quartò. Motus localis non potest esse sine loco, nec locus sine superficie; sed in Vacuo nulla esset superficies; ergò nullus locus, nec motus localis.

Respondeo quicquid dicant alij, quòd motus localis est duplex positiuus, qui est ad terminum positiuum, vt in pleno, & priuatiuus, qui est ad terminum priuatiuum, vt in Vacuo: In proposito motus localis positiuus non potest esse sine loco positiuo, & motus localis priuatiuus non potest esse sine loco priuatiuo: Item nec locus positiuus sine superficie, loquendo de loco positiuo circumscriptiuo, quia locus positiuus non circumscriptiuus, sed tantum diffinitiuus potest terminari ad punctum: Et sic concessa minori negatur consequentia de loco, & motu locali priuatiuo, sed conceditur, quòd nullus esset locus, nec motus localis positiuus, & circumscriptiuus, de quo procedit

dit argumentum ad mentem Aristotelis.

CONCLUSIO QUARTA.

*Si motus localis fieret in Vacuo, non fieret in instanti,  
sed in tempore, & successine.*

Est Sco. 2. dist. 2. q. 9. Y. Z.

*Sententia Auctoris. Caput Vnicum.*

**P**ROculus declaratione Not. Primò ex Scoto loco cita-  
to, quòd causa successionis in quolibet motu est resi-  
stentia mobilis ad motorem, non quidem talis, quòd mo-  
uens non possit vincere mobile, quia moueret se ipsum, nec  
ratis quòd mobile reïnclinetur ad oppositum, quia hoc so-  
lum prouenit præcisè in motu violento, sed quia mobile  
semper est sub aliquo, cui immediatè non potest succedere  
terminus intentus à mouente; Et ista resistentia mobilis ad  
motorem est propter defectum virtutis mouentis, & propter  
resistentiam mediū ad mouens, & mobile, per quòd mediū  
potest intelligi omne illud quòd necessario præcedit indu-  
ctionem termini intenti, quòd vel est diuisibilitas partium  
mobilis, vel diuisibilitas formæ secundum quam est motus,  
vel diuisibilitas spatii, sed tale medium non est necessariò  
medium, nisi virtuti limitatæ, si enim esset virtus infinita,  
posset statim ponere mobile in termino; Possibilitas igitur  
successionis in motu à duobus prouenit, scilicet ex resisten-  
tia mediū ad mobile, quia mobile non potest in aliquo spa-  
tio moueri, nisi prius transeat vnā partem spatii, deinde  
aliā, & ex resistentia mediū ad motorem, quatenus mo-  
uens non potest statim ponere mobile in termino; Necessi-  
tas tamen successionis nunquam est ex resistentia mediū ad  
mobile, sed præcisè comparando istam resistentiam ad a-  
gens

*Quæ sit  
causa suc-  
cessionis in  
motu.*



Tertiò. Si darentur duo corpora æqualis virtutis, & figuræ, vnum non posset naturaliter velocius moueri alio, sed æquali velocitate mouerentur, hoc patet, & conceditur ab omnibus, positis cæteris paribus, quia nulla ratio maioris velocitatis reperiretur in vno, quam in alio; Sed si motus localis fieret in Vacuo in instanti, vnum corpus æqualis virtutis, & figuræ velocius moueretur alio: ergò motus localis in Vacuo non fieret in instanti, sed in tempore, & successiuè; Minor probatur, quia illud velocius mouetur, quod pertransit maius spatium in eodem tempore; sed si vnum istorum corporum esset in duplo magis distans alio à centro, simul in eodem instanti peruenirent ad terminum: ergò corpus magis distans æqualis virtutis, & figuræ cum alio velocius illo moueretur, minor patet, quia supponitur motum in Vacuo fieri in instanti.

Contrà arguitur primò. Successio in motu prouenit ex resistantia mobilis ad motorem, vel medii ad mobile, vel medii ad motorem; sed in vacuo nulla est talis resistantia; ergò in Vacuo non potest esse motus successiuus, minor probatur; Nam non esset resistantia ex parte medii, quia hoc nihil esset; ergò non posset successionem realem causare; Nec esset ex parte agentis, quia nullum haberet contrarium, quo ablato agens in instanti agit.

Respondeo, concessa maiori, negando minorem; Et cum probatur, dico ex Scoto 2. dist. 2. q. 9. y. 2. quòd ibi esset resistantia medii ad mobile, eò quia medium est diuisibile, propter quam diuisibilitatem mobile non potest simul esse in termino, sed prius debet vnā partem, deinde aliam pertransire; Et cum dicitur, quòd hoc non potest esse, quia tale medium nihil est; Dico, quòd licet medium Vacuum esset nihil positium, esset tamen aliquod diuisibile, & quantum priuariū, quod sufficit ad hoc, vt mobile non possit esse simul in termino distanti, quia successio in motu locali ex Scot. loco cit. supra A. A. est ex spatio in quantum

quantum



quanto, & non intelligitur de quantitate positiua, quia loquitur de Vacuo, sed priuatiua; Ex qua resistantia medi ad mobile, mobile ipsum resistit mouenti, quatenus mouens, si sit virtutis finitæ non potest statim ponere mobile in termino; Nec valet dicere, quod tunc mouens non habet contrarium, quia principalis ratio successione, maxime in motu locali, est diuisibilitas spatii, & limitatio virtutis mouentis, quæ omnia essent in Vacuo.

Secundò. Illuminatio fit in instanti in medio pleno; ergò multò magis motus localis in Vacuo, vbi nullum esset medium resistens.

*Quare illuminatio fit in instanti, & non motus localis.*

Respondeo negando paritatem, quia ex Scot. 2. dist. 2. q. 12. F. G. quando agens respicit totum passum tanquam terminum indiuisibilem, & formam secundum vltimum gradum secundum quem ipsam totam inducit tanquam indiuisibilem, tunc mutatione indiuisibili inducitur forma perfectè in passo diuisibili, vt patet in illuminatione; vnde non repugnat simultas ratione alterationis, repugnat tamen in ordine ad virtutem naturalem simultas motus localis, quia agens, & mobile respicit totum spatium, vt aliquod diuisibile, corpus enim mobile non est indiuisibile, sed diuisibile, lumen autem indiuisibile; Vnde si lumen, quod est indiuisibile, sicuti sonus, multiplicaretur per motum localem, sicuti sonus, illuminatio fieret in tempore, sicuti sonus; Vnde simultas non repugnat ratione alterationis, sed tantum ratione motus localis: quare negatur consequentia.

Tertiò. Quæ est proportio medi ad medium in subtilitate, & densitate, eadem est proportio motus ad motum in velocitate, & tarditate; sed nulla est proportio Vacui ad plenum in subtilitate; igitur nec motus ad motum in velocitate, & tarditate; sed omnis motus possibilis ad omnem motum possibilem potest esse aliqua proportio in ve-

loci.

locitate; ergo nullus motus est possibilis in Vacuo; saltem successivus.

Respondeo ex Scoto 2. dist. 2. q. 9. A. A. quod hæc, & consimiles rationes Arist. sunt veræ contra eos, qui ponebant totam causam successionis motus esse Vacuum dimensionatum sine qualitatibus; sed Arist. haberet tantum contra aduersarios, quod motus habens velocitatem, & tarditatem accidentalem non esset in Vacuo, quia hæc causatur à qualitatibus, quæ non essent in Vacuo dimensionato posito ab Antiquis sine qualitatibus.

Vnde ad Argumentum in forma respondeo ex Scoto loco citato, quod maior intelligitur de proportionem cæteris paribus, scilicet accipiendo velocitatem, & tarditatem correspondentem subtilitati, & densitate medi; quapropter datur duplex successio motus, & per consequens duplex velocitas, & tarditas; Alia est successio essentialis, quæ fit propter diuisibilitatem spatii, & huic correspondet velocitas, & tarditas essentialis; Alia est successio accidentalis, & est quæ correspondet medio secundum subtilitatem, & densitatem; Vnde ad maiorem: quæ est proportio medi ad medium in subtilitate, & densitate eadem est proportio motus in velocitate, & tarditate accidentali; concedo, sed negatur de velocitate, & tarditate essentiali, quia hæc proportionantur secundum rationem diuisibilitatis, & quantitatis spatii, & sic velocior erit motus in paruo spatio Vacuo, quam in magno Vacuo: Et sic concessa minori, concedo etiam consequentiam scilicet, quod nulla erit proportio motus in Vacuo, & pleno quod ad velocitatem, & tarditatem accidentalem, sed negatur de velocitate, & tarditate motus essentiali; Ad sublationem concedo, quod motus ad motum est aliqua proportio velocitatis, & tarditatis essentialis, vel accidentalis: quare negatur consequentia, quia inter motum in Vacuo, & motum in pleno est proportio successionis essentialis.

Qualis est  
proportio  
medij ad  
medium  
in subtili-  
tate, & æ-  
quale est pro-  
portio mo-  
tus in ve-  
locitate, &  
tarditate.

Quo

Quar.

Quarto, Sequeretur quod motus factus in pleno posset esse æqualis motui facto in Vacuo, quia si aliquod plenum subtile in tanta proportionem, quod excedat aliud plenum subtile tantum quantum tempus motus facti in Vacuo excedit tempus motus in illo pleno, tunc si fiat motus in illo pleno subtiliori, erit æqualis motui facto in Vacuo.

*Responsio*

*Mel. et Cat.*

Respondent Mel. & Cat. ibi num. 23. quod illi motus possent æquari quoad successionem essentialem, non accidentalem.

*Ostenditur  
insufficiēs.*

Sed hæc responsio non soluit, quia loquitur de æqualitate temporis simpliciter, & probat, quod eadem mensura temporis mensurarentur. Ideo ipsi tenentur dicere, quod non fierent in æquali tempore, quia si illi motus essent æquales in successione essentiali non accidentali, ille motus in pleno erit tardior propter successionem accidentalem illi superadditam.

*Resp. Au-*

*toris:*

Ideo Respondeo; concedendo totum argumentum; & non est inconueniens motum in pleno æquali tempore fieri cum motu in Vacuo, non enim est inconueniens, quod si datur motus in Vacuo durans per mediam horam, vel per horam, quod detur etiam in pleno motus in æquali tempore. Effet verò inconueniens cæteris paribus, ut si in æquali spatio pleno, & Vacuo mobile eiusdem rationis, & virtutis in æquali tempore mouerentur, quia æqualis omnino resistentia essentialis reperiretur in spatio pleno, & Vacuo propter æqualem quantitatem, & magnitudinem, & ultra hanc in pleno reperiretur resistentia accidentalis, quomodocumque plenum esset subtile.

Quinto sequeretur, quod corpus simplex naturalius, & velocius moueretur in Vacuo quam in pleno, quod est contra Arist. 3. Celi tex. 28. ubi habet naturam uti medio tantumquam instrumento ad faciendum motum naturalem, & violentum, & motum naturalem iuari à medio.

Respondeo concedendo sequelam, cæteris paribus, &

negat.

negatur quod sit contra Arist. qui in loc. cit. non dicit motum in pleno fieri velocitas, quam in Vacuo, sed raptum asserit esse necessarium accens, & medium ad hoc, ut sit motus tam violentus, quam naturalis, quia secundum Arist. si daretur Vacuum, nullus esset motus.

Sexto Zab. de rebus naturalibus libro 1. de motu grauium, & leuium cap. X. arguit contra Scotum confutando resistantiam essentialem medii. Omnis resistantia est ab actu, quia potentia indistincte respicit opposita: ergo non potest esse interna resistantia, nisi ubi est duorum actuum compositio, ut in animali grauitas resistit animæ mouenti: sed in elemento non est nisi vnus actus; ergo elementum in Vacuo non potest habere resistantiam intrinsecam; ergo mouebitur in instanti, & non successiue.

Respondeo quod Zab. acriter inuenias contra Sco. nihil concludit, quia ideo secundum Sco. resistantia medii, ut medium quantum est, dicitur essentialis, quia medium, ut quantum, est essentialiter diuisibile, sed non est essentialiter subtile, vel densum, sed tantum accidentaliter: Unde resistantia penes subtilitatem, & densitatem dicitur accidentalis, quapropter ad argumentum in forma. Respondeo negando antecedens & consequentiam, quia resistantia interna, & essentialis est tantum a medio, ut medium quantum est; minor subtilitas conceditur, sed negantur consequentia, quia elementum in Vacuo haberet resistantiam medii, & per consequens successiue moueretur, sicut & animal, quod non habet resistantiam internam eo quia habeat duos actus, sed quia mouetur in spatio quanto; Et hæc est resistantia interna præcisè in ordine ad agens naturale:

Contra arguitur ex Zab. loco cit. Vacuum non esset quantum: ergo nullo modo talis resistantia interna, & essentialis daretur.

Respondeo, quòd Vacuum non esset quantum positivè,  
 esset tamen privatiuè, quæ quantitas privatiua sufficit ad  
 resistantiam essentialem, & internam, quod patet, quia  
 tunc extrema Vacui non essent simul, sed distarent, quod  
 non esset, nisi aliqua quantitas, quæ privatiua est,  
intercederet.



Dispu-

## Disputatio Quinta De Duratione in Comuni.

### CONCLUSIO VNICA.

*Duratio importat existentiam connotatiue, formaliter  
verò importat relationem aptitudinalem  
coexistentia alteri existentia.*

Ellicitur ex Sco. quolib. 6. Q. & R. & 2.  
d. 2. q. 3. A. & q. 4. A.

*Opinio Aliorum. Cap. Primum.*

**M** Eld. & Cat. disp. 13. Phys. q. p. num. 4. & 7. susti- Op. Meld.  
& Cat.  
nent durationem solum formaliter dicere existen-  
tiam rei, connotando respectum rationis aptitudinalem  
coexistentia alicui durationi extrinsecæ, saltim imaginariæ,  
licet in progressu huius disp. confundant coexistentiam apti-  
tudinalem cum actuali.

Contrà hanc opinionem arguo primò ad hominem ;  
probando, quòd Duratio non dicit formaliter existentiam, Confut. 1.  
ad homi-  
nem.  
sed respectum ad esse præhabitum, quem vocant num. 3.  
continuationem, seu conseruationem ipsius esse. Eodem  
modo debemus philosophari de Duratione in ordine ad  
existentiam, sicuti philosophamur de Conseruatione in or-  
dine ad productionem ; sed conseruatio dat intelligere re-  
spectum rationis ad esse præhabitum ex modo consignifi-  
candi principalis significati, ita debemus dicere de dura-  
tione scilicet quòd significat existentiam, sed respectum  
rationis ad esse præhabitum ex modo consignificandi prin-  
cipa-

cipalis significati; maior, minor, & Conclusio est ipsorum in hac disputatione q. p. num. 3.

Si respondeant, quodd illi respectus rationis in productione, & conseruatione consignant principaliter significatum connotatiue, non formaliter.

*Tacita res-* Contrà. Illud formaliter, & principaliter importatur à  
*sponsio cō-* conseruatione, & duratione, per quod res dicitur conseruari,  
*sutatur.* & durare, & sine quo res non dicitur conseruari, & durare,

sed per productionem res non dicitur conseruari, & per existentiam res non dicitur durare, sed dicitur conseruari per respectum ad esse præhabitu, & durare per eundem respectum; ergo conseruatio, & duratio consignant illos respectus rationis formaliter, & principaliter, & non connotatiue; minor est ipsorum ibi num. 3. ubi habent hæc verba. *Vnde sicut res in primo instanti dicitur creata, vel producta, & in tempore sequenti conseruata, ita in primo instanti dicitur existere, & in sequenti tempore durare, quia duratio aliud non est, quam existentia rei continuata, & conseruata.* Hæc illi; Minor etiam potest conseruari ex Sco. quol. 12. E. qui licet sustineat eundem esse respectum ad Deum creantem, & conseruantem, tamen dicit, quod creatio importat respectum rationis ad non esse præcedens, & conseruatio respectum rationis ad esse præhabitu. & se declarat non determinare quinam respectus formaliter importetur; concludit tamen, quod præcisè per illum respectum rationis, negatur idem simul creari, & conseruari; ergo posito illo respectu rationis, (qui vere est realis, sed non simpliciter, cum sit respectus aptitudinalis) res dicitur conseruari, & durare, & illo ablato res non dicitur conseruari, & durare; ergo creatio, & conseruatio formaliter nō sunt idē.

*Alia tacita res-*  
*positio*  
*confutatur*

Nec valet dicere, quodd consignificare dicit connotationem, & non rationem formalem principaliter, quia Sco. quolib. 12. f. dicit conseruationem consignificare respectum ad Deum, & ad esse præhabitu, sed qui illorum principali-



paliter importetur, non determinat; ergò consignificare non importat tantum connotationem principalis, sed etiam potest importare principalitatem.

Probo tamen simpliciter, quòd duratio non importat formaliter existentiam connotando aliud, sed potius è conuersò existentia est connotatum in sententia Scot. quòd competit alicui, vel vt modus eius intrinsecus, vel vt fundamento, & quasi subiecto, non potest formaliter illud importare; sed tantum connotare; sed secundum duplicem viam, quam ponit Sco. quolib. 6. Q. R. Duratio eternitatis competit existentie, vel vt modus eius intrinsecus, vel vt fundamento, & subiecto, ergò non potest talis duratio formaliter importare existentiam, sed tantum connotare, aliter modus rei intrinsecus esset formaliter res, cuius est modus, & relatio esset formaliter suum fundamentum.

2. Confutatur opinio Meld. & Cas.

Potest responderi insufficienter ad secundam partem minoris pro ipsiis ex his, quæ dicunt de Eternitate in hac disp. num. 13. & primò, quòd cum dicit Scotus eternitatem dicere existentiam tanquam connotatum, & subiectum, vel fundamentum eternitatis, quòd non est intelligendum, vt existentia non sit verè, & propriè formalitas eternitatis, sed secundum nostrum intelligendi modum, quatenus scilicet concipimus tunc eternitatem habere rationem completam, cum supra existentiam relationem illam aptitudinalem coexistentie intelligimus fundari, quæ sit veluti forma ipsius, quomodo priuatio, vt sic dicitur addere supra negationem aptitudinem subiecti.

Resp. pro Adversariis.

Sed hæc responsio est merè voluntaria, quia nullus rectè dicere potest, quòd aptitudo subiecti addatur negationi in priuatione, sed præsupponitur negationi, eternitas autem additur existentie tanquam priori; ergò non eodem modo dicendum est de relatione aptitudinali in ordine ad existentiam in eternitate, sicut dicimus de aptitudine subiecti.

Confutatur.

biecti in ordine ad negationem in priuatione, quia ut dictum est, in æternitate relatio aptitudinalis additur existentie tanquam priori, aptitudo verò subiecti in priuatione additur tanquam prius posteriori, ac propterea existentia non potest eodem modo dici fundamentum æternitatis, quo modo sicet isti dicunt negationem fundamentum, & subiectum aptitudinis subiecti.

**Consus. 2.** Præterea si in hoc æternitas, & priuatio essent similia, sequeretur quodd illud, quodd est fundamentum, & subiectum æternitatis esset quidd postèrius relatione, sicut negatio, quæ ponitur subiectum aptitudinis est postèrior aptitudine, & quodd concipitur à nobis per modum subiecti, deberet esse postèrius eò, quodd est in subiecto.

**Respondet** Sed quia viderunt hanc Responsionem esse triuolam secundò Respondent Scotum problematicum esse de connotato, & formali æternitatis quolib. 6. Q. R. quia dat modum sustinendi connotatum æternitatis esse existentiam, & esse relationem aptitudinalem coexistentie.

**Qstenditur** Sed si isti Scriptores legissent Sco. loco ab ipsis citato cognouissent non esse problematicum quo ad connotatum, & formale æternitatis, quia in quolib. 6. Q. determinat æternitatem conuenire existentie, quærit verò an æternitas, vel æternitas conueniat existentie ex natura rei, vel addat aliud quodd aliud; Primò respondet, quodd conuenit existentie ex natura rei, & est modus eius. Secundò respondet, quodd non, & probat addere vel relationem negatiuam, vel positiuam, semper ponendo existentiam pro connotato. Vnde Scotus non est problematicus quoad connotatum, & formale æternitatis, sed est problematicus, an æternitas dicat modum existentie, vel addat ultra existentiam aliquam relationem; quæpropter sic concludit, littera T. *Quam ergo ad istum art. habetur cuius sit æternitas scilicet existentia. De ista æternitate an insit ex natura rei, teneatur altera via duarum dictarum, illa, qua videatur inquirenti pro-*

pro-

*probabilior*. Hæc *Scotus*; quid clarius?

Secundò Probo principaliter, quòd Duratio dicat formaliter relationem aptitudinalem coexistentiæ, & connotet existentiam sic. Quando aliquid duo formaliter importat, illud est connotatum, quod est maius ens; principale verò, & formalius, quod est minus ens: sed per Aduersarios Duratio importat formaliter existentiam, & relationem aptitudinalem coexistentiæ, & existentia est maius ens illa relatione aptitudinali; ergò connotabit existentiam, & principaliter importabit relationem coexistentiæ.

Deinde multa Aduersariorum dicta improbantur; Nam qu. 6. probant durationem non dicere formaliter respectum permanentiæ per hoc, quòd duratio est ens reale, permanentia verò est relatio rationis, quia est eiusdem ad seipsum.

*Multa dicta Meld. & Cat. cõf.*

Sed hæc impugnatio nulla est, quia licet iste respectus vocetur rationis eò quia non est realis simpliciter, quatenus non habet omnes condiciones requisitas ad relationem realem simpliciter, quarum vna est, quod sit inter extrema realiter distincta; Est tamen respectus verè realis, cum sit præter operationem intellectus, aliter identitas realis non esset relatio realis, quia est eiusdem ad seipsum.

*Primum dictum Confut. 1.*

Præterea sequeretur, quòd motus, qui est ens reale non posset formaliter explicari per relationem informationis ad non informationem, quod est contra istos Scriptores disp. 15. phys. q. 1. quia illa relatio informationis ad non informationem est rationis hoc modo, quia terminatur ad esse negatiuum.

*Confut. 2.*

Secundò Probat Durationem non dicere formaliter relationem permanentiæ, quia sic formaliter omnis Duratio esset successiua, quia non potest intelligi permanentia ista, nisi concipiatur esse rei ante fuisse; sed ante, & post sunt differentia Durationis successiua; ergò omnis Duratio importaret formaliter successionem.

*2. dictum Meld. & Cat.*

¶ ¶ Sed

*Confus. &  
ostenditur  
manifesta  
contradi-  
ctio.*

Sed isti sibi contradicunt, quia in præfatione istius disp. dicunt Durationem in communi propriam dicere permanentiam in esse: Tunc sic ad hominem; ergo omnis Duratio dicit successionem; modò dicere permanentiam, & non dicere permanentiam est manifesta contradictio. Idem confirmant ibi num: 3. ubi habent hæc verba. *Res in primo instanti dicitur creata, vel producta, & in tempore sequenti conseruata, ita in primo instanti dicitur existere, & in sequenti tempore durare, quia Duratio aliud non est, quam existentia rei conseruata & continuata*; Tunc sic, sed in existentia rei conseruata, & continuata concipitur esse rei ante fuisse: ergò secundum istos omnis Duratio esset successiua.

Præterea fundamentum, quod assumunt ad probandum Durationem in communi non dicere respectum permanentiæ eò quia scilicet Duratio esset successiua; quia non possumus intelligere permanentiam, nisi concipiatur esse rei ante fuisse, est omninò inualidum; unde.

*Fundamē-  
tum Mel-  
d. & Cas. con-  
futatur ad  
hominem.*

Sic argumentor ad hominem: ergò omnis res. permanens creata, & conseruata diceret in suo esse successionem, quia non potest intelligi res conseruata, nisi prius intelligatur esse ipsius ante fuisse: sed ante, & post competit per ipsos Scriptores successiuo; ergò permanens esset successiuum; Et ad eorum fundamentum rectè Responderi potest per Doctrinam à Scoto allatam quolib. 12. §. de secundo E. de conseruatione, quod licet non sit prioritas in esse conseruato secundum se, tamen dicitur esse in ipso per comparisonem ad aliud prius secum coexistens: Ita à pari, licet Duratio in communi diceret respectum ad esse præhabitu, tamen illa prioritas non est in existentia durantis in communi importata per Durationem formaliter, sed est prius, & posterius per coexistentiam ad aliquid prius, & posterius secum coexistens.

*3. Dicitur  
Mel. &  
Cas.*

Tertiò. Isti Scriptores dicunt in hac disp. q. 2. nu. 12. atque nitatem non dicere formaliter negationem definitionis, suc-  
cessio

cessionis, & dependentiæ. Quod dictum licet in doctrina Scoti problematice sustineri possit, tamen in doctrina ipsorum non potest defendi.

Arguo ad hominem. Illud est de conceptu formali alicuius, quod concipitur tanquam differentia constitutiva illius, & per quod illud ab aliis speciebus essentialiter distinguitur: sed prædictæ negationes concipiuntur tanquam differentia constitutivæ æternitatis, per quas æternitas ab aliis speciebus Durationis formaliter distinguitur ex ipsis loco cit. ergo istæ negationes formaliter ab æternitate importantur.

*Confut. ad hominem.*

Quarto dicunt in hac disp. q. 3. art. 2. nu. 27. *Æuum non esse speciem a hominam Durationis, sed diuidi specificè iuxta essentialem diuersitatem existentiarum rerum durantium ita ut tot sint æua specie distincta, quot existentia specie distinctæ, & dicunt esse de mente Scoti 2. dist. 2. q. 3. A.*

*4. Dicitur Meld. & Cat.*

Sed si verus Scotus perlegatur, potius contrarium asserit, quia licet ibi dicat, quod si æuum vocetur *existentia Angeli æuiterni*, tunc tot sunt *Æua*, quot æu terna, non ponit diuersitatem specificam, sed numeralem. Et si poneret diuersitatem specificam, poneret diuersitatem æui incomplete considerati, non autem completè secundum rationem Durationis, quia etiam secundum istos Scriptores *existentia non dicitur completum conceptum formalem æui, sed existentia inuariabilis*: Et loquendo de æuo non in ratione Durationis, sed in ratione mensuræ in perfectione, dicit quod sunt tot æua, quot Angeli superiores, sed hoc modo *existentia infimi Angeli non erit æuum*: Tamen Scotus loquendo de æuo, ut est species durationis, ut ipsi in proposito loquuntur; *Æua non variantur specie, nec vna existentia ut habet rationem durationis diuersificatur specie ab alia, immo dicit, quod secundum rationem inuariabilitatis non potest inueniri differentia inter existentias*

*Confutatur*

*Infideliter adducunt Scotum.*

æternorum: habet enim hæc verba: *Quia licet una existentia sit perfectior alia, & per hoc posset eam mensurare tali mensuratione quiditativa, sicut loquitur Philosophus x. Met. quod primum in omni genere, tamen mensuratione durativa, quæ dicitur aliquo modo reduci ad genus quantitatis, non videtur una existentia invariabilis esse invariabilior alia, quia cuilibet omnino repugnat successio partium in ipsa, & tunc diceretur quod cum ævum ponatur mensura alicuius in quantum durans est invariabiliter, & illud sic extrinsecum oporteret esse notius ex natura rei secundum rationem invariabilitatis, & cum non sit talis differentia inter existentias æternorum, nihil sic erit ævum.* Hæc Scotus.

Tunc sic arguo. Quæcunque plura æqualiter participant rationem alicuius communis, & non includunt differentias específicas contrahentes illud commune, tunc illud non potest diuidi in illa plura tanquam in species, hoc patet, quia genus diuiditur in species per differentias específicas ipsum contrahentes; sed omnia æterna æqualiter participant rationem Durationis ævi, quia æqualiter sunt invariabilia, quæ invariabilitas est complementum rationis formalis ævi, & inter existentias æternorum nulla est differentia secundum hanc rationem invariabilitatis ex Sco. loco iam citato, ut patet ex verbis eius allatis; ergo ævum non diuiditur in existentias æternorum, tanquam in species: ergo ævum est species a thoma Durationis.

*Tacita res  
sponsio cō-  
futatur.*

Si dicant quòd existentia est formale, licet invariabilitas sit complementum ævi, & idè secundum differentias existentiarum, & non invariabilitatis debet quum diuidi.

Contra Genus diuiditur in suas species secundum esse completum, non incompletum, quia animal non diuiditur in hominem, & leonem secundum esse substantiale animatum, sed secundum esse sensibile: ergo si quum est genus debet diuidi secundum suum esse completum, quod est existentia



ſentia inuariabilis : ergò non debet diuidi ſecundum exiſtentiam præciſè , ſed ſecundum exiſtentiam inuariabilem , ſed ratio exiſtendi inuariabiliter æqualiter participatur ab æternis , vt dictum eſt : ergò æuum erit ſpecies athoma , & non genus :

Præterea Angeli exiſtentia , & operationum eius diſtinguuntur ſpecie , imò toto genere , ſicut ſubſtantia , & acci-  
dens , & tamen ſecundum Sco. 2. d. 2. q. 4. ante A. S. contra  
Concluſionem &c. non habent durationem ſpecie diuerſam , ſed eiſdem rationis , eò quia habent eundem modum manendi : ergò ſecundum modum exiſtentiarum , & non ſecundum exiſtentias , durationes diſtinguuntur : ergò æuiterna omnia , cum habeant eundem modum manendi , licet diſtincta ſpecie , habebunt Durationem eiſdem rationis : ergò vnum æuum ſpecie omnium æuiternorum : & arguit Sco. in propria ſententia contra Henricum de Tempore diſcreto .

Connt. ſz.

Confirmatur ad hominem , quia iſt in hac diſp. q. p. art. p. num. 34. dicunt , quòd tempus pro duratione , quod ponunt commune ad exiſtentiam tranſeuntem in tempore , & in inſtanti , diuiditur in ſpecies ſecundum modos tranſeundi , & non ſecundum diuerſitatem exiſtentiarum ; Ergò æuum debet diuidi ſecundum modos exiſtendi inuariabiliter : ſed non dantur in æuiternis plures modi exiſtendi inuariabiliter , cum æqualiter æuiterna ſint inuariabilia , vt dictum eſt ex Sco. ergò æuum non poteſt diuidi in plures ſpecies , ſicuti non diuidunt tempus , accipiendo illud communiter pro exiſtentia rerum ſucceſſuarum . & hoc non alia ratione , niſi quia res ſucceſſiue , licet habeant diuerſas exiſtentias ſpecificas , habent tamen eundem modum exiſtendi .

Confirmatur conſuſatio ad hominem .

Pater Rubens de Lugo Tomo controu. metaph. controu. x. S. dico tertio ſuſtinet durationem non poſſe formaliter importare negationem deſinitionis connotando exiſtentiam rei

Opinio Patris Rubei .



rei durantis, & citat Sco. quol. 6. §. contra istud obliicitur, & asserit infra, quod formale significatum Durationis est essentia realis rei durantis, connotando non destructionem illius: & reddit rationem in fine diluendam, quia si per impossibile ab essentia reali extra causas suas producta non dimanaret ipsa existentia, adhuc talis essentia esset verè res realis non corrupta, & in suo esse permanens, neque fundans negationem desitionis.

*Cōfutatur* Sed hæc opinio mihi videtur de directo contra Sco. loco cit. quia Scotus ibi probabiliter sustinet æternitatem formaliter importare negationem desitionis.

Argumentor tamen quod duratio in via Scoti non importat essentiam realem, vt formaliter ab existentia distinctam: Æternitas, vt æternitas ex Sco. quol. 6. loco cit. competit existentie vt existentia est, & hoc determinat in propria sententia: ergo non essentie formaliter, quia existentia, vt existentia ab essentia formaliter distinguitur, sed æternitas est Duratio: ergo Duratio non competit essentie, vt distinguitur ab existentia: ergo si Deus, vel aliud quod aliud esset sine existentia, esset sine duratione formaliter.

*Confut. 2.* Præterea necessitas ab æternitate importata est modus existentie, non essentie ex Sco. p. dist. 18. q. Vnica

C. ergo Duratio competit existentie,  
non essen-  
tie.



*Senten.*

Sententia Auctoris .Capitulum Secundum.

*Duratio importat existentiam connotatiue ; formaliter  
verò importat relationem aptitudinalem  
coexistentiam alteri existentia .*

Elicitur ex Sco. quolib. 6. Q. & R. & 2. dist. 2. q. 3. A.  
& q. 4. A.

**P**ro cuius declaratione Notatur primò, quòd Duratio in communi non est, nisi ratio coexistendi alicui existentia, vel ratio referendi ad externam existentiam, siue extrinsecè, vt in Deo, in quo nulla est relatio realis ad Creaturas, siue intrinsecè, vt in Creaturis, in quibus duratio est relatio fundata in re durante, & terminata ad existentiam possibilem, non actualement, quia relatio aptitudinalis non requirit terminum in actu, sed in aptitudine; In Deo verò est relatio aptitudinalis coexistentia fundata in creatura, & terminata ad ipsum Deum: Ratio verò formalis fundandi huiusmodi relationem, vel referentiam extrinsecam est existentia, quapropter Sco. quolib. 6. Q. R. dicit existentiam Dei esse fundamentum, & subiectum aternitatis, quod intelligi debet de fundamento, & subiecto proximo, non remoto, quia habens existentiam dicitur durans vltimata denominatione; Vnde Duratio connotat existentiam, & formaliter dicit relationem aptitudinalem coexistentia: Et hæc Duratio in communi diuiditur tanquam genus in suas species in Aternitatem, Euum, Tempus, & Instans, iuxta quatuor modos essentialiter diversos existendi rerum: Nam aliqua entia sunt successiua, quæ sic existunt, vt eis repugnet habere partes simul, & sunt in continuo fluxu, vt motus, cuius duratio est tempus; Alia ex sui natura raptim transeunt, vt indiuisibilia con-

*De Duratione in communi. Quid dicat Duratio in communi.*

*Qua sunt species Durationis.*

uantia

quantia motum, quæ dicuntur mutata esse, ac etiam mutationes substantiales, & hæc durant instanti temporis; Alia existunt inuariabiliter, vt ipsi non repugnet habere partes simul, vt permanentia, siue ipsi omnino repugnet fluxus, & acquisitio partis post partem, vt formæ substantiales, & substantialia, siue in eis possit esse aliquo modo fluxus, per acquisitionem partis post partem, vt qualitates, & hæc omnia durant *Æuo*, licet in hoc sit problematicus

*Famosè  
loquendo  
tres sunt  
species Du-  
rationis.*

*Sco. 2. d. 2. q. 4. B. & sequentibus:* Aliud, quod existit sine principio, & sine inuariabiliter, & independenter, vt Deus, & hic durat æternitate: Sed quia communiter, & famosè Duratio accipitur pro ea, quæ dicit permanentiam essendi, quæ est tantum triplex ex *Sco. loco cit.* *§. ad oppositum, &c. Æternitas, Æuum, & Tempus;* De primis duabus Durationibus aliqua dicam, licet cognitio durationis in communi conducatur ad perfectam cognitionem suarum specierum, De tempore tamen distinctè disputabo, quia eius consideratio ad Philosophum spectat.

*De æterni-  
tate.*

Secundò Not. quod Duratio est nomen connotarium, quod connotat existentiam rei durantis, formaliter importando relationem aptitudinalem coexistentiæ, & in hoc *Sco.* non est problematicus, vt dicunt Aduersarij, quolib. 6. Q. R. ubi cum determinauerit æternitatem conuenire existentia, vt existentia est, inquit an æternitas, vt æternitas sit modus existentia, vel addat aliquam relationem, & in hoc non se determinat: Et si dicat relationem, problematicè sustinet dicere relationem positiuam, & negatiuam; Ego autem dico, quod cum nomen connotatum possit connotare subiectum, & alia diuersæ naturæ, quæ circumferant nobis differentiam essentialem ipsius connotatiui; Æternitas pro formali importat coexistentiam aptitudinalem, connotando non solum existentiam vt subiectum, & fundamentum istius relationis, seu referentiæ aptitudinalis, sed etiam aliquod aliud, quod nobis circumferat differen-

tiam

tam essentialiter æternitatis : per quam æternitas ab aliis durationibus essentialiter differt, & hoc est negatio terminationis, successionis, & dependentiæ ; Vnde æternitas definitur à Boetio 5. de consolatione prosa 6. *quod sit interminabilis vita tota simul, & perfecta possessio*. Ponitur in hac definitione *Vita* pro existentia actuali perfecta tanquam connotatum ( inquit Scotus ) sed alia tria scilicet interminabilis, quod excludit defitionem, *tota simul*, quod excludit successionem, & *perfecta possessio*, quod excludit dependentiam, dicit relationem aptitudinalem existendi cuicumque sine defitione, successionem, & dependentia ; Et licet asserat ibi Sco. quodd æternitas formaliter, vel dicit negationem, vel relationem aptitudinalem, non vult semper negationem ab aptitudinali coexistentia separare in formalitate æternitatis ; quia inquit, quod si dicat æternitas relationem aptitudinalem coexistentiæ, ista relatio importat etiam illas negationes, & ratio esse potest, quia Deus non coexistit alteri sic simpliciter, quia sic Durationes non differunt, sed sine defitione, successionem, & dependentia : Vult igitur dicere Scotus, ( & attende diligenter ) quodd si æternitas dicit negationem, tunc non dicit relationem aptitudinalem, quia illa triplex negatio sufficit sola ad complendam totaliter rationem formalem æternitatis : Si verò dicat coexistentiam aptitudinalem, tunc illa connotabit tanquam differentiam essentialem illam triplicem negationem per quam essentialiter differt ab æuo, & Tempore ; Differt ab æuo per negationem defitionis, & dependentiæ, quia æuiternum est terminabile, seu defectibile, & dependens : Differt à Tempore per triplicem negationem, quia tempus est terminabile, successivum, & dependens.

Per quid  
differt ab  
alijs Dura-  
tionibus.

Tertiò Not. quodd relatio formaliter à Duratione in communi importata potest dici, quodd nec sit realis, nec rationis, sed abstrahit à relatione tam reali, quàm rationis, &

Qq

dicit

dicat conceptum vniucum, sicut ens in communi ad ens reale, & rationis dicat conceptum vniucum, vt demonstrauit in Logica disp. de ente rationis in communi: Nam cum duratio in communi conueniat, & Durationi Dei, quæ dicit relationem simpliciter rationis, & Durationi creaturarum, quæ dicit relationem realem aptitudinalem, non potest dicere relationem realem, quia sic Duratio Dei diceret relationem realem, nec potest dicere relationem rationis, quia sic Duratio creaturarum diceret relationem rationis, quod est falsum; Restat igitur quod sit neutra, formaliter, vtrique permissiue: Et si verum sit, quod omnis relatio sit vel realis, vel rationis, hoc verum est de relatione in determinato genere, & modo essendi; Modo ista relatio aptitudinalis in communi coexistendi, cum abstrahat à relatione reali, & rationis, non erit realis, vel rationis, nisi permissiue. Potest tamen dici, quod cum Deus sit realiter æternus, & per consequens denominetur hoc modo à relatione reali, non quæ sit in ipso ad Creaturas, quia nulla talis est, vt dictum est, sed quæ sit in Creatura terminata ad ipsum, quia ex Sco. p. dist. 30 q. p. & 2. l. relatio terminata ad aliquod absolutum, vt absolutum, ita denominat illud, ac si in ipso esset relatio opposita. Relatio potentialis, vel aptitudinalis à Duratione in communi importata erit realis; Extrinsecè enim, & intrinsecè referri sunt modi relatiui, qui non auferunt rationem communem referendi, vt dixi in prima Parte philosophiæ disp. de causa efficienti notabili secundo; quapropter Duratio in communi potest sic definiri scilicet quod sit ratio per quam res durans dicitur alteri potentialiter, vel aptitudinaliter coexistere, siue ponendo durationem esse formaliter relationem realem, siue aliquod commune ad relationem realem, & ad relationem rationis.

*Quare ponitur relatio in vtroque vel ab altero extremo.*

Quarto Not. quod pro maiori declaratione definitionis æternitatis, quod ratio ponendi relationem in vtroque, vel alio

alio extremo ex Sco. p. dist. 35. q. Vnica f. vel est mutua co-  
 exigentia, si est relatio mutua, vel dependentia in altero ex-  
 tremo, Deus autem nullam creaturam coexigit ad sui esse,  
 nec à creatura dependet, quia est summè simplex, & sum-  
 mè necessarius, & idè ad creaturam nulla erit relatio rea-  
 lis actualis, nec potentialis, & aptitudinalis, quia cum sit  
 summè simplex identificaret sibi illam relationem ad Crea-  
 turam, qua ablata per possibile, vel impossibile secundum  
 quodcunque esse, siue actuale, siue possibile, adhuc de-  
 strueretur Deus, & non esset summè necessarius; Vnde  
 relatio Dei ad Creaturam siue actualis, siue aptitudinalis  
 est rationis ex Sco. p. dist. 18. q. Vnica D. potest tamen dici, *Quomodo*  
 quòd relatio realis, actualis, vel aptitudinalis sit in Deo, *relatio cre-*  
 non formaliter, sed subiectiue, sicut logicè loquendo præ *turæ ad*  
 dicatum quodcunque dicitur inesse subiecto, & hic modus *Deū possit*  
 essendi (inquit Scotus p. dist. 39. x.) dicitur appellatio rela- *dici, quod*  
 tiua: In proposito illa relatio aptitudinalis, quam impor- *sit in Deo.*  
 tat eternitas in Deo erit merè rationis, vel facta ab intel- *subiectiue.*  
 lectu Diuino, vel creato comparando ipsum Deum in or-  
 dine ad existentias possibles: Vel erit relatio realis in  
 Deo non formaliter, sed subiectiue, & secundum appella-  
 tionem, quatenus dicit existentiam potentem terminare  
 coexistentiam cuiuscunque creaturæ: Et quia eternitas  
 est attributum Dei, erit attributum reale positivum, vel  
 reale negatiuum importans triplicem negationem desitio-  
 nis, successionis, & dependentiæ; Vnde eternitas forma-  
 liter non erit in Deo, ex natura rei, inquit Scotus quolib.  
 6. 5. quia licet Deus sua existentia habeat repugnantiam ad  
 desinere esse, ad successionem, & dependentiam, & per  
 consequens existentia sit fundamentum illius repugantiæ,  
 fundamentum istius repugantiæ erit ex natura rei, scili-  
 cet existentia, sed formalis ratio repugantiæ ad desinere  
 esse, siue sit negatio desitionis, siue necessitas coexistendi  
 cuicunque possibili, hoc vltra illud, quod est ex natura rei,

Qq 2 addit

æuiternorum: habet enim hæc verba: *Quia licet una existentia sit perfectior alia, & per hoc posset eam mensurare tali mensuratione quidamatiua, sicut loquitur Philosophus x. Met. quod primum in omni genere, tamen mensuratione duratiua, qua dicitur aliquo modo reduci ad genus quantitatis, non videtur una existentia inuariabilis esse inuariabilior alia, quia cuilibet omnino repugnat successio partium in ipsa, & tunc diceretur quod cum Aeuum ponatur mensura alicuius in in quantum durans est inuariabiliter, & illud sic extrinsecum oporteret esse notius ex natura rei secundum rationem inuariabilitatis, & cum non sit talis differentia inter existentias æuiternorum, nihil sic erit æuū. Hæc Scotus.*

Tunc sic arguo. Quæcunque plura æqualiter participant rationem alicuius communis, & non includunt differentias específicas contrahentes illud commune, tunc illud non potest diuidi in illa plura tanquam in species, hoc patet, quia genus diuiditur in species per differentias específicas ipsum contrahentes; sed omnia æuiterna æqualiter participant rationem Durationis æui, quia æqualiter sunt inuariabilia, quæ inuariabilitas est complementum rationis formalis æui, & inter existentias æuiternorum nulla est differentia secundum hanc rationem inuariabilitatis ex Scō. loco iam citato, ut patet ex verbis eius allatis; ergo æuū non diuiditur in existentias æuiternorum, tanquam in species: ergo æuū est species athoma Durationis.

*Tacite re-  
sponso cō-  
futatur.*

Si dicant quod existentia est formale, licet inuariabilitas sit complementum æui, & idēd secundum differentias existentiarum, & non inuariabilitatis debet eūdem diuidi.

Contra Genus diuiditur in suas species secundum esse completum, non incompletum, quia animal non diuiditur in hominem, & leonem secundum esse substantiale animatum, sed secundum esse sensibile: ergo si æuū est genus debet diuidi secundum suum esse completum, quod est existentia



stantia inuariabilis : ergo non debet diuidi secundum existentiam præcisè , sed secundum existentiam inuariabilem , sed ratio existendi inuariabiliter æqualiter participatur ab æternis , vt dictum est : ergo æuum erit species athoma , & non genus.

Præterea Angeli existentia , & operationum eius distinguuntur specie , imò toto genere , sicut substantia , & accidens , & tamen secundum Sco. 2. d. 2. q. 4. ante A. S. contra Conclusionem &c. non habent durationem specie diuersam , sed eiusdem rationis , eò quia habent eundem modum manendi : ergo secundum modum existentiarum , & non secundum existentias , durationes distinguuntur : ergo æuiterna omnia , cum habeant eundem modum manendi , licet distincta specie , habebunt Durationem eiusdem rationis : ergo vnum æuum specie omnium æuiterndrum : & arguit Sco. in propria sententia contra Henricum de Tempore discretio.

Connt. 2.

Confirmatur ad hominem , quia ista in hac disp. q. p. art. p. num. 34. dicunt , quòd tempus pro duratione , quod ponunt commune ad existentiam transeuntem in tempore , & in instanti , diuiditur in species secundum modos transeundi , & non secundum diuersitatem existentiarum ; Ergo æuum debet diuidi secundum modos existendi inuariabiliter : sed non dantur in æuiternis plures modi existendi inuariabiliter , cum æqualiter æuiterna sint inuariabilia , vt dictum est ex Sco. ergo æuum non potest diuidi in plures species , sicuti non diuidunt tempus , accipiendo illud communiter pro existentia rerum successuarum , & hoc non alia ratione , nisi quia res successuæ , licet habeant diuersas existentias específicas , habent tamen eundem modum existendi.

Confirmatur confutatio ad hominem :

Pater Rubens de Lugo Tomo controu. metaph. controu. x. §. dico tertio sustinet durationem non posse formaliter importare negationem definitionis connotando existentiam rei

Opinio Patris Rubei.

rei durantis, & citat Sco. quol. 6. §. contra istud obicitur, & asserit infra, quod formale significatum Durationis est essentia realis rei durantis, connotando non destructionem illius: & reddit rationem in fine diluendam, quia si per impossibile ab essentia reali extra causas suas producta non dimanaret ipsa existentia, adhuc talis essentia esset verè res realis non corrupta, & in suo esse permanens, neque fundans negationem desitionis.

*Cōfutatur* Sed hæc opinio mihi videtur de directo contra Sco. loco cit. quia Scotus ibi probabiliter sustinet æternitatem formaliter importare negationem desitionis.

Argumentor tamen quod duratio in via Scoti non importat essentiam realem, ut formaliter ab existentia distinctam: Æternitas, ut æternitas ex Sco. quol. 6. loco cit. competit existentie ut existentia est, & hoc determinat in propria sententia: ergo non essentia formaliter, quia existentia, ut existentia ab essentia formaliter distinguitur, sed æternitas est Duratio: ergo Duratio non competit essentia, ut distinguitur ab existentia: ergo si Deus, vel aliud quod aliud esset sine existentia, esset sine duratione formaliter.

*Confut. 2.* Præterea necessitas ab æternitate importata est modus existentia, non essentia, ex Sco. p. dist. 18. q. Vnica

C. ergo Duratio competit existentia,  
non essen-  
tia.



*Senten.*

## Sententia Auctoris . Caput Secundum.

*Duratio importat existentiam connotatiue ; formaliter  
verò importat relationem aptitudinalem  
coexistentiam alteri existentia .*

Elicitur ex Sco. quolib. 6. Q. & R. & 1. dist. 2. q. 3. A.  
& q. 4. A.

**P**ro cuius declaratione Notatur primò, quòd Duratio in communi non est, nisi ratio coexistendi alicui existentia, vel ratio referendi ad externam existentiam, siue extrinsecè, vt in Deo, in quo nulla est relatio realis ad Creaturas, siue intrinsecè, vt in Creaturis, in quibus duratio est relatio fundata in re durante, & terminata ad existentiam possibilem, non actualement, quia relatio aptitudinalis non requirit terminum in actu, sed in aptitudine ; In Deo verò est relatio aptitudinalis coexistentia fundata in creatura, & terminata ad ipsum Deum : Ratio verò formalis fundandi huiusmodi relationem, vel referentiam extrinsecam est existentia, quapropter Sco. quolib. 6. Q. R. dicit existentiam Dei esse fundamentum, & subiectum aternitatis, quod intelligi debet de fundamento, & subiecto proximo, non remoto, quia habens existentiam dicitur durans vltimata denominatione ; Vnde Duratio connotat existentiam, & formaliter dicit relationem aptitudinalem coexistentia. Et hæc Duratio in communi diuiditur tanquam genus in suas species in Æternitatem, Euum, Tempus, & Instans, iuxta quatuor modos essentialiter diuersos existendi rerum : Nam aliqua entia sunt successiua ; quæ sic existunt, vt eis repugnet habere partes simul, & sunt in continuo fluxu, vt motus, cuius duratio est tempus ; Alia ex sui natura raptim transcunt, vt indiuisibilia con-

*De Duratione in communi.  
Quid dicat Duratio in communi.*

*Quæ species Durationis.*

uantia

quantia motum, quæ dicuntur mutata esse, ac etiam mutationes substantiales, & hæc durant instanti temporis; Alia existunt inuariabiliter, ut ipsi non repugnet habere partes simul, ut permanentia, siue ipsi omnino repugnet fluxus, & acquisitio partis post partem, ut formæ substantiales, & substantialia, siue in eis possit esse aliquo modo fluxus, per acquisitionem partis post partem, ut qualitates, & hæc omnia durant *Æuo*, licet in hoc sit problematicus

*Famosè loquendo tres sunt species Durationis.* Sco. 2. d. 2. q. 4. B. & sequentibus: Aliud, quod existit sine principio, & sine inuariabiliter, & independenter, ut Deus, & hic durat æternitate: Sed quia communiter, & famosè Duratio accipitur pro ea, quæ dicit permanentiam essendi, quæ est tantum triplex ex Sco. loco cit. § ad oppositum, &c. *Æternitas, Æuum, & Tempus*; De primis duabus Durationibus aliqua dicam, licet cognitio durationis in communi conducatur ad perfectam cognitionem suarum specierum, De tempore tamen distinctè disputabo, quia eius consideratio ad Philosophum spectat.

*De æternitate.*

Secundò Not. quòd Duratio est nomen connotatiuum, quod connotat existentiam rei durantis, formaliter importando relationem aptitudinalem coexistentiæ, & in hoc Sco. non est problematicus, ut dicunt Aduersarij, quolib. 6. Q. R. ubi cum determinauerit æternitatem conuenire existentia, ut existentia est, inquit an æternitas, ut æternitas sit modus existentia, vel addat aliquam relationem, & in hoc non se determinat: Et si dicat relationem, problematicè sustinet dicere relationem positiuam, & negatiuam; Ego autem dico, quòd cum nomen connotatiuum possit connotare subiectum, & alia diuersæ naturæ, quæ circumferant nobis differentiam essentialem ipsius connotatiui; *Æternitas* pro formali importat coexistentiam aptitudinalem, connotando non solum existentiam ut subiectum, & fundamentum istius relationis, seu referentiæ aptitudinalis, sed etiam aliquod aliud, quod nobis circumscribit differentiam

tiam

tiā essentialē aternitatis, per quam aternitas ab aliis durationibus essentialiter differt, & hoc est negatio terminationis, successionis, & dependentiæ; Vnde aternitas definitur à Boetio 5. de consolatione prosa 6. *quod sit in-terminabilis vita tota simul, & perfecta possessio*. Ponitur in hac definitione *Vita* pro existentia actuali perfecta tanquam connotatum (inquit Scotus) sed alia tria scilicet in-terminabilis, quod excludit defitionem, *tota simul*, quod excludit successionem, & *perfecta possessio*, quod excludit dependentiam, dicit relationem aptitudinalem existendi cuicunque sine defitione, successionem, & dependentia; Et licet asserat ibi Sco. quod aternitas formaliter, vel dicit negationem, vel relationem aptitudinalem, non vult semper negationem ab aptitudinali coexistentia separare in formalitate aternitatis; quia inquit, quod si dicat aternitas relationem aptitudinalem coexistentiæ, ista relatio importat etiam illas negationes, & ratio esse potest, quia Deus non coexistit alteri sic simpliciter, quia sic Durationes non differunt, sed sine defitione, successionem, & dependentia: Vult igitur dicere Scotus, (& attende diligenter) quod si aternitas dicit negationem, tunc non dicit relationem aptitudinalem, quia illa triplex negatio sufficit sola ad complendam totaliter rationem formalem aternitatis: Si verò dicat coexistentiam aptitudinalem, tunc illa connotabit tanquam differentiam essentialē illam triplicem negationem per quam essentialiter differt ab æuo, & Tempore; Differt ab æuo per negationem defitionis, & dependentiæ, quia æuiternum est terminabile, seu defectibile, & dependens: Differt à Tempore per triplicem negationem, quia tempus est terminabile, successivum, & dependens.

Per quid  
differat ab  
alijs Dura-  
tionibus.

Tertiò Not. quod relatio formaliter à Duratione in comuni importata potest dici, quod nec sit realis; nec rationis, sed abstrahit à relatione tam reali, quàm rationis, &

Qq

dicit

alio extremo ex Sco. p. dist. 35. q. Vnica f. vel est mutua co-  
 exigentia, sive relatio mutua, vel dependentia in altero ex-  
 tremo, Deus autem nullam creaturam coexigit ad sui esse,  
 nec à creatura dependet, quia est summè simplex, & sum-  
 mè necessarius, & idè ad creaturam nulla erit relatio rea-  
 lis actualis, nec potentialis, & aptitudinalis, quia cum sit  
 summè simplex identificaret sibi illam relationem ad Crea-  
 turam, qua ablata per possibile, vel impossibile secundum  
 quodcunque esse, siue actuale, siue possibile, adhuc de-  
 strueretur Deus, & non esset summè necessarius; Vnde  
 relatio Dei ad Creaturam siue actualis, siue aptitudinalis  
 est rationis ex Sco. p. dist. 18. q. Vnica D. potest tamen dici, *Quomodo*  
 quòd relatio realis, actualis, vel aptitudinalis sit in Deo, *relatio cre-*  
 non formaliter, sed subiectiuè, sicut logicè loquendo præ *turæ ad*  
 dicatum quodcunque dicitur inesse subiecto, & hic modus *Deū possit*  
 essendi (inquit Scotus p. dist. 39. x.) dicitur appellatio rela- *dici, quod*  
 tiua: In proposito illa relatio aptitudinalis, quam impor- *sit in Deo.*  
 tat eternitas in Deo erit merè rationis, vel facta ab intel- *subiectiuè.*  
 lectu Diuino, vel creato comparando ipsum Deum in or-  
 dine ad existentias possibles: Vel erit relatio realis in  
 Deo non formaliter, sed subiectiuè, & secundum appella-  
 tionem, quatenus dicit existentiam potentem terminare  
 coexistentiam cuiuscunque creaturæ: Et quia eternitas  
 est attributum Dei, erit attributum reale positivum, vel  
 reale negatiuum importans triplicem negationem desitio-  
 nis, successionis, & dependentiæ; Vnde eternitas forma-  
 liter non erit in Deo, ex natura rei, inquit Scotus quolib.  
 6.5. quia licet Deus sua existentia habeat repugnantiam ad  
 desinere esse, ad successionem, & dependentiam, & per  
 consequens existentia sit fundamentum illius repugantiæ,  
 fundamentum istius repugantiæ erit ex natura rei, scili-  
 cet existentia, sed formalis ratio repugantiæ ad desinere  
 esse, siue sit negatio desitionis, siue necessitas coexistendi  
 cuicunque possibili, hoc vltra illud, quod est ex natura rei,

Qq 2 addit

addit negationem imperfectionis, vel respectum aptitudinalem ad extrinsecum.

*De æuo, & quid sit.*

Quintò Nat. pro cognitione alterius Durationis, quod dicitur *Æuum*, est duratio rei existentis invariabiliter, dependenter, & defectibiliter: Vnde æuum connotat tanquam subiectum existentiam æterni, pro formali verò dicit coexistentiam aptitudinalem, & defectibilitatem, & dependentiam tanquam differentias essentielles, per quas æuum ab aliis durationibus essentialiter distinguitur, quia licet defectibilitas, & dependentia sint alterius rationis à Duratione, quia tamen circumscribunt nobis differentiam essentialem æui, sine quibus æuum non potest formaliter completè concipi, ideò dicuntur ab eo formaliter importari: Vnde æuum erit Duratio rei existentis invariabiliter, id est sine successione defectibiliter, & dependenter.

*Res dicta  
terminaria  
bilis dupli-  
citer.*

Ista autem invariabilitas potest accipi pro negatione fluxus tam in fieri, quàm in facto esse, quæ competit substantiis, quæ in instanti simul recipiunt esse: Alio modo pro negatione fluxus tantum in facto esse, quæ competit formis accidentalibus naturalibus, sed an existentia quomodo-  
docunque invariabiles mensurentur æuo, Seco: est proble-

*An perma-  
nens quod  
potest ac-  
quiri per  
motum, men-  
suretur æ-  
uo, Seco: est  
problematis.*

maticus 2. dist. 2. q. 4. A. B. C. quia dicit, quòd illa existentia mensuratur æuo, quæ est invariabilis, hoc est. cui repugnat, ut secundum ipsam sit variatio, siue fluxus, vel acquisitio partis post partem; Si tamen dicatur omne esse invariabile, & permanens mensurari æuo, tunc potest concedi, quòd illa forma quando secundum eam non est actualis, mensuratur æuo; Sed ista pars, inquit Scotus, videtur minus probabilis, quàm prima, quia oportet in tali re permanenti ponere duas durationes, scilicet quod in quantum est actualiter sub motu, & in acquisitione partis post partem, durat tempore, ut verò actualiter sub quiete, mensuratur æuo, quies autem eius potest dici, quòd mensuretur tempore, nam quies non est nisi privatio suc-

cess.



cessionis partis post partem secundum Arist. 5. phys. tex. 52.  
 quæ mensuratio est quæritis non positiuè, sed priuatiuè per  
 motum; qui tunc posset in esse, quando ista priuatio inest;  
 sicut in alijs priuatio semper mensuratur suo habitu; tan-  
 tum enim malum est cæctas in oculo quantum bonum est  
 visio; Sed quia mihi difficile videtur, quòd permanens  
 habeat successiuam durationem, vel quòd idem perma-  
 nens, vt est sub motu, & acquisitione partis post partem ha-  
 beat durationem successiuam, vt verò sub quiete dura-  
 tionem permanentem, & per consequens duplicem dura-  
 tionem, magis mihi placet sententia Tarareri, quam se-  
 quuntur etiam Aduersarij Scotistæ, quòd omnia perma-  
 nentia mensurantur, siue magis propriè loquendo durant  
 æuo (pro eodem enim in Tractatu de æuo aliquando acci-  
 pit Scotus mensurare, & durare, cum neget in æuo propriè  
 mensuram;) Vnde inuariabilitas circumscribens nobis  
 differentiam essentialem æui, erit negatio successioneis se-  
 cundum partes transcentes, & non simul existentes.

*Omnia per  
 manentia  
 mensuran-  
 tur æuo.*

Sextò Not. pro maiori declaratione huius Durationis,  
 quòd æuum potest considerari dupliciter ex Sco. 2. dist. 2. q.  
 3. A. Vno modo in ratione mensuræ in perfectione, & sic  
 tot sunt *Æua*, quot sunt Angeli Superiores; sed hoc mo-  
 do existentia Angeli infimi non erit *Æuum*; Alio modo  
 in ratione Durationis, vt est species Durationis in commu-  
 ni, tunc æuum non variatur specie; nec vna existentia; vt  
 habet rationem Durationis diuersificatur specie ab alia, im-  
 mò dicit Scotus loco cit. quòd secundum rationem inuari-  
 abilitatis non potest inueniri differentia inter existentias  
 æuiternorum, vt tetigi in primo Cap. contra Meld. & Cat.  
 Erit igitur æuum, sicut æternitas, & tempus vna species  
 athoma. Durationis in communi, quæ contrahitur tan-  
 quam per differentias ultimas per diuersos modos existen-  
 di in primo Not. positos, per quos vnaquæque Duratio ab  
 alia specificè, & formaliter differt. Vnde generaliter lo-

*Æuum, si-  
 cut & alia  
 Duratio-  
 nes, est spe-  
 cies atho-  
 ma.*

quando

quando de *Æuo*, quod est Duratio omnium permanentium, ipsum erit vnum specie, numero verò tot sunt *æua*, quot *æterna*: In ratione verò mensuræ in perfectione tot sunt *æua*, quot perfectiora *æterna* in vnoquoque genere determinato; Vt in genere Angelorum, supremus est mensura aliorum; In genere animalium est homo. In genere verò substantiæ, vnum erit *æuum*, sicut in aliis generibus, quia in vnoquoque genere est aliquod, quod est metrum, & mensura omnium, quæ sunt illius generis x. Met. tex. 2. annuente Scoto in 2. dist. 3. q. p. supra A. His notatis.

Probarur Conclusio, quæ satis remanet probata in primo cap. potest tamen firmiter probari hac ratione. Omne relatiuum formaliter importat relationem; sed Duratio est ens relatiuum: ergo formaliter importabit relationem; minor probatur, quia non potest intelligi aliquod durare formaliter, nisi in ordine ad illud, cui coexistere potest, etiam in sententia Aduersariorum: ergo Duratio est ens relatiuum, & per consequens importabit formaliter coexistentiam potentialem, vel aptitudinalem, & connotabit existentiam.

*Primum arg. Meld. & Cat.* Contrà Arguitur primò. à Meld. & Cat. ibi num. 4. quod Duratio dicit formaliter existentiam, connotat verò relationem aptitudinalem coexistentiæ. Auctoritate Scoti 2. dist. 2. q. 2. H. ubi loquens de Duratione Angelica, ait, quod non est necesse ponere aliquod reale, siue absolutum, siue respectuum distinctum ab existentia Angeli pro eius mensura, & Duratione; & quolibet R. loquens de eternitate, ait supra existentiam Diuinam addere relationem rationis aptitudinalem, necessariam coexistendi cuicunque extrinsecæ durationi.

*In fide liter adducunt Scotum.* Respondeo, quod primus locus Scoti non fideliter adducitur, quia vtiq; dicit Scotus, quod non est necesse ponere aliquod reale, siue absolutum, siue relatiuum distinctum.

Etum ab existentia Angeli pro eius mensura (& loquitur de mensura propriè in hoc loco citato) sed non dicit pro duratione, vt ipsi referunt: Et miror quomodo adducunt Scotum hic accipere pro eodem mensuram, & Durationem, cum ipsi pro confirmatione eorum opinionis, & doctrinæ Scoti iam allatæ, immediatè postistas auctoritates adductas probent Durationem non posse dici mensuram.

Præterea retorquetur argumentum. Ita se habet æuum ad existentiam æuiterni, sicut æternitas ad existentiam Dei; Sed ex Sco. quolib. 6. R. loco ab ipsis in argumento cit. *Retorquetur arg. Mel. & Cat.* Æternitas addit relationem supra existentiam diuinam; Ergo æuum addit relationem supra existentiam æuiterni.

Ideo Respondeo ex Sco. loco cit. quod vtique in Angelo non debet addi absolutam, vel relatiuum distinctum ab existentia eius, quod sit Angeli mensura. loquendo de mensura, non in perfectione, quia talem admittit in Angelo Sco. loco cit. G. & q. 4. A. Sed de mensura propriè, quia nota aliud minus notum cognoscimus, quia Angeli æqualiter sunt inuariabiles, nec vnum æuum est notius alio, debet tamen addi aliud, quod formaliter explicat rationem Durationis, & hoc est relatio aptitudinalis coexistentiæ, vt patet ex Sco. quolib. 6. R. loco ab Aduersarijs citato.

Secundò Arguunt num. 7. Nullum ens rationis potest formaliter importari ab eo, quod est ens reale, sed ille respectus coexistentiæ est rationis; ergo non potest à Duratione, quæ est ens reale formaliter importari. *2. Argum. Mel. & Cat.*

Respondeo, quod maior non est simpliciter vera; nam quando ens rationis circumscribit differentiam essentialis realis, tunc ens rationis est de conceptu formalis entis realis; Tamen concessa maiori, negatur minor, quia licet coexistentia potentialis, vel aptitudinalis non habeat omnes conditiones ad relationem simpliciter realem requisitas, eo quia est ad terminum in potentia, & per

male potentiale significatum, connotatum verò est formale actuale, vt patet de Creatione, & Conseruatione, quæ principaliter, & formaliter important relationem ad Deū; quæ relatio est formale potentiale, respectus verò ad non esse præcedens in Creatione, & relatio ad esse præhabitu in Conseruatione gerunt vicem differentię, & sunt formalia actualia, sic de Prandio, & Cœna, quicquid dicant Meld. & Cat. formaliter important comestionem, quæ est formale potentiale, tempus verò matutinum, & vesperrinum gerunt vicem differentię prandii, & Cœnæ, ideò illa tempora sunt formalia actualia; Et ratio generalis esse potest, quia in connotatiuis semper principale significatum est maius ens eo, quod est formale, & inter formalia, potentiale semper est maius eo, quod est actuale; Ad minorem utique Duratio imponitur ad significandum principaliter existentiam, non tamen imponitur ad significandum formale Durationis, sed connotatum, vt habet Sco. in propria sententia quolib. 6. Q. R. quia Duratio est nomen relatiuum, quod connotat fundamentum, quod est existentia ex Sco. loco cit. & principaliter formaliter dicit relationem aptitudinalem coexistentię; Vnde principale significatum formale nominis est illud, quod datur intelligi formaliter ex institutione imponentis nomen: Modò ex institutione imponentis nomen Durationis non datur intelligi formaliter existentia, sed relatio coexistentię, connotatiue verò, idest materialiter datur intelligi existentia, & sic negatur consequentia.

Quartò Arguit Pater Rubeus de Lugo Tomo Controu. *Arguit P.*  
Met. Controu. x. §. Dico Primò, cum Meld. & Cat. disp. 13. *Rubeus,*  
q. p. num. 5. §. tum deinde &c. Si duratio adderet aliquod supra existentiam; ergò illud duraret, quia haberet propriam existentiam non destructam; ergò duratio duraret, & sic esset Durationis Duratio in infinitum.

Respondeo negando consequentiam, quia illud additum

Rr est

est relatio aptitudinalis coexistentiæ, quæ relatio identificatur cum re durante, sicut & quælibet aptitudo cum eo, cuius est aptitudo, & per consequens non est primum ens, sed aliquitas entis; Et si illud additum poneretur distinctum à re durante, non tamen duraret, quia duratio non durat; Et cum probatur quia hoc additum haberet propriam existentiam non destructam, & per consequens ut res prima duraret: Dici potest illud, quod de relatione dicit Sco. 2. d. 5. q. 5. D. N. quodd scilicet est ratio referendi, & tamen ipsa quoque refertur ad subiectum, non alia relatione, quia sic relationis esset relatio realis in infinitum, sed se ipsa refertur ad fundamentum, & sic datur status; sic etiam si Duratio duraret, se ipsa duraret, & sic daretur status.

Retorque-  
nt argu-  
mentum  
P. Rubi.

Vnde retorqueo argumentum contra Patrem Rubeum, qui dicit Durationem formaliter importare essentiam, vel existentiam rei, connotando productionem sui; Nam illud connotatum additum existentiae, vel essentiae rei, quodd est productio, realiter distinguitur à re durante, & habet propriam existentiam non durantem; ergo illud connotatum durabit: ergo si connotatum Durationis durat: ergo eius duratio aliud connotabit, & sic connotati durationis erit duratio in infinitum.

Si diceret, quodd illud connotatum non erit primum ens, sed aliquid entis suo modo, quia est connotatum entis: A pari ego possem dicere, quodd illa relatio superaddita non erit primum ens, sed aliquid entis, quia est ratio formalis entis: Sicut enim albedo non est alba, sic nec Duratio durat.

2. argum.  
P. Rubi.

Quintò. Arguit idem Pater Rubeus §. dico secundo &c. probando, quodd duratio nullo modo potest importare relationem aptitudinalem coexistentiæ. Res absoluta in se inspecta, secluso quolibet respectu ad aliud, verè intelligitur existens, & consequenter durans: ergo talis respectus coexistentiæ nullo modo pertinet ad Durationem, cum

ante

antecedenter ad talem respectum res intelligatur durans.

Retorqueo argumentum contra ipsum. Res absoluta in se inspecta, secluso quolibet respectu ad aliud, verè intelligitur existens, & consequenter durans; ergò secluso respectu productionis rei durantis, qui secundum ipsum complet rationem formalem durationis, res dicitur existens, & consequenter durans; ergò iste respectus productionis rei durantis nullo modo potest à Duratione importari.

Retorqueo  
hunc arg.  
P. Rubei.

Ideò Respondeo ad argumentum negando antecedens, quia utique res absoluta, secluso quocunque respectu, intelligitur existens, sed negatur, quòd per hoc intelligatur durans, quia Duratio, ut sæpè dixi, est nomen relatiuum, & confirmatur per hoc, quòd res absolutè inspecta causat effectum, & tamen non intelligitur formaliter causans, sed tantum materialiter, quatenus potest fundare relationem causæ ad effectum, per quam causa dicitur formaliter causans; A pari res existens, secluso respectu coexistentiæ, non dicitur formaliter durans, sed solum materialiter; Unde si per impossibile nulla esset creatura, nec in esse reali simpliciter, nec in esse possibili, Deus diceretur tantum æternus materialiter, quatenus si possent esse creaturæ, illis coexisteret formaliter, quia posset terminare relationem realem coexistentiæ in Creatura ad ipsum; quare negatur consequentia.

Sextò. Arguit idem Pater Rubeus ibidem §. dico tertio, & quarto sustinendo formale Durationis non esse existentiam, sed essentiam rei durantis, connotando productionem, seu transitum de non esse ad esse. Si per impossibile ab essentia reali non dimanaret existentia, adhuc essentia realis verè duraret; ergò existentia non erit formale, nec connotatum, vel subiectum Durationis.

3. Argumentum  
P. Rubei.

Respondeo, negando antecedens, quia cum Duratio sit

Rr 2 nomen

nomen relatiuum, importans formaliter coexistentiam aptitudinalem, cuius fundamētum proximum est existentia, essētia sine coexistentia non coexisteret, & per consequens formaliter non duraret, sed tantum materialiter, si existentia non poneretur impossibilis; Nam si repugnaret existentia, in tali casu rei habenti essentiam etiam repugnaret relatio coexistentiæ, & per consequens non posset esse materia illius relationis, & sic nec durans materialiter; Si enim repugnet generanti Paternitas, generans non posset esse nec formaliter, nec materialiter Pater, nisi hoc modo, quatenus posset fundare relationem Paternitatis, si paternitas poneretur in esse.

*Arguitur  
Hoc pro  
Adversariis.*

Septimò pro hac opinione arguo ex Scoto 2. dist. 2. q. 4. §. ad oppositum, ubi vocat *Æternitatem*, æuum, & tempus moras essendi; ergo Duratio importat essentiam, non existentiam.

Respondeo, quod Sco: in his quæstionibus de *Ævo* est totus problematicus, tamen dico, quod ibi accipit essentiam, non ut formaliter distinctam ab existentia, sed materialiter, quatenus est idem cum existentia realiter; Et confirmari potest, quia in quolib. 6. Q. R. determinando quid dicat æternitas, determinat, quod dicit existentiam, ut existentia est, replicat existentiam, ut ostendat ibi accipi existentiam ut formaliter distinctam ab essentia; in 2. verò Sent: loco citato, vocat Durationes moras essendi, & non replicat suam rationem formalem, ut ostendat essentiam accipi identice pro existentia, præterquam quod in eodem loco citato Sco: confutando opinionem Henrici ante A. vocat Durationem moram in existendo; Ex quo patet, quod pro eodem accipit in proposito esse, & existere.

Dispu-



# Disputatio VI. de Tempore.

## CONCLUSIO PRIMA.

*Tempus intrinsecum, seu pro Duratione formaliter importat  
relationem aptitudinalem coexistentia rei existentis  
essentialiter succedendi.*

Elicitur ex Sco. omnibus in locis cit. in principio  
disp. de Duratione in communi.

*Opinio Aliorum. Cap. Primum.*

**M**Eld. & Cat. disp. 13. q. 4. art. p. num. 34. & inde <sup>Opinia</sup> Mel. & Cat. sustinent, quod tempus intrinsecum, pro ut species durationis adæquatè diuidens cum æternitate, & ævo Durationem in communi, dicit durationem entium ex propria natura transeuntium, & hoc siue instantaneè, vt mutationes instantaneæ, siue successiuæ, vt motus successiuui, & sic continebit sub se durationes rerum ex sui natura & necessariò transeuntium, præscindendo ab hoc, quod est transire in instanti, vel successiuè, in quos modos diuiditur, vt in species: At si sumatur tempus secundum vsitatam acceptionem, solum supponet pro successiuæ Duratione, non erit tamen illa diuisio adæquata, quia sub nulla illarum specierum directè continebitur duratio mutationis essentialiter instantaneæ, quæ tamen est vera duratio, sicut talis mutatio habet existentiam veram, & realem: Si primo modo accipiatur tempus, formaliter dicit existentiam rerum transeuntium, præscindendo ab instantaneitate, & successione, connotando coexistentiam alicui extrinsecæ durationi: Si verò accipiatur secundo modo

do, dicit tantum formaliter existentiam successiuam.

Sed in hac opinione, & Doctrina multa falsa conspicio. Multa dicta in hac positione examinanda, & confundenda elicio.

*Primum dictum Mel. & Cat.* Primum est quod tempus, ut species adæquatè cum æternitate, & æuo diuidens durationem in communi, dicit Durationem rerum transeuntium, siue instantaneæ, siue successiuæ.

Hoc dictum contradicit doctrinæ positæ in præfatione Confut. 1. de Duratione rerum, ubi habent: *Nomine ergo Durationis, ostenditur vim vocabuli attendamus, intelligitur id quo res est, & persistit in rerum natura, & propriè dicitur quandam permanentiam in esse, & perseverantiam in eodem statu.* Hæc illi.

Confut. 2. Tunc sic; sed instantanea non perseverant in natura; ergo propriè non durant; sed tempus est propriè duratio, ergo tempus non includit instantanea, & instantaneæ transeuntia.

Præterea in hac disp. num. 3. habent: *Vnde res in primo instanti dicitur creata, vel producta, & in tempore sequenti conservata, ita in primo instanti dicitur existere, & in sequenti tempore durare, quia duratio aliud non est, quam existentia rei continuata, & conservata;* Hæc illi.

Tunc sic; sed existentia rerum instantaneæ transeuntium non est continuata, sed raptim transit; ergo non est propriè duratio; ergo sub vna specie Durationis contineri non potest: ergo tempus non est duratio in communi ad successiuam, & instantaneam: Item num. 7. habent, quod duratio importat existentiam cum respectu ad esse præhabitu, sed existentia instantanea non habet respectum ad esse præhabitu, ergo non est propriè duratio.

*Tertia responsio cōstat.*

Si vellent has contradictiones saluare cum doctrina, quam referunt num. 8. scilicet, quod duratio potest attendi secundum vim vocabuli, sic instantanea propriè non

non durant. Si verò duratio sumatur latè, tunc instantanea verè duranti; sed in vanum laborant, quia in præstatione huius disp. diuidunt Durationem in communi in æternitatem, æuum, & tempus, vt in suas species, & dicunt hoc genus durationis importare perseuerantiam, & continuitatem in esse, quam perseuerantiam temporì tribuunt, ut est species durationis: Et confirmatur ex his, quæ habent in hac disp. art. 2. num. 24. vbi ponentes differentiam æui ab aliis speciebus durationis, habent. *Disimus primò Aeuum in communi à nostro tempore differre ad quia æuum est duratio rei permanentis defectibilis: tempus verò est duratio entis successiuæ; & q. 4. num. 29. explicando tempus, vt est species durationis, dicunt quòd nomine temporis intelligunt durationem rei successiuæ per partes continuo fluentes; ergò tempus, vt est species durationis non potest continere instantanea, quia hæc non habent partes continuo fluentes; Si igitur illi Scriptores per tempus, vt est species durationis, intelligunt durationem rei successiuæ per partes continuo fluentes, quomodo possunt diuidere tempus hoc, vt est species durationis, in durationem successiuam, & instantaneam?*

Secundum dictum est, quòd tempus, vt est species durationis diuiditur in modos transeundi instantaneæ, & successiuæ, tanquam in species.

2. dictum  
Meld. &  
Cat.

Sed hoc dictum contradicit ei, quòd asserunt in hac disp. num. 36. vbi habent: *Attamen intrinsecum tempus debet multiplicari non solum numero, sed etiam specie ad multiplicationem numericam, vel specificam motuum, vt in simili diximus de auro: Vnde & tempus materiale, & tempus spirituale dari debet, sicut datur existentia materialis, & spiritualis motus; Hæc illi.*

Confusa.  
tur, & ostē  
ditur con-  
tradictio.

Tunc sic arguo. Sed motus materialis, & spiritualis non differunt penes modum existendi instantaneæ, vel successiuæ, sed penes esse materiale, & spirituale; ergò tempus

pus secundum istos distinguitur penes diuersitatem formalem existentiae, & non penes modos existendi instantaneè, vel successiuè.

*Confirmatur.* Confirmatur, quia dicunt, quòd tempus simili modo debet diuidi in suas species, sicut & æuum; sed num. 27. *tur confutatio ad hominem.* dicunt, quòd æuum debet distinguì iuxta diuersitatem existentiarum, ita vt (inquiunt ipsi) tot sint æua specie distincta, quot existentie specie diuersæ; ergò debet dici, quòd sunt tot tempora specie diuersa, quot existentie specie diuersæ, & sic erunt plures, quàm duæ species temporis, quia multa sunt successiua specie diuersa, quia motus localis secundum ipsos est hoc modo essentialiter successiuus actio, passio, coexistentia, & sunt etiam instantanea, ergò non distinguitur tempus pro duratione in modos existendi instantaneè, & successiuè, vt in species, quia sic tantum erunt duæ species temporis.

*3. dictum.* Tertium dictum est, quòd Duratio instantanea est vera *Meld. &* Duratio, & propria, & reddunt rationem, quia sicuti mutatio instantanea habet existentiam veram, & realem, ita etiam habet veram, & realem durationem.

*Cōfutatur, & ostenditur contra dictio.* Sed hoc dictum, licet sit verum, tamen in sententia istorum non potest sustineri, quia dicunt in præfatione istius disp. quòd Duratio instantanea est duratio latè sumpta, non propria, quia Duratio propria dicit perseverantiam, & secundum hanc perseverantiam diuidunt durationem in communi, in Æternitatem, æuum, & tempus, vt in species proprias; ergò Duratio quatuor habebit species, & instantanea Duratio non poterit reduci ad tempus, quod essentialiter etiam secundum ipsos est successiuum, quia vnum disparatum non potest contineri tanquam species sub alio disparato; Vt homo non potest contineri sub bove. Reuertamur: Esse propriam durationem, & non esse propriam Durationem contradicunt.

*4. dictum.* Præterea num. 29. dicunt Tempus accipi pro duratione

rei successiuæ, & per res successiuas intelligunt actiones, passiones, coexistentiam tempori successiuo, Vbi locale per motum continuum acquisibile, & motus.

Contra, & probo quòd coexistentia tempori successiuo non potest dici successiua, tali pacto. *Æternum*, & *Æuiternum* coexistunt tempori successiuo; ergo eorum coexistentia erit successiua; ergo complementum *Durationis* permanentis, vt distinguitur à *Duratione* successiua, erit successiuum, quæ omnia sunt falsissima, quia permanens non potest essentialiter & formaliter intelligi, vt distinctum à successiuo per aliquod successiuum tanquam per differentiam essentialem & distinctiuam; sed coexistentia *Æterni*, & *Æuiterni* est secundum ipsos complementum propriæ durationis eorum tanquam differentia essentialis, & distinctiua à *Duratione* successiua; ergò existentia æterni, & æuiterni non erit successiua.

Confut. 1.

Præterea si tempus est *Duratio* rerum successiuarum essentialiter, inter quas connumerant coexistentiam tempori successiuo; ergò tempus, & duratio successiuæ erit complementum durationis permanentis: ergò tempus erit *Duratio* æui, & æuiterni; ergò existentia eadem erit simul variabilis, & inuariabilis; Inuariabilis, vt supponitur, variabilis, quia ista duratio completur per durationem variabilem.

Confut. 2.

Secundò probo, quòd vbi locale per motum continuum successiuè acquisibile non sit successiuum, & quod eius duratio nō est tempus; Eodem modo se habet, vbi locale acquisibile per motum successiuæ, sicut se habet qualitas successiuæ per motum acquisibilis. Sed huiusmodi qualitas non est successiua nec durat tempore, sed æuo ex ipsis in hæc dispensum. 29. ergo tale vbi locale non erit successiuum, & tempore non durabit, minor probatur, quia vbi locale vel accipitur materialiter, & hoc non, quia est superficies, quæ est quantitas permanens ex Arist. cap. de quantitate in prædi-

Confut. 3.

ca mentis Vel accipitur pro formali, & sic est respectus locantis ad locatum; Sed ille respectus successiue acquisitus totus permanet in esse quieto; ergo eodem modo se habet sicut qualitas per motum successiue acquisita, quæ in esse quieto habet partes simul existentes.

**Confus. 4.** Præterea cui non repugnat esse simul, non est successiuum, quia per hoc differt permanens à successiuo; sed ubi locali successiue acquisito non repugnat esse simul; ergo non est successiuum.

**Confus. 5.** Tertiò probò, quòd actio, & passio non sit essentialiter successiua, quia agens potest saltem per potentiam diuinam producere formam in subiecto in instanti, & ibi esset actio, & passio, quia esset relatio transmutantis ad transmutatum, & è conuersò; ergo ista actio, & passio non est successiua, quia in tantum huiusmodi relationes sunt successiue, quatenus agens successiue inducit formam.

*Sententia Auctoris .Caput Secundum.*

*Tempus intrinsecum, seu pro Duratione formaliter importat relationem aptitudinalem coexistentiam rei existentis essentialiter successiue.*

Ei cluitur ex Sco. omnibus in locis cit. in principio disp. de Duratione in communi.

*Tempus  
duplex, &  
quid sit*

**P**RO cuius declaratione Not. primò, quod tempus est duplex Intrinsecū & extrinsecum; Tēpus intrinsecū est Duratio cuiuslibet rei essentialiter successiua, Tēpus extrinsecū dicitur mēsurā per quam duratio rei successiua dignoscitur; In præsentī est sermo de tempore intrinseco, & pro duratione, quod importat pro materiali, & connotato existentiam rei essentialiter successiua, pro formali vero relationem aptitudinalem.

nalē coexistendi cuicunq; successiuo modo variabili, & successiuo, quæ relatio fundatur in re successiua, & terminatur ad extrinsecum successiuè existens; Ratio vero fundandi istam relationem est existentia successiua. Res autem dicitur successiua dupliciter; Vno modo per se, & essentialiter & est cui ex sui natura repugnat inuariabilitas, & permanentia, siue simultanea existentia partium, & hæc entitas est solum motus, vt in primo cap. probui contra Meld. & Cat. Alio modo res dicitur successiua tantum per accidens, & est illa, cui non repugnat esse tota simul, sicut qualitas, actio, passio, vbicatio, & coexistentia permanentis cuicunque successiuo dicitur successiua tantum terminatiuè, per se verò, & fundamentaliter est permanens; Vnde successio essentialis alicuius continui est ordo partium succedentium impossibilibium simul existere, vt ordo partium motus, quæ simul existere non possunt: successio verò accidentalis est ordo partium succedentium, quibus simul esse non repugnat, vt ordo partium qualitatis successiuè acquisitæ, & similium; Successio autem motus fit vel penes partes mobilis, vel penes partes formæ, vel spatij; supra quod fit motus; Iste autem ordo partium fluentium in re successiua non est relatio realis simpliciter, quia fundatur in parte existente, & actualiter fluente, & terminatur ad partem posteriorem non existentem, sed quæ futura est.

**Secundò Notandum**, quòd tot sunt tempora intrinseca, quot durationes rerum successiuarum, quæ cum habeant eundem modum existendi; secundum quem diuersificantur durationis species; Tempus in communi erit tantum vna species a thoma durationis in communi, non valens includere durationem instantaneam, cum sit omnino alterius rationis; instantanea enim diuersum modum existendi habet à successiuis, ac propterea diuersam specie durationem, vt diffusè probatum est contra Meld. &

S I 2 Cat.



Cat. in primo cap. non enim Duratio in communi adæquatè diuiditur in æternitatem, æuum, & Tempus; cum detur instans ab istis diuersum, sed tantum duratio in communi, quæ dicit permanentiam, & moram, in qua intelligitur respectus ad esse præhabitu, vt optimè sibi contradicentes dixerunt Aduersarii; Et quod dictum est de aliis durationibus, dicendum est de duratione instantanea, quæ connotat existentiam instantanei, importando formalitèr coexistentiam aptitudinalem ad omne id, quod raptim transit, vt duratio mutationis coexistit aptitudinalitèr mutato esse, & è conuersò mutatum esse coexistit mutationi; Vnde duratio, & res durans distinguuntur sicut res, & modus extrinsecus, relatio tamen cum re durante identificatur, quia omnis aptitudo realitèr identificatur cum eo cuius est, licet formalitèr distinguatur; his notatis.

Probatur conclusio omnibus rationibus, quibus probaui durationem in communi importare relationem aptitudinalem coexistentiæ, quia quò ad hoc eadem est ratio de duratione in communi, & eius speciebus, idè illas omitto ne multoties idem repetatur.

*Primum arg. Meld. & Cat.* Contra arguunt Meld. & Cat. in hac disp. num. 35. infra scriptis rationibus. Primò. Duratio in communi formalitèr dicit existentiam rei durantis; ergò & quælibet species sub ipsa contenta.

Respondeo negando antecedens, quòd negaui in disp. de duratione in communi, quæ in doctrina Scoti non potest connotare existentiam nisi tanquam fundamentum, & subiectum proximum durationis formalitèr acceptæ, quæ est aptitudinalis coexistentia ad extrinsecas durationes.

*2. Arg. Meld. & Cat.* Secundò existentia est vltimus actus rei existentis, nec est vltimus essentialitèr contrahibilis; ergò non potest per respectum contrahi; ergò tempus præter existentiam non poterit aliud formalitèr importare.

*Retorqueatur arg.* Retorqueo argumentum. Si existentia non potest contrahi

trahi; ergo non dantur existentia specificè diuersa, aliter contraheretur existentia per differentias specificas; Sed hic est expresse contra ipsos in hac disp. vbi habent, quod Æuum, & Tempus diuiditur in tot durationes, quot sunt existentia specie distincta.

Respondeo itaq; ad argumentū, concedendo, quod existentia non sit contrahibilis, quia modus intrinsecus, additur naturæ contractæ, non enim existentia est successiua, vel permanens, nisi quia res, cuius est modus est successiua, vel permanens, differentia enim essentielles, sicut & res supponuntur modo tanquam posteriori natura; Sed negatur vltima consequentia, quia relatio aptitudinalis coexistentiæ non ponitur tanquam differentia contrahens ipsam existentiam sed additur existentia tanquam fundamento, & subiecto, proximo.

Tertiò Arguunt auctorit. Sco. 2. dist. 2. q. 2. E. vbi & si problematicè loquatur, magis tamen inclinat ad partem ponentem identitatem inter tempus, & motum, sicut ponit lirt. H. durationem Angeli à propria eius existentia non differre.

Respondeo negando, quod Sco. loco cit. magis inclinet ad identitatem temporis cum motu, & loquitur de tempore intrinseco, & pro duratione, & arguentes doctissimum fabrum meum Conciuem, arguunt se ipsos; Scotus igitur ibi inquit, An in Angelo sit aliquod mensurans eius existentiam, vel durationem existentia eius, & determinat non esse tale in Angelo, qui a vult determinare durationem Angeli non posse mensurari, quia vel mensuraretur ab alio. excedente, vel excessu vel æquale, neutrum dici potest, inquit Sco. ergo non datur in Angelo aliquod intrinsecum mensurans eius existentiam, vel durationem existentia; nos autem loquimur de Duratione, non de mensura; Et loquendo de tempore, loquitur de tempore pro mensura, non pro duratione, & dicit, quod si oportet ponere tempus distinctum à motu, hoc est, quia motus inæquales possunt esse in

3. Argum.  
Meld. &  
Cat.

in eodem tempore, & ideo idem tempus non potest esse idem motibus diuersis; At istud tempus non est tempus pro Duratione, vt isti falso imaginantur, sed pro mensura, quia duo motus diuersi non possunt esse in eodem tempore pro Duratione, sed quot sunt motus, tot sunt etiam tempora, & Durationes etiam secundum ipsos.

Præterea. Si etiam Sco. diceret, quod tempus pro Duratione, & motus sunt idem realiter, non propter hoc sequitur, ergo tempus pro Duratione nihil aliud formaliter addit ultra existentiam motus, quia relatio aptitudinalis ad coexistendum potest poni realiter cum existentia motus, & tamen est aliquid aliud formaliter præter eius existentiam.

4. argum.  
Meld. &  
Cat.

Quarto Arguunt. Nulla res potest intrinsecè durare per aliquod realiter distinctum. Sed successio, quæ est ordo partium accedit enti successiuo; ergo res per successionem non potest intrinsecè durare; infero ego, ergò nec per relationem aptitudinalem coexistentiæ potest intrinsecè, & formaliter durare.

Respondeo ex Sco. 4. dist. 13. q. p. P. quod ly *per* potest accipi dupliciter, vno modo, vt dicit rationem fundamentalem, & formalem remotam durandi, quæ est ratio formalis essendi durabile; Alio modo vt dicit rationem proximam, & formalem denominandi; In proposito nulla res potest intrinsecè durare per aliquod realiter distinctum, tanquam per rationem fundamentalem durandi, & concedo, tanquam per rationem proximam durandi, & formaliter denominandi, & nego; Minor est contra ipsos, quia in hac disp. num. 34. concedunt successionem intrinsecè, & essentialiter motibus conuenire, dico tamen, quod licet ordo partium entis successiuus secundum se accidat successiuo, tamen circumscribit nobis differentiam eius essentialem. Quare negantur consequentiæ, quia licet coexistentia aptitudinalis successiua non sit de essentia durantis materialiter, est tamen de essentia rei durantis reduplicatiuè, vt du-

durans est formaliter, quia illa relatio est de essentia durationis, & licet esset realiter distincta à re durante, adhuc tamen posset res per eam intrinsecè formaliter durare; Res enim per existentiam tanquam per materiam, & rationem fundamentalem durat, per illam verò relationem formaliter durat; Sicut ignis per eius formam substantialem tanquam per rationem formalem remotam dicitur causa, per relationem verò causationis proximè formaliter est causans; Vnde sicuti causa importat solum formaliter relationem causæ ad causatum, connotando tanquam rationem fundamentalem propriam formam rei causantis intrinsecam, & fundamentum remotum rem causantem, ita Duratio formaliter importat solum relationem aptitudinalem coexistentiæ, connotando tanquam rationem formalem, remotam, seu tanquam fundamentum proximum, existentiam, rem verò durantem tanquam fundamentum remotum.

Quintò, Arguo ego pro Aduersarijs. Non repugnat quemcunque motum in instanti fieri; ergò tempus intrinsecum, & pro Duratione non potest connotare existentiam motus; ergò nihil connotabit; antecedens probatur, quia recipiens formam successiuè, & in tempore, potest recipere in instanti, saltem per potentiam Diuinam.

*Arguit A  
uctor pro  
Aduersa;  
rij s.*

Respondeo negando antecedens; Et cum probatur, quia subiectum potest recipere formam in instanti, quam recipit in tempore, hoc verum est, sed ille non esset propriè motus, sed haberet aliquid de motu, & aliquid de mutatione; sicut motus animæ ad gratiam haberet aliquid de motu, quia esset ad formam accidentalem, haberet aliquid de mutatione, quia fieret in instanti; motus enim ex sua ratione formali habet hoc, quod sit ad formam accidentalem, quæ per partem post partem priuationi succedat, & fiat in tempore, per hoc enim differt motus à mutatione, quia mutatio in instanti, motus verò fit in tempore, quia

quia est essentialiter successivus, quæ successione ablata, tanquam differentia essentiali, amplius non est motus, sicut ablata rationalitate ab homine, non esset amplius homo.

### CONCLUSIO SECUNDA.

*Non datur tempus pro Duratione discreta*

Est Sco. 2. dist. 2. q. 4. ante A.

*Sententia Auctoris. Cap. Vnicum.*

*Quid sit  
tempus  
discretum.*

**P**RO cuius declaratione primo Not. ex Sco. loco cit. quod ponentes tempus discretum, dicunt, quod est verè quantitas discreta distincta specie à continua, nec est species quantitatis discretæ, quæ est numerus, vel oratio, quia partes huius temporis non permanent, partes autem numeri permanent, ita quod si non permaneant, accidit numero; pars autem orationis non permanet, convenit igitur cum oratione quoad non habere partes permanentes; Unde istud tempus discretum nihil aliud est, quàm aliqua quantitas discreta composita ex discontinuatis instantibus. Quod tempus discretum ita se habet ad tempus nostrum, quod instans temporis discreti necessario coexistit alicui parti temporis nostri; Si enim Angelus in aliquo instanti nostro habeat aliquam cognitionem, non statim in proximo instanti habebit aliam, sed in tempore immediato sequenti illud proximum secundum instans, & in alio instanti terminante illud tempus potest habere aliam sic continuando cum tempore nostro, & sic totum ex illis instantibus compositum erit tempus discretum, cuius instans est inproportionatum tempori nostro, quia instans temporis discreti

discreti potest coexistere cum quocumque tempore nostro maiori, vel minori, secundum quod Angelus potest continuare eandem intellectiōem indiuisibilem cum maiori, vel minori parte temporis nostri absque alia noua intellectuōe, quia transit prima intellectuō, adueniente alia.

Secundò Not. quòd ponitur tempus discretum ab aliis quibus propter operationem Angelorum, & cognitiones, volunt enim quòd huiusmodi intellectuōes sint transeuntes, non simul existentes, sed quòd vna adueniente recedat alia, non successiuè per partes, quia sunt indiuisibiles, & totæ simul, & idè dicunt vnā illarum necessariò coexistere pluribus instantibus temporis nostri, nè concedant tempus nostrum esse discretum, quia si illæ intellectuōes, quibus correspondent instantia duratiua discreta, solum coexisterent instantibus nostri temporis, eodem modo se haberet tempus nostrum, & sic esset discretum, quia sicut tunc mora eius continuaretur per illa instantia, sic tempus nostrum continuatur per instantia, & sicut illud tempus est discretum, & nostrum erit discretum, quòd est omninò falsum.

Tertiò Not. quòd cum duratio distinguatur in diuersas durationes specie distinctas, & hæc specificatio non attendatur penes differentiam essentialē constitutiua, sed penes diuersum modum manendi, quæ habent eundem modum manendi, habent etiam durationem eiusdem rationis; Vnde cum operatio Angeli, & Angelus habeant eundem modum manendi scilicet inuariabiliter, & defectibiliter, eandem durationem habebunt; Et licet operatio Angeli non duret, quantum durat existentia eiusdem Angeli, non per hoc debent habere durationes diuersæ rationis, quia eadem duratione durat Angelus; si in instanti anihileretur, ac si diutius maneat, quia semper est eodem modo inuariabilis, & defectibilis. His notatis;

Propter  
quid po  
nat  
tur Tem  
pus discre  
tum.

Diuersitas  
Duratio  
nis est pe  
nes tantū  
secundum  
diuersum  
modū ma  
nendi.

T

Pro

Probatur Conclusio ex Sco. loc. sup. cit. Quæ habent vni-  
formem modum manendi, dum manent, habent etiam  
durationem eiusdem rationis, sed Angelus, & eius opera-  
tiones habent eundem modum manendi, dum manent;  
ergo habent durationes eiusdem rationis; sed Angelus  
durat æuo, ergo & eius operationes; ergo propter illas  
non est ponendum tempus istud discretum ex indiuisibili-  
bus constans.

Si dicatur, quod non diuersus modus manendi, sed di-  
uersitas existentiarum exposcit diuersam durationem; ac  
propterea cum existentia Angelorum, & operationum sint  
existentia specie diuersæ, diuersam quoque habebunt du-  
rationem.

Contrà arguitur ex Sco. loco cit. ergo vnum tempus di-  
cretum constabit ex instantibus diuersæ rationis; Conse-  
quens est falsum, ergo & antecedens; consequentia pro-  
batur, quia Angelus dum fuit tempus nostrum potest  
intelligere hominem, lapidem, aquam, lignum, &c. sed  
istæ intellectiones essent diuersæ rationis, sicut & obiecta  
sunt diuersæ rationis; ergo tempus illud discretum consta-  
ret ex diuersis instantibus diuersarum rationum.

Contra Conclusionem arguitur primò. Duratio debet  
proportionari existentia rerum, quia duratio permanen-  
tis est permanens, & succedetis, & fluentis est successiua;  
ergo debet dari duratio correspondens operationibus  
Angelorum; quæ sunt totæ simul indiuisibiles, sed tran-  
scuentes, sic quod vna desinit, adueniente alia, quod non  
reperitur in existentia Angelorum; sed talis duratio indi-  
uisibilis tota simul transiens est tempus discretum; ergo  
debet dari tale tempus discretum à tempore nostro, &  
à duratione permanentium essentialiter distinctum.

Respondeo ex Sco. loco in principio conclus. cit. ante A.  
§. contra Conclusionem, &c. ad antecedens, quod duratio de-  
bet proportionari existentia rerum secundum vniformita-  
tem



tem manendi, licet vna res diutius maneat, quàm alia, & consequenter debet dari duratio correspondens existentiae operationis Angelorum, sed hæc dicitur æuum, quia habet eundem modum manendi cū Angelo scilicet indiuisibiliter, & defectibiliter; quod verò operationes transeant & vna non maneat cum alia, hoc non prouenit ex natura operationis, quia non repugnat sibi cum alia operatione existere, sed prouenit ex imperfectione operantis, quod propter eius finitam virtutem non potest simul habere plures intellectiones; Ad minorem subillatam, nego, quod talis duratio sit tempus discretum, sed est æuum, quare negatur vltima consequentia.

Secundò arguit etiam Henricus auctorit. D. Augustini supra Genesim ad litteram, vbi vult, quod Deus mouet creaturam spiritualem per tempus; sed hoc non potest esse tempus continuum nostrum; ergò erit tempus discretum.

Respondeo ex Sco. loco cit. H. quod hic accipitur tempus à D. Augustino pro omni transitu de non esse ad esse, ideò moueri per tempus est recipere esse post non esse, & hoc modo omnia sunt temporalia, præter Deum; Et sic concessa minori, negatur consequentia, quia nec erit tempus nostrum, nec discretum, quia sic secundum

Aduersarios omnes creaturæ tempori discreto  
durarent, quod etiam ipsi negant,  
cum omnes creaturæ transeant  
de non esse ad  
esse.

✠

## CONCLUSIO TERTIA.

*Tempus pro mensura est formaliter ens rationis simpliciter,  
materialiter est reale.*

Elicitur ex Sco. 4. dist. 48. q. 2. G.H. & quol.  
13. N.

*Opinio Aliorum. Cap. Primum.*

Opinio  
Meld. &  
Cat.

**M**Eld. & Cat. disp. 13. q. 4. art. 1. licet in hoc articulo determinent de tempore intrinseco, determinant tamen existentiam de tempore extrinseco, & pro mensura, & respondendo ad argumenta num. 32. loquendo de partibus eius, loquuntur de presenti, præterito, & futuro, quæ competunt tempori extrinseco; sed quicquid sit de hoc, cum eadem sit ratio quoad existentiam de tempore intrinseco, & extrinseco materiali, dicunt, quod tempus existit per partes actualiter successivè existentes, quæ sunt prius, & posterius; Vnde partes temporis non sunt præteritum, & futurum reduplicativè, sed ut præsentia sunt successivè, sed partes temporis sunt prius, & posterius, quæ præsentia dici possunt successivè, quia prius, tunc est prius, quando est ante posterius, & posterius est tale, quando subsequitur prius, at præteritum, dum est præteritum, non existit, neque futurum dum est futurum; Vnde dicunt, quod rectius loquendo dantur solum duæ partes temporis scilicet prius, & posterius, & quia quælibet pars temporis est tempus, consequenter debet includere prius, & posterius, idcirco pars prior dicitur tempus, quia includit prius, & posterius, non quidem respectu eiusdem, sed diuerforum;

nani

nam prioritas, & posterioritas sunt ipsamet successio, & quælibet pars est successiua; Et loquendo de tempore, vt dicit rationem mensuræ in hac disp. num. 43. & 45. in fine dicunt, quòd tempus, vt dicit rationem mensuræ actualis, dicit relationem causæ in cognoscendo ad cognitum per ipsam, quæ relatio non est simpliciter realis, quia est inter extrema habentia esse cognitum, non tamen est purè rationis, vt est secunda intentio, & dicunt hanc falsam doctrinam esse Sco. quol. 13. N.

Contrà, & probò, quòd tempus non existit per partes successiue existentes, quæ sunt prius, & posterius; Vna pars tantùm temporis successiui existit; ergò successium non potest existere per partes succedentes, aliter aliquod existeret per partes non existentes; Antecedens probatur, quia si plures partes existerent, tunc successium esset permanens.

Si dicant, quòd si plures partes simul existerent, vtique sequeretur, quòd successium esset permanens, sed partes successiui tantum existunt successiue.

Contrà, Existere successiue est vnā partem alteri succedere, sed quādo vna pars succedit, alia non est; ergò per illam non existentem non potest tempus existere; ergò solum existit per partem præsentem, & non per prius, & posterius.

Confirmatur, quia quando pars prior est, posterior est futura, quando pars posterior existit pars prior præterit; ergò in successione tantū vnā pars existit, quæ dicitur pars præses, & hoc patet ex ipsis loco cit. num. 32. vbi sibi contradicentes asserunt, quòd pars prior est tempus, quia includit prius, & posterius respectu, diuersorum, idest respectu partis præteritæ includit posterius, & respectu partis futuræ includit prius; Sed hæc pars est tantum pars præsens; ergò tempus tantum per partem præsentem existit, & non per partem priorem, & posteriorem; ergò rectius dicitur, quòd tempus existit solum per partem præsentem.

Se-

Confut. 1.

Tacita Responsio confutatur.

Confirmatur conclusio.

*Probatur  
contra Mel.  
& Cat. Tē  
pus nullū  
dicere re-  
lationem  
realem.*

Secundò Arguo principaliter contra illud, quòd dicunt;  
scilicet, quod tempus, vt mensura importat relationem  
realem secundum quid, ad mensuratum; Nam relatio in-  
ter mensuram, & mensuratum est tertii modi ex Arist. 5.  
met.tex. 20. quæ non habet in termino mutuam relationem;  
sed secundum Scot. 4 dist. 48. q. 2. I. & quolib. 13. N. men-  
suratum refertur ad mensuram; ergò si è conuersò mensura  
dicit relationē ad mensuratū tūc relatio inter mensurā, & mē-  
suratū non erit tertii modi, quod est contra Arist. & Sco. lo. cit.

*Confut. 2.*

Præterea mensura non refertur ad mensuratum ex Sco.  
4. loco cit. & reddit rationem, quia mensura non depen-  
det à mensurato, sed è conuersò; ergò mensura nullam  
dicit relationem realem, sed tantum relationem simpli-  
citer rationis.

*Tacita Re-  
sponso cō-  
futatur.*

Si dicant, quòd ibi Sco loquitur de mensura in essendo,  
quæ nullam dicit relationem, & de hac loquitur Arist. non  
autem de mensura in cognoscendo, vt est in proposito tem-  
pus; Hoc est contra Scotum quolib. 13. N. ab ipsis cit. vbi lo-  
quens de mensura, & mensurato in cognosci, dicit quòd in  
mensurato est relatio realis secundum quid ad mensuram,  
quia est relatio causati in cognosci ad causam in cognosci,  
& hæc relatio est realis quantum est ex parte dependentiæ  
causati ad causam; Et miror quomodo audeant elicere ex  
Sco. quolib. cit. propriam opinionem, cum Sco. totum oppo-

*Eliçunt  
opinionem  
propriā ex  
opposita  
doctrina  
Scoti.*

situm dicat; Attendite diligenter Scotistæ. Volunt isti  
Scriptores ostendere mensuram in cognosci dicere rela-  
tionem realem secundum quid ad mensuratum in cognosci  
per hoc, quod dicit Sco. quolib. cit. quòd ratio mensuræ a sua  
lis dicit relationem causæ in cognoscendo ad cognitum  
per ipsam, & Sco. nihil dicit de relatione mensuræ, & cau-  
sæ in cognoscendo, sed tantum quod in causato in cognos-  
ci, & mensurato est relatio ad causam in cognosci; Vn-  
de nec possunt elicere ex Sco. & Arist. nec Sco. potest vn-  
quam dicere, quòd mensura in cognosci dicat relationem  
realem

realem secundum quid, & rectè quidem, quia in relatiuis  
terti modi ibi ponitur relatio, vbi est dependentia ex Sco.  
4. dist. 48. q. 2. I. sed mensuratum in cognosci dependet à  
mensura in cognosci ex Sco. quol. 13. N. idè dicit Scotus,  
quòd in mensurato est relatio, non autem in men-  
sura.

Inter alia falsa in hac disp. hoc, vnum est, quòd dicunt  
num. 42. scilicet quod ex Sco. quol. 13. N. & 2. dist. 2. q. 2. S.  
ad secundam partem quæstionis, &c. quòd mensura est du-  
plex. Alia in essendo, Alia in cognoscendo.

Sed isti Doctores decipiuntur & nullus inueniet in Sco.  
& maximè locis cit. diuersam esse mensuram in essendo,  
scilicet per participationem, & imitationem à mensura in  
cognoscendo, habet enim hæc verba. *Quia Arist. non di-  
cit relationem in tertio modo esse mensurati ad mensuram, sed  
esse mensurabilis, hoc est apti nati mensurari ad mensuram,  
hoc est aptam natam mensurare; quod sic potest intelligi: sicut  
enim ex dictis patet mensurari actualiter est actualiter de-  
pendere in cognosci, ita mensurabile dicit aptitudinem, vel  
potentialem dependentiam in cognosci, vel dicit dependentiam  
in cognoscibilitate. Vnumquodque autem se habet ad cognos-  
cibilitatem, sicut se habet ad entitatem, igitur per mensu-  
rabile intelligitur illud subtractum, ratione cuius hoc est  
mensurabile, & illud est entitas causata, & participata, ut  
sic in tertio modo relatiuorum per hoc, quod est aliquid dici  
ut mensurabile ad mensuram, intelligitur dici tanquam de-  
pendens in entitate ad illud, à quo participat entitatem:*  
hæc Scotus.

Tunc sic arguo. Si mensura in essendo secundum Sco. *Probatum*  
est à qua mensurabile dependet actualiter in cognosci, quā- *quod men-*  
do actualiter mensuratur, vel in cognoscibilitate, quando *sura in es-*  
actualiter non mensuratur: ergò mensura in essendo est *sendo non*  
mensura in cognoscendo, siue actualiter, siue aptitudina- *distingui-*  
liter: ergò non distinguit Sco. mensuram in essendo scili- *tur à men-*  
cet *sura in co-*  
gnoſcendo.

in eodem tempore, & ideo idem tempus non potest esse idem motibus diuersis; At istud tempus non est tempus pro Duratione, vt isti falsò immaginantur, sed pro mensura, quia duo motus diuersi non possunt esse in eodem tempore pro Duratione, sed quot sunt motus, tot sunt etiam tempora; & Durationes etiam secundum ipsos.

Præterea. Si etiam Sco. diceret, quòd tempus pro Duratione, & motus sunt idem realiter, non propter hoc sequitur, ergo tempus pro Duratione nihil aliud formaliter addit ultra existentiam motus, quia relatio aptitudinalis ad coexistendum potest poni realiter cum existentia motus, & tamen est aliquid aliud formaliter præter eius existentiam.

4. argum.  
Meld. &  
Cat.

Quartò Arguunt. Nulla res potest intrinsecè durare per aliquod realiter distinctum. Sed successio, quæ est ordo partium accidit enti successiuo; ergo res per successionem non potest intrinsecè durare; infero ego, ergò nec per relationem aptitudinalem coexistentiæ potest intrinsecè, & formaliter durare.

Respondeo ex Sco. 4. dist. 13. q. p. P. quòd ly *per* potest accipi dupliciter, vno modo, vt dicit rationem fundamentalem, & formalem remotam durandi, quæ est ratio formalis essendi durabile; Alio modo vt dicit rationem proximam, & formalem denominandi; In proposito nulla res potest intrinsecè durare per aliquod realiter distinctum, tanquam per rationem fundamentalem durandi, & concedo, tanquam per rationem proximam durandi, & formaliter denominandi, & nego; Minor est contra ipsos, quia in hac disp. num. 34. concedunt successionem intrinsecè, & essentialiter motibus conuenire, dico tamen, quòd licet ordo partium entis successiuus secundum se accidat successiuo, tamen circumscribit nobis differentiam eius essentialem. Quare negantur consequentiæ, quia licet coexistentia aptitudinalis successiua non sit de essentia durantis materialiter, est tamen de essentia rei durantis reduplicatiuè, vt du-

durans est formaliter, quia illa relatio est de essentia durationis, & licet esset realiter distincta à re durante, adhuc tamen posset res per eam intrinsecè formaliter durare; Res enim per existentiam tanquam per materiam, & rationem fundamentalem durat, per illam verò relationem formaliter durat; Sicut ignis per eius formam substantialem tanquam per rationem formalem remotam dicitur causa, per relationem verò causationis proximè formaliter est causans; Vnde sicuti causa importat solum formaliter relationem causæ ad causatum, connotando tanquam rationem fundamentalem propriam formam rei causantis intrinsecam, & fundamentum remotum rem causantem, ita Duratio formaliter importat solum relationem aptitudinalem coexistentiæ, connotando tanquam rationem formalem, remotam, seu tanquam fundamentum proximum, existentiam, rem verò durantem tanquam fundamentum remotum.

Quintò, Arguo ego pro Aduersarijs. Non repugnat quemcunque motum in instanti fieri; ergò tempus intrinsecum, & pro Duratione non potest connotare existentiam motus; ergò nihil connotabit; antecedens probatur, quia recipiens formam successiuè, & in tempore, potest recipere in instanti, saltem per potentiam Diuinam.

*Arguit A  
uctor pro  
Aduersarijs.*

Respondeo negando antecedens; Et cum probatur, quia subiectum potest recipere formam in instanti, quam recipit in tempore, hoc verum est, sed ille non esset propriè motus, sed haberet aliquid de motu, & aliquid de mutatione; sicut motus animæ ad gratiam haberet aliquid de motu, quia esset ad formam accidentalem, haberet aliquid de mutatione, quia fieret in instanti; motus enim ex sua ratione formali habet hoc, quod sit ad formam accidentalem, quæ per partem post partem priuationi succedat, & fiat in tempore, per hoc enim differt motus à mutatione, quia mutatio in instanti, motus verò fit in tempore, quia



quia est essentialiter successivus, quia successione ablata, tanquam differentia essentiali, amplius non est motus, sicut ablata rationalitate ab homine, non esset amplius homo.

### CONCLUSIO SECUNDA.

*Non datur tempus pro Duratione discreta*

Est Sco.2. dist. 2. q. 4. ante A.

*Sententia Auctoris. Cap. Vnicum.*

*Quid sit  
tempus  
discretum?*

**P**RO cuius declaratione primò Not. ex Sco. loco cit. quòd ponentes tempus discretum, dicunt, quòd est verè quantitas discreta distincta specie à continua, nec est species quantitatis discretæ, quæ est numerus, vel oratio, quia partes huius temporis non permanent, partes autem numeri permanent, ita quòd si non permaneant, accidit numero; pars autem orationis non permanet, convenit igitur cum oratione quoad non habere partes permanentes; Unde istud tempus discretum nihil aliud est, quàm aliqua quantitas discreta composita ex discontinuatis instantibus. Quòd tempus discretum ita se habet ad tempus nostrum, quòd instans temporis discreti necessariò coexistit alicui parti temporis nostri; Si enim Angelus in aliquo instanti nostro habeat aliquam cognitionem, non statim in proximo instanti habebit aliam, sed in tempore immediatò sequenti illud proximum secundum instans, & in alio instanti terminante illud tempus potest habere aliam sic continuando cum tempore nostro, & sic totum ex illis instantibus compositum erit tempus discretum, cuius instans est improporionatum tempori nostro, quia instans temporis discreti

discreti potest coexistere cum quocumque tempore nostro maiori, vel minori, secundum quod Angelus potest continuare eandem intellectiōem indiuisibilem cum maiori, vel minori parte temporis nostri absque alia noua intellectuione, quia transit prima intellectuio, adueniente alia.

Secundò Not. quòd ponitur tempus discretum ab aliis quibus propter operationem Angelorum, & cognitiones, volunt enim quòd huiusmodi intellectuiones sint transeuntes, non simul existentes, sed quod vna adueniente recedat alia, non successiue per partes, quia sunt indiuisibiles, & totæ simul, & idè dicunt vnā illarum necessariò coexistere pluribus instantibus temporis nostri, nè concedant tempus nostrum esse discretum, quia si illæ intellectuiones, quibus correspondent instantia duratiua discreta, solum coexisterent instantibus nostri temporis, eodem modo se haberet tempus nostrum, & sic esset discretum, quia sicut tunc mora eius continuaretur per illa instantia, sic tempus nostrum continuatur per instantia, & sicut illud tempus est discretum, & nostrum erit discretum, quod est omninò falsum.

Tertiò Not. quòd cum duratio distinguatur in diuersas durationes specie distinctas, & hæc specificatio non attendatur penes differentiam essentialē constitutiua, sed penes diuersum modum manendi, quæ habent eundem modum manendi, habent etiam durationem eiusdem rationis; Vnde cum operatio Angeli, & Angelus habeant eundem modum manendi scilicet inuariabiliter, & defectibiliter, eandem durationem habebunt; Et licet operatio Angeli non duret, quantum durat existentia eiusdem Angeli, non per hoc debent habere durationes diuersæ rationis, quia eadem duratione durat Angelus; si in instanti anihilaretur, ac si diutius maneat, quia semper est eodem modo inuariabilis, & defectibilis. His notatis,

*Propter  
quid po na  
tur Tem  
pus disre  
tum.*

*Diuersitas  
Duratio  
nū est pe  
nes tantū  
secundum  
diuersum  
modū ma  
nendi.*

It

Pro

Probatur Conclusio ex Sco. loc. sup. cit. Quæ habent vni-  
formem modum manendi, dum manent, habent etiam  
durationem eiusdem rationis, sed Angelus, & eius opera-  
tiones habent eundem modum manendi, dum manent;  
ergò habent durationes eiusdem rationis; sed Angelus  
durat æuo, ergò & eius operationes; ergò propter illas  
non est ponendum tempus istud discretum ex indiuisibili-  
bus constans.

Si dicatur, quòd non diuersus modus manendi, sed di-  
uersitas existentiarum exposcit diuersam durationem; ac  
propterea cum existentia Angelorum, & operationum sint  
existentia specie diuersæ, diuersam quoque habebunt du-  
rationem.

Contrà arguitur ex Sco. loco cit. ergò vnum tempus di-  
cretum constabit ex instantibus diuersæ rationis; Conse-  
quens est falsum, ergò & antecedens; consequentia pro-  
batur, quia Angelus dum fluit tempus nostrum potest  
intelligere hominem, lapidem, aquam, lignum, &c. sed  
istæ intellectiones essent diuersæ rationis, sicut & obiecta  
sunt diuersæ rationis; ergò tempus illud discretum consta-  
ret ex diuersis instantibus diuersarum rationum.

Contra Conclusionem arguitur primò. Duratio debet  
proportionari existentis rerum, quia duratio permanen-  
tis est permanens, & succedentis, & fluentis est successiua;  
ergò debet dari duratio correspondens operationibus  
Angelorum; quæ sunt totæ simul indiuisibiles, sed tran-  
seuntes, sic quod vna desinit, adueniente alia, quod non  
reperitur in existentis Angelorum; sed talis duratio indi-  
uisibilis tota simul transiens est tempus discretum; ergò  
debet dari tale tempus discretum à tempore nostro, &  
à duratione permanentium essentialiter distinctum.

Respondeo ex Sco. loco in principio conclus. cit. ante A.  
§. contra Conclusionem, &c. ad antecedens, quòd duratio de-  
bet proportionari existentis rerum secundum vniformita-

tem

tem manendi, licet vna res diutius maneat, quàm alia, & consequenter debet dari duratio correspondens existentiae operationis Angelorum, sed hæc dicitur æuum, quia habet eundem modum manendi cū Angelo scilicet indiuisibiliter, & defectibiliter; quod verò operationes transeant & vna non maneat cum alia, hoc non prouenit ex natura operationis, quia non repugnat sibi cum alia operatione existere, sed prouenit ex imperfectione operantis, quod propter eius finitam virtutem non potest simul habere plures intellectiones; Ad minorem subillatam, nego, quod talis duratio sit tempus discretum, sed est æuum, quare negatur vltima consequentia.

Secundò arguit etiam Henricus auctorit. D. Augustini supra Genesim ad litteram, vbi vult, quod Deus mouet creaturam spiritualem per tempus; sed hoc non potest esse tempus continuum nostrum; ergò erit tempus discretum.

Respondeo ex Sco. loco cit. H. quod hic accipitur tempus à D. Augustino pro omni transitu de non esse ad esse, idèd moueri per tempus est recipere esse post non esse, & hoc modo omnia sunt temporalia, præter Deum; Et sic concessa minori, negatur consequentia, quia nec erit tempus nostrum, nec discretum, quia sic secundum

Aduersarios omnes creaturæ tempori discreto durarent, quod etiam ipsi negant,  
cum omnes creaturæ transeant  
de non esse ad  
esse.

1872

## CONCLUSIO TERTIA.

*Tempus pro mensura est formaliter ens rationis simpliciter,  
materialiter est reale.*

Elicitur ex Sco. 4. dist. 48. q. 2. G. H. & quol.  
13. N.

*Opinio Aliorum. Cap. Primum.*

*Opinio  
Meld. &  
Cat.*

**M**Eld. & Cat. disp. 13. q. 4. art. 1. licet in hoc articulo determinent de tempore intrinseco, determinant tamen existentiam de tempore extrinseco, & pro mensura, & respondendo ad argumenta num. 32. loquendo de partibus eius, loquuntur de presenti, præterito, & futuro, quæ competunt tempori extrinseco; sed quicquid sit de hoc, cum eadem sit ratio quoad existentiam de tempore intrinseco, & extrinseco materiali, dicunt, quod tempus existit per partes actualiter successivè existentes, quæ sunt prius, & posterius; Vnde partes temporis non sunt præteritum, & futurum reduplicativè, sed ut præsentia sunt successivè, sed partes temporis sunt prius, & posterius, quæ præsentia dici possunt successivè, quia prius, tunc est prius, quando est ante posterius, & posterius est tale, quando subsequitur prius, at præteritum, dum est præteritum, non existit, neque futurum dum est futurum; Vnde dicunt, quod rectius loquendo dantur solum duæ partes temporis scilicet prius, & posterius, & quia quælibet pars temporis est tempus, consequenter debet includere prius, & posterius, idcirco pars prior dicitur tempus, quia includit prius, & posterius, non quidem respectu eiusdem, sed diversorum;

nam

nam prioritas, & posterioritas sunt ipsamet successio, & quælibet pars est successiua; Et loquendo de tempore, vt dicit rationem mensuræ in hac disp. num. 43. & 45. in fine dicunt, quòd tempus, vt dicit rationem mensuræ actualis, dicit relationem causæ in cognoscendo ad cognitum per ipsam, quæ relatio non est simpliciter realis, quia est inter extrema habentia esse cognitum, non tamen est purè rationis, vt est secunda intentio, & dicunt hanc falsam doctrinam esse Sco. quol. 13. N.

Contrà, & probò, quòd tempus non existit per partes successiue existentes, quæ sunt prius, & posterius; Vna pars tantùm temporis successiui existit; ergò successium non potest existere per partes succedentes, aliter aliquod existeret per partes non existentes; Antecedens probatur, quia si plures partes existerent, tunc successium esset permanens.

Consut. 1.

Si dicant, quòd si plures partes simul existerent, vtique sequeretur, quòd successium esset permanens, sed partes successiui tantum existunt successiue.

Contrà. Existere successiue est vnā partem alteri succedere, sed quādo vna pars succedit, alia non est; ergò per illam non existentem non potest tempus existere; ergò solum existit per partem præsentem, & non per prius, & posterius.

Tacita Responsio confutatur.

Confirmatur, quia quando pars prior est, posterior est futura, quando pars posterior existit pars prior præterit; ergò in successione tantū vna pars existit, quæ dicitur pars præses, & hoc patet ex ipsis loco cit. num. 32. vbi sibi contradicentes asserunt, quòd pars prior est tempus, quia includit prius, & posterius respectu, diuersorum, idest respectu partis præteritæ includit posterius, & respectu partis futuræ includit prius; Sed hæc pars est tantum pars præsens; ergò tempus tantum per partem præsentem existit, & non per partem priorem, & posteriorem; ergò rectius dicitur, quòd tempus existit solum per partem præsentem.

Confirmatur consuetudine ratio.

Se-

*Probatur cōtra Mel. & Cat. Tē pus nullā dicere relationem realem.* Secundò Arguo principaliter contra illud, quodd dicunt, scilicet, quod tempus, vt mensura importat relationem realem secundum quid, ad mensuratum; Nam relatio inter mensuram, & mensuratum est tertii modi ex Arist. 5. met. tex. 20. quæ non habet in termino mutuam relationem; sed secundum Scot. 4 dist. 48. q. 2. I. & quolib. 13. N. mensuratum refertur ad mensuram; ergo si è conuersò mensura dicit relationē ad mensuratū, tūc relatio inter mensurā, & mēsuratū non erit tertii modi, quod est contra Arist. & Sco. lo. cit.

*Confut. 2.* Præterea mensura non refertur ad mensuratum ex Sco. 4. loco cit. & reddit rationem, quia mensura non dependet à mensurato, sed e conuerso; ergo mensura nullam dicit relationem realem, sed tantum relationem simpliciter rationis.

*Tacita Responsio cōfutatur.* Si dicant, quodd ibi Sco loquitur de mensura in essendo, quæ nullam dicit relationem, & de hac loquitur Arist. non autem de mensura in cognoscendo, vt est in proposito tempus; Hoc est contra Scotum quolib. 13. N. ab ipsis cit. vbi loquens de mensura, & mensurato in cognosci, dicit quodd in mensurato est relatio realis secundum quid ad mensuram, quia est relatio causati in cognosci ad causam in cognosci, & hæc relatio est realis quantum est ex parte dependentiæ causati ad causam; Et miror quomodo audeant elicere ex Sco. quolib. cit. propriam opinionem, cum Sco. totum oppo-

*Elicunt opinionem propriā ex opposita doctrina Scoti.* situm dicat; Attendite diligenter Scotistæ. Volunt isti Scriptores ostendere mensuram in cognosci dicere relationem realem secundum quid ad mensuratum in cognosci per hoc, quod dicit Sco. quolib. cit. quodd ratio mensuræ actus dicit relationem causæ in cognoscendo ad cognitum per ipsam, & Sco. nihil dicit de relatione mensuræ, & causæ in cognoscendo, sed tantum quod in causato in cognosci, & mensurato est relatio ad causam in cognosci; Vnde nec possunt elicere ex Sco. & Arist. nec Sco. potest vquam dicere, quodd mensura in cognosci dicat relationem realem



realem secundum quid, & rectè quidem, quia in relatiuis tertii modi ibi ponitur relatio, vbi est dependentia ex Sco. 4. dist. 48. q. 2. I. sed mensuratum in cognosci dependet à mensura in cognosci ex Sco. quol. 13. N. idè dicit Scotus, quòd in mensurato est relatio, non autem in mensura.

Inter alia falsa in hac disp. hoc, vnum est, quòd dicunt num. 42. scilicet quod ex Sco. quol. 13. N. & 2. dist. 2. q. 2. S. ad secundam partem quæstionis, &c. quòd mensura est duplex. Alia in essendo, Alia in cognoscendo.

Sed isti Doctores decipiuntur & nullus inueniet in Sco. & maximè locis cit. diuersam esse mensuram in essendo, scilicet per participationem, & imitationem à mensura in cognoscendo, habet enim hæc verba. *Quia Arist. non dicit relationem in tertio modo esse mensurati ad mensuram, sed esse mensurabilis, hoc est apti nati mensurari ad mensuram, hoc est aptam natam mensurare; quod sic potest intelligi: sicut enim ex dictis patet mensurari actualiter est actualiter dependere in cognosci, ita mensurabile dicit aptitudinem, vel potentialem dependentiam in cognosci, vel dicit dependentiam in cognoscibilitate. Vnumquodque autem se habet ad cognoscibilitatem, sicut se habet ad entitatem, igitur per mensurabile intelligitur illud substractum, ratione cuius hoc est mensurabile, & illud est entitas causata, & participata, ut sic in tertio modo relatiuorum per hoc, quod est aliquid dici ut mensurabile ad mensuram, intelligitur dici tanquam dependens in entitate ad illud, à quo participat entitatem: hæc Scotus.*

Tunc sic arguo. Si mensura in essendo secundum Sco. *Probatur* est à qua mensurabile dependet actualiter in cognosci, quādo actualiter mensuratur, vel in cognoscibilitate, quando actualiter non mensuratur: ergò mensura in essendo est mensura in cognoscendo, siue actualiter, siue aptitudinaliter: ergò non distinguit Sco. mensuram in essendo scilicet *quod mensura in essendo non distinguitur à mensura in cognoscendo.*

cet essentialem à mensura in cognoscendo.

In secundo autem sent. loco cit. nihil facit nisi explicando quid sit mensurare, & dicit quòd est quantitatem ignoram certificare per quantitatem magis notam, quæ certificatio potest fieri multipliciter, & ibi ponit tam quantitatem quidditativam, quàm accidentalem; ergò si ibi poneret Sco. mensuram in essendo, & in cognoscendo, vtraque esset mensura in cognoscendo, quia vtraque certificaret, vel esset nata certificare.

*Confutatur dictum Mel. & Cat. ad hominem.*

Probo hoc ad hominem. Mensura in cognoscendo est quantitas illa, qua nota, intellectus de alia ignota certificatur ex ipsis ibi num. 42. sed ex Sco. quol. cit. mensura in essendo, & per participationem, vel imitationem est quantitas, qua nota, intellectus de alia ignota certificatur; ergò mensura in essendo erit mensura in cognoscendo; ergò non sunt distinctæ mensuræ.

*Confut. 2.*

Præterea Arist. x. met. tex. 2. definiens mensuram in communi, dicit, quod est illa, qua quantum cognoscitur: ergò omnis mensura dicitur mensura in cognoscendo.

*Tacita Responsio contra.*

Si respondeant quòd loquitur Arist. de mensura tantum in cognoscendo, non in essendo; Hoc est falsum, quia Arist. statim exemplificat de vno, quod est mensura numeri; Vnum autem est mensura numeri in essendo, cum unitas constituat essentialiter numerum; ergò Arist. loquitur etiam de mensura in essendo; ergò mensura essentialis, & in essendo erit mensura in cognoscendo.

*Aliud dictum Mel. & Cat.*

Aliud falsum habent in hac disp. num. 46. vbi querunt an ratio mensuræ soli durationi successivæ conveniat, an verò etiam durationi permanenti quale est Ævum, vel Æternitas, ita ut detur vnum ævum, quod sit omnium mensura, dicunt, quòd lis est inter Doctores, deinde num. 47. determinant quòd est sermo de mensura in cognoscendo quoad durationem successivam.

*Confutatur.*

Sed certè isti Scriptores dubitationem non perceperunt; quia

quia non dubitant Doctores si mensura successiua competat durationi permanenti, aliter dubitarent successiuum posse fieri permanent. Non est igitur sermo de mensura quod ad durationem successiuam, cum queritur an ratio mensuræ possit durationi permanenti conuenire; Sed dubium est. An aliqua duratio permanentis possit esse mensura omnium durationum permanentium, sicut motus primi Cæli est mensura omnium motuum, vt sicut verificatur quælibet duratio motus inferioris per motum primi Cæli, possit etiam certificari duratio hæc vel illa permanentis per aliquam vnā aliam durationem permanentem, quod Sco. determinat negatiuè in 2. dist. 2. q. 3. A. quia durationes permanentes sunt æqualiter inuariabiles, durationes verò successiue non sunt æqualiter successiue, & variabiles, cum vnus motus sit velocior alio; Hoc etiam isti Scriptores dicunt eodem num. S. dicimus rationem mensuræ, vt confiteantur contradicentem doctrinam transcripsisse.

*Sententia Auctoris. Caput Secundum.*

*Tempus pro mensura formaliter est ens rationis simpliciter, pro materiali est ens reale.*

Elicitur ex Sco. 4. dist. 48. q. 2. G. H. & quol.  
13. N.

**P**RO cuius declaratione Not. primò, quod tempus propter sui minimam entitatem est nobis valde immanifestum; Vnde D. August. ii. confess. cap. ii. dicit. Domine vsq; nunc nescio quid sit tempus; Tamen quia in rerum natura reperitur tam ens, permanens, quam successiuum, istud successiuum vocamus tempus, quod est duplex (vt alias dictum est) intrinsecum; & extrinsecum; Tempus intrinsecum est duratio cuiuslibet motus, seu existentia motus apta

*Duplex  
Tempus.*

Vu

ad

ad coexistendum alteri successiuo; Tempus extrinsecum est mensura motus, & est motus primi Caeli, a quo omnes motus propter eius conditiones mensurantur, quod tempus extrinsecum est duplex ex Sco. quol. ii. f. Vnum reale, & positium, vt motus primi Caeli. Aliud imaginarium, & priuatum, & est fluxus, seu motus possibilis, qui potest inter duo instantia imaginata percipi; Vnde si non esset motus primi Caeli, intellectus habens notitiam temporis actualis, & positium applicando eam ad aliquem motum, posset cognoscere quantitatem ipsius, scilicet, quod talem haberet positium, si esset tempus positium.

Secundo Not. quod tempus ab Arist. ponitur in genere quantitatis, cuius species sunt quantitas permanens, & successiua, quantitas permanens est illa, quæ habet partes simul, vt linea, superficies, & corpus; quantitas successiua est cui repugnat habere partes simul, sed vna alteri succedit transeundo, & sunt in continuo fluxu, cuius partes sunt tres, præsens, præteritum, & futurum, quæ sunt copulatæ per instans, quod solum est simul, quia indiuisibile non habet partes, secundum quas possit esse fluxus, & hoc loquendo de tempore extrinsecò, & pro mensura, quia si esset sermo de tempore intrinsecò, & pro duratione, cum hoc non sit materialiter, nisi motus, eius partes significatæ per præteritum, præsens, & futurum copulantur per mutata esse.

Tertiò Not. quod tempus extrinsecum, seu pro mensura ex Scoto 4. dist. 48. q. 2. G. H. non est in motu Caeli, sicut vna quantitas in alia quantitate, quia non oportet ponere duas tales quantitates in eodem subiecto permanente, quarum vna sit, quasi subiectum, & alia quasi passio, ergo tempus ultra motum, vt motus includit propriam successionem, non addit, nisi rationem mensuræ formaliter, & fundamentaliter rationes illas, quæ requiruntur ad mensurandum, quæ sunt vniuersitas, seu regularitas, quia mensura est quid certis.

*Quæ sint  
conditiones  
ad mensu-  
randum.*

tissimum, & velocitas, quia mensura est quid minimum, & ideo tempus non erit passio primi motus, nec ratio mensuræ in nullo alio motu fundamentaliter, quia nullus alius motus, præter motum primi Celi, habet rationes fundamentales, quæ ad rationem mensuræ requiruntur; Vnde motus pro mensura importat pro materiali motum primi Celi, connotando in motu regularitatem, & velocitatem, & pro formali importat relationem mensuræ; In proposito est sermo de tempore pro materiali, quatenus est quantitas successiva, & de tempore pro formali; Circa cuius existentiam actualem variæ sunt opiniones Doctorum; Nam aliqui dicunt tempus existere per instans; sed hoc non, quia instans nihil est temporis, & totum simul, cum sit indivisibile, unde si tempus existeret per instans, tempus simultaneam haberet existentiam, quod suæ entitati successivæ repugnat; Aliqui dicunt existere actualiter per partem priorem, & posteriorem, & hoc non, quia cum una alteri succedat, semper una succedente, alia præterit, & non est, ut dictum fuit in primo cap. & sic per partem non existentem existeret; Sed dicitur existere tantum per partem præsentem, dum fluit, quæ pars determinatè assignari non potest, cum unaquæque sit divisibilis in infinitas partes, sed dicendum est, quod est illa, quæ immediatè existit post instans, & dicitur immediatè existere post instans, quia inter ipsam, & instans nullum est medium; Vnde partes temporis sunt præsens, præteritum, & futurum, ex quibus constituitur unum tempus, quod cum sit continuum, debet constitui ex pluribus partibus continuatis, ad cuius existentiam sufficit, quod una pars existat, quia non est permanens, sed successivum.

*Per quid  
Tempus  
dicatur ex-  
istere.*

Quarto Not. quod mensura est duplex, Una essentialis, alia accidentalis; Mensura essentialis, seu quidditativa est illa, quæ mensurat quidditatem, seu quantitatem virtutis, quæ est perfectio essentialis; qua scilicet mensuratum de-

*Quotu-  
plex men-  
sura, &  
quid sit.*

Vu 2

perdet

pendet per participationem, vel per imitationem ex Sco. quol. 13. N. sed *ly vel* non accipitur diuisiuè, vt accipiunt Meld, & Cat. in hac disp. num. 42. quasi quod detur mensura per participationem, quæ non sit per imitationem, vel quod possit dari mensura per imitationem, & non per participationem, vt præcitati Doctores dicunt, ponentes Deum esse mensuram per participationem, obiectum verò per imitationem, hæc enim doctrina est contra Scorum quol. cit. qui §. Vlt. ponit actum cognoscendi participare perfectionem ab obiecto, quia imitatur ipsum, sed peculiari modo, scilicet sicut Ideatum imitatur Ideam; Vnde tam Deus respectu creaturæ, quam obiectum respectu scientiæ dicitur mensura per participationem, & imitationem, quia omne quod dependet in esse ab alio, participat entitatem illius, & illam imitatur, diuersa tamen est imitatio, & similitudo Creaturæ ad Deum ab imitatione, & similitudine, quam habet scientia ad obiectum; Vnde *ly vel* accipitur coniunctiue, & per consequens mensura essentialis, & quidditatiua dicitur mensura per participationem, & imitationem, sine qua mensuratum non potest esse; Mensura accidentalis est quæ per applicationem, vel coextensionem mensurat, à qua mensuratum non dependet in esse; Vt vlna est mensura panni, quantitas autem panni non dependet à quantitate vlnæ, & hoc modo solum motus primi Celi acceptus secundum suam extensionem successiuam cum relatione mensurationis ad alios motus est mensura eorum per applicationem, vel coextensionem, non autem per terminationem dependentiæ essentialis eorum, quia motus inferiores possunt esse sine motu Celi, patet ex D. Augustino ij. Confess. quod stante Cælo moueretur rotula figuli, & Iosue pugnavit stante Sole, & Luna, & per consequens toto Cælo, quia fuisset nimia irregularitas in corporibus Cœlestibus, si stante Sole, & Luna, alia corpora Cœlestia mota fuissent. Item dici po-



ci potest, quod mensura accidentalis sit illa, quæ sit per accessum, vel recessum alicuius quantitatis, siue accidentalis, siue essentialis, vt cum vna quidditas dicitur mensura alterius, à qua non dependet in esse. V. G. quidditas albedinis est mensura aliarum quidditatum sub genere coloris; Vnde generaliter mensura essentialis est, à qua mensuratum dependet in esse. Mensura verò accidentalis est, à qua mensuratum dependet in esse; Mensura verò accidentalis est, à qua mensuratum non dependet in esse: Sine mensura essentiali non potest esse mensuratum; Sine mensura accidentali mensuratum potest esse; Et vtraque mensura tam essentialis, quàm accidentalis dicitur mensura in cognoscendo, siue actualiter, cum actualiter mensurat, siue aptitudinaliter, & potentialiter, quando consideratur in actu primo, & vt in potentia ad mensurandum, vt expressè patet ex Scoto quol. 13. N. & ex Arist. x. met. tex. 2. qui definiens mensuram in communi, dicit, quod mensura est, quæ quantum cognoscitur, & dat exemplum etiam de mensura in essendo, scilicet de vnitate respectu numeri.

Quintò Not. quod mensura debet esse vna Arist. x. met. tex. 2. non quod vnitas sit mensura, sed illud cui conuenit vnum, ita Arist. loco cit. tex. 7. contra Platonem, quod etiam considerauit Scotus 1. dist. 8. q. 3. x. Secundò debet esse indiuisibilis non simpliciter, quia vt dicit Arist. tex. 3. loco cit. in lineis vtuntur pedali tanquam indiuisibili, sed dicitur indiuisibilis, idest minima, quia mensura debet esse minor quantitas, per quam maior dignoscitur, ita elicitur ex Sco. 4. dist. 48. q. 2. H. & ex Arist. x. met. tex. 4. quæ mensura indiuisibilis non est talis ex natura rei, sed ex beneplacito hominis determinantis mensuram, solum vnitas constituens numerum est indiuisibilis, & ex natura rei mensura determinata. Tertiò debet esse certissima ex Aristor. x. met. loco cit. quia per ipsam debemus aliud cognoscere. Quartò debet esse homogenea, quia vt inquit Arist. loco cit.

Conditio:  
nes men-  
sura.



*Motus Cœ-  
li habet  
omnes con-  
ditiones  
ad mensu-  
randum.*

circa. 4. mensura debet semper esse eiusdem generis, magnitudo enim magnitudine, longitudo longitudine, grauitas grauitate mensuratur, & hoc verum est de mensura quacunque creata, siue sit mensura essentialis, siue accidentalis; Si verò intelligatur *ly eiusdem generis* idest eiusdem rationis, tunc est verum simpliciter de quacunque mensura etiam increata, quæ est Deus, qui est mensura omnium entium ex Sco. 1. dist. 8. q. 3. X. quia omne quantum mensuratur vt quantum à mensura vt quanta siue quantitate essentiali, & virtutis, siue quantitate accidentali, & extensiua: In proposito motus primi Cœli est vnus, quia est ens, cui competit esse vnus; est indiuisibilis quia velocissimus, & per consequens minimus; Est certissimus quia regularis, & vniformis; Est homogœneus, quia est eiusdem generis cum motu mensurato, cum vterque sit motus, & quantitas successiua; Et quia motus primi Cœli non habet partes ex natura rei determinatas, per quas motus inferiorum possint mensurari, idè intellectus humanus illas determinat, diuidendo motum primi Cœli in vigintiquatuor partes, & illas in alias determinatas, vt notum est apud Astrologos; Vnde motus primi Cœli dicitur tempus, & mensura motuum inferiorum in potentia remota quatenus est vniformis, & velocissimus, quæ sunt conditiones ad mensurandum; est verò in potentia proxima, quatenus est ab intellectu determinatus secundum partes, idè dependet ab intellectu, vt est mensura in potentia proxima, quare tempus pro mensura est ens reale fundamentaliter, quia est motus primi Cœli, ac etiam quo ad rationes mensurandi quæ sunt regularitas, & velocitas; secundum quas ab intellectu non dependet, Vnde dependet ab intellectu totum quo ad esse formale mensuræ in ipso primo motu fundata, quia talis ratio formalis est relationis simpliciter, vt statim dicetur.

Sextò Not. quòd mensura nullam relationem importat  
ad

ad mensurabile, siue realem simpliciter; siue realem secundum quid ex Aristot. 5. met. tex. 20. & Sco. 4. dist. 48. q. 2. l. & quol. 13. N. sed in tantum dicitur relatiue ad mensurabile, vel mensuratum, quatenus mensurabile, vel mensuratum ad ipsam refertur: Est tamen hæc differentia inter relationem mensurati ad mensuram, & mensurabilis ad mensuram ex Sco. loco cit. quod relatio mensurati ad mensuram est relatio realis secundum quid, quia est inter extrema vt actu cognita: Relatio verò mensurabilis ad mensuram est relatio realis simpliciter, quia est inter extrema secundum esse reale, & non secundum esse cognitum propter hanc rationem tantum vocat Sco. illam relationem realem simpliciter licet non habeat omnes conditiones requisitas ad relationem simpliciter, quarum vna est, quod sit inter extrema actualiter existentia cuiusmodi est relatio scientiæ ad scibile, quod scibile licet non existat actualiter, vt patet in cognitione abstractiua, attamen illa cognitio dicit ad scibile non actualiter existens relationem realem simpliciter; per hoc solum quod illa relatio est inter extrema secundum esse reale, & non secundum esse cognitum: Vnde in mensura nulla est relatio nisi rationis simpliciter facta per actum comparatum intellectus, & in tantum mensura siue essentialis, siue accidentalis dicitur realiter mensura quatenus terminat relationem realem mensurati, vel mensurabilis ad ipsam, & sic mensura formaliter secundum denominationem intrinsecam erit tantum ens rationis simpliciter: Secundum verò denominationem extrinsecam erit ens reale, sicut Creator denominatione intrinseca dicitur Creator per relationem tantum rationis, denominatione verò extrinseca dicitur formaliter Creator per relationem realem Creaturæ ad ipsam terminatam.

*Mensura nullam dicit relationem realem ad mensuratum.*

Septimò Not. quod mensurare ex Sco. 2. dist. 2. q. 2. G. est quantitatem ignoram certificare per quantitatem magis

*Quid sit mensurare*

notam

notam: Certificatio autem aliquando potest fieri per quantitatem existentem in re, vel imaginatione, sicut Artifex expertus per aliquam quantitatem, quam habet in sua imaginatione mensurat quantitatem quaecunque occurrentem: Si autem fiat per quantitatem existentem in re, hoc potest esse tripliciter: Vel per quantitatem excedentem.

*Quot modis aliquando dicitur mensurari.*

& tunc certificatur intellectus de quantitate minori per accessum eius ad quantitatem maiorem, vel recessum ab ea; Et hoc modo mensura ponitur in quidditatibus rerum, & mensura est perfectior ipso mensurato, & ista dicitur notior naturaliter ipso mensurato, sicut albedo ponitur mensura in genere colorum, & Deus dicitur prima mensura omnium, quæ sunt in quocunque genere. Secundo modo mensuratur per quantitatem excessam, quia quantitas nota minor est, & pars quantitatis maioris, quæ magis ignota est, & tunc illa quantitas minor per sui replicationem mensurat ipsum totum quantum maius, & hoc modo minor motus potest esse mensura maioris motus ex natura rei, tertio modo mensuratur quantitas ignota per aliquam quantitatem notam, distinctam, & æqualem sibi, & hoc fit per applicationem, seu suppositionem: Ex quibus elicitur, quod triplex est mensura scilicet perfectionis, adæquationis, & reduplicationis. Mensura perfectionis est illud, quod perfectius est in aliquo genere, de qua dicebat Arist. quod in quolibet genere est aliquid, quod est metrum, & mensura omnium in illo genere, ut albedo in genere coloris, homo in genere animalis: Mensura adæquationis est, quæ adæquatè continet mensuratum, ut quarta grani continet adæquatè granum: Mensura reduplicationis est illa, quæ per reduplicationem mensurat quantum maius, sicut vlna mensurat pannum.

*Triplex est mensura.*

*Ratio mensurae solum durationi successus conuenit.*

Octauo Not. quod ratio mensuræ solum durationi successus potest conuenire, & nullo modo perinænti, loquendo simpliciter de mensura durationis, & non de mensura

fura successiua, vt inquit Meld. & Cat. in hac disp. num. 47 quia nullus dubitare potest, quod mensura successiua possit competere durationi permanenti, quia esset dubitare an duratio permanens possit fieri successiua; Ratio igitur mensuræ solum durationi successiue potest competere, & non permanenti, quia durationes successiue non vniformiter se habent, quia vnus motus potest esse tardus, & velox, & vnus alio tardior, & velocior, & licet sint æqualiter successiui, quia vnus motus non est magis successiuus alio, difformiter tamen se habent in successione secundum velocitatem, & tarditatem; Et ideo cum possit dari vna duratio successiua, & vnus motus regularis, & vniformis, ille poterit rationem mensuræ habere, permanentia autem cum sint æqualiter inuariabilia, vnus permanens non potest esse notius alio secundum rationem inuariabilitatis, & per consequens non poterit habere rationem mensuræ, quæ debet esse notior mensurabili, cum quantitas, & duratio mensurabilis certificetur per mensuram; His notatis.

Probatur Conclusio, quod omnes partes secundum Scotum 4. dist. 48 q. 2. H. Tempus est motus primi Cæli, vt dicitur rationem mensuræ; Sed motus primi Cæli est ens reale, & ratio mensuræ in motu est tantum relatio rationis simpliciter; ergo tempus pro materiali est ens reale, pro formali est ens rationis simpliciter; maior patet secundum comunio rem sententiam Philosophorum; minor probatur quo ad secundam partem (quia prima pars per se patet, & conceditur ab omnibus) quia mensura est relatiuum tertii modi ex Arist. 5. met. tex. 20. Sed relatiuum tertii modi non dicitur ad aliud, nisi quia aliud ad ipsum refertur ex Arist. loco cit. ergo motus vt mensura nullam dicit relationem ad mensuratum vel mensurabile, nisi quia mensuratum, vel mensurabile ad ipsum refertur; ergo si mensura dicit aliquam relationem illa tantum erit rationis simpliciter.

Dicerent Meld. & Cat. quod verum est de mensura in essendo

Xx

fendo

fendo, & quidditatiua, non autem in cognoscendo.

*Tacita re-*  
*sponsio cō-*  
*futatur.* Contra. Mensura in essendo est mensura in cognoscendo; ergò si mensura in essendo nullam dicit relationem realem; ergò nec mensura in cognoscendo; Antecedens probatur, quia omnis mensura est per quam quantitas alterius certificatur, vel certificari potest; ergò mensura siue in actu primo, & in potentia, siue in actu secundo, quæcunque sit, erit mensura in cognoscendo.

Contra Conclusionem arguitur primò, quòd tempus nullo modo est ens. Partes temporis sunt præteritum, & futurum, nam præsens est instans; sed istæ partes non existunt, nec sunt entia; ergò nec tempus ex illis constitutum nullo modo est ens.

Respondeo, quidquid dicant Meld. & Cat. concedendo, quòd partes temporis sunt præteritum, & futurum reduplicatiuè, sed negatur, quòd præsens sit solum instans; quia post instans immediatè sequitur pars temporis, quæ dicitur præsens continuata per vnum instans cum parte præterita, & per aliud instans cum parte futura, non permanenter, sed in fieri, & successiue; Vnde partes temporis sunt præsens, præteritum, & futurum reduplicatiuè, quia de ratione successiui est, quòd habeat partes non simul existentes, sed sufficit, quòd vna pars suo modo existat. Ad minorem concedo, quòd præsens, & futurum non existunt, sed negatur consequentia, quia tempus existit per partem præsentem, quòd sufficit ad existentiam successiui, nec aliter potest esse, quia de ratione successiui est, quòd non habeat partes simul existentes, sed est per vnā partem successiue existentem: sic tempus quod componitur ex parte præterita, præsentem, & futura, existit per vnā partem successiue existentem, scilicet per partem præsentem.

Secundò. Quòd consistit in ordine non entis ad non ens.

Ens, non verè existit; sed tempus consistit in ordine non entis ad non ens scilicet præteriti ad futurum; ergò tempus non verè est ens.

Respondeo quicquid dicant Meld. & Cat. concedendo maiorem, sed negando minorem, quia tempus non est ens relatiuum, sed absolutum de genere quantitatis, idè non consistit in ordine non entis ad non ens, cum ordo sit relatio, sed consistit in continuitate partis præsentis, præteritæ, & futuræ, quarum vna, scilicet pars præsens est ens, & existit suo modo, & sic negatur Consequentia.

Tertiò. Omne fieri ordinatur ad aliquod esse, quia prius natura est fieri, quam esse; sed tempus non habet esse post fieri, quia esset permanens: ergò tempus non est.

Respondent Meld. & Cat. ibi num. 32. negando quòd fieri præcedat esse, immò potius subsequitur esse.

*Resp. Mel  
& Cat. cõ.  
futatur.*

Contrà; ergò res prius est, quàm fiat, quod ridiculum est.

Idè Respondeo absolutè, quòd omne fieri permanentium ordinatur ad esse permanens, & tale fieri præcedit natura tale esse; sed negatur, quòd fieri successiuorum ordinetur ad esse, & præcedat natura esse successiuum, quia fieri successiuorum est esse, & esse est fieri, & sic concessa minori, negatur consequentia.

*Resp. An.  
etoris.*

Quartò. Si tempus esset; ergò esset corruptibile, sed omne corruptibile corrumpitur in tempore; ergò tempus in tempore corrumpitur, & sic esset processus in infinitum; ergò tempus nullo modo est ens.

Respondeo, quòd tempus non generatur, nec corrumpitur, quia generatio, & corruptio soli substantiæ competit, sed tantum recipit, & desinit esse simpliciter; Non in tempore, quia temporis non est tempus, cum fieri, & destrui in tempore sit mensurari tempore; Vtique

Xx 2 omne

omne aliud à tempore est, & desinit esse in tempore; sed tempus nec est, nec desinit in tempore secundum se totum, & sic negantur consequentiæ.

Vel potest dici, quòd tempus est, & desinit secundum se totum tempore imaginario, quia intellectus humanus cognoscens distinctè motum Cæli, potest imaginari partem vniformem motus, & secundum illam per replicationem mensurare existentiam, & desitionem motus primi Cæli, tamen hoc modo non esset processus in infinitum, nisi in imaginationibus, quod fortè non est inconueniens.

Vel potest dici, quòd sicuti secundum Sco. Tempus per partes eius potest mensurari realiter, quod secundum partes desinit esse in tempore, non tamen sic sequitur processus in infinitum, quia si illa pars determinata mensurans tempus ab alia æquali, vel minori determinata mensuraretur, tandem finiretur, quia continuum non est diuisibile in infinitas determinatas partes.

*Argum.* Quintò arguunt Meld. & Cat. in hac disp. num. 43. sustinentes tempus pro mensura actuali dicere relationem realem secundum quid, & adducunt Sco. quol. 13. N. ubi habet, quòd actualis mensura dicit relationem causæ in cognoscendo ad effectum in cognosci; ergò tempus formaliter pro mensura non erit simpliciter ens rationis.

*Falsificat doctrinam Scoti.*

Respondeo, quòd Sco. nec in loco cit. nec alibi asserit mensuram in cognoscendo dicere relationem causæ in cognosci ad effectum in cognosci, sed è contra mensuratum dicere relationem dependentiæ in cognosci ad mensuram tanquam ad causam in cognosci.

*Arguit Auctor contra seipsū.* Sextò. Arguo ego contra meam Conclusionem. Relatiuum tertii modi dicitur ad aliud, quia aliud ad ipsum dicit relationem; sed mensurabile est relatiuum tertii modi; ergò mensurabile dicitur ad mensuram, quia mensura dicit relationem ad ipsum; maior, minor, & Conclusio

fio



sio est Arist. 5. met. tex. 20. subinfero: sed relatio tertii modi est realis, ut patet ex Sco. quol. 13. N. ergò mensura formaliter dicit relationem realem, & non rationis simpliciter.

Respondeo, quòd omnes expositores, quos vidi, dicunt mensurabile, & scibile esse tertii modi relatiua, quia inter extrema non est mutua relatio, sed tantum in vno extremo, & loquendo de mensurabili, & mensura, asserunt quòd relatio est in mensurabili, & non in mensura; sed non soluunt difficultatem, quia Arist. in eodem tex. replicando relatiua tertii modi, replicat mensurabile, scibile, & intelligibile, & dicit, quòd hæc sunt relatiua, non quia dicant relationem ad aliud, sed quia aliud dicit relationem ad illa, & per consequens mensurabile secundum tex. Arist. relatiuè dicitur ad mensuram, quia mensura dicit relationem ad mensurabile.

*Explicatio tex. Arist. non soluit dubitationē.*

Nec valet dicere, quòd Arist. loquitur de mensura actuali, & accipit ibi Arist. mensurabile pro mensurato, quia Arist. loquendo de mensurabili, & mensurato, loquitur de relatiuis, quæ referuntur per relationem realem simpliciter ex Sco. quol. 13. N. sed relatio, quæ est inter mensuram actua- lem, & mensuratum est tantum relatio realis secundum quid ex Sco. loco cit. ergò Aristot. non loquitur de mensura actuali, sed ap. itudinali, ut expressè docet Sco. quol. cit.

*Responsio Auctoris.*

Ideò dico, quòd tex. Arist. est corruptus, debet enim dicere: *Quadam ut mensura ad mensurabile, & scibile ad scientiam*, ut legit Auerroes Commentator Arist. quem ingenti gaudio legi, & perlegi in corpore illius tex. & sic argumentum potius est pro mea conclusione; Et sic concedendo maiorem, nego minorem, quia Arist. dicit, quòd mensura est tertii modi, non mensurabile, & per consequens mensura nullam dicit relationem realem, sed tantum rationis.

Quod

Quod verò textus sit corruptus, pater non solum ex Commentatore, sed ex expositoribus, quos vidi, asserentibus mensurabile dicere relationem ad mensuram, non è conuersò, & maximè Scotus 4. dist. 48. q. 2. H. explicando illum textum Arist. dicendo, quòd mensuratum tale dependet à mensurali ex Arist. 5. met. tex. 20. & accipit ly mensuratum pro mensurabili, vt se explicat quol. 13. N. & præcipuè littera M. vbi pro eodem accipit mensuratum, & mensurabile, habet enim hæc verba. *In speciali autem videtur esse duplex relatio actualis in isto actu ad obiectum; Vna potest dici relatio mensurati, vel verius mensurabilis ad mensuram &c.* Hæc Scotus, qui relationem mensurabilis ad mensuram vocat actualem, quia est actualis dependentia mensurabilis ad mensuram in entitate, vt est dependentia scientiæ ad obiectum, hæc verò relatio actualis dicitur aptitudinalis in ordine ad actualem mensurationem, & certificationem intellectus, quia mensurabile in entitate, de quo loquitur Arist. & Sco. præcipuè est, cuius quantitas potest certificari, & cognosci per mensuram, à qua actualiter dependet in cognoscibilitate.

Sed quod magis mihi certificat textum esse corruptum, est, quia Arist. in eodem textu ponit mensuram esse relationum tertii modi, & non mensurabile, quia ibi dat exemplum de mensurabile, & scibili, subinfero; sed scibile est mensura, & non mensurabile; ergò dicit mensuram esse relationum tertii modi, & non mensurabile; ergò dicendo, quòd scibile dicitur ad scientiam, quia scientia dicit relationem ad scibile, ait mensuram dici ad mensurabile, quia mensurabile dicit relationem ad mensuram.

*Arguit  
Auctor cō  
tra seipsum.*

Septimò. Arguo etiam pro ipsis, quòd mensura actualis dicit relationem realem saltem secundum quid ad mensuratum, & non solum mensuratum dicit relationem ad mensuram. Nam Scotus quol. 13. N. dicit relationem mensurati ad mensuram non esse tertii modi; ergò habet in  
ter-

termino mutuam relationem , aliter relatio mensurati ad mensuram esset tertii modi , quòd est contra Scotum .

Respondeo , quòd ibi Sco. tacitæ obiectioni satisfacit; Nam cum determinasset relationem mensurati ad mensuram esse relationem realem , non simpliciter , sed secundum quid , quia est inter extrema secundum esse cognitum , posset obiici , quòd relatio mensurati ad mensuram est relatio tertii modi , quæ est relatio realis simpliciter , qualis est relatio scientiæ ad obiectum . Respondet quòd ibi Arist. inter relatiua tertii modi non connumerat relationem mensurati ad mensuram , sed mensurabilis ad mensuram , quæ est realis simpliciter , ideò cum fundamento Aristor. non possumus asserere relationem mensurati ad mensuram esse relationem simpliciter realem , non est tamen de ratione relationis tertii modi , quod sit realis simpliciter sed solum quòd non habeat in termino mutuam relationem , siue illa relatio sit realis simpliciter , siue realis secundum quid , vt patet ex Arist. in illo tex. vbi habetur , quòd relationes tertii modi ad aliud dicuntur solum , quia terminant relationem alterius .

Vnde ad argumentum dico , quòd Scotus non negat relationem mensurati ad mensuram esse tertii modi , sed quòd Arist. non dicit relationem in tertio modo esse mensurati ad mensuram , sed mensurabilis ad mensuram , quia Arist. enumerat tantum illas relationes reales simpliciter , quæ habent huiusmodi modum , hoc tamen non obstat quin aliæ relationes secundum quid reales habeant eundem modum referendi , cuiusmodi est relatio mensurati ad mensuram , & maxime in doctrina Scoti , qui assignando relationem inter mensuram , & mensuratum , semper assignat ex parte mensurati tantum , eò quia mensuratum dependet à mensura .

*Octauò . Philosophia non versatur circa ens rationis , aliter*

aliter non esset scientia realis, sed rationalis; ergò tempus non erit ens rationis.

Respondeo ad antecedens, quòd Philosophia non versatur circa ens rationis principaliter, & præcisè, quia sic non esset scientia realis, sed rationalis, cuiusmodi est Logica, quæ considerat tantum quidditates secundarum intentionum, & entis rationis, tamen Philosophia versatur circa ens rationis tantum minus principaliter, quatenus concomitatur ens reale, quod principaliter considerat; Vnde scientia realis potest considerare omnia, quæ adveniunt enti reali, siue illa sint realis; siue rationis; Et sic negatur Consequentia.

Nonò. Mensura debet esse homogœnea mensurato; Sed tempus est mensura motus, qui est ens reale; ergò tempus debet esse reale.

Respondeo, quòd mensura debet esse homogœnea mensurato secundum illud, quod importat materialiter, & secundum esse reale; non autem secundum illud, quod importat formaliter, sicut causa vniuoca debet esse similis effectus, & tamen causa secundum suum esse formale, quod est relatio causæ ad effectum non assimilatur effectui, sed tantum assimilatur secundum illud, quod importat materialiter, & fundamentaliter, non formaliter.

Decimò. Arguit Toletus 4. Phys. q. 15. sustinens tempus non esse formaliter ens rationis, si tempus formaliter est ens rationis; ergò est in aliqua specie entis rationis, nã à forma sumitur tempus; ergò non erit in predicamento quantitatis, quod est ens reale formaliter.

Respondeo ad Consequentiam, quòd cum tempus sit relatiuum, & concretum, pro formali dicit relationem rationis mensuræ ad motum mensuratum; & pro materiali dicit motum primi Cæli, conotando regularitatem, & velocitatem, vt dictum est in Not. idèò cum hoc relatiuum importet entia diuersæ rationis, non potest reperiri in una specie, & in vno  
præ-

prædicamento, sicut album in nullo vno est prædicamento, sed tantum secundum esse formale est in genere qualitatis & secundum suum esse materiale, & fundamentale est in genere substantiæ, si connotabit substantiam; sic in proposito tempus secundum esse formale est in specie mensuræ per coextensionem, cuius genus est mensura in communi, quæ ponitur sub genere generalissimo secundæ intentionis; si verò consideratur fundamentaliter, & materialiter, tunc erit in genere quantitatis, & in specie quantitatis, & in specie quantitatis continuæ successivæ.

Vndecimò. Si tempus formaliter est ens rationis: ergo cessante operatione intellectus non erit actu tempus, sed potentia, quod est falsissimum, quia tunc motus elementorum non fierent in tempore, nisi intellectus actu apprehenderet tempus, quod assertum indignum est Philosopho, cum tempus, & motus sint entia realia, & passionēs entis naturalis.

Respondeo ad Consequentiam concedendo, quod cessante intellectus operatione, non esset actu tempus, & nego, quod hoc sit falsum, nec est inconueniens, & indignum Philosopho asserere, quod motus elementorum non fierent in tempore, accipiendo tempus pro mensura actuali, sicut non est indignum asserere, quod nulla mensura actualiter datur, nisi quando intellectus per mensuram actualiter certificatur de quantitate alterius; Et tempus dicitur passio, seu accidens entis naturalis secundum esse materiale, non secundum esse formale, quia tempus, vt dixi in Not. cum Sco. nihil addit supra motum, nisi rationem mensuræ, quæ dicit tantum in eo, quod est mensura relationem rationis simpliciter.

XII. Probat cum Alberto, quod tempus non est ab anima quantum ad determinationem partium, secundum quam tempus dicatur mensura; Nam si res est mensurabilis ab intellectu: ergo aliquod est in rebus, ratione cuius res fit

Yy

nume-

numerabilis, sed hoc non destruitur; destructo intellectu, sicut visibile non destruitur destructo visu; ergo non destruitur tempus, quia tempus nihil est, nisi illud, per quod motus dicitur mensurabilis; cum tempus non sit numeratus in anima, sed in re; scilicet in motu.

Respondeo ad consequentiam, quod in tempore est aliquid, ratione cuius est numerabilis; & determinabilis ab intellectu, sed hoc est entitas ipsius motus, quod non destruitur destructo intellectu, sed non sequitur, quod non destruat tempus in potentia proxima, & negatur quod tempus pro formali sit illud, per quod motus dicitur numerabilis; & licet tempus sit numeratus in re, est tamen numeratus ab anima determinante partes in motu primi Caeli.

XIII. Ita se habet sensibile ad sensum, sicut numerabile ad animam numerantem; sed ablato sensu, non auferatur sensibile; ergo ablata anima non auferatur numerabile; ergo non auferatur tempus.

Respondeo concedendo argumentum, negando solum ultimam consequentiam, quia tempus pro mensura actuali non est motus numerabilis, sed numeratus, & determinatus inter duo indiuisibilia, ut dicitur in Conclusionem de definitione temporis; Tempus autem, ut mensura in potentia remota utique potest esse, ablata anima; Si vero accipiat ut mensura in potentia proxima, non potest esse tale, nisi ab anima determinante partes, per quas possit cognoscere quantitatem alterius motus.

XIV. Secluso intellectu, in motu est prius, & posterius; ergo secluso intellectu, est tempus.

Respondeo ad antecedens, quod secluso intellectu, est prius, & posterius indeterminatum, cum unaquaque pars sit tempus, & diuisibilis in infinitas partes, quarum una est prior, altera posterior, sed negatur quod secluso intellectu, sit prius, & posterius determinatum, quod non potest esse nisi per intellectum determinantem, ut possit terminari

de

de quantitate alterius successiui; Et sic negatur consequen-  
tia, quia tempus est quod habet prius, & poste-  
rius determinatum, à quo alter motus dependeat in  
cognosci.

CONCLUSIO QUARTA.

*Tempus extrinsecum, & pro mensura non est realiter*

*distinctum à motu primi Celi.*

*Est Sco. 4. dist. 48. q. 2. C.*

*Opinio Aliorum. Cap. Primum.*

**M** Eld. & Cat. eandem sustinent opinionem in hac disp.  
num. 37. & 44. sed in eorum doctrina non potest su-  
stineri; Nam in hac disp. num. 34. & inde sustinent tempus  
intrinsecum, ut est una species adaequata durationis, dicit  
durationem, & existentiam rei transeuntis, ut abstrahit à  
re transeunte in instanti, & successiue.

*Opinio*

*Meld. &*

*Cat.*

Tunc sic arguo. Tempus extrinsecum non addit suprà  
tempus intrinsecum nisi rationem mensuræ, sed tempus  
intrinsecum non est motus; ergo tempus extrinsecum  
non est motus; maior probatur, quia si tempus extrinse-  
cum diceret aliquid aliud realiter ultra rationem mensuræ  
distinctum à tempore intrinseco; ergo tempus intrinse-  
cum, & extrinsecum realiter essent distincta; ergo si  
etiam tempus extrinsecum esset solum in motu primi Ce-  
li, realiter ab illo motu distingueretur; minor est ipso-  
rum loco cit. quia tempus intrinsecum secundum ipsos  
abstrahit ab instantaneo, & successiuo; ergo non erit  
formaliter successiuum; ergo non erit motus, quia quod  
abstrahit à successiuo non est successiuum.

*Cōfutatur.*

Si dicant, quod tempus extrinsecum non apratur dura-  
tioni, & tempori intrinseco in communi, sed tantum  
tempori intrinseco successiuo, cui potest competere ra-



tio mensuræ .

*Tacita  
Responsio  
confutatur.*

Contrà ergò erunt duo tempora extrinseca specie distincta, quòd est falsum, & contra Arist. Probatur consequentia . Omne tempus intrinsecum, quòd potest habere rationem mensuræ, potest dici, & esse tempus extrinsecum: sed duratio instantanea est tempus intrinsecum secundum ipsos, & habet rationem mensuræ respectu raprim transeuntium, quia mutatum esse mensuratur instanti, similiter est mutatio, vt generatio; ergò duratio instantanea erit tempus extrinsecum; ergò duo tempora extrinseca specie distincta. Hanc ultimam consequentiam probo, quia secundum istos tempus intrinsecum diuiditur in Durationem instantaneam, & successiuam, vt in duas species durationis in communi; ergò dabitur tempus distinctum realiter à motu, & à motu primi Cœli; In hæc absurda incidunt, quia sustinent contra doctrinam Arist. & Scoti durationem instantaneam esse speciem temporis, quod est absurdissimum.

*Sententia Authoris. Caput Secundum.*

*Tempus extrinsecum & pro mensura non est realiter distinctum à motu primi Cœli.*

*Est Sco. 4. dist. 48. q. 2. G.*

**P**RO cuius declaratione Not. Primò, quòd cum tempus possit dupliciter considerari; Vno modo pro materiali, & sic non est, nisi motus; Alio modo pro formali, & sic non est nisi relatio rationis simpliciter mensuræ ad motum mensuratum, & consequenter motus erit duplex. Alter regularis, vniformis, & velocissimus; & est motus primi Cœli; Alter irregularis, difformis, & non velocissimus, vt sunt alii motus Creaturarum; In proposito cum

cum dico, quod tempus est motus, intelligo de tempore pro materiali, & de motu primi Cæli. Et licet motus Angelici possit esse vniformis, & velocior motu primi Cæli, attamen quia est inuisibilis & in se, & ratione subiecti, non potest cognosci, sicut motus primi Cæli, & per consequens non posset esse tempus pro mensura, quia mensura debet esse notior mensurato, certificatur enim per ipsam quantitas mensurati, vt dictum est in præcedenti conclusione.

Secundò Not. quod tempus extrinsecum potest accipi dupliciter; Vno modo propriè, & est illud, quod est propriè omnium motuū mensura, & est motus habens omnes conditiones ad mensurandum, vt motus primi Cæli; Alio modo improprie, & est quilibet motus per quam possumus certificari de quantitate alterius motus; Vt cum dicimus Prædicationem durasse, quanta fuit deambulatio circa totam Ciuitatem, ille motus prædicationis mensuratum per motum deambulationis, & per motum progressiuum; Immo motus primi Cæli mensuratur motu progressiuo, vel motu horologii; Vt cum dicimus motum horarium primi Cæli esse tantum, quantus est motus progressiuus circa Ciuitatem, vel quantus est motus horologii ab hoc signo ad aliud determinatum signum; Sed isti motus particulares certificantes alios motus dicuntur tempora improprie, non solum quia non habent conditiones prædictas necessarias ad mensurandum, sed quia sunt signa motus primi Cæli, quia in tantum motus progressiuus circa Ciuitatem dicitur vnius horæ, quia fuit mensuratus à motu horologii V. G. & motus horologii dicitur vnius horæ, quia est mensuratus à motu primi Cæli; Vnde omnes isti motus inferiores, qui possunt dici improprie tempora, sunt signa motus primi Cæli, per quam quantitas aliorum motuum certificatur, vt si per Vnam mensuraretur pannus sine replicatione, possumus vnam improprie mensurare, dicendo, quod tanta est vna quantus est pannus, sed quantitas panni non erit propriè mensura, sed

*Tempus extrinsecum potest accipi dupliciter.*

sed signum quantitatis vltra magis notat.

*Motus So-  
lis, & Lu-  
nae non sunt  
proprie  
tempora.*

Tertio. Not. quod cum de ratione mensurae sit certum, & per consequens illud, quod est magis notum accipiatur pro mensura, per quam aliud certificatur, non desuerunt aliqui, qui dicebant motu Solis, & Lunae esse propriissime tempora, cum sit magis noti, & eo maxime quia etates, & durationes rerum mensurantur per motum solarem, ac etiam per annos, menses, dies lunares, tamen dicendum est, quod motus primi Caeli, quam motus alicuius orbis magis proprie dicitur tempus, quia motus planetarum fuit ab occidente in orientem, & non sunt ita veloces sicut motus primi Caeli, nam Luna mouetur in mense, Sol in anno, & alii aliis temporibus, primum autem mobile complet motum quotidie rapidius secum omnes orbis; Unde dies, noctes, menses, & anni non distinguuntur per motum naturalem Solis, & Lunae, sed per motum rapidum, qui est motus uniformis motui primi Caeli, & a motu primi Caeli dependet, & ideo motus raptus Solis, & Lunae magis notus erit potius signum motus primi Caeli, qui est proprie tempus, & omnium motuum mensura, nam valet dicere, quod motus raptus Solis, & Lunae est tantus, quantus est motus naturalis primi Caeli, & quia primum Caelum sic rapit uniformiter orbis, quorum motus cum non sit ex se velocissimi, quia minus spatium transeunt, quam primum mobile, nec regulares, & uniformes ex natura sua, sed dependenter a primo mobili, non poterunt dici proprie temporalia, licet fiat magis noti dicuntur tamen magis noti nobis confusè, non distinctè, quia non possumus distinctè cognoscere motum raptum Solis, & Lunae, nisi sciamus motum primi mobilis esse tantum, & sic vel sic rapere orbis, & sic quantitas motus rapti distinctè cognoscitur per motum naturalem primi mobilis, Unde est magis nobis certus motus naturalis primi mobilis, quam motus raptus Solis, & Lunae, cum sit certior causa suo effectui; His notatis

Probarur Conclusio. Quod non addit alicui, nisi relatio-

ncm

non rationis, ab illo non distinguitur realiter, Sed tempus pro  
mensura non addit motui primi Cæli, nisi relatione mensu-  
ra, quæ est rationis simpliciter, ut dictum est in præceden-  
ti Conclusionem, ergo tempus pro mensura non est realiter  
distinctum à motu primi Cæli, Minor patet, & minor est  
Scoti 4. dist. 48. q. 2. G. 2.

Præterea secundo Tempus est mensura motus, quia men-  
sura, & mensuratum, ut dixi alias cum Arist. debent esse  
eiusdem generis; Sed nullus motus potest esse talis mensu-  
ra, nisi motus primi Cæli, ergo tempus non est realiter di-  
stinctum à motu primi Cæli, minor subillata probatur, quia  
solum motus primi Cæli habet conditiones requisitas  
ad mensurandum, quæ sunt uniformitas, & velocitas.

3. Contra Arguitur primo auctoritate Arist. 4. Phys. 94.  
95. & 96. ubi habet tempus non esse motum; ergo falsa  
conclusio.

Respondent Meld & Car. in hac disp. num. 37 quod Arist.  
loquitur de tempore pro mensura in ordine ad motus quos  
mensurat, ita quod sensus Arist. est, quod tempus non est  
ille motus, quem mensurat.

*Responsio  
Meld. &  
Car.*

Sed hæc responsio est contra Arist. ut videte est in tex. cit.  
& tex. 101. & 102. ubi loquitur de motu primi Cæli, & in  
quo fundatur ratio mensuræ, quando dicit tempus non esse  
motum, & tex. 93. reddens rationem, quare tempus non est  
motus primi Cæli. inquit, quod tunc si essent plures Cæli,  
essent plura tempora; ergo loquitur de motu primi Cæli,  
non de motu, quem tempus mensurat.

*Cōsuetur*

Idem Respondet, quod Arist. loquitur de tempore in or-  
dine ad motus, qui fundat relationem rationis mensuræ,  
non in ordine ad motus, quos mensurat, ita quod vult o-  
stendere, quod motus primi Cæli non est tempus, ut est mo-  
tus simpliciter, seu ut est motus numeratus. id est determi-  
natus inter duo innumabilla, quorum unum est prius, alte-  
rum posterius, & sic negatur consequentia: hæc enim sunt

*Responsio  
Auctoris.*

verba Arist. *Non ergo motus tempus est, sed quatenus numerum habet motus*; Vnde tempus addit supra motum primi Cœli determinationem partium factam ab anima, secundum quam est mensura in potentia proxima; Vnde tempus pro formali est aliquid ipsius motus, quia dicit in motu relationem rationis mensuræ, vel non repugnantiam ad terminandam relationem dependentiæ mensurati ad ipsam in esse cognito, præsupponendo in eodem motu determinationem partium.

Secundò, si tempus esset motus primi Cœli, sequeretur, quod plura essent tempora quod est impossibile; probatur consequentia, quia si essent plures primi Cœli, tunc darentur plures primi motus, & sic, plura tempora.

Responsio  
Meld. &  
Cat.

Respondent Meld. & Cat. sequentes Iandunum q. 148. 4. Phyl. quod tunc Arist. arguit ad hominem contra Antiquos ponentes tempus esse motum primi Cœli, & tamen habebant pro impossibili plura esse tempora.

Responsio  
Auctoris.

Ego autem dico, quod non loquitur Arist. ad hominem, & argumentum similiter valere; quia licet, data hypotesi, possent esse plura tempora, quia intellectus posset quoscunque motus primos determinare secundum partes, ut mensuraret motus totius mundi, non tamen necessario determinaret, ac propterea plura tempora non necessario essent, sed tantum contingenter, sunt igitur impossibilia plura tempora necessario, sicut est impossibile Creaturam liberè agentem, & contingenter, necessario agere, & necessario numerare, & determinare partes motus primi Cœli; Est igitur intentio Arist. probare motum, ut sic simpliciter non esse tempus, quia si essent plures primi Cœli, darentur plures primi motus, ergo si motus, ut sic, esset tempus, tunc darentur necessario plura tempora, quod est impossibile, quia est impossibile dari necessario plura tempora, cum tempus contingenter, & non necessario dari possit, nam contingenter numeratur, & determinatur à Creatu-

na intellectuali motus primi Coeli :

Contra Arguo . Si darentur plures primi motus, Deus posset illos motus numerare , & determinare secundum partes ; ergo necessario numeraret , & determinaret , quia quicquid Deus potest intelligere , necessario intelligit ; ergo illi plures primi motus essent necessario numerati ; ergo plura tempora necessario essent , quia tempus non est nisi motus numeratus.

Respondeo concedendo , quod illi plures motus essent necessario numerati , & necessario tempora , & per consequens essent necessario plura tempora , sed non ea necessitate , quæ ponitur ab Arist. si tempus esset motus , ut sic simpliciter , quia tunc plura tempora essent necessario necessitate intrinseca , & ex natura rei ; Sed si Deus illos motus necessario numeraret , essent plura tempora necessario necessitate secundum quid , & extrinseca , eò quia aliud à motu , nempe Deus talem necessitatem tribueret , quatenus necessario intelligeret ; Vnde Aristot. ad probandum tempus non esse motum , ducit ad hoc impossibile , quod tunc necessario essent plura tempora necessitate simpliciter , quod est omninò impossibile , quia motus non est tempus , nisi mensuratus ab anima.

Præterea si Deus numeraret , & determinaret illos primos motus , illa numeratio , & determinatio non esset sufficiente ad hoc , ut illi motus essent tempora , & mensura in potentia , quia illa mensuratio non esset nota , nisi ipsi Deo , qui non potest mensurare , & cognoscere quantitatem cuiuscunque motus , debet igitur motus esse numeratus , & determinatus ab illo , qui mensurat , scilicet à Creatura , possit per motum ab ipsa numeratum , & determinatum secundum partes cognoscere quantitatem alterius motus , ac propterea etiam impossibile esset dari plura tempora necessario necessitate secundum quid.

Si dicas tunc posse Deum notificare creaturæ illam nu-



merationem, & determinationem motuum. Dico; quod sicut notificatio illa esset contingens, & libera, quia Deus notificat si vult, ita etiam illi plures motus essent tempora contingenter.

Tertiò. Potest idem motus Dei virtute reproduci, non verò idem tempus, quia ad præteritum non est potentia, & quia dies externus, & hodiernus essent vnus dies, quod est falsum.

Respondeo negando consequentiam, & cum dicitur, quòd ad præteritum non est potentia. Responder Sco. 4. dist. 43. q. 3. ad consimile argumentum ex Arist. 6. Eth. approbantis dictum Agathonis, scilicet, quòd hoc solo primatur Deus ingenita facere, quæ facta sunt, idest non potest facere ingenita, quæ facta sunt, sed non sequitur; ergò præterita non potest facere præsentia alia factione, non enim repugnat esse præsentia, quæ facta fuerunt, etiam si destructa fuerunt inter primam, & secundam factionem; Nec est inconueniens diem externum reproduci, & fieri hodiernum per aliam factionem; & sic dies externus, & hodiernus essent omnino idem dies realiter, & formaliter, differrent tamen secundum diuersam coexistentiam ad tempus diuersum imaginarium, scilicet differrent tantum per fuisse, & esse.

Quartò Arguitur ex Scoto 2. dist. 2. q. 2. E. nulla quantitas est eadem alteri quantitati, nisi partes vnus sint æquales numero, & magnitudine partibus alterius, sed partes motus non sunt in æquales partibus temporis; ergò tempus est distinctum à motu; minor probatur, quia idem motus secundum easdem partes potest stare cum maiori, vel minori tempore, si motus fiat tardè, vel velociter; ergò partes motus non sunt æquales partibus temporis.

Responsio: Respondent Meld. & Cat. num. 37. responsione adducta  
Meld. & Cat. à Complutensibus, & ab Amico, & ab eisdem confutata, concedendo, quòd partes motus sunt æquales partibus



h<sup>uius</sup> temporis extrinseci, non intrinseci, & pro duratione, Sco. autem loquitur de tempore extrinseco, non intrinseco.

Contra hanc responsionem arguit Amicus, probando, quòd Sco. loquitur de tempore pro duratione, non autem de tempore extrinseco, eo quia facit comparationem inter durationem motus, & durationem intrinsecam Angeli, & ait, quòd potest stare inæqualitas partium motus, & temporis.

*Confutatur ab Amico.*

Respondent, quòd Sco. loquitur ex suppositione, quòd tempus distinguatur à motu realiter, & nihil dicunt ad rationem Amici probantis Sco. loqui de tempore pro duratione.

*Respondet sed insufficiens.*

Respondeo ego ad rationem Amici, negando, quòd Sco. faciat comparationem inter durationem motus, & Angeli, sed inter mensuram motus, & mensuram Angeli eo modo, quo permanentia, & Angelus potest habere mensuram; Et respondet cuidam argumento probanti mobile, ut est sub motu, mensurari tempore, ut verò est ante motum habere mensuram propriam, quæ est nunc secundum substantiam, & dicit, quòd si in motu ponitur aliquid aliud à se, quòd sit mensura eius, hoc est quia tempus, quod est eius mensura habet partes inæquales motui, non propter hoc oportet ponere in permanenti uniformi aliud, quòd sit eius mensura, cum permanentia æqualiter sint invariabilia, & si permanens aliquam mensuram habet, hæc non potest esse nisi Æuum, motus autem ultra propriam durationem habet aliquid realiter distinctum eius durationem mensurans.

*Responsio Auctoris.*

Respondeo itaque ad argumentum contra Conclusionem, quòd Sco. non loquitur ex suppositione, ut dicunt Meld. & Cat. sed dicit similitudinem non valere de mensura motus, & de mensura rei permanentis; Nam si mensura motus, ut tempus, est aliquod distinctum à motu, non

Zz 2 pro-

propter hoc debet poni mensura permanentis esse aliquod distinctum ab illo; Vnde concedo totum argumentum Sco. quod verum est, quia tempus est aliquid aliud à motu, quem mensurat, sed non à motu, qui dicitur mensura, de quo tantum procedit conclusio.

Quintò. Tempus reperitur in rebus quiescentibus in quibus non est motus, quies enim tempore mensuratur non solum per accidens, sed etiam per se ex Sco. 2. dist. 2. q. 4. & è conuerso motus potest esse, quando tempus non est ex Sco. 4. dist. 48. q. 2. H. I. ergò tempus non est motus.

Respondeo, quicquid dicant Meld. & Cat. male deducentes responsionem suam ex Sco. quol. it. f. §. ad tertium quòd utique quies, in qua nullus est motus, mensuratur tempore positiuo, quia tanta est quies, quantus est motus, qui interciperetur coexistendo tempori mensuranti quiescem; Si verò nullus esset motus etiam primi Coeli, tunc mensuraretur tempore negatiuo, & hoc est, quòd dicit Sco. quol. cit. Vnde licet in rebus quiescentibus non sit motus, est tamen motus primi Coeli, qui dicitur tempus, & sic negatur quòd sit tempus sine motu; Et cum dicitur ex Sco. 4. loc. cit. quòd potest esse motus, quando tempus non est, conceditur, quia secundum Sco. & rectè, possunt esse isti motus interiores, etiam si primum Cælum non moueretur, negatur tamen quòd possit esse motus primi Coeli numeratus, & determinatus, qui sit tempus; Et sic negatur consequentia, quia tempus est realiter motus primi Coeli numeratus, dicens formaliter mensuratiuitatem, seu non repugnantiam ad terminandam dependentiam alterius successiuam in esse cognito.

Sextò. Tempus est effectus ipsius motus, quia prius, & posterius in tempore oriuntur à priori, & posteriori in motu; Sed esse, & effectus realiter distinguuntur; ergò tempus, & motus sunt realiter distincta.

Respondeo negando maiorem; Et cum probatur, dico quòd.

quod prius, & posterius in tempore oriuntur à priori, & posteriori in motu, non quia vere efficiantur, quia partes temporis sunt omnino idem realiter cum partibus motus, & instans cum mutato esse, sed formaliter distinguuntur secundum rationem mensuræ, ac propterea variis nominibus nominantur, sed hoc ideo est, quia determinando prius, & posterius in motu primi Cœli, determinatur etiam in tempore, quia tempus est idem motus numeratus, & determinatus secundum prius, & posterius; Et sic concessa minori negatur consequentia, immò potius deducitur, quod tempus, & motus sunt idem.

Septimò. In motu sunt plura indivisibilia continuantia, in tempore est tantum vnum per Arist. 4. Phys: tex. 104. ubi dicit, quod est idem nunc in toto tempore, & diuersum secundum esse, ergo tempus, & motus realiter distinguuntur.

Respondéo negando, quod sit tantum vnum nunc, & instans in toto tempore, quia cum partes temporis sint continuatæ per instans, plura sunt instantia, immò inassignabilia, sicut inassignabiles sunt partes temporis; Et cum dicitur, quod idem est nunc in toto tempore, non accipit nunc pro mobili, vt dicit Tatar. quia dicit Arist. quod eo lem modo se habet nunc in toto tempore, sicut mobile in toto motu, nam sicut mobile est idem secundum substantiam, diuersum verò secundum esse, id est secundum diuersas partes motus, ita idem nunc secundum substantiam est diuersum secundum esse, id est in ordine ad diuersas partes temporis, quia diuidendo totum tempus in prius, & posterius copulata per instans, illud instans est vnum, & idem omnino, diuersum tamen, quia est finis præteriti, & principium futuri, & ideo dicitur diuersum secundum esse, quia habet rationem principii, & finis, quæ sunt rationes diuersæ.

Quomodo  
intelligitur  
quod idem  
est nunc in  
toto tem-  
pore.

Arguitur  
et contra  
seipsum.

Contrà, & probo, quod nunc inter prius, & posterius  
tem-

temporis non est omnino idem num. ut dictum est; Nam ex Sco. 2. d. 2. q. 2. D. non est tanta identitas instantis in toto tempore, quanta est vnius instantis respectu substantiæ mobilis, si tale instans daretur in mobili; ergo (infert Sco.) instans in toto tempore est aliud, & aliud secundum substantiam.

Respondeo ex ipsomet Sco. loc. cit. quod si daretur instans in mobili, sicut Buum in Angelo, illud nunc non esset aliud à substantia mobilis, sicut instans temporis est aliud à substantia temporis, & ideo non esset tanta identitas in instanti temporis, quanta esset identitas instantis in mobili, quia instans temporis est aliud à substantia temporis, instans verò mobilis non esset aliud à substantia temporis, instans verò mobilis non esset aliud à substantia ipsius mobilis; Ad Consequentiam Respondeo, quod Sco. non infert instans temporis esse aliud secundum substantiam in se, sed quod est aliud secundum substantiam à tempore, quia inter prius, & posterius totius temporis non potest esse nisi vnum numero instans indiuisum, & indistinctum à se, distinctum verò secundum substantiam à tempore, quia instans est indiuisibile, tempus est diuisibile, sunt verò plura instantia secundum substantiam in toto tempore, quatenus pars prior, & pars posterior copulatur per idem numero instans possunt diuidi in infinitas partes continuatas per infinita, & indeterminata instantia, ut dictum est prius.

Octauo. Probo, quod motus Coeli non est mensura omnium motuum; mensura, & mensuratum debent esse eiusdem generis, ut alias dictum est, sed motus locales, & alterationes sunt diuersorum generum; igitur motus Coeli, qui est motus localis non potest esse mensura motus alterationis; ergo non omnium motuum est mensura.

Respondeo, quod mensura, & mensuratum debent esse eiusdem generis proximi, vel remoti; Ad minorem dico.

dico, quòd motus localis, & alterationis non sunt eiusdem generis proximi, sunt tamen in eodem genere motus, & quantitatis successiuæ.

Nonò Tempus est vbique ex Arist. 4. Phys. tex. 95. non sic motus primi Coeli; ergo tempus non est motus primi Coeli;

Respondeo, quòd tempus dicitur esse vbique, eo quia per ipsum omnes motus in Vniuerso mesurantur, & sic dicitur vbique virtualiter, quia causat cognitionem omnium motuum in Vniuerso; sic motus primi Coeli dicitur esse vbique, quia per ipsum omnes motus mesurantur, & sic negatur Consequentia.

### CONCLUSIO QUINTA.

*Solum successina per se primò tempore mesurantur.*

Est Sco. 2. dist. 2. q. 4. B. & Arist. 4. Phys. à tex. 114. vsque ad tex. 121.

#### *Opinio Aliorum. Cap. Primum.*

**M**eld. & Car. num. 48 dicunt non solum motum mesurari tempore, verum etiam velocitatem, & tarditatem per se primo tempore mesurari ex Sco. 2. d. 2. q. 2. E.

*Opinio Meld. & Car.*

Sed hæc opinio, quæ falsa est, non potest elici ex Sco. loc. cit. qui non dicit velocitatem, & tarditatem motuum per se primò tempore mesurari, sed tantum dicit, quòd maior motus potest coexistere illi tempori, cui coexistit minor tempus; Ex quo solum concluditur, quòd vnus motus potest esse velocior altero, non tamen quòd eorum velocitas, & tarditas per se primò tempore mesurantur.

*Cōfutatur*

Et probò. Motus velox, & tardus non differunt nisi secundum



secundum coexistentiam ad maius, vel minus tempus; supposita æqualitate spatii, supra quod fit motus, ut patet ex ipsis in hac disp. num. 38. §. Relp. ad primum, ergo velocitas, & tarditas formaliter non dicunt nisi relationem coexistentiæ ad maius, vel minus tempus, supposita æqualitate spatii, supra quod fit motus, vel dicunt relationem coexistentiæ ad idem tempus, supposita inæqualitate spatii, sed ista coexistentia non potest per se primò mensurari tempore; ergo velocitas, & tarditas non potest per se primò tempore mensurari; minor probatur, quia quod mensuratur per aliud, non potest per se primò mensurari, sed coexistentia mensuratur per aliud, nempe per existentiam motus, quia tanta est coexistentia motus, quanta est successio ipsius motus; ergo coexistentia non per se primò mensuratur.

Confirmatur. Connotatum alicuius, quod per se primò mensuratur tempore, non potest per se primò tempore mensurari, sed coexistentia secundum istos Scriptores connotatur à duratione motus, qui per se primò mensuratur tempore, ergo coexistentia non potest per se primo tempore mensurari; ergo velocitas, & tarditas non per se primò mensuratur tempore, quia, ut dictum est, velocitas, & tarditas non est nisi coexistentia ad tempus.

2. *dictum*  
*Met.* &  
*Cat.* Secundo. Dicunt num. 51. Tempus extrinsecum posse esse mensuram quarumcunque rerum permanentium, etiam spiritualium, non solum, ut subsunt mutationi, sed etiam secundum existentiam, eò quia habent existentiam virtualiter diuisibilem, quatenus scilicet existentie istorum permanentium habent cum tempore quandam homogeneitatem, quæ sufficit ad istam mensuram.

Contra hoc est Sco. 2. d. 2. q. 4. B. & E. ubi habet, quod substantiæ, & permanentia non mensurantur tempo-

re.

Re-

Respondent; quod Scotus intelligit de Tempore intrinseco, & pro duratione, non de Tempore extrinseco. Responsio  
Advers.  
Consut. 1.

Sed hæc Responsio est omnino voluntaria, nam ibi Scotus loquitur de Tempore tam intrinseco, quam extrinseco, quia littera B. assignando res, quæ tempore mensurantur, ut motus, & quies, & quæ tempore non mensurantur, ut substantiæ generabiles, & corruptibiles, & loquendo de Tempore, quo mensuratur quies, habet hæc verba: *Illam enim secundum se non habet habitudinem ad Tempus, in quantum talis, nec actuale, nec aptitudinalem.*

Tunc sic; sed Tempus, ad quod quies non habet habitudinem, est tempus tantum extrinsecum; ergo Scotus loquitur de Tempore extrinseco; minor patet, quia motus non dicit habitudinem ad propriam existentiam, ad propriam durationem, & ad Tempus intrinsecum, ita quies non potest dicere negationem ad tale Tempus, sed tantum ad Tempus extrinsecum.

Præterea isti Scriptores nu. 50. probantes quietem mensurari tempore extrinseco adducunt eundem locum Scoti; ergo si ibi loquitur Scotus de Tempore intrinseco, malè adducunt Doctorem ad probandam quietem mensurari tempore extrinseco; ergo etiam secundum ipsos Scotus loquitur de Tempore extrinseco, cum dicit substantiam generabilem, & corruptibilem non mensurari tempore, quod prius negabant. Consut. 2.

Præterea sibi contradicunt; Nam in hac disp. num. 42. in fine dicunt, quod extensio localis, longitudo, latitudo, & num. 43. Deus non possunt mensurari Tempore. Contradictio  
Advers.

Si dicant, quod si permanentia secundum se considerentur, non mensurantur Tempore, tamen si considerentur, ut habent existentiam virtualiter diuisibilem, tunc possunt mensurari Tempore. Tacita Responsio  
confutatur.

Contrà, Permanentia habere existentiam virtualiter

Aaa

diui



diuisibilem est ipsorum existentiam habere cum Tempore homogeneitatem, ut se explicant num. 51. sed permanentia non habent homogeneitatem cum Tempore; ergo non possunt habere existentiam virtualiter diuisibilem; minor probatur, quia ipsi num. 42. mensura debet esse homogenea, idest eiusdem rationis, ac propterea probant extensionem localem, longitudinem, & latitudinem Tempore mensurari non posse; sed Permanentia, substantiæ, Deus non sunt eiusdem rationis cum Tempore, quod est successiuum; ergo, nullam possunt habere cum Tempore homogeneitatem.

*Aliatata Resp. cōfutatur.* Si dicant quod Permanentia dicuntur habere homogeneitatem cum Tempore, quia coexistunt tempori, hoc est contra ipsos num. 43. ubi habent hæc verba: *Vnde Tempore mensurari non erit esse simul cum tempore, nam Deus coexistit Tempori, non tamen tempore mensuratur*: hæc illi: quid est igitur ista virtualis diuisibilitas existentiae? est ne existentiam permanentium posse fieri successiuam? nequaquam, dicam ego, imaginaria est, & per consequens permanentia fictè dicuntur Tempore mensurari.

*Confut. 3. ad hominē* Præterea homogeneitas, quæ requiritur inter mensuram, & mensuratum debet esse eiusdem rationis, ita quod duratio eiusdem rationis duratione mensuratur; sed permanentia non habent durationem eiusdem rationis cum motu mensurante, quia talis est essentialiter successiuus; ergo permanentia non possunt per se primo tempore mensurari; minor patet etiam in doctrina ipsorum; maior etiam est ipsorum in hac disp. num. 30. in fine, ubi habent hæc verba: *Resp. in re unum Tempus, & unum motum ab altero mensurari, & rationaliter quidem, quia mensura debet esse homogenea, modo duratio non nisi duratione mensuratur*: Hæc illi nihil clarius; Ex quibus concluditur, quod æternitas nullo modo per se primò possit Tempore mensurari, ut ipsi dicunt num. 51. cum sit duratio  
altc

alterius rationis à tempore .

Præterea illud est in Tempore , quòd est necessario variabile secundum aliud , & aliud esse ex Sco.2.d.2.q.3. su- *Consue. 4.*  
prà B. sed permanentia non sunt variabilia secundum aliud ,  
& aliud esse ; ergò non possunt esse in tempore , ergò  
nec per se primò tempore mensurari . Vnde inferit ibi Sco-  
tus , quòd impossibilia , & necessaria non sunt in tempore ,  
quia non est alia , & alia dispositio in eis , vt possint excedi à  
tempore , vel aliter se habere .

Confirmatur etiam euidenter ex doctrina ipsorum num. *Confirmatio ad hominem.*  
49. in fine , vbi habent , quòd inter mensuram , & mensura-  
tum non requiritur homogeneitas specifica , sed sufficit ,  
quod sit generica , sed inter permanentia , & successiua  
non est homogeneitas specifica , nec generica ; ergò  
permanencia non possunt per se primò tempore men-  
surari , quia tempus est successiuum , & accidens toto genere  
differens à substantiis .

Ultimò est Aristoteles clarissimè contra ipsos , qui in *Arist. ex-  
4. phys. tex. 119. & 120. vbi cum demonstrauerit tempus esse præ se cō-  
tra* mensuram eorum , quæ mouentur , quatenus mouentur ,  
asserit in t. 120. tempus esse mensuram per se ipsius motus ,  
aliorum verò per accidens , habet enim hæc verba :  
*Omnino enim si mensura quidem est motus tempus per se ,  
aliorum verò secundum accidens manifestum est ,* hæc Ari-  
stoteles ; ergò secundum Aristotelem omnia alia  
præter motum , non per se primò , sed  
per accidens tempore  
mensurantur .



## Sententia Auctoris .Caput Secundum.

*Solum successiva per se primò tempore mensurantur.*

Est Sco. 2. dist. 2. q. 4. B. & Arist. 4. Phys. à tex.

114. vltque ad tex. 121.

*Ordo rerũ.  
& eorum  
mensura.*

**P**RO cuius declaratione Primò Not. ex Sco. loco cit. quòd in entibus aliqua habent quendam ordinem inter se, qui ordo non potest esse nisi imperfecti ad perfectum; Nam primò est fluxus formæ, scilicet motus, qui est respectus terminatus ad formam fluentem. Secundò est forma, secundum quam est actualiter motus. Tertio est forma, secundum quam potest esse fluxus partis post partem, idest forma in esse quieto, & hæc est forma accidentalis. Quarto est permanens, in quò non est natus esse fluxus partis post partem, tamen necessariò habet formam consequentem, in qua natus est esse fluxus, & hoc est substantia generabilis, & corruptibilis. Quintò est illud, in quo non potest esse fluxus, nec in aliquo consequente ipsum naturaliter, & hoc est substantia ingenerabilis, & incorruptibilis. Primum mensuratur tempore, quia contra rationem eius formalem est permanentia, vel quòd aliqua pars eius maneat eadem, sed ratio eius requirit partem eius succedere parti, quia est essentialiter successuum. Secundum, & Tertium est eadem forma, vt est in fluxu, & in recipi, & in esse quieto, & de hac forma est problematicus Scotus an mensuretur tempore, vel æuo, tamen ipsi formæ, quia non repugnat esse simul, sustineo mensurari Æuo, non tempore, vt aliàs dictum est. Quartum quòd est substantia generabilis, & corruptibilis mensuratur æuo, & tempore per se, nec secundum ipsam est propriè quies, quia non est nata moueri, sed non debet intelligi, quòd 1

quod substantia generabilis, & corruptibilis non sit immobilis, quia habet naturam, sed debet intelligi, quod secundum ipsam non est motus eo quia tota simul recipitur, nec secundum ipsam est quies, quia secundum aliquod non est quies, nisi secundum illud sit motus, sed tantum est motus, & quies per accidens, ratione scilicet quantitatis consequentis naturaliter ipsam substantiam, ut se explicat Sco. loco cit. D. Quintum verò, quod est substantia ingenerabilis, & incorruptibilis nullo modo mensuratur tempore, nec per se, nec per accidens, quia est omnino inuariabile; & indiuisibile, nec habet formam, secundum quam potest esse motus, quia est incapax quantitatis, & cuiuscunque formæ materialis, secundum quam possit esse motus, & acquisitio partis post partem.

Secundo Not. quod cum Tempus sit successiua mensura non potest per se primò, nisi successiua mensurare, ut sunt omnes motus tam materiales, quam spirituales, qui licet à nobis non possint mensurari, quia non possunt à nobis cognosci, possunt tamen ab ipsomet Angelo mensurari, velocitas tamen, & tarditas motus cum dicat solum relationem coexistentiæ motus ad maius, vel minus tempus in æqualitate spatii, vel in spatio inæquali, quando motus in maiori spatio fit in æquali tempore, vel minori, non potest per se primò mensurari tempore sed tantum per accidens ratio nempe ipsius fluxus, & motus in quo fundatur, qui motus per se tempore mensuratur, quies autem tantum per accidens tempore mensuratur, sicut & omnes priuationes, nam quies est tanta vel tanta, quia est tanti vel tanti positivi ex Sco. 2. d. d. 2. q. 4. D. & sic quies tanta est, quanta est motus, qui potuisset in toto illo cursu temporis esse, in quo non fuit motus; Et cum omnis motus sit mensurabilis tempore, motus etiam ipsius Cœli, licet non possit seipsum tota liter mensurare, nec ab alio motu mensurari, quia nullus alius motus habet vniformitatem, & velocitatem, quæ requiruntur ad men-

*Quæ mensurantur tempore per se, vel per accidens*

menfurandum, nec ab alia quantitate, quæ sit in ipso, vt habet Sco. 4. d. 48. q. 2. G. quia non oportet ponere duas tales quantitates in eodem subiecto permanente, quarum vna sit quasi subiectum, altera quasi passio, potest tamen seipsum mensurare per partem, quæ cognita est nata mensurare totum ipsum motum ex Sco. 2. d. 2. q. 3. B. vt omnes antiqui Scotistæ notarunt, & licet vnus motus possit mensurari ab alio motu, & motus Cœli ab alio motu inferiori, quia vnus motus potest esse notior alio, tamen isti motus non dicuntur propriè tempora, cum non habeant conditiones mensurandi scilicet vniformitatem, & velocitatem.

*Permanē-  
tia tantum  
per acci-  
dens men-  
surantur.*

Tertiò Not. quòd potest accipi tempus pro omni eo, quod potest habere esse post non esse, & hoc modo quodlibet aliud à Deo est temporale ex Sco. 2. d. 2. q. 4. H. Item & ipse Deus, & omnia permanentia possunt dici esse in tempore per accidens, quatenus temporì coexistunt, non tamen coexistunt secundum aliud, & aliud esse, & successiuè, sed permanenter, idèò tempore per se primò mensurari non possunt; mutationes etiam substantiales possunt dici esse in tempore minus propriè, quia nec successiuè sunt, nec temporì coexistunt, sed quatenus fiunt in instanti, quod est continuatiuum temporis, tamen si generatio fieret in tempore, sicut potest fieri creatio secundum Sco. qui vult Virginem potuisse post instans suæ Conceptionis iustificari tunc gratia fuisset in Tempore creata, in hoc casu mutatio, & creatio esset in tempore secundum coexistentiam ad tempus, licet indiuisibiliter, sicut gratia, vel Angelus indiuisibiliter temporì coexistit. His Not.

Probatùr Conclusio omnibus argumentis positis in primo cap. contra Aduersarios, & præcipuè hac ratione mensura, & mensuratum sunt eiusdem generis, & rationis cum tempore, quia tempus est successiuum; ergò solum successiua possunt per se primò Tempore mensurari, maior est Arist. & Sco. vt alias dictum est; Et potest confirmari, quia

quia permanens non potest mensurare successuum; ergò neque successuum potest mensurare permanens; ergò mensura, & mensuratum debent esse eiusdem rationis.

Contra Arguunt primò Meld. & Cat. in hac disp. n. 45. *Arguunt Meld. & Cat.* probantes velocitatem, & tarditatem motus per se primò tempore mensurari Au& Sco. 2. d. 2. q. 2. c. Et confirmant, quia idèd cognoscimus motum esse velocem, vel tardum, cum fiant super eandem quantitatem duo motus, vnus consumit plus, vel minus temporis, quam alter; ergò velocitas, & tarditas motus per se primò tempore mensuratur.

Respondeo negando quod Sco. dicat velocitatem, & tarditatem motus per se primò tempore mensurari, sed tantum dicit quod motus factus in eodem spatio dicitur velocior altero, quia fit in minori tempore, fieri autem in minori tempore est coexistere minori tempori, coexistentia autem ad maius vel minus tempus, quæ est velocitas, & tarditas non per se primò potest mensurari tempore, sed tantum per accidens scilicet ratione motus, in quo coexistentia fundatur; & sic negatur consequentia Argumenti pro confirmatione Auctoritatis Scoti.

Secundò Probat permanentia per se primò tempore mensurari, numero 5. quæ habent quandam homogeneitatem cum tempore possunt per se primò tempore mensurari; sed permanentia sunt huiusmodi ergò &c. minor probatur; quæ habent existentiam virtualiter diuisibilem, habent homogeneitatem cum tempore; sed omnia permanentia habent existentiam virtualiter diuisibilem, quia dicimus substantiam, & alia permanentia fuisse decem, centum, vel mille annis; ergò permanentia habent homogeneitatem cum tempore.

Respondeo ad maiorem concedendo, quod illa, quæ habent homogeneitatem cum tempore, & quæ sunt eiusdem rationis cum tempore, per se primò tempore mensurantur, & hoc modo intelligitur homogeneitas inter mensuram,



Iuram, & mensuratum, ex Arist. Sco. ac etiam secundum istos; sed negatur minor; Ad probationem nego maiorem, quia ista diuisibilitas virtualis non est nisi posse coexistere successiuo, & diuisibili, quod non sufficit ad hoc, vt aliquid per se primò tēpore mensuretur, quia requiritur diuisibilitas, & successio essentialis, non virtualis; & sic, concessa minori, negatur consequentia.

*Arg. umē-  
tū Autho-  
ris pro Ad-  
uers.*

Tertiò Arguo ego pro ipsiis. Substantia generabilis, & corruptibilis mensuratur tempore per accidens ratione quantitatis ex Sco. 2. d. 2. q. 4. D. ergò quantitas per se mensuratur tempore; Probatur consequentia, quia nihil conuenit per accidens alicui ratione alterius, nisi illud per se conueniat illi alteri; vt disgregare visum conuenit per accidens homini per albedinem, quia disgregare visum per se albedini conuenit; ergò si mensurari tempore conuenit per accidens substantiæ per quantitatem, per se conuenit quantitati.

Respondēdo, quod Sco. debet sic intelligi, quod substantia generabilis, & corruptibilis mensuratur per accidens Tempore ratione quantitatis. i. quia secundum quantitatem est fluxus, & motus qui per se tempore mensuratur; & sic negatur consequentia, & cum probatur dico, quod nihil conuenit per accidens alicui ratione alterius, nisi illud per se conueniat illi alteri, vel alicui concomitanti illud alterum, vt est in proposito de mensurari Tempore, quod per accidens conuenit substantiæ generabili; & corruptibili ratione quantitatis, non quia quantitas per se mensuretur tempore, cum sit permanentis, sed quia secundum ipsam potest esse motus & fluxus partis post partem, qui motus per se tempore mensuratur; & sic negatur consequentia probationis, quia vt dictum est, mensurari tempore conuenit tali substantiæ per quantitatem, quia secundum ipsam potest esse fluxus, & motus, quia per se tempore mensuratur.

Quar.



Quartò. Arguo etiam ego pro ipsis. Potest dici quòd priuatio motus, & quies per se tempore mensuratur, quia mē- *Aliud ar-*  
suratur per motum, cuius est priuatio, quia sic quieti com- *gumentū*  
petit mensurari ex natura sua, ex Sco. 2. d. 2. q. 4. D. ergò *Auctoris*  
à Pari Permanens potest dici, quod per se tempore men- *pro Ad-*  
suratur eò quia subest motui, qui per se primò tempore *uers.*  
mensuratur, nām permanenti sic competit mensurare ex  
natura sua.

Respondeo negando paritatem, quia permanētia habent  
propriam mensuram, secundum quam nata sunt ex sui na-  
tura mensurari, quies autem, & priuatio nullam per se du-  
rationem, & mensuram habet, nisi mensuram illius, quod  
priuat, ideò si mensuratur ad mensuram alterius, mensura-  
tur eo modo quo nata est mensurari, & sic suum per se, &  
naturaliter mensurari est mensurari per accidens, quia per  
aliud, permanentia autem habent durationem, & propriam  
mensuram, quæ est *Buum*, si autem per mensuram alte-  
rius mensurantur simpliciter per accidens mensuran-  
tur, & nullo modo per se, quia habent per se  
mensurari propria mensura, & hoc est,  
quod voluit dicere Scotus, quando  
dixit quietem per se tem-  
pore mensura-  
ri, licet  
per accidens, seu per  
aliud mensu-  
retur.



*Rectè diffinitur tempus cum dicitur quod est numerus motus secundum prius, & posterius.*

Est Aristotelis 4. phys. t. 101. & elici potest ex Sco. 2.  
d. 2. q. 3. A. & B.

*Opinio Aliorum. Cap. Primum.*

*Opini  
meld. &  
Cat.*

**M**Eld. & Cat. in hac disp. q. 4. a. 2. num. 53. & 54. sustinent quod numerus positus in diffinitione temporis accipitur pro numero numerante, & pro mensura, & licet Arist. dicat Tempus esse numerum numeratum, non numerantem, intelligit quod non est numerus numerans simpliciter, sed secundum quid, quia motus Cæli non solum est Tempus, vt numeratus, & determinatus ab anima, sed etiam est numerus numerans, quia est mensura omnium aliorum motuum, & sic diffinitur tempus, vt est mensura in potentia proxima, quod dicit formaliter relationem aptitudinalem ad mensurabile, & dicunt hoc elici ex Sco. 2. d. 2. q. 3. A. B.

*Confut. 1.*

Sed isti Doctores malè distinguentes rationem mensuræ in potentia à ratione numeri numerati, non bene hanc eorum doctrinam ex Sco. loco cit. eliciunt, quod patet in Responsionibus ad argumenta, & probò, quod ratio mensuræ in motu primi Cæli non dicat relationem aptitudinalem ad mensurandum. Relatiuum tertii modi nullam dicit relationem, sed quia terminat relationem alterius, sed mensura est relatiuum tertii modi, ergò nullam relationem dicit, ergò si actuale relatiuum tertii modi nullam dicit relationem actualem, multò minus Relatiuum tertii modi in potentia, maior, & minor est Arist. 5. met. t. 2. o.

*Præ-*

Præterea illa relatio aptitudinalis ad mensurandum, vel competit motui primi Cœli, vt motus est, vel vt regularis, & velocissimus, vel vt numerus numeratus, & determinatus ab anima secundum prius, & posterius; Non primum, quia motus, vt sic, & sine conditionibus necessariis ad mensurandum posset esse mensura, & Tempus; Non secundum, quia regularitas, & velocitas accidit motui primi Cœli, & per consequens accidens commune esset ratio, per quam motus primi Cœli haberet talem aptitudinem, & passionem, quod est falsum, quia passio egreditur à quidditate subiecti, neque vt numerus numeratus per eandem rationem, accidit enim cuicumque motui, quod ab anima determinetur secundum partes; ergo motus primi Cœli non habet talem relationem aptitudinalem ad mensurandum.

Consut. 2.

Secundò probò, quod numerus positus in diffinitione Temporis accipitur pro numero numerato. Ille numerus ponitur in diffinitione Temporis, per quem motus primi Cœli est mensura in potentia proxima, sed motus primi Cœli est mensura in potentia proxima per numerum numeratum, ergo numerus in diffinitione Temporis accipitur pro numero numerato; minor patet, quia in motu Cœli nihil aliud est, quam determinatio facta ab anima secundum partes, secundum quam determinationem motus Cœli dicitur Tempus in potentia proxima, quia si aliud esset, hoc esset relatio ad mensuratum posita ab Aduersariis, quod est falsum, vt immediatè probatum est.

Alia confutatio.

Præterea Relatiuum tertii modi per illud formaliter est relatiuum in potentia, per quod potest terminare relationem alterius ad ipsum, vt Deus dicitur formaliter creatiuus per eius voluntatem, sed motus primi Cœli, vt est mensura in potentia proxima est relatiuum tertii modi; ergo per illud est formaliter in potentia proxima per quod potest terminare relationem alterius motus mensurabilis ab ipso; sed motus primi Cœli potest esse mensura alterius motus, & po-

Alia confutatio.

Bbb 2 test

test terminare relationem motus mensurabilis ; quia est numerus numeratus ; ergò per esse numerum numeratum est formaliter mensura in potentia proxima.

Confirmatur inomnibus relatiuis in potentia . Omne relatiuum in potentia per illud formaliter est Relatiuum in potentia, per quod actualiter fundat relationem , quia idèd homo potest esse agens relatiuè , quia habet rationem formalem fundandi relationem actionis, per quam actualiter fundat actionem , & ignis potest fundare relationem calefactionis , quia habet calorem , ergò motus primi Coeli est formaliter mensura in potentia , per quod potest terminare relationem mensurati , vel fundare secundum Aduersarios relationem mensuræ ; sed motus primi Coeli potest terminare , vel fundare relationem mensuræ , quia est numerus numeratus ; ergò motus primi Coeli est mensura in potentia proxima, quia est numerus numeratus.

2. dictum  
Meld. &  
Cat.

Secundò dicunt, quod ly *motus* positus in hac diffinitione non intelligitur motus primi Coeli , quia talis motus explicatur per iliam particulam *numerus* , per talem enim numerum intelligit Arist. motus primi Coeli , sed per ly *motus* explicatur terminus relationis mensuræ actiuae scilicet quilibet motus , omnis namque motus est tempore mensurabilis, licet motus non sit terminus adæquatus illius relationis mutuae , quia multa alia tempore mensurantur, est tamen primum anologatum, quod debet poni in diffinitione temporis pro mensura .

Contra & arguo. Primò quod ly *numerus* positus in diffinitione temporis non explicat motum primi Coeli , Numerus ibi positus accipitur secundum istos pro numero numerante, qui dicit relationem , sed motus primi Coeli non est relatio ; ergò motus primi Coeli, non potest explicari per ly *numerus* .

Confut. 1.

Confirmatur quia motus primi Coeli est tantum numerus numeratus ; ergò si ly *numerus* explicat motum primi Coeli,

Coeli, numerus positus in diffinitione temporis non erit numerus numerans, vt isti dicunt, sed numerus numeratus.

Secundò probo quod per ly *motus* positus in hac diffinitione non explicatur correlatiuum Temporis pro mensura. Relatiuum non explicatur essentialiter nisi per suum Correlatiuum adæquatum; sed secundum istos Scriptores in hac disput.num. 55, motus non est correlatiuum adæquatum ipsius temporis; ergò non rectè diffinitur per motum tanquam per correlatiuum; ergò *motus* positus in diffinitione temporis erit ipse motus primi Coeli, qui quatenus numerus numeratus erit Tempus.

*Sententia Auctoris. Caput Secundum.*

*Rectè diffinitur Tempus, cum dicitur, quod est numerus motus secundum prius, & posterius.*

Est Arist. 4. Physic. 101. & elici potest ex Sco. 2. d.  
2. q. 3. A. & B.

**P**ro cuius declaratione Not. primò, quòd cum Tempus extrinsecum de quo loquimur in præsentì sit motus primi Celi, non vt est motus simpliciter, sed vt numeratus, & determinatus ab anima secundum prius & posterius, p. o materiali importat non tantùm motum, sed tantum motum numeratum, & determinatum ab anima, & hoc totum est absolutum. & solum relatiuum in potentia proxima, sicuti est mensura in potentia proxima, est verò relatiuum actualiter, quando actualiter, est mensura, & hoc quando intellectus per motum Celi cognoscit quantitatem alterius motus, qui tunc dicitur dependere in cognoscendo à motu primi Celi, & sic dicitur relatiuè mensura realiter secundum quid per terminationem dependentiæ

*Tempus quid importat pro materiali, & quid pro formali.*

dentia alterius motus in esse cognito, & denominatione extrinseca; Si verò intellectus comparat motum primi Cœli ad motum cognitum, tunc intellectus derelinquit in motu primi Cœli relationem mensuræ, & dicitur formaliter Tempus denominatione intrinseca; Vnde quando Arist. diffinit tempus, non diffinit Tempus pro formali, & ut est relatiuum actualiter, sed ut est tantum mensura in potentia proxima, & relatiuum in potentia; Nam inquirendo Arist. 4. phys. quid sit tempus, concludit tex. 102. quod est motus, sed motus numeratus, & determinatus secundum prius, & posterius, & per consequens est numerus numeratus, & sic motus positus in diffinitione Temporis non est correlatiuum ipsius temporis, ut dicunt Meld. & Cat. cum Tempus non diffiniatur pro formali, & ut est actualiter relatiuum, sed tantum ut est relatiuum in potentia, quod non est nisi motus primi Cœli, ut est mensura in potentia proxima, & ut numeratus, & determinatus ab anima secundum partes, & ut sic nullam dicit relationem nec actuale, nec potentialem, nec aptitudinalem, quia in mensura nulla est relatio realis ad mensurabile, vel mensuratum, sed potius è conuersò, & si diceret aliquam relationem, illa tantum esset rationis.

Secundò Not. quòd mensura propriè accepta soli quantitati competit ex Arist. 10. met. 1. 3. magis tamen propriè

*Cui propriè competit mensura, & a quo hoc nomen, & ratio desumitur.*

vnitati, quæ est mensura numeri, ab vnitate autem deriuatur ratio mensuræ, & transfertur ad numerum, & de numero transfertur ad continuum, quapropter continuum numeratum, & determinatum secundum partes, quibus applicantur vnitates, tunc illud continuum secundum partes numeratas, & per numerum partium tanquam per rationem formalem mensurandi dicitur mensura alterius; Vnde quantitas continua potest considerari dupliciter vno modo absolutè, ut linea, superficies, & corpus; Alio modo, ut determinata secundum partes; Quantitas si absolutè

Solutè, & simpliciter, vt quantitas consideretur; non potest esse mensura, quia ratio mensuræ propriè, & primò conuenit quantitati discretæ, vnde non potest ad quantitatem continuam transferri, nisi hæc secundum partes numeretur, quantitas enim vlnæ non potest esse mensura alterius quantitatis, nisi numeretur secundum quartas, octauas, &c. Dicitur ergò Tempus conuenienter numerus, quia in mensurando motus exigitur determinatio, & numeratio partium Temporis scilicet partium motus primi Coeli.

Tertiò Not. quòd triplex est numerus scilicet numerus numerans, qui est intellectus. Secundus est numerus numeratus, & sunt res numeratæ, vt duo homines. Tertiùs est numerus quo numeramus, & dicitur numerus formalis, quo homines, vel lapides numeramus, vt sunt duo, tres, quattuor &c. qui numerus est discreta; De ratione tamen numeri numerati tria requiruntur, ex Scot. p. d. 14. q. vn.

*Numerus multiplex*

D. E. Primum est quòd vnitates, quæ sunt partes numeri sint vnius rationis solum genericæ. Secundum quòd quæ dicuntur vna sint distinctæ, ita quòd sic vnum non includit sic vnum, idèò vnitas naturæ non facit numerum cum vnitatem suppositi, nec cum vnitatem formalitatis, quia natura in vno supposito includitur & formalitas in natura. Tertiò requiritur quòd in vtraque vnitatem, vel in vtroque numero sit potentialitas partis ad totum; Idèò Deus cum Creaturis, cum non sint eiusdem rationis, non faciunt numerum, Album etià, & dulce non faciunt numerum, ratio huius grammaticalis est, quia terminus numeralis, adiectiuus scilicet album, & dulce determinant substantiuum scilicet subiectum, in quo sunt, albedo autem, & dulcedo nullum subiectum determinant, idèò faciunt numerum, quia sunt eiusdem rationis genericæ, cum ambæ sint in genere qualitatis; Nec propter tertium Personæ in Diuinis non faciunt numerum, quia nihil in Deo habet rationem partis, & potentialis, tamen extendendo numerum ad distinctionem entium.

*Quæ faciunt numerum, & quæ non.*



entium, tunc hæc duo solum ad numerum requiruntur scilicet entitas, & distinctio realis numeratorum.

*Tempus  
nullā dicit  
relationē  
actualem,  
vel poten-  
tialē ad  
temporale  
& mensu-  
rabile.*

Quartò Not. quòd cum Tempus sit Relatiuum tertii modi, nullam dicit relationem, nec actualem, nec potentialem ad Temporale mensuratum, vel mensurabile, sed dicitur actualiter mensura, quatenus actualiter terminat relationem motus mensurati, & potentialiter mensura in potentia proxima; quatenus potest terminare relationem motus mensurabilis, quia terminus adæquatus ipsius Temporis contra aduersarios est motus in communi tantum, cum præter ipsum nulla alia tempore mensuretur. Ideò numerus positus in diffinitione Temporis accipitur pro numero numerato ex Arist. 4. Phys. l. 1. 102. secundum quam numerationem præcisè motus primi Cæli dicitur mensura motus in potentia proxima, quapropter diffinitio Temporis, quæ est. Tempus est numerus motus secundum prius, & posterius, sic intelligitur Tempus est motus primi Cæli numeratus inter duo indivisibilia, quorum vnum est prius, & alterum posterius, quia sic partes motus primi Cæli determinantur, quibus utitur ad mensurandum motum; Vnde genus in hac diffinitione est motus, non quicumque, sed regularis, & velox, & non solum talis, sed qui est determinatus secundum partes, seu numeratus ab anima, & per ista Tempus differt ab omnibus aliis motibus non regulatis, & velocissimis, & à motibus non numeratis & determinatis secundum partes. His not.

*Declara-  
tur diffini-  
tio Tem-  
poris.*

Probatur Conclusio. Hæc diffinitio est recta, quæ explicat essentiam diffiniti, & facit differre ipsum à quocunque alio, sed hæc diffinitio est huiusmodi, vt patet ex hoc ultimo not. ergò hæc diffinitio est recta.

*Arguunt  
Meld. &  
Cat.*

Contrà Arguunt primò Meld. & Cat. qui in hac disputa. 53. dicunt, quòd numerus positus in diffinitione Temporis accipitur pro numero numerante, qui est apti-  
tudo

rudo ad mensurandum, non pro numero numerato. Auctore Scot. 2. d. 2. q. 3. A. B. ubi ait, motum esse in Tempore, est sicut aliquod esse in numero, & motum vocat numeratum, & mensuratum, Tempus verò numerum, & mensuram; ergo Tempus erit numerus numerans, & non numeratus.

Respondeo negando quod Sco. intelligat, quod illud quod est in tempore sit sicut aliquod est in numero, ut ipsi intelligunt, quia esset sensus, quod esse in Tempore est esse sicut in aptitudine ad mensurandum, quod est ridiculum, sed ideo dicit, quod esse in Tempore est esse sicut in numero, quia motus primus dicitur Tempus, quatenus numerum habet ex Arist. 4. Phys. 1. 102, & 110. & motus primus quatenus habet numerum, dicitur secundum Arist. numerus numeratus, numeratur enim motus primus secundum viginti quatuor partes principales, & ut sic numeratus dicitur mensura in potentia, non propter relationem aptitudinalem, ut Aduersarii dicunt, sed præcisè quatenus potest terminare relationem dependentiæ alterius motus cogniti per ipsum, & sic negatur consequentia. Ibi enim Sco. postquam determinauerit primum æternum non posse sub mensurari, nec secundum perfectionem, nec secundum mensuram duratiuam, infert contra seipsum, quod tunc motus primus non posset tempore mensurari, quia quod mensuratur tempore, exceditur à Tempore. Respondet quod non, sequitur simpliciter, sed sufficit, quod excedatur à Tempore secundum partem, quia primum numeratum, quod est primus motus adæquatur ipsi numero, & non exceditur à numero. & ratio Sco. esse debet, quia totum numeratum secundum viginti partes adæquatur numero viginti quatuor partium simul sumptarum, quia tamen primus motus exceditur à numero secundum partem, quia pars exceditur à toto, ideo primus motus potest seipsum mensurare per partem ex Sco.

Ccc

loco

loco cit. *Buiternum* autem cum non sit numeratum, non potest seipsum mensurare per partem; Esse igitur in Tempore sicut in numero, est esse, sed contineri in motu numerato per numerum, non qui sic aptitudo ad mensurandum, sed qui est quantitas discreta ex unitatibus constans, ut patet ex Arist. 4. phys. t. 1. 16. & 17. & sic idem motus primi Caeli numeratus est Tempus, & mensura, nec Arist. & Sco. distinguunt motum numeratum à Tempore, & mensura.

Si dicas ergo numerus, qui est quantitas discreta erit ratio formalis Temporis; nego, sed solum sequitur quod talis numerus est ratio formalis, secundum quam primus motus potest terminare relationem motus mensurati ad ipsum.

Secundò Arguunt. Numerus propriè dicit mensuram vel actiuam, si est numerans, vel passiuam, si est numeratus ex Arist. 10. met. initio; At Tempus pro duratione non dicit rationem mensuræ; ergo Tempus extrinsecum per mensuram diffiniri debet; sed est mensura actiua, quia mensurat alios motus; ergo numerus acceptus in diffinitione Temporis accipitur pro numero numerante.

Respondet, quod numerus non dicit mensuram, sed ipsemet est mensura etiam relatiuè sine relatione in ipso fundata; cum mensura sit relatiuè tertii modi, sed solum per relationem mensurati ad ipsum, & negatur, quod mensura dicatur actiua, vel passiuæ, quia nullam inuenio mensuram passiuam ex Arist. ab ipsis cit. quia quod numeratur, seu mensuratur nunquam potest dici mensura, sed præcisè mensuratum, licet respectu alterius possit dici mensura; Nec datur mensura propriè actiua, quia licet dicamus mensuram mensurare, hoc est quia mensura applicatur, & accipitur ab intellectu mensurante ad mensurandum; Vnde solus intellectus, qui mensurat, dicitur numerus mensurans; & sic concedo, quod Tempus extrinsecum debet diffi-

diffiniri per mensuram in potentia proxima; Sed hæc ratio mensuræ non dicit numerum numerantem, nec relationem aptitudinalem ad mensurandum, sed tantum dicit esse numerum numeratum, per quod primus motus potest assumi ab intellectu ad mensurandum; Ad sublationem dico, quod Tempus nec est mensura actiua, nec passiva, cum tales mensuræ propriè non dentur, & licet Tempus diceretur mensura actiua, quia assumitur ad mensurandum, non tamen esset numerus numerans, sed numerus numeratus, quia primus motus per hoc quod est præcise numerus numeratus, assumitur vel assumi potest ab intellectu ad alios motus mensurandos.

Tertiò. Arguunt alii. Tempus est quantitas continua; ergo non debet diffiniri per numerum, qui est quantitas discreta, aliter diffiniens, & diffinitum essent alterius rationis specificæ.

Respondent Meld. & Cat. ibi num. 54. numerum simpliciter numerantem esse quantitatem discretam, numerum verò secundum quid numerantem posse esse quid continuum, quando est conflatum ex vnitatibus, non re ipsa discretis; sed solum mente seiunctis, vt in proposito, & numerus, vt dicit collectionem vnitatum, non est formale Temporis, sed materiale, formale verò erit ratio mensuræ in illis partibus fundata, quæ relatio aptitudinalis est ad mensurabilia.

*Responsio  
Meld. &  
Cat.*

Sed hæc Responsio omninò est à veritate aliena, falsum est enim numerum simpliciter numerantem esse quantitatem discretam, cum talis numerus sit solus intellectus, qui nullo modo est quantitas, cum sit potentia omninò immaterialis.

*Cōfutatur*

Præterea falsum est etiam in doctrina ipsorum, quod numerus secundum quid numerans possit esse quid continuū ex vnitatibus solum mente seiunctis, & quod sit materiale temporis, quia ibi determinant numerum secundum

Ccc 2 quid

quid numerantem esse formale Temporis, & dicere relationem aptitudinalem ad mensurandum, quia pro eodem accipiunt numerum numerantem, & rationem mensuræ actiuae; habent enim hæc verba num. 53. *Sed quamuis diffinitio sic explicata cuicumque intrinseco Tempori possit accommodari, attamen rectius diceretur hic diffiniri Tempus extrinsecum, & consequenter in ratione mensurae actiuae, & ut numerus numerans est.*

**Responsio** Ideo. **Auctoris** Respondeo negando consequentiam, quia numerus positus in hac diffinitione non est numerus, quo numeramus, qui est quantitas discreta, sed est numerus numeratus, qui est quantitas continua; Tempus enim est motus primi Celi numeratus, & determinatus secundum diuersas partes, secundum quas assumitur ad mensurandum.

**Argumentum** Quarto arguunt Meld. & Car. ibi nu. 55. **et Meld.** **et Car.** sustinentes quòd ly *motus* positus in diffinitione temporis non accipitur pro motu primi Coeli, sed pro motu in communi, qui est correlatiuum Temporis. Omne Relatiuum debet diffiniri per suum correlatiuum; sed Tempus est Relatiuum ad motum; ergò debet per motum diffiniri; ergò motus positus in hac diffinitione non est motus primi Coeli, qui est numeratus, & dicitur Tempus, sed est motus, qui est mensurabilis a tempore.

Respondeo concedendo, quòd omne relatiuum sub ratione relatiui diffinitur per suum correlatiuum, sed negatur, si diffiniatur secundum esse materiale, & absolutum, seu pro fundamento: Ad minorem dico, quòd Tempus formaliter acceptum pro mensura est relatiuum ad motum, sed nego de Tempore materialiter accepto; Modo ibi diffinitur Tempus pro materiali, non pro formali quòd patet ex Arist. 4. Phys. t. 101. & 102. ubi dicit quòd tunc sentimus tempus, cum sentimus motum numeratum secundum prius, & posterius, sicut si diffiniremus vnam, diffiniremus quantum determinatum, & numeratum secundum partes, & non

& non in ordine ad pannum, vel mensurabile; si verò vna diffiniretur, vt formaliter mensura, tunc diffiniretur in ordine ad mensurabile, sicut si tempus diffiniretur, vt formaliter mensura, diffiniretur in ordine ad motum mensurabilem.

Quintò. Prius, & posterius sunt partes temporis; ergò Tempus diffinitur per Tempus.

Respondeo quòd prius, & posterius non sunt partes Temporis, sed sunt indiuisibilia primi motus, qui est numeratus, & determinatus secundum partes inter duo indiuisibilia, quorum vnum est prius, & aliud posterius.

Præterea si prius, & posterius essent partes Temporis, nullum esset inconueniens, quod diffiniretur per partes eius, sicut compositum diffinitur per partes; Dicimus enim, quòd compositum est illud, quòd constat ex materia, & forma, quod continuum est constans ex partibus continuatis; & sic negatur consequentia, scilicet quod tempus diffiniretur per Tempus, sed explicaretur ratio ipsius Temporis, quòd debet habere partes numeratas, sicut explicamus Continuum quod debet habere partes continuatas.



Dispu-



## Disputatio Septima :

### De Inceptione , & Desitione Creaturarum .

**P**ost tractatum de Tempore Moderni agunt de Inceptione, & desitione Creaturarum, eo quia Temporalia defectibilem entitatem habent; & diuidunt præsentem Disputationem in duas quæstiones . Prima est de Inceptione, & Desitione possibili Creaturarum secundum Æternitatem; An scilicet (inquiunt) de potentia Dei absoluta poruerit esse aliqua Creatura ab æterno, & in æternum poterit durare . Secunda de Inceptione, & Desitione in Tempore; Cum igitur Inceptio dicat transitum esse rei post non esse prius natura, vel tempore, disceptandum est nunc de Inceptione, & Desitione Creaturarum, quæ fiunt in Tempore, transferendo quæstionem de Æternitate possibili Creaturarum ad disputationem de Mundo; Et quia solùm est notabilis difficultas de Inceptione, & Desitione quieris, & Indiuisibilibus, de istis tantùm erig hic disputatio : In Notabilibus autem tradam perfectam cognitionem de Inceptione, & Desitione omnium Temporalium pro vt de factis incipiunt, & desinunt esse .

CON-



CONCLUSIO PRIMA:

*Quies opposita motui incipit per primum sui esse,  
& desinit per ultimum sui esse.*

Est Sco. præcipue 2. d. 2. q. 9. O.

*Opinio Aliorum. Cap. Primum.*

**M**eld. & Cat. disp. 14. q. 2. 2. 2. numero 26. distinguunt de quiete, quæ potest accipi pro negatione motus, vel quatenus est priuatio. Primo modo dicit carentiã motus in subiecto non apto nato. Secundo modo dicit carentiam motus in subiecto apto nato; si quies primo modo sumatur, sic incipit, & desinit opposito modo, scilicet per primum sui esse, immò in quolibet instanti motus datur hæc quies, non tamen motus est interruptus, quia ad hoc requiritur quies priuatiua; si verò secundo modo sumatur, sic eodem modo incipit, & desinit, sicuti motus, scilicet extrinsecè, & dicunt colligere ex Sco. loco superius cit.

*Opinio  
Meld. &  
Cat.*

Sed hæc Doctrina non mihi videtur veritati consona, inuoluit enim tria dicta omninò falsa. Primum, quòd datur quies, quæ sit negatio motus in subiecto non apto moueri. secundum quòd in quolibet instanti motus datur quies inter media. Tertium quod quies non habeat primum, & ultimum in esse, quod est principale in hac conclusione.

Probo igitur primo, quòd non datur quies in subiecto non apto moueri; quies præsupponit motum; ergò quòd non est natum mouere non potest quiescere; Consequentia patet. Antecedens probatur nam lapis, qui habet negationem motus ad intellectionem diceretur quiescere

*Confer. 1.*

*quies.*

*Confut. 2.* Præterea sequeretur, quod immobilia, ut Angeli secundum Arist. & Deus quiescerent, quia habent negationem motus, & omnia, quæ habent formas sibi conaturales, sub illis formis quiescerent, ad quas habent negationem motus.

Contra secundum dictum scilicet quod in quolibet in-  
stanti motus sit quies est *Sco. 2. d. 2. q. 9. N. vbi* habet pro irra-  
tionabile quod motus coponatur ex quietib. inter medijs.  
Respondeo tamen ratione quia contrarium non contrahitur

Probo tamen ratione, quia continuum non continuatur ex contrariis, sed quies est motui contraria; ergo motus non potest ex quietibus continuari, & sic motus, qui est quantitas continua haberet partes non continuatas, & sic daretur motus, & tempus discretum, quod est falsum in doctrina Scoti.

*Confut. 2.* Præterea quod mouetur per horam dicitur continuè moueri; At si daretur in quolibet instanti quies inter media, non continuè moueretur; ergo in quolibet instanti non datur quies inter media; Probat̃ur minor, quia immobile per horam modò moueretur, modò quiesceret.

**Responsio.** Poteſt reſponderi pro iſtis negando minorem cum ſua  
pro **Ad-** probatione, quia tunc mobile in motu per horam quiete-  
wers. ſceret in quocunque inſtanti, accipiendo quietem pro ne-  
gatione motus, non autem pro priuatione, quæ eſt negatio  
motus in ſubjecto apto nato, & quies pro negatione ſtat ſi-  
mul cum continuatione motus.

*Cōfutatur  
responsio.* Contra in quocunque instanti per vos non est motus,  
sed quies: ergo in quocunque instanti non continuatur  
motus, quia sequeretur, quod continuaretur per quietem  
quod est falsum.

*Tacita resp. conf.* Si dicatur, quod motus continuatur in quocunque instanti per mutatum esse, & quando est mutatum esse, non est motus. Con.

**Contrà.** In quocunque instanti est aliquid motus ipsum continuans, in eodem dicitur continuari motus; sed in quocunque instanti est mutatum esse continuans motum; ergo in quocunque instanti continuatur motus; sed quando continuatur motus non est quies, sed motus quo ad sui continuationem, ut magis patebit in sequenti capite; ergo in quocunque instanti nullo modo potest esse quies.

**Contrà Tertium dictum,** quod est principale in hac *Confut. 3*  
conclusionem, scilicet quod quies non habet primum, & *disti. Mel.*  
ultimum in esse, quod dicunt esse Scoti in 2. d. 2. q. 9. O. *& Cat.*  
**Arguo** primò Auctoritate Sco. loco ab ipsis cit. ubi habet,  
quod datur primum, & ultimum in esse quieto,

Si responderent, ut inuenire videntur in hac disp. n. 26.  
quod primum, & ultimum in esse quieto vocat Scotus in-  
stantia immutationis, non quietis, falsa est Responsio, quia  
dicit Sco. quod primum, vel ultimum in esse quieto non  
est quies, sed instantia quietis, habet enim hæc verba:  
*Et in aliquo instanti, in quo per mutationem subitam indu-*  
*citur aliquis gradus frigoris omnino impossibilis calori, in*  
*illo primo calor non est, & usque ad illum calor fuit, ita*  
*quod calor nullum ultimum habet sui esse, sed habet ul-*  
*timum in esse quieto, & frigus nullum habet primum sui*  
*esse simpliciter, licet habeat primum in esse quieto, quod*  
*scilicet accipit per immutationem, licet illud non sit quies.*  
Hæc Sco. qui aperte ponit primum & ultimum in esse  
quieto, dicit tamen instans quietis non esse quietem, quia  
instantia temporis non sunt Tempus, nec mutata esse  
sunt motus, tamen sunt aliquid Temporis, & motus, sic  
immutata esse non sunt quies, sed aliquid quietis; Et si se-  
cundum Sco. datur primum & ultimum in esse quieto, quies  
incipit per primum esse, & desinit per ultimum esse sui. Un-  
de si Tempus haberet primum, & ultimum instans, daretur  
primum, & ultimum Temporis, licet illud non esset Tempus.

Ddd

Secun-

*Conf. 2. ad hominem.* Secundò probo ad hominem, quòd quies pro priuatione habet primum, & vltimum in esse; Nam isti Scriptores in hac disp. num. 26. ideò quies. pro negatione incipit per primum sui esse, & desinit per vltimum sui esse, quia est indiuisibilis, & instantanea; Tunc sic; sed omnis negatio siue connotet in subiecto aptitudinem, siue non, est indiuisibilis, & instantanea; ergò quies, vt dicit priuationem, & negationem motus in subiecto apto nato erit indiuisibilis, & instantanea; ergò habebit primum & vltimum sui esse.

*Confut. 3. ad hominem efficaciter.* Tertiò ad hominem. Nam isti Scriptores in hac disp. nu. 31. in priuatione succedentibus si vnum habet vltimum non esse, alterum habebit vltimum esse; Tunc sic; sed motus, & quies sunt succedentia sibi inuicem priuariuè, & motus habet vltimum non esse; ergò quies, quæ est priuatio motus habebit vltimum esse; ergò quies habebit inceptionem, & desitionem oppositam Inceptioni, & Desitioni motus.

*Conf. 4. ad hominem.* Quartò ad hominem. Nam isti Scriptores disp. 13. phys. q. p. nu. 7. ostendendo motum dicere respectum informationis ad non esse immediatè præcedens, dicunt, quòd isti respectui quies opponitur priuariuè, nam (inquiunt) tunc subiectum quiescere intelligitur cum iam formam acquisiuit, nec nouitas formæ in subiecto concipitur, hoc autem euenit cum forma immediatè non respicit non esse præcedens, sed esse eiusdem præhabitu, quod est carere respectu illo ad non esse immediatè præcedens; hæc illi; Tunc sic, sed in vltimo instanti immediatè præcedens tempus, in quo noua forma per motum introduci- tur iam formam acquisiuit, nec nouitas formæ in subiecto concipitur, forma immediatè non respicit esse præcedens, sed respicit esse eiusdem præhabitu; ergò in illo vltimo instanti subiectum quiescit priuariuè ad excludendam eorum fugam de quiete negatiua: Et hoc argumentum

mentum valet etiam ad probandum, quod in instanti dicitur quies priuatiua, quod est contra ipsos.

*Sententia Auctoris. Caput Secundum.*

*Quies opposita motui incipit per primum sui esse,  
& desinit per vltimum sui esse.*

Est Sco. præcipue a. d. 2. q. 9. O.

**P**RO cuius declaratione. Primò Not. quòd res positi-  
uæ, quæ incipiunt, & desinunt in tempore. Aliæ  
sunt æternæ, vt permanentia, aliæ Temporales, quæ  
per se primò tempore mesurantur, vt successiua, præter  
hæc dantur res, quæ durant tantum per instans, vt mu-  
tationes, & mutata esse, sed primò loquendo de rebus,  
quæ vel per se primò tempore mesurantur, vel tempori  
coexistunt, & non per se primò mesurantur tempore, vt  
æterna, hæc omnia ad duo reducuntur; Nam alia sunt  
quorum esse totum simul acquiritur, & deperditur; vt in-  
diuisibilia, & alia, cuius esse successiue acquiritur, & de-  
perditur, vt permanentia diuisibilia, & successiua; Et  
quia eorum non esse præcedit esse in Inceptione, sicut in  
Definitione esse præcedit non esse debet assignari Instans  
diuidens Tempus: non esse rei è Tempore, in quo res est,  
Vnde datur multiplex instans, scilicet primum instans esse  
rei, & est instans, in quo verum est dicere, hæc res est, &  
immediatè ante hoc non fuit; Aliud est primum instans  
non esse rei, & est illud, in quo verum est dicere. Hæc  
res nunc èst, & immediatè ante hoc fuit; Aliud est vlti-  
mum instans esse rei, & est illud, in quo verum est dicere:  
Hæc res nunc est, & immediatè è post hoc non erit; Aliud  
est vltimum instans non esse rei, & est illud, in quo verum  
est dicere: Hæc res nunc non est, & immediatè post.

*Quomodo  
incipiāt, et  
desinant  
permanē.  
tia succes-  
siua, & ra-  
ptim tran-  
seuntia, et  
quid sit  
primū, &  
vltimū ef-  
se rei, &  
quid pri-  
mum, &  
vltimū nō  
esse rei.*

Ddd. 2. hoc.

hoc erit; In proposito indiuisibilia, & ea, quorum esse totum simul acquiritur, & perditur, incipiunt per primum instans esse rei, & desinunt per primum instans non esse rei, successiua verò, quorum esse successiue acquiritur, & perditur incipiunt per vltimum non esse rei, & desinunt per primum instans non esse rei, quæ autem raptim transeunt, vt mutata esse in motu, generationes, & ipsæmet instantia temporis incipiunt per primum sui esse, & desinunt per vltimum sui esse, ita quòd idem instans dicitur primum, & vltimum, quia mediat inter tempus præteritum, in quo immediatè non fuit, & inter tempus futurum, in quo res immediatè non erit, & idè idem instans Temporis eorum, quæ raptim transeunt. Dicitur primum in ordine ad Tempus præteritum, in quo tale ens immediatè non fuit, & dicitur vltimum in ordine ad Tempus in quo tale ens immediatè non erit; Vnde propositiones de Incipit, & Desinit eorum, quæ raptim transeunt, sic exponuntur: Hæ res nunc est, & immediatè ante hoc non fuit, & quando desinit, valet dicere; Hæ res nunc est, & immediatè post hoc non erit; eodem modo, se habent æterna in ordine ad æuum, quo durant, habent enim primum, & vltimum esse rei sustinendo indiuisibilitatem Eui: Vnde valet dicere, quòd æternum incipit esse, idest nunc est, & immediatè ante hoc non fuit; & desinit esse, idest nunc est, & immediatè post hoc non erit, quia dùm Eternum incipit, & desinit, incipit, & desinit esse Euum ex Sco. 4. d. 43. q. 5. q.

*Quare assignantur instantia in ceptionis, & desitionis eorum qua incipiunt, & desinunt in tempore.*

Secundò Not. quòd in inceptione, & Desitione rerum successiuarum, seu quæ Incipiunt, & desinunt esse in Tempore assignatur Instans Inceptionis, & Desitionis, quia quælibet pars Temporis est diuisibilis in infinitas partes, & idè nulla pars determinata Temporis potest assignari, in qua successiuum Incipiat, & desinat esse, & idè assignantur instantia determinata, quæ sunt termini totius Temporis, in quo successiuum durat in esse, quæ instantia sunt extrin.

extrinseca rei successiuæ, quatenus durat in esse, eò quia sunt extra esse, & entitatem durantis, & idèd res non habet esse in quocunque instanti incipit esse, nisi illud instans sit intrinsecum rei, ita de desitione, si res desinit esse in instanti; & non in Tempore, vt successiuæ: Et si quæras; An

*Quid sit instans in intrinsecum & extrinsecum.*

permanens quod sit in tempore possit habere vltimum esse rei Sco. 4. loco cit. dicit quod de facto non habet, quia qui dicerent (inquit ipse) permanens habere esse in Tempore, debent dicere, quod non habent vltimum sui esse, sed habent esse in toto Tempore, & in vltimo illius Temporis habent non esse, sed de possibili, nihil ibi dicit, tamen quolib. 12. Lasserit, quod potest habere vltimum sui esse, quia sicut raptim transeuntia in eodem instanti sunt, & corumpuntur, Deus posset facere, quod permanens duraret per hoc totum Tempus, & per totum instans sequens, & post illud instans non velle tale permanens conseruari.

*Permanens quod sit in tempore potest habere vltimū sui esse.*

Tertiò Not. quod quies opposita motui non est nisi priuatio motus ex Arist. 5. Phyl. t. 53. & 8. Phyl. t. 71. & ex Sco. 2. d. 2. q. 4. C. ac propterea non potest dari quies quæ dicat solum negationem in subiecto non apto moueri, vt asserunt Aduersarii, quia vt dictum est in primo cap. quod non est natū moueri, non est natū quiescere; Vnde quiescēs quiescit sub aliqua forma, ad quam natum fuit moueri, cum forma in fieri, & influxu præcedat seipsam in esse quieto; Et quia tot modis debet dici vnum oppositorum, quot modis dicitur alterum, idèd sicut motus potest accipi in Communi ad motum substantialem, & accidentalem, ita quies potest accipi, vt est priuatio motus in communi, & specificè, vt est priuatio motus substantialis, & dicitur

*Nō datur quies negatiua.*

quies substantialis, & vt est priuatio motus accidentalis, & dicitur quies accidentalis; si loquamur de quiete in Communi, idem iudicium faciendum est, ac de motu; Nam sicut motus in Communi nec in Tempore incipit, nec in instanti formaliter, præmissuè autem incipit vtroque modo.

*Quomodo incipiat quies quæcumq; tam substantialis, quā accidentalis.*

do.



do, scilicet in instanti, & in tempore quatenus includitur in motu substantiali, & accidentali, ita quies in communi neutrum modum habet incipiendi, & desinendi formaliter, sed vtrumque præmissuè quatenus includitur in quiete opposita motui substantiali, & in quiete opposita motui accidentali; Si loquamur de quiete substantiali scilicet quæ opponitur substantiali motui, incipit per ultimum sui non esse, quia valet dicere, quòd nunc non est negatio motus substantialis, & immediatè post hoc erit, & desinit per primum sui non esse, quia valet dicere, quòd nunc non est negatio mutationis, & immediatè ante hoc fuit, nam quies manet per solum totum tempus vsque ad illud instans, in quo noua forma substantialis in subiecto introducit, mutatio verò raptim transit, & per consequens incipit per primum sui esse, & desinit per ultimum sui esse, vt dictum est in Not. primò: Vndè licet priuationes mensurentur per accidens eadem mensura, qua habitus oppositi mensurantur, non tamen eodem modo incipiunt, & desinunt quia, non eodem modo in re manent, vt patet de mutatione, & quiete sibi opposita, quia mutatio raptim transit, quies verò sibi opposita diu manet; si verò loquamur de quiete opposita motui accidentali, incipit per primum sui esse, & desinit per ultimum sui esse, datur enim secundum Scotum secunda. d. 2. q. 9. O: primum, & ultimum in esse quieto, valet enim dicere, quòd nunc est negatio motus, & immediatè ante hoc non fuit, & nunc est negatio motus, & immediatè post hoc non erit, & de hac quiete opposita motui accidentali loquimur in præsentibus.

Quartò Not: quòd sicuti quies opposita motui accidentali consideratur successiua, & continua sicuti motus, habet partes copulatas per indiuisibilia, quæ dicuntur immutata esse, sicuti motus per mutata esse, & sicuti mutata esse, non sunt motus, ita immutata esse non sunt quies, vt

dicat

dicit Sco. loco iam cit. motus tamen, & quies diuerso modo incipiunt, & desinunt, quia ante motum, & post motum non est mutatum esse, sed ante, & post quietem est immutatum esse, quod licet non sit quies, est tamen aliquid quietis, idèd primum immutatum esse dicitur primum instans extrinsecum non esse motus, & primum instans intrinsecum quietis, & vltimum immutatum esse est vltimū instans extrinsecum non esse motus, & vltimum instans intrinsecum non esse quietis; Vnde motus non incipit, & desinit in mutato esse, quia non datur in motu primum & vltimum mutatum esse, quies verò incipit & desinit in immutato esse, quia datur primum & vltimum immutatum esse quietis, quod immutatum esse dicitur intrinsecum quietis, quia est aliquid quietis, & dicitur extrinsecum motus, quia nihil est motus, & idèd Sco. 2. d. 2. q. 9. O. dicit quòd datur primum & vltimum in esse quieto, licet illud non sit quies, est tamen aliquid quietis, sicut punctus non est linea, sed aliquid lineæ, & sic de singulis copulantibus partes continui, ponitur tamen ibi quies quod sit negatio diuisibilis, & continua per accidens, non per se, quia quælibet negatio est indiuisibilis, intelligitur tamen ad modum motus, cui opponitur, priuatio enim est talis, & tanta, qualis & quanta est forma, quam negat. His Not.

Probatur Conclusio. In quocunque datur primum instans, in quo valet dicere, quòd res, vel aliquid rei est, & ante non fuit, & vltimum instans, in quo res, vel aliquid rei est, & post hoc immediatè non erit, in illo datur primum & vltimum instans esse rei; sed in quiete opposita motui datur primum instans, in quo est immutatum esse, quod est principium quietis, & aliquid eius, & vltimum instans, in quo est vltimum immutatum esse, quod est aliquid ipsius quietis; ergò in quiete datur primum, & vltimum esse quietis; ergò incipit per primum instans esse rei, & desinit

Quies incipit, & desinit aliter, quam motus.

definit per vltimum instans esse rei; minor patet; maior probatur, quia idèd motus, & alia, quæ incipiunt in Tempore non habent primum esse rei, quia in instanti immediato ante tempus inceptionis nihil est illius rei, quæ incipit, si enim motus haberet primum, & vltimum mutatum esse, tunc haberet primum, & vltimum instans esse rei, quia aliquid motus inciperet in instanti, & duraret per totum vltimum instans inclusiue, sicut patet de quiete motui opposita.

Secundò probatur Conclusio ratione Sco. quol. 12. L. In succedentibus sibi inuicem, siue sint opposita priuatiue, siue contradictoriè, siue quasi contrariè, semper est dare, vel vltimum prioris, vel primum posterioris, quia diuisibile non est immediatum nisi indiuisibili, & succedentia sunt sibi inuicem opposita immediata; sed cum motus incipit post quietem, tunc non est dare primum posterioris; ergò erit dare vltimum prioris scilicet quietis; ergò quies definit per vltimum sui esse; Item cum motus definit, & postea incipit quies non est dare vltimum prioris, scilicet motus; ergò erit dare primum posterioris scilicet quietis; ergò quies incipit per primum sui esse.

*Argum.*  
*Meld. & Cat.* 26. *Contrà* Arguunt Meld. & Cat. in hac disp. 14. phys. lnu. 26. Priuatiue opposita debent eodem modo respicere subiectum, & eadem mensura mensurari; ergò si motus in se subiecto in tempore, etiam quies; ergò idem instans est vltimum non esse motus, & primum non esse quietis, & idem instans erit primum non esse motus, & vltimum non esse quietis, & colligitur ex Sco. 2. d. 2. q. 9. O. ubi illud instans quod vltimum non esse motus dicitur, vocat instans immutationis, non quietis.

Respondeo ad antecedens concedendo, quòd priuatiue opposita debent eadem mensura mensurari, & respicere eodem modo subiectum secundum suum esse essenziale, sed non secundum quodcunque pertinet ad sui esse, motus enim

enim & quies sunt successiua, & per consequens mensurantur tempore, & respiciunt eodem modo subiectum scilicet successiue, sed non respiciunt eodem modo subiectum per indiuisibilia copalantia, sicuti est mutatum esse in motu, & immutatum esse in quiete, quia motus inest subiecto siue primò, & vltimo mutato esse, quies eodem modo inest subiecto cum primò & vltimo immutato esse; Ad Consequentiam concedo, quod si motus inest subiecto secundum suas partes in Tempore, ita & quies, sed negatur vltima consequentia scilicet quod idem instans, quod est vltimum non esse motus sit primum non esse quietis, quia vltimum non esse motus est vltimum immutatum esse, & per consequens vltimum quietis, pariter negatur, quod primum instans non esse motus sit vltimum non esse quietis, sed est primum immutatum esse, & primum instans quietis, quia immutatum esse est aliquid quietis, & falsum est quòd Sco. loco ab ipsis cit. dicar, quòd instans immutationis non sit instans quietis, sed dicit, quòd non est quies, vt patet ex verbis Sco. aductis in primo cap. contra Aduersarios, est tamen aliquid quietis, sicut punctus non est linea, sed aliquid lineæ, mutatum esse non est motus, sed aliquid ipsius motus, ita instans immutationis non est quies sed est aliquid quietis.

Secundò potest argui pro ipsis. In nullo instanti subiectum natum est mutari, quia motus non potest esse in instanti; ergò in nullo instanti subiectum potest habere priuationem motus, quia priuatio est negatio formæ in subiecto apto nato; ergò in nullo instanti potest esse quies pro priuatione; ergò talis quies non potest habere primum, & vltimum sui esse.

Respondeo concedendo antecedens cum sua probatione, sed nego quòd subiectum in nullo instanti sit natum habere aliquid motus, quia subiectum in quocunque instanti temporis motus habet mutatum esse; Ad Consequen-

Ecc

tiam

*Ratio facta  
ab Aduersariis  
pro  
Aduersariis  
Scotistis.*

tiam dico, quòd licet subiectum in nullo instanti possit habere priuationem, potest tamen habere aliquid priuationis motus, quod est immutatum esse, & per consequens in nullo instanti potest esse quies pro priuatione, potest tamen esse aliquid quietis, vt dictum est, nego tamen ultimam consequentiam scilicet quod quies talis non possit habere primum, & ultimum sui esse, quia habet primum, & ultimum immutatum esse; quorum ultimum est in-tium, & alterum terminus ipsius quietis, quæ non possunt esse, nisi in instanti, cum sint indiuisibilia.

### CONCLUSIO SECVNDA.

*Indiuisibilia possunt per potentiam Dei incipere in Tempore,  
& per ultimum sui non esse.*

Est Sco. quol. 12. L. & 2. d. 5. q. p. H.  
& 3. d. 3. q. p. A. B.

*Opinio Aliorum. Cap. Primum.*

**M**Eld. & Cat. disp. 14. phys. q. 2. art. 4. sustinent indiuisibilia, quæ possunt diu permanere, vt Angelus, Anima, & Gratia per potentiam Dei absolutam non posse incipere in Tempore, & per ultimum sui non esse, & hanc opinionem dicunt esse magis conformem dictis Scoti, licet variè, & problematicè loquutus sit, vt patet, quia in 2. d. 2. q. 1. ad primum pro prima opinione, & quolib. 12. a. 2. & alibi sustinet indiuisibilia non posse incipere in Tempore, etiam per potentiam Dei absolutam, oppositum verò habet

*Falsificant* in 2. d. 5. q. 1. §. de secundo art. & 3. d. 3. q. 1.

*Scotum.*

Sed isti Doctores fingunt Sco. problematicum, & ipsum trahunt ad opinionem aliorum; Nunquam Sco. fuit in hoc problematicus sed semper determinatè dixit, Deum potuisse

tuisse Indiuisibilia creare in Tempore, & nunquam oppositum, & Sco in locis ab ipsis cit. nihil ad hoc pertinens dixit, & illa loca non sunt ad propositum, vt in responsionibus manifestissimè patebit.

Contra hanc opinionem arguitur. Primò communiter auctoritate Sco. 2. d. 2. q. 4. § contra Conclusionem ante A. ubi arguendo contra Henricum intellectiones Angeli mensurari tempore discreto, cuius Temporis instans ponebat necessariò coexistens parti temporis nostri, ait, quòd hoc non est necessarium, quia intellectus Angeli potest vnā intellectiōem habere in instanti nostro, & aliam in Tempore immediato, & quia Euo mensurantur, ideò (inquit) habebunt primum esse in Euo, licet secundæ intellectiōi nulla pars correspondeat temporis nostri.

Confut. 1.

Respondent Meld. & Cat. ad hanc auctoritatem, quam ipsi adducunt intentum Sco. esse tantum ostendere contra Henricum sine ratione ipsum ponere nunc temporis discreti necessariò parti Temporis nostri coexistere, nam si nos possumus elicere intellectiōem post instans, multò magis Angelus, cum sit perspicacioris intellectus; quare non est necesse, vt conseruet intellectiōem illam per tempus aliquod, & licet postea videatur concedere intellectu Angelicum posse post illud instans aliam producere intellectiōem in tempore immediato, quæ primum esse habeat in Euo, & non sit assignabilis pars prima temporis nostri illi correspondens, hoc tamen dicit supponendo, quòd possit hoc facere intellectus noster, nam tunc clarè sequitur idem posse intellectum Angelicum, quo supposito debet necessariò concedi productionem secundæ intellectiōis coexistere Tempori, vnde loquitur conditionatè. Et adducunt verba Sco. contra ipsos, sed asserunt Sco. non loqui ex propria sententia, sed in confutatione Henrici.

Responsio  
Meld. &  
Cat.

Sed isti Doctores non sequuntur Scotum. Non enim

Confutatio  
Responsio.

Ecc 2 probat

probat Sco. quòd si intellectus humanus potest habere intellectiōem in instanti, multò magis Angelus, neque quod possit habere intellectiōem in tempore, supposito, quod intellectus noster possit intellectiōem habere in Tempore, quia argumentum Sco. nihil valeret contra Henricum; Nam Sco. probat, vt ipsi fatentur, contrà Henricum intellectiōem Angeli non necessariò coexistere tempori sequenti, vt possit aliam intellectiōem habere; ergò si Sco. probaret intellectiōem esse solum in instanti, faueret Henrico, quia tunc sequeretur intellectiōem productam in hoc instanti necessariò coexistere in toto tempore sequenti, contrà quod arguit Sco. hoc medio, quia potest Angelus in hoc instanti habere vnā intellectiōem, & in Tempore sequenti aliam; Vnde si Sco. loqueretur ex suppositione, & suppositio esset falsa, quid concluderet contra Henricum? Posset respondere Henricus, quòd Sco. procedit ex falsa suppositione; legant igitur Scotistæ suum Doctorem, & videbunt, quòd determinatè probat intellectum humanum, & Angelicum posse in vno instanti habere vnā intellectiōem, & in Tempore immediatè sequenti habere aliam intellectiōem, quæ intellectiōes habent mensuram indiuisibilem; quo supposito concludit tam intellectiōem in instāti habitam, quàm intellectiōem secundam in Tempore immediatè sequenti mensurari Euo: habet enim hæc verba: *Si autem intellectio Angeli mensuretur Euo, sicut postea dicitur, tunc etiam posset esse aliqua cum vno in instanti, & aliqua cum Tempore habito, & illa secunda habet primum sui esse, sicut & prior, quia illa secunda habet mensuram indiuisibilem, sicut & prima habet, sed tamen nihil temporis nostri primum coexistit illi secunda intellectiōi, & hoc modo est de intellectiōibus Angeli, quia si aliquid intelligat cum in instanti nostro, non oportet illam intellectiōem manere per tempus habitum, sed si statim habeat aliam intellectiōem, illa co-*  
*existit*

*Infideliter  
adducunt  
Scotum.*



*existit tempori habito instanti, cum quo fuit prior intellectio, & tunc nihil erit temporis nostri primum coexistens illi secundæ intellectiōni;* Hæc Sco. Vnde illa verba adducta ab Aduersariis Scoti stis non sunt conditionata, problematica, & indeterminata, sed supponunt quod iam Sco. determinauerit scilicet Angelum, & hominem posse habere intellectiōnem in instanti, & aliam in tempore sequenti, & tamen vtramque. Euo indiuisibili mensurari, & per consequens non esse necessarium intellectiōnem productam in instanti coexistere tempori sequenti, vt possit aliam habere, quod infringitur solum per hoc, quod Angelus potest habere aliam intellectiōnem in tempore immediatè sequenti.

Sed quod peius est, isti Scriptores, vt confirmet eorum falsam Responsiōnem cum Doctrina Scoti adducunt Sco. eodem loci in responsiōne ad secundum, vbi totum oppositum dicit, & pro mea conclusiōne, sed asserunt hoc non dicere ex propria sententiā, sed in cōfutatione Henrici; Nam confutatio. Sco. contrā Henricum non est ad hominem; ergò in propria sententiā, ergò si Sco. confutando Henricum ponit Angelum posse habere aliam intellectiōnem in Tempore sequenti; hoc dicit ex propria sententiā.

Præterea Sco. Respondet huic argumento scilicet operatio Angeli durat per Tempus, & non præcisè in instanti; ergò non mensuratur Euo, quia sic esset præcisè in instanti. Dicit Sco. primò concedendo, quod non est præcisè in instanti. Dicit secundò quod potest dici intellectiōnem Angeli esse præcisè in instanti, & post illud instans posse habere aliam intellectiōnem immediatè, & tam intellectiōnem, quæ est præcisè in Tempore, quàm intellectiōnem, quæ est præcisè in instanti mensurari Euo; ostendit eni in inualiditatem argumēti per hoc, quod Angelus potest habere intellectiōnem in instanti, & aliam in Tempore immediatè, & tamen vtramque Euo mensurari, quia non est

est necesse, vt in argumento, Euiternum esse tantum per instans, imò nec solum fieri in instanti; sed posse fieri in Tempore. Nouum Sco. inuenerunt isti Scriptores, nec sol- uunt argumenta.

*Confut. 2.* Secundò Arguitur etiam Auctoritate Scot. 3. d. 3. q. p. A. B. vbi ait, quòd B. Virgo poterat in primo instanti suæ Conceptionis esse sub peccato originali, & in tempore immediato in gratia, quæ tamen non successiuè, sed indi- uisibiliter produceretur; ratione cuius mutatio illa, pro- priè nec motus, nec mutatio erit; Non mutatio, quia est in Tempore, non motus, quia non est successio, neque ex parte subiecti, neque ex parte formæ.

*Responsio* Respondent Meld. & Cat. quòd Sco. loquitur de succes- sione proueniente ex partibus extensiuis, quæ non adest propter animæ indiuisibilitatem, & gratiæ, sed adest suc- cessio ex parte graduum gratiæ, propter quam successio- nem potest tempori coexistere, & per vltimum non esse incipere, quòd fusè explicat in primo d. 17. q. 3 & sequen- tibus, quæ expositio est iuxta dicta Sco. 2. d. 2. q. ii. argu- endo contra D. Thom. Vbi ex hoc, quod operatio Angeli, quamuis esset in instanti temporis discreti, coexisteret ta- men nostro Tempori, arguit continuam, & successiuam esse; hinc dicendum Sco. problematicum fuisse.

*Confuta- tur respon- sio.* Sed hæc Responsio non soluit argumentum, et duo fal- sa inuoluit. Primum quòd sit de mente Sco. 2. d. 2. q. ii. ar- guendo contra D. Thom. vbi habet, quòd operatio Angeli ex hoc, quod coexistit tépori necessariò sit continua, & suc- cessiuu, & per consequens Sco. sit problematicus; sed vt videre est, nunquam tale falsum asserit ibi Sco. quia si ali- quod ex quo Tempore nostro coexistit, esset continuu n, & successiuum, quodlibet indiuisibile, vt Deus, Angelus, & Anima essent continua, & successiuu; quodque maius est Sco. nullum verbum habet de successione, sed solum probat, quòd Angelus si moueretur in instanti temporis discre-

discreti, non moueretur instantaneè, nam si instans temporis discreti esset immediatum instanti nostro, quærit quid respondeat ei in Tempore nostro; Si respondeat instans; ergò instans in Tempore nostro est immediatum instanti; igitur (inquit Sco.) Tempus nostrum est discretum; Si respondet Tempus; ergò in illo instanti non mutatur Angelus instantaneè.

Secundum falsum est, quòd Sco. in tertio loco cit. dicendo, quòd gratia creata in Tempore indiuisibiliter aquireretur, & non successiue, ibi negat successionem prouenientem ex partibus extensiuis, non autem successionem prouenientem ex parte graduum gratiæ.

*Aliud falsum  
Meld.  
& Cas.  
conf.*

Contra Sco. dicit, quòd si B. Virgo in Tempore immediato post primum instans iustificaretur, tunc tota gratia simul indiuisibiliter in Tempore produceretur; sit illa gratia secundum decem gradus; Tunc sic argumentor: Vel illa gratia tota includeret illos gradus, vel non, si includeret, ergò illi gradus simul & non successiue acquireretur si non includeret; ergò gratia siue illis gradibus produceretur, & sic ad eandem gratiā esset simul motus, & mutatio, mutatio scilicet ad gratiam, & motus ad gradus gratiæ.

Si dicatur quod utique gratia est indiuisibilis quòd ad partes, tamè essentialiter est diuisibilis quoad gradus, & ideo dicitur Sco. quòd tota gratia indiuisibiliter aquireretur, ita quod non partes ante partes, tamen gradus ante gradum aquiritur.

*Tertia re-*

Contra ergò ad talem gratiam secundum suum esse essentialiale esset motus, & non mutatio, quod est contra Sco. tum loc. cit. probo consequentiam, quia talis gratia secundum esse essentialiale successiue aquireretur; ergò non tota; ergò in tali casu nullo modo ad ipsum esset mutatio, ut differt à motu, quòd est contra Sco. loco cit. Vnde si talis iustificatio B. Virginis haberet aliquid de mutatione, quia tota gratia aquireretur; non posset in ipsa acquisitione esse successio secundum gradus, quia nihil haberet de mutatione

*sponsio  
conf.*

tatione

tatione, quia successiue, & in Tempore aquireretur.

*Conf. 2.*

Præterea quæro. Potest ne Deus inducere gratiam secundum decem gradus simul, vel non? si potest, habetur intentum; si non potest, ergo Deus si agit in Tempore, necessariò agit per motum: ergo nulla erit differentia inter Deum, & agens naturale, quòd est contra Sco. lococit. ubi habet, quòd si Deus producit aliquam formam in Tempore, potest illam totam simul producere in tempore, & per mutationem, agens verò naturale in Tempore necessariò agit per motum; Attendite verba Sco: *Sed quare passio causata ab agente naturali est mutatio, vel motus. & non ista? Respondeo, quia agens naturale si potest subito inducere formam inducit per mutationem, & si non potest necesse est, ut agat in tempore, & ita per motum. Deus autem & si posset inducere formam in instanti, tamen si non induceret in instanti, potest inducere totam in Tempore, ita quod non partes ante partes; Hæc Sco.*

Tunc sic argumentor; si differentia inter agens naturale, & Deum, est, quòd agens naturale, si producit formam in Tempore, producit successiue, Deus verò non successiue, & ita per mutationem; ergo gratia non successiue aquireretur per gradus.

*Consut. 3.*

Præterea quicquid Deus producit in instanti indiuisibiliter, & simul, potest producere simul in Tempore, sed Deus potest producere gratiam indiuisibiliter in instanti; ergo illam potest producere indiuisibiliter in tempore.

*Tacita responsio  
confut.*

Si dicatur quòd gratia non est producibilis simul, & indiuisibiliter secundum gradus; ergò gratia est essentialiter successiua; ergò non menturatur Euo.

Præterea illud mensuratur, vel durat Euo, quòd potest simul produci, etiam si successiue producat, ut albedo, & quæcunque qualitas, quia quòd est essentialiter successiuum, tempore durat, & Euo durare non potest; sed gratia secundum decem gradus durat Euo, siue producat

in

in instanti, siue in Tempore; ergo quomodocunque producat, erit secundum suos gradus simul producibilis.

Præterea si Deus potest totam gratiam in Tempore producere, potest illam producere eo modo, quo est totaliter producibilis; sed non est producibilis totaliter, secundum partes, quia non habet partes; ergo erit totaliter producibilis secundum gradus; ergo si Deus in Tempore potest producere totam gratiam, potest illam producere secundum omnes gradus simul.

Præterea forma substantialis, quæ est indiuisibilis, & non habet gradus, producit non solum à Deo, sed ab agente naturali in instanti; ergo potest à Deo produci in Tempore, ergo tota simul, & indiuisibiliter in Tempore produceretur, ergo potest habere ultimum sui non esse.

Si dicas, quod Deus non posset formam substantialem producere in tempore, Hoc est contra principium Sco. loco cit; ubi habet quicquid Deus potest producere simul in instanti, potest simul producere in tempore, quia non repugnat ex parte formæ, quia forma est indiuisibilis; ergo non ex parte Dei, aliter Deus non esset omnipotens.

Si dicas, quod non repugnat formæ quantum ex se, repugnat tamen formæ indiuisibili fieri in Tempore, hoc est gratis dictum, quia si indiuisibile existit in Tempore indiuisibiliter, etiam ei non repugnabit in Tempore indiuisibiliter fieri, Euum enim, Euiternum est indiuisibile, & tamen in Tempore indiuisibiliter existit, idem enim est modus essendi, & fieri rerum indiuisibilium.

Præterea principaliter contra conclusionem ad hominem. Gratia per Adversarios Scotistæ est forma indiuisibilis, diuisibilis tamen secundum gradus, & potest in Tempore produci; ergo indiuisibile potest incipere in tempore, & habere ultimum sui non esse, quod est principale intentum in conclusione.

Eff

Præ-

Consut. 2.

Consut. 2.  
eorum opi  
nio princ  
paliter.

Tacite re  
sponiones  
confutan  
tur.

Consut 3.  
ad homi  
nem.

*Confut. 4.*

Præterea permanentia, quæ producuntur, & corrumpuntur in instanti, potest Deus producere & destruere in tempore ex Sco. quolib. 12. l. sed indiuisibilia producuntur, & destruuntur in instanti; ergo potest Deus indiuisibilia producere, & destruere in tempore; ergo indiuisibilia possunt incipere in Tempore, & habere vltimum sui non esse, sicut & vltimum sui esse, & hoc quia, (vt inquit Sco.) non includit contradictionem.

*Sententia Auctoris. Caput Secundum.*

*Indiuisibilia possunt per potentiam Dei incipere in Tempore, & per vltimum sui non esse.*

Est Sco. quol. 12. l. & 2. d. 5. q. p. H.  
& 3. d. 3. q. p. A. B.

**P**ro cuius declaratione Not. primò hic non esse sermonem de raptim transeuntibus, vt mutata esse, mutationes, & instantia, sed de indiuisibilibus, quæ permanere possunt, vt sunt Angeli, Anima, Gratia & cætera huiusmodi, quæ etiam secundum aduersarios possunt desinere per vltimum sui esse, in quo verum sit dicere: Nunc indiuisibile est, & immediate post hoc non erit, quia à Deo possunt in toto Tempore conseruari v. g. vnus horæ, & in instanti immediate sequenti, sed dubium est de inceptione per potentiam Dei absolutam, An scilicet possit in Tempore incipere, vnde quod sit verum dicere: Indiuisibile nunc vltimò non est, & immediate post hoc erit in tempore sequenti.

Secundò Not. est ex Sco. 3. d. 3. q. p. B. quòd est Imperfectionis agere necessario in Tempore, quomodò agit agens naturale, quod si potest aliquam formam subito producere, agit in instanti, & per mutationem, si vero non potest

potest subito inducere formam, agit in Tempore & per motum, & hoc quia non potest agere in materiam nudam, & affectam contraria forma, & accidentibus contrariis formæ inducendæ, & ideo præuia alteratione, quæ fit in Tempore propter imperfectionem agentis naturalis; Dici tamen potest, quod si in aliquo instanti materia esset ultimò disposita, & ignis v.g. immediate esset materiæ applicatus, in Tempore produceret in tali materia formam ignis indiuisibiliter, & totam simul, quia forma ignis est indiuisibilis, & ignis est agens naturale, & non impeditur necessario agere in Tempore non necessario & ex sua libertate, sicut Deus si produceret formam indiuisibiliter in tempore, quam in instanti posset producere.

Tertiò Not. quod Deus produciens indiuisibile in Tempore, vt Angelum, Animam, gratiam, & cetera huiusmodi nullo modo successiue produceret, nec ratione producti, quod esset indiuisibile, nec ratione propriæ durationis, quæ esset Euum, quod est indiuisibile, sed solum successiue produceret ratione mensuræ extrinsecæ, & Temporis, in quo produceretur; Esset enim sensus, quod Deus produceret indiuisibile in tempore, quod est successiuum; Et licet dicat Sco. 4. d. 43 q. 5. S. de secundo, formam substantialem, quæ est indiuisibilis successiue produci posse intelligitur vel ratione præcedentium dispositionum, vel ratione temporis, in quo produci potest: Vnde producto indiuisibili in tempore correspondet intrinseca mensura indiuisibilis, quæ est Euum, & hoc indiuisibile indiuisibiliter existens coexistit tempori, & mensuræ successiuæ, quod non repugnat, nam sicut indiuisibile, quod indiuisibiliter coexistit successiuo secundum omnes, etiam quando fit indiuisibiliter in tempore, potest Tempore successiuo coexistere. His Not.

*Indiuisibile  
si produ-  
ctum in tem-  
pore non  
producere-  
tur succes-  
siue.*

Probatur Conclusio omnibus rationibus in primo cap.



positis, potest tamen sic probari, quod producit in instanti habet relationem ad esse præhabitu in Tempore immediate sequenti illud instans; sed respectus est indiuisibilis; ergo indiuisibile de facto est in tempore, ergo potest esse, quia possibili posito in esse nullum sequitur impossibile, minor pater, maior probatur, quia in tempore immediate sequenti res dicitur conseruari sic quod antea non conseruabatur, ergo incipit conseruari in Tempore immediate sequenti ad instans productionis; ergo relatio ad esse præhabitu, quæ est indiuisibilis incipit esse in tempore.

Si dicas quod respectus non habeat propriam productionem, & per consequens proprie non incipit esse hoc nihil officit, quia suo modo incipit esse, nam valet dicere, quod respectus nunc non est, & immediate post hoc erit, & in ipso datur transitus de non esse ad esse.

Si dicas quod hoc verum est in respectiuis, non absolutis est manifestissima fuga, quia absolutum indiuisibile non potest esse in Tempore, vel quia absolutum est, vel vt indiuisibile est; Non primum quia tunc nulla qualitas, & forma posset esse in Tempore, quod est falsissimum apud omnes; ergo secundum Aduersarios non poterit esse in tempore, quia indiuisibile præcisè, cum igitur respectus sit indiuisibilis eo modo debemus speculari quo ad hoc tam de absoluto, quam de relatiuo; Tunc sic; sed non repugnat respectui, qui est indiuisibilis, esse in Tempore, vt probatum est; ergo nec absolutum repugnabit.

*Argum.*

*Meld.*

*Cat.*

Contra Arguunt Meld. & Cat. in principio huius articuli. Primo indiuisibilia quando sunt incipiunt esse, & totaliter sunt, quia carent partibus duratiuis; ergo valet dicere, nunc est instans, antea non erat.

Respondeo concedendo antecedens, & negando consequentiam, quia si indiuisibilia per potentiam Dei inciperent in Tempore, solum valeret dicere, quod nunc vltimò non essent, & immediate post hoc erunt, haberent enim

vlti-

Ultimum sui non esse, sicut & alia temporalia.

Secundò si indiuisibilia inciperent in Tempore, sequeretur quòd vel tempus esset indiuisibile, vel instans haberet partes, quia mensura debet proportionari mensurato.

Respondeo quòd neutrum sequeretur: Et ad probationem dico, quòd mensura intrinseca debet proportionari mensurato, sed negatur de mensura extrinseca, quia sic indiuisibile non posset coexistere tempori, & tempore extrinsecè mensurari: Modò Indiuisibile, quòd inciperet esse in tempore proportionaretur Euo, quòd est indiuisibile, & esset eius intrinseca mensura.

Tertiò est contra rationem formalem indiuisibilium extrinsecè incipere, & fieri in tempore, quia sic non essent indiuisibilia secundum durationem; ergò nec de potentia Dei absoluta possunt extrinsecè incipere.

Respondeo negando antecedens cum sua probatione, quia indiuisibili productò in Tempore correspondet indiuisibilis duratio, quæ est Euum, quare negatur consequentia.

Quartò Arguunt in hac disp. num. 36. sustinentes Sco. esse problematium ed quia oppositam sententiam etiam sustinent 2. d. 2. q. 1. ad primum pro prima opinione, & quolib. 12. art. 2. ubi habet creationem, seu productionem nouam per hoc à conseruatione distingui, quia illa supra respectum ad causam addit respectum ad non esse immediatè præcedens, hæc verò respectum ad idem esse, vt præhabitu: Ex quo postea deducit Creaturam in primo instanti solum propriè dici esse creatam, sed in Tempore immediato conseruari, ergò per Sco. vera creatio, & productio entis indiuisibilis instantanea esse debet, & per consequens Sco. in hoc est problematicus, cum in 2. & 3. sent. locis in principio conclusionis citatis contrarium dicat.

Respondeo quòd Sco. numquam fuit in hoc problematicus, nec ullus Sco. ista inueniet Doctrinam in oppositum,

vtique

*falsificant*, utique in locis ab Aduersarijs citatis dicit creationem de  
*Scotum* facto esse in instanti; sed nunquam dicit esse ita in instanti,  
 quod non possit esse in Tempore, quomodo probat posse  
 esse creationem in Tempore locis in hac conclusione cita-  
 tis: Videatis modo Scotistæ si Sco. dicens creationem, &  
 productionem indiuisibilia esse in instanti, probat non  
 posse esse in Tempore, & si ex hoc potest elici Scotum di-  
 uersimode loqui; Vnde Angelus V. G. creatus in Tempore  
 haberet respectum ad non esse immediatè præcedens illud  
 tempus, in quo tempore recipit esse, quia haberet non esse  
 in instanti, quod esset vltimum non esse illius, per quem  
 respectum diceretur creari, vt creatio differt à conseruatione;  
 Et haberet respectum ad esse præhabitu in tempore  
 immediato ad illud instans; Sicut quando permanens in  
 Tempore successiue producit, prima pars, vel primus gra-  
 dus qualitatæ productus dicit respectum ad non esse imme-  
 diatè præcedens in instanti, quod est vltimum non esse illius;  
 & in tempore sequenti, in quo producit secundus gradus  
 dicitur conseruari, quia dicit respectum ad esse præhabitu  
 in tempore immediato ad vltimum instans non esse illius;  
 sed in qua prima parte temporis pars prima, vel primus gra-  
 dus permanentis dicatur producti, & in qua secunda parte  
 temporis dicatur conseruari, nullus assignabit, quia impos-  
 sibile est assignare, non enim datur in tempore primum &  
 secundum, quia quælibet pars temporis est diuisibilis in  
 infinitas partes: faciunt itaque isti. Scotistæ Scotum pro-  
 blematicum, quia nesciunt respondere huic, & similibus ar-  
 gumentis, quæ fieri solet etiam ab alijs doctoribus, quo-  
 rum doctrinam transcripserunt Scoto contrariam.

Quintò Arguunt argumento aliorum, quod habet ali-  
 quam euidentiā, tali pacto: si indiuisibile, vt Angelus in-  
 ciperet extrinsecè; ergo Angelus inciperet in Tempore;  
 Consequens est falsum; ergo & Antecedens, falsitas con-  
 sequentis probatur, quia Tempus correspondens toti pro-  
 ductioni

ductioni pro ut à conseruatione distinguitur est diuisibile in partes priores, & posteriores; vel ergò productio exercetur in secunda parte, vel non, si secundum, ergò productio non coexistit toti illi tempori; Si primum, vel producitur nouum esse Angeli, vel idem omnino permaneret; Non primum, quia entitas Angelica diuisibilis esset; Si secundum, ergò tunc non producitur, quia de ratione productionis nouæ, prout à conseruatione distinguitur, est, quod ipsa mediante primò communicetur esse rei, & ordinem immediatum dicat ad non esse præcedens, potius igitur conseruatur, cum respicit esse præhabitu, quæ ratio est Arist. 6. phys. cap. 5. ut vidimus in textu. Hoc argumentum facit illos à veritate Sco. recedere, sed si Doctrinam Scorican considerassent, affirmarent nullius esse momenti, & habere eandem difficultatem de permanentibus, qualitatibus, quæ sunt indiuisibiles, diuisibiles tamen secundam gradus, ut est præcipuè gratia, quæ secundum ipsos potest in tempore produci diuisibiliter secundum gradus.

Vnde retorqueo argumentum. Tempus correspondens productioni primi gradus gratiæ, vel alterius qualitatis pro ut à conseruatione distinguitur est diuisibile in partes priores, & posteriores; Vel ergò productio primi gradus qualitatis exercetur in secunda parte temporis, vel non; si secundum ergò productio non coexistit toti illi tempori; Si primum, vel producitur nouum esse illius primi gradus, vel idem omnino permanet; Non primum quia ille gradus esset diuisibilis; si secundum, ergò gradus ille tunc non producitur, quia de ratione productionis nouæ, pro ut à conseruatione distinguitur, est quod ipsa mediane primò communicetur esse rei, & ordinem immediatum dicat ad non esse præcedens, potius igitur ille gradus conseruatur, cum respicit esse præhabitu.

Respondeo igitur, quòd Angelus inciperet in tempore; Et cum probatur, quòd hoc est falsum, dico, quòd non datur

*Retorquetur argū.  
quod sustinent inso-  
lubile.*

tur Tempus correspondens toti productioni Angeli; Supponunt enim vnum falsum, quod destruit totum eius Argumentum, nempe productioni Angeli in tempore correspondere Tempus, in quo primò sit, & hoc est cont. Sco. 2. d. 2. q. 4. §. cont. conclusionem ante A. ubi habet, quod intellectus Angeli potest habere vnâ intellectionem in instanti nostro, & aliam in tempore immediato, & quia Euo mensurantur, idè (inquit ipse) habebunt primum esse in Euo, licet secundæ intellectioni nulla pars prima correspondeat temporis nostri; Est cont. Arist. 6. Phys. cap. 5. quo loci dicunt vidisse argumentum, quia ibi Arist. incessanter probat non dari primam partem motus, nec primam partem Temporis, in qua primò dicatur esse motus, & tempus; frustra est igitur querere in qua parte primò Angelus inciperet esse, cum nulla detur, & cum dicitur (quod est tota vis argumenti) tunc non daretur productio distincta à conseruatione, negatur, quia, vt dictum est, daretur in Angelo relatio ipsius ad Deum cum respectu ad non esse immediate præcedens in instanti immediato, quod esset vltimum instans non esse illius, & daretur respectus ad Deum cum respectu ad esse præhabitu in tempore immediato, qui respectus fundaretur in eodem esse Angeli coexistente temporis posteriori, & terminaretur ad idem esse Angeli coexistens temporis priori, quia licet in tempore non possit dari primum, & secundum, cum sit diuisibile in infinitas partes, est tamen dare prius & posterius.

Et si dicas. Illa pars prior, in qua Angelus dicitur produci, & non conseruari, est diuisibilis in plures partes; ergò productio Angeli erit diuisibilis, nego consequentiam, quia productioni Angeli nulla pars temporis necessario correspondet, sed tantum *Buum*; Non possumus autem intelligere Angelum conseruari, nisi in ordine ad coexistentiam pluribus partibus temporis, & idè si Angelus coexistit temporis vnus horæ, dicitur, quod conseruetur

per

per horam, quia dicit respectum ad esse præhabitu in tempore priori, licet in tempore non possit dari prima pars, in qua primò fiat Angelus, & secunda, in qua immediate dicatur conseruari, quia quælibet pars temporis est diuisibilis in infinitas partes. Videant igitur isti Scotistæ suum doctorem, quia in 2. Sent. loco cit. satisfacit huic argumento, quòd insolubile sustinent contra proprium Magistrum.

Sed stante hac determinata Doctrina Sco. quòd Angelus in tempore possit creari, quæri potest, an tunc posset Angelus raptim transire. Dicerem, quòd sic, quia licet non possumus percipere subitam transitionem Angeli de esse ad non esse melius, quam in instanti temporis, tamen qui Euum, quod est eius mensura, vel duratio, est indiuisibile, cui nulla pars temporis correspondere potest, cum diuisibile non possit correspondere indiuisibili, potest dici quòd Deus tunc eodem modo destrueret Angelum in tempore in diuisibiliter existentem, sicut si existeret in instanti temporis, idèd si in instanti Eui simul, produceretur, & destrueretur, raptim transiret siue existeret in tempore siue in instanti temporis, quæ sunt extrinseca Angelo, & cuicunque indiuisibili; Hoc etiam patet de respectu animæ ad gratiam in tempore productam, qui respectus raptim transiret, loquendo de respectu ad gratiam in fieri, qui aliquo modo diceretur motus, & mutatio, non enim permaneret, quia gratia indiuisibilitet fieret.



## Disputatio Octaua

## de Motu.

**V**ltimum obtinet locum disputatio de motu; licet Arist. in 3. Phys. ante tractatum de infinito loco, Vacuo, & Tempore de ipso sermonem faciat, tamen quia diuersis in locis, & libris Physicis multa de motu differit, videtur Neotericis omnia simul in vna disputatione considerare, ego etiam talem ordinem non desepi, quia bono, & utili non contradico, solum detestor malum, & impugno, multipliciterque articulorum inutilem fugio, plures articulos, qui distinctam non requirunt cognitionem, in vna conclusione resoluo, qui verò independentes se habent, distincte pertractantur, non propter necessitatem doctrinae, sed propter doctrinae distinctionem, & confusionem auferendam.





CONCLUSIO PRIMA.

*Motus formaliter importat respectum subiecti ad formam cum respectu immediate successionis informationis passiva ad non informationem.*

Est Sco. 2. d. p. q. 5. S. T. & 4. d. ij. q. p. E.

*Opinio Aliorum. Cap. Primum.*

**M**Eld. & Cat. disp. 15. Phys. q. p. num. 7. S. Restat igitur &c. dicunt motum formaliter importare successionem formæ ad non esse præcedens, seu respectum informationis, vel etse formæ in subiecto ad non esse immediate præcedens, vnde motus pro materiali secundum istos numero 10 importat formam fluentem, & num. 16. dicunt quod etiam importat pro materiali respectum subiecti ad formam ex Sco. 2. d. p. q. 5. S. T. pro formali vero importat fluxum formæ, qui non est nisi relatio successionis formæ ad non esse immediate præcedens; Vnde ex hac falsa doctrina dicunt 2. quod si motus absolute consideretur, etiam secundum suam essentiam præcisè quocunque modo, & à quocunque sit possibilis in rerum natura, & consequenter vt abstrahit à motu naturali, & supernaturali solum dicit successionem termini ad quem post terminum à quo immediate præcedentem, præcindendo à subiecto quocunque; Et numero nono dicunt quod talis est motus propriissime dictus, quia est conceptus essentialiter inclusus tanquam genus in motu Physico.

Sed hæc opinio nullo modo potest sustineri etiam in uia ipsorum, & multa falsa dicunt innixi huic falso fundamento scilicet quod motus sit fluxus formæ.

Arguo primò ad hominem; Nam ibi num. 5. confutand.

Ggg 2 do

Opinio  
Meld. &  
Cat.

**Confut. 1.** do doctissimum fabrum meum Conciuem determinantem ad hominē motum importare formaliter relationem formæ ad agens, dicunt, quod hoc non potest esse, quia iste respectus est in forma, non in mobili, motus autem est in mobili, quod denominat moueri; Tunc sic, sed iste fluxus formæ & respectus formæ ad non esse immediate præcedens est in forma, non in mobili; ergo iste fluxus, & successio formæ ad non esse immediate præcedens non potest esse, motus.

**Confut. 2.** Secundò. Motus ex Sco. 2. d. 1. q. 5. S. T. dicit tantum respectum materiæ ad formam, & respectum posterioris ad oppositum præcedens; sed fluxus formæ, seu successio formæ ad non esse immediate præcedens nullus est istorum respectuum; ergo fluxus formæ non est formaliter motus; minor probatur, quia prior respectus fundatur in materia, & secundus fundatur in priori respectu ex Sco. loco cit. fluxus autem formæ fundatur in forma; ergo iste fluxus nullus est istorum respectuum importatorum à motu; Ex quo patet Aduersarios malè intelligere Scotum, dum explicant respectum posterioris ad oppositum præcedens, scilicet successionem formæ ad non esse immediate præcedens, quia secundum Sco. ut dictum est, iste respectus posterioris ad oppositum præcedens fundatur in respectu materiæ ad formam, & non in forma.

**Confut. 3.** Tertiò. Si fluxus formæ ad non esse immediate præcedens esset essentialiter, & formaliter motus, sequeretur quod productio, ut distinguitur à conseruatione esset formalissimè motus, quod est falsum, quia secundum Sco. & omnes Scotistas productio distinguitur à conseruatione tantum per istum fluxum, & respectum ad non esse immediate præcedens.

**Confut. 3.** Præterea si motus Physicus esset fluxus formæ in subiecto, sequeretur quod forma mutaretur in subiecto, & non subiectum mutaretur ad formam, quia fluere in subiecto

Et nihil est pertinens ad subiectum formaliter, sed tantum ad formam, quia subiectum, non fuit in subiecto; ergo nullo modo motus proprie dictus potest dicere nec in genere, nec in specie fluxum formæ.

Præterea isti Doctores non bene philosophantur; Nam in hac quæstione prima multoties dicunt formaliter motum esse relationem formæ ad non esse ipsius immediate præcedens, & aliquando esse respectum informationis passivæ ad non formationem, sed quod mihi admirationem parit, est quod in quatuor verbis hanc contradictionem inuoluunt. Attendite verba, quæ habent num. 3. §. Dicimus primo &c. *Dicimus primo nullo ex his modis explicari rectè motus naturalis, & Physici formalitatem, sed motum naturalem formaliter dicere successionem termini ad quem posterioris post terminum à quo priorem immediate præcedentem, non quidem ut sic, sed ut in subiecto, quæ successio (notate) est relatio quadam termini ad quæ in subiecto ad terminum à quo immediate præcedentem, siue sit motus acquisitiuus siue deperditivus; nam si acquisitiuus erit (ecce contradictio) tunc relatio illa, quam dicit respectus informationis passivæ ad non esse ipsius immediate præcedens, motus acquisitiuus dicitur.*

Confut. 4.

Contradictio  
Meld.  
& Cat.

Tunc sic arguo. Dicere motum acquisitiuum forma liter esse relationem termini ad quem ad terminum à quo immediate præcedentem, & esse relationem informationis passivæ ad non esse ipsius immediate præcedens; quæ est relatio fundata in subiecto, est dicere motum acquisitiuum formaliter esse relationem fundatam, & non fundatam in forma; ergo manifestè sibi contradicunt.



Sen-

## Sententia Auctoris . Caput Secundum.

*Motus formaliter imporsat respectum subiecti ad formam  
cum respectu immediate successionis informationis  
passiua ad non informationem*

Est Sco. 2. d. p. q. 5. S. T. & 4. d. ij. q. p. E.

*Motus plu  
res respec  
tus impor  
sat. et quos  
formaliter*

**P**RO cuius declaratione Primò Not. est ex Sco. 2. d. p. q. 5. S. T. quòd in quacunque mutatione naturali reperitur materia, forma, agēs, & compositū ex materia, & forma, & multi respectus scilicet respectus agentis ad compositum productum, & respectus compositi producti ad agens produciens; Respectus materiæ ad formam, & è contrario formæ ad materiam; Respectus materiæ, & formæ ad compositum, & compositi ad materiam, & formam, & omnes isti respectus habent respectum ad sua opposita, scilicet ad non esse eorum immediate præcedens; omnes autem isti respectus sunt ab agente, & idè isti respectus possunt fundare proprios respectus ad agens. Vnde tres respectus videtur dicere mutatio scilicet respectum materiæ ad formam, qui dicitur respectus perfectibilis ad perfectionem, & respectum passiui, seu producti ad agens, seu produciens, & respectum posterioris ad oppositum præcedens; sed loquendo absolute de mutatione, non comparādo ipsam ad agens, mutatio tantum dicit primum & secundum respectum, scilicet respectum materiæ ad formam, & respectum posterioris idest informationis ad oppositum præcedens, scilicet ad non informationem, qui fundatur in respectu, qui est materiæ ad formam, & terminatur ad non esse ipsius præcedens; Et isti respectus concipiuntur per illam diffinitionem motus, cum dicitur mutari est aliter se habere nunc quam prius, *ly se habere exprimit respectum materiæ ad formam*  
sive

siue perfectibilis ad perfectionem; secundum quam se habet; sed aliter *quàm prius* exprimit respectum fondatum in respectu materiæ ad formam.

Secundò Not. quòd motus est duplex, scilicet acquisitiuus, qui est ad formam, & deperditiuus, qui est transitus à forma ad priuationem eiusdem formæ; motus quicunque acquisitiuus est duplex. Naturalis, & supernaturalis: Naturalis est qui fit ab agente creato, & naturali; Supernaturalis est qui fit ab agente increato, & supernaturali; Et quicunque motus potest accipi dupliciter ex Sco. 4. d. 10. q. 6. A. Vno modo, strictè pro acquisitione formæ substantialis, vel quantitatis, vel qualitatis, vel Vbi, ad quas formas solum propriè est motus, Alio modo magis extensiuè pro acquisitione cuiuscunque formæ in generali; Et motus à quocunque fiat, si consideretur in ordine ad formam (relinquendo motum deperditiuum) vel est naturalis, si subiectum ad formam inclinatur, vel violentus, si subiectum habeat contrariam inclinationem ad formam, vel neuter, si subiectum non inclinatur, nec ullam habeat contrariam inclinationem ad formam, vt satis dictum disp. de natura in prima parte philosophiæ, & omnis talis motus potest accipi dupliciter: Vno modo pro materiali, & sic est formaeducta, vel inducta ex Sco. 4. d. 13. q. 1. M. Alio modo pro formali, & sic est respectus subiecti ad formam, vt nouam, seu vt fluentem, & in fieri; Et hic est sermo de motu eo modo, quo Aristoteles loquutus est in 3. Phys. & iste dicit fluxum formæ in subiecto, & cum istius motus tria sint principia ex Arist. primo phys. Materia, forma, & priuatio; motus necessario debet dicere fluxum formæ, in subiecto, qui fluxus non est essentialiter motus, sed necessariò ad motum requisitus, quia ex Sco. 2. d. 3. q. 5. S. T. motus est respectus materiæ ad formam cum respectu immediatè successionis informationis ad non informationem fundato in respectu materiæ ad formam, & terminato ad non informationem.

*Motus multiplex.*

formationem, qui respectus est realis, quia præter intellectum, sed non realis simpliciter, quia est terminatus ad ens negatiuum.

Tertiò Not. quòd motus potest accipi magis latè pro quacunque nouitate, & transitione de non esse ad esse, & sic motus non tantum consistit essentialiter in fluxu formæ, sed etiam consistit in fluxu materiæ, vel compositi, quia quæ producuntur, dicuntur transire de non esse ad esse. Tamen loquendo de motu secundum institutionem, & mentem Arist. & in propria significatione dicimus etiam quòd in fluxu formæ necessariò consistit, non quòd fieri formæ sit essentialiter, & formaliter motus, quia tunc forma mutaretur & non subiectum, quòd est falsum, quia motus est ad formam, & per consequens, quod recipit formam dicitur mutari, sed quia motus formaliter non potest esse sine fluxu formæ, subiectum enim non aliter se haberet ad formam, nisi forma in subiecto fluere; Ex quo patet, quòd quando Sco. 4. d. 12. q. 4. D. & S. ad primum principale, quod subiectum non est de essentia motus, sed fluxus formæ, quia sicuti forma producitur in subiecto, potest à Deo sine subiecto produci, non intelligit de motu propriè dicto, sed impropriè, & lato sumpto vocabulo pro transitione de non esse ad esse, qui fluxus formæ siuè in subiecto siuè extra subiectum ad non esse immediatè præcedens est formaliter productio, vt à conseruatione distinguitur, vt dictum est in primo cap. contra Aduersarios.

Quartò Not. est ex Sco. 4. d. ij. q. p. E. quòd & si mutatio debet intelligere subiectum, quòd mutatur & formam, secundum quam mutatur, & habitudinem subiecti ad formam, tamen ultra istam habitudinem formaliter importat successionem immediatam informationis ad non informationem, & è conuersò respectum non informationis ad informationem, si sit motus deperditiuus, subiectum tamen, & forma sunt materiale in mutatione, sed illorum duorum  
for-

formalius est terminus, & forma, quàm subiectum, idèd dicitur formalius etiam importari, & verius, quàm ille respectus successionis, licet verè ille respectus sit formalior, quia forma vel est absoluta, vel saltem ens positium simpliciter, ille autem respectus successionis est ens positium secundum quid, quia ad ens negatiuum terminatur, Ex quo colligitur quòd aliquid dicitur formalius, quia est verius, & perfectius ens, vt substantia dicitur formalius ens accidente & ens absolutum est formalius, & verius ens relatiuo, & positium negatiuo. Alio modo aliquid dicit formalius, idèst mion habens de materialitate, & minus ens. & est omne illud, quòd vltimatè aduenit subiecto, qualitas enim est formalior quantitate, & relatio formalior qualitate, & qualibet relatio in alia relatione fundata est formalior relatione fundante; Vnde cum motus formaliter importet respectum subiecti ad formam, & respectus immediatè successionis informationis ad non informationem, quæ fundatur in respectu materiæ ad formam, respectus immediatè successionis erit formalior in motu, sed accipiendo formalius pro viori entitate formali, forma erit quid formalius in motu, & est sermo de motu in communi ad substantialem, & accidentalem.

*formalius  
dupliciter*

Quin d Nor. quòd quando subiectum mutatur, forma informat subiectum, vt forma succedit priuationi immediatè. Informatio autem est duplex, actiua scilicet, quæ competit formæ informati, & est relatio formæ informantis ad subiectum informatum, & informatio passiuæ, quæ cõpetit subiecto informato, & est relatio subiecti informati ad formam informantem; Vnde cum dicimus, quòd motus est relatio subiecti ad formam cum respectu immediatè successionis informationis ad non informationem, intelligitur de informatione passiuæ, quæ est ex parte informati, aliter ista immediata successio fundaretur in forma, & non in respectu materiæ ad formam, vt dictum est supra cum Sco. & quia hæc

*informatio duplex  
est quid sit*

Hhh

infor-



informatio passiva, quæ est relatio subiecti ad formam informantem succedit non informationi, respectus immediatæ successionis non fundatur in subiecto, sed in informatione, quatenus succedit suo opposito, scilicet non informationi, quia, ut dictum est cum Sco. quilibet respectus dicit respectum ad suum oppositum; Vnde subiectum dicitur informari, quod prius non informabatur, quia habet respectum informationis passivæ ad formam informantem, quæ informatio passiva succedit non informationi, sicut forma dicitur activè informare subiectum, quod prius non informabat, quia habet respectum informationis activæ ad subiectum, quæ informatio activa succedit suo opposito, scilicet non informationi; Iste autem respectus subiecto ad formam, qui dicitur motus non est diversus à respectu subiecti ad formam in esse quieto, sed est omnino idem ex Sco. 2. d. p. q. 5. T. sed completur per respectum ad non informationem, sicut creatio, & conservatio conveniunt in respectu ad Deum, & sunt unus, & idem respectus, sed differunt essentialiter, & formaliter per respectus ad non esse immediatè præcedens, & ad esse præteritum: His not.

Probatur Conclusio, motus formaliter importat illud, per quod subiectum dicitur formaliter mutari, sed dicitur formaliter mutari per respectum ad formam cum respectu immediatæ successionis informationis ad non informationem; ergo motus formaliter importat tales respectus; minor probatur, quia mutari formaliter est subiectum informari à forma, à qua immediatè non informabatur; ergo motus importat formaliter illos duos respectus.

Præterea illud est formale motus, quo posito & ablato quocunque alio per intellectum ponitur formaliter motus & quo ablato remouetur formaliter motus, sed posito solo respectu materiæ ad formam cum respectu immediatæ successionis.

cessionis informationis ad non informationem, & ablato quocunque alio per intellectum, ponitur formaliter motus & ablato isto duplici respectu, aufertur formaliter motus; ergo motus in illo duplici respectu formaliter consistit; Min. prob. quia motus formaliter est in subiecto recipiente formam; ergo dicit relationem in subiecto ad formam, non ad formam simpliciter, sed ad formam fluentem; ergo dicit respectum informationis ad non informationem.

Contrà hanc conclusionem Arguunt Meld. & Cat. probantes fluxum formæ, seu successionem forme, quæ est re- *Arguunt*  
latio formæ ad non esse ipsius immediatè præcedens esse for- *Meld. &*  
maliter motum. Primò quia ex D. Gregorio 5. Moralium *Cat.*  
mutari est ex alio in aliud ire, & ex 5. Phy. t. 3. motus est tran-  
situs subiecti à termino à quo ad terminum ad quem; ergo  
motus est fluxus formæ, & relatio formæ ad non esse ipsius  
immediatè præcedens.

Respondeo negando consequentiam, immò ex Antecedente oppositū deducitur, quia si motus est transitus subiecti à termino à quo ad terminum ad quē, motus erit formaliter respectus subiecti ad formam succedentem in subiecto & informatio passiva, ut dicit respectum ad non informationem, quia respectus informationis passivæ in subiecto ad non informationem non posset esse, nisi forma succederet in subiecto, Vnde fluxus formæ prærequiritur tantumquam ratio formalis terminandi respectum subiecti ad formam, qui dicitur motus.

Secundò mutari est aliter se habere nunc quàm prius ex 6. Phys. t. 32. per *li se habere* exprimitur respectus subiecti ad terminum ad quem, per *ly aliter nunc quàm prius* explicatur illa immediata successio posterioris termini post priorem expulsum à subiecto, quia aliter dicit relationem terminatam ad terminum præcedentem; ergo fluxus formæ, & relatio formæ ad non esse immediatè præcedens erit formaliter motus.

Hhh 2 Respon-

Respondeo concedendo dictum Arist.; sed nego, quòd ly *aliter se habere nunc quam prius* explicetur fluxus, & successio formæ, sed explicatur successio informationis ad non informationem, quæ utique non potest esse sine fluxu formæ, sicuti respectus non potest esse sine suo termino, & ratione terminandi, utrumque enim respectus præsupponit.

Tertiò arguunt Auctoritatibus Sco 4.d.12.q.4.D.& L. §.ad argumenta, &c. ubi habet quòd non est de essentia motus, quòd sit alicuius subiecti, & loquitur de motu propriè dicto, quia loquitur de speciebus motus, scilicet de rarefactione, & augmentatione, & in 2.d.2.q.4.F. dicit, quòd mutatio est successio formæ ad nō esse immediatè præcedens; ergò motus naturalis erit formaliter successio formæ ad non esse immediatè præcedens in subiecto.

Respondeo, quòd mutatio potest accipi dupliciter, vt in 3.Not. Vno modo pro omni transitu de non esse ad esse, & hæc dicitur mutatio impropria; Alio modo pro transitu subiecti à termino à quo ad terminum ad quem, & hæc dicitur propriè mutatio, vt habetur expressè ex Sco.p.d.17.q.6.in fine §.ad tertium, aliter Arist. impropriè loquutus fuisset de motu; In proposito Sco.loquitur de mutatione impropria, quæ nullo modo distinguitur à formali productione; sed negatur quòd loquatur de mutatione propria, quæ distinguitur à productione; Et cum dicitur, quòd Sco.loquitur de motu proprio, quia loquitur de augmentatione, & rarefactione, qui sunt propriè motus; Dico quòd loquitur de augmentatione, & rarefactione in Sacramento Altaris, quæ non sunt propriè augmentationes, & rarefactiones, sed impropriè, idèò etiam sunt species motus improprii; habet enim Sco.in 4.loco cit. §.ad argumenta hæc verba; *Ad tertium patet quòd aliqua transmutatio alia quam secundum augmentum, vel diminutionem potest esse circa quantitatem, vt diuisio, & con-*

*tinua.*

*Simulatio*, & hoc secundum se, rarefactio autem, & condensatio secundum accidens, & per consequens licet illæ species non possunt augeri, nec minui propriè loquendo, tamen possunt à quantitate minori ad quantitatem maiorem transmutari, & è contrariò, hæc Sco. qui apertè dicit posse esse impropriam augmentationem, & rarefactionem secundum accidens; Tamen si ibi esset propria augmentatio, & rarefactio sine quantitate, & subiecto, quòd videtur impossibile, illa augmentatio, & rarefactio non essent species motus propriè dicti, sed accipiendo motum impropriè pro transitu de non esse ad esse, & sic nihil contra meam conclusionem.

Quartò. Arguo ego pro ipsius magis euidenter. Illud est essentialiter & formaliter motus, quod essentialiter mensuratur tempore; sed fluxus formæ essentialiter mensuratur tempore ex Sco. 2. d. 2. q. 4. B. ergò fluxus formæ est essentialiter, & formaliter motus. *Arguo  
Auctoris*

Respondeo concedendo maiorem; Ad minorem dico; quòd fluxus formæ potest accipi dupliciter; Vno modo pro fieri formæ, siue in instanti, siue in tempore; Alio modo pro respectu subiecti ad formam fluentem; Modo cum Sco. dicit fluxu formæ mensurari tempore essentialiter, intellexit de respectu terminato ad formam fluentem, qui non est, nisi motus. Nam licet in motu successiuo reperiantur plures successiones realiter, & formaliter diuersæ, scilicet successio propria motus, quæ dicit plures respectus sibi inuicem succedentes ad partes formæ fluentis, vt dicitur q. 4. huius disp. datur etiam successio formæ informantis, quæ dicit plures respectus partium formæ informantis sibi inuicem succedentes, & datur successio priuationis secundum partes eius correspondentes partibus formæ; Tamen quia omnes istæ successiones fiunt simul, & successio formæ, & priuationis requiruntur ad successionem motus, videntur integrare vnā totalem successionem motus, qua-

re omne quod essentialiter tempore mensuratur, vel est motus, vel aliquid ad motum pertinens; Negatur tamen Consequentia scilicet quod fluxus formæ sit essentialiter, & formaliter motus, quia diuersus est omnino respectus subiecti ad formam, qui dicitur motus, à respectu fundato in forma, qui dicitur fluxus formæ, tamen motus dicitur fluxus formæ, quia vt dictum est, est respectus terminatus ad formam fluentem, vel est fluxus formæ terminatiuè.

Quintò Arguitur à sustinentibus motum esse aliquid absolutum, nempe formam fluentem eò quia forma dicitur motus, & denominat subiectum moueri; ergo motus dicit quid absolutum.

Respondeo consimiles propositiones intelligi de motu pro materiali non pro formali, forma enim fluens in subiecto dicitur motus pro materiali, denominat materialiter subiectum moueri, sed formaliter motus est respectus subiecti ad formam cum respectu immediatè successiōis informationis ad non informationem, à quo respectu subiectum denominatur formaliter moueri.

Retorquero tamen argumentum si motus dicit formam fluentem; ergo motus potest esse relatiuus, saltem motus ad Vbi, quia Vbi est ens relatiuum.

Sextò Arguunt alii sustinendo motum formaliter includere actionem, & passionem multis auctoritatibus Arist. & præcipuè 4. Phys. r. 23. vbi habet, quod motus est actus eius, quod agere, & pati potest, quatenus tale, & 18. quod motus est actus actiui, & passui; ergo motus formaliter includit actionem, & passionem.

Respondeo ex Sco. 4. d. 13. q. p. I. K. & M. quod ibi Arist. accipi motum pro materiali idest pro forma ad quem est motus, quæ cum sit ab agente dicitur actio, cum in passio recipitur dicitur passio, vt patet ex tex. Arist. in toto illo cap. 4. & maxime in tex. 22. vbi habet, quod actio & passio

passio, accipiendo tamen actionem, & passionem pro respectibus in re acta, seu forma non sunt vnum. & idem, nisi quatenus istæ rationes sunt in actu, & forma, quæ dicitur motus; habet enim hæc verba: *Neque actio cum passione idem proprie est, sed cui insunt hæc, motus, nam huius in hoc & huius ab hoc actum esse ratione diuersum est*; hæc Arist. ex quibus patet quod Arist. loquitur de motu pro materiali, non pro formali, quia idem non potest constitui formaliter ex realitatibus diuersorum prædicamentorum, prædicamenta enim sunt impermixta; quare negatur consequentia.

Septimò Arguitur quod non consistit in respectu materiæ ad formam cum respectu immediatè successionis in formationis ad non informationem, nam antequam illa relatio insurgat præintelligitur subiectum habere formam, & consequenter mutatum, ergo motus in illa relatione non consistit.

Respondent Meld. & Cat. (licet alibi sustineant oppositum, vt patet ex dictis in primo cap. ) ibi num. 17. concedendo formam prius esse in subiecto illa relatione, sed tunc subiectum dicitur mutatum materialiter, non formaliter. Responsio  
Meld. &  
Cat.

Sed hæc Responsio est falsa, quia si hoc esset, sequeretur, quod forma prius esset in esse quieto, quam esset motus formaliter, vel in esse quieto, haberet formalitatem motus, quod est irrationabile; Probatur consequentia, quia quod est mutatum materialiter, habet formam in esse quieto, & si post esse mutatum materialiter, insurgeret relatio, quæ est formalitas motus, tunc subiectum in esse quieto mutaretur. Consi-  
satur

Respondeo itaque negando antecedens, quia antequam insurgat illa relatio præintelligitur subiectum acquirere formam & mutari materialiter, quia quando subiectum habet formam, & est mutatum materialiter, non amplius for-  
ma



ma fluit, sed est in esse quieto, & per consequens fluxus formæ non esset formaliter motus quod est contra Meld. & Cat. in hac quæstione varios, & fluctuantes, quia non rectè considerauerunt Doctrinam, quam à diuersis Doctoribus transcripserunt.

Octauò sequeretur præter materiam, & formam & priuationem dari quartum principium motus, scilicet respectum informationis, quod est suum fundamentum, supra quod proximè fundatur respectus ad non informationem, immò motus non esset actus proximus mobilis, sed ipsius informationis.

*Responsio* Respondent Meld. & Cat. negando sequellam, quia  
*Meld. &* ille respectus informationis non est distinctum principium  
*Cat.* à materia, & forma, quia nec ipse potest intelligi sine materia, & forma, nec motus potest denominare respectum informationis moueri, sed materiam, quia nouitas formæ fit in subiecto; vnde informatio se habet quasi vt ratio fundandi rationem motus in subiecto.

*Confutatur* Sed hæc responsio inuoluit duo falsa. Primum quod respectus informationis non sit distinctum principium à materia, & forma; Nam sequeretur quòd materia, & forma essent tantum vnum principium, & sic non essent tria principia motus, probatur sequella, quia quæ sunt eadem vni tertio, sunt eadem inter se; sed materia, & forma essent eadem in ratione principiandi cum respectu informationis; ergò materia, & forma essent tantum vnum principium, vel sequeretur, quòd ille respectus informationis haberet distinctam rationem principiandi scilicet per modum subiecti, & per modum formæ.

Præterea si illa informatio non esset distinctum principium à materia, & forma, quia (vt dicunt isti) non potest intelligi sine materia, & forma, sequeretur quemcumque respectum terminatum ad materiam, & formam esse principium mutationis, probo, quia illi respectus non possunt

in



intelligi sine materia, & forma, quia relatio non potest intelligi sine suo termino, & sic productio actiua terminata ad formam informantem, actio terminata ad materiam, & omnes respectus fundati in his respectibus essent principia motus.

Secundum falsum, quod inuoluit illa responsio est quod successio fundata in respectu informationis, in qua successione secundum ipsos solum consistit formalitas motus, non denominaret respectum informationis, sed subiectum, quia esset quasi ratio fundandi illam successionem.

Contrà fundamentum denominatur ab illa relatione, quem fundat, ut quod, non ut quo, nec potest esse ratio fundandi; ergò respectus informationis denominabitur à successione, quæ est formaliter motus, nec poterit esse ratio fundandi talem respectum, qui dicitur motus, aliter subiectum diceretur succedere; quæ inconuenientia non sequuntur, ponendo motum formaliter dicere respectum informationis determinatum à respectu immediatæ successione ad non informationem ut dictum est in Not.

Respondeo itaque ad Argumentum negando sequentiam, quia iste respectus informationis est formaliter motus incompletè, quia completur per respectum immediatæ successione informationis ad non informationem; Et cum dicitur quod motus non esset actus proximus mobilis, sed informationis, negatur, quia motus formaliter acceptus non dicit tantum respectum ad non informationem, sed etiam ipsam informationem passiuam, quæ cum sit immediatè in subiecto, motus, est actus proximus ipsius mobilis.

Nonò. Motus est transitus subiecti à termino à quo ad terminum ad quem 5. Phys. t. 3. ergò motus potius debet dicere relationem termini à quo ad terminum ad quem, & sic motus acquisitiuus dicit respectum non informationis

[Responsio  
Auctoris.]

ad informationem immediatè sequentem, deperditius è contrariò respectum informationis ad non informationem subsequentem.

Respondeo. (quicquid dicat Meld. & Car. sibi contradicentes, qui modò dicunt motum formaliter dicere successionem formæ ad non esse ipsius immediatè præcedens, modo dicere successionem terminatam ad priuationem, modò dicere respectum informationis ad non informationem, qui cum sint respectus essentialiter diuersi, tribuunt motui diuersam quidditatem, & formalitatem, negando consequentiam, quia licet subiectum non possit moueri nisi transeat à termino à quo ad terminum ad quem, & per consequens nisi forma succedat priuationi, & subiectum dicatur informari, quòd prius immediatè non informabatur, tamen hæc important diuersos respectus, scilicet materiæ, formæ, & priuationis, vt habent rationem principii in ordine ad motum, respectus fundatos informa, & terminatos ad non esse prius formæ, & ad priuationem, cui immediatè succedit, & respectum subiecti ad formam cum respectu ad non informationem, Modo considerandum est, qui respectus à motu formaliter importatur; dico quòd præcisè respectus subiecti ad formam cum respectu ad non informationem formaliter à motu importatur, quia ex Arist. loco cit; & alibi sæpè motus solum est in subiecto mobili.

Decimò sequeretur, quòd priuatio non esset terminus à quo in generatione, sed ad quem, cum ad ipsius terminetur respectus iste realis secundum quid, forma verò esse terminus à quo.

Respondent Meld. & Car. quòd priuatio esset terminus ad quem in generatione quatenus esset terminus relationis motus, esset tamen terminus à quo generationis, quia ab ipsa ad formam esset transitus.

*Cōfutatur* Sed hæc Responſio est falsa etiam in via ipsorum, qui hic fuit;

sustinent talem respectum realem secundum quid terminari ad non informationem, non informatio autem non est priuatio, sed non esse informationis.

Ideò Respondeo negando sequelam, quia respectus ille realis, secundum quid ultimatè formaliter importatus à motu non terminatur ad priuationem, sed ad non informationem, quæ non informatio est ens simpliciter negatiuum, non priuatiuum, est enim negatio illius relationis, quæ dicitur informatio passiuæ, licet ista non informatio præsupponat in subiecto priuationem formæ, quæ est diuersa negatio, quia priuatio negat formam, quæ potest esse absoluta, non informatio verò negat informationem, quæ solum est relatiua, & relatio.

*Responsio  
Auctoris.*

Vndecimò. Si motus esset ens reale secundum quid; ergò ens reale simpliciter, quale est Tempus, esset mensura entis secundum quid, quod est falsum, quia mensura debet esse homogenea mensurato.

Respondeo (quicquid dicant Meld. & Cat.) quòd sequela præsupponit vnum falsum, nempe quod Tempus sit ens reale simpliciter, quia cum Tempus sit motus primi Cæli, necessariò habebit rationem motus, & pro formali etiam in ratione motus dicit relationem realem secundum quid, & sic erit mensura homogenea mensurato.

Duodecimò. Sequeretur omnem mutationem esse ad relationem, quod est contra Arist. 5. Phyl. t. 10. & 20. sequella patet, quia terminus istius relationis est respectus informationis.

Respondent Meld. & Cat. negando sequelam, quia quòd ultimatè acquiritur per motum, & per se non est illa relatio, sed fundamentum talis relationis, seu terminus, scilicet forma in subiecto.

*Responsio  
Meld. &  
Cat.*

Isti Scriptores rectè negant sequelam, sed falsam adducunt rationem etiam eorum doctrinæ contradicentem, quia iam dixerunt istum respectum fundari in informatio-

*Contradi-  
ctio Meld.  
& Cat.*

ne modò dicunt fundari in forma.

*Responsio  
Auctoris.*

Ideò Respondeo, negando sequellam, solum enim sequitur omnem mutationem esse relationem, quia omnis mutatio dicit illum respectum, sed non illum solum, sed respectum etiam materiæ ad formam, ideò terminus motus est forma, quæ acquiritur; Immò potius sequeretur, quòd terminus motus esset non informatio, & per consequens omnis motus terminaretur ad non informationem, quia talis respectus ad non informationem terminatur; Finis.

### CONCLUSIO SECUNDA.

*Motus formaliter acceptus pro relatione subiecti ad formam in nullo est prædicamento, ut prædicamenta communiter assignantur, sed si prædicamenta in sua Communitate accipiantur, potest probabiliter sustineri quòd sit in genere passionis.*

Elicitur ex Scot. 4. d. 12.  
q. 6. C.

*Opinio Aliorum. Cap. Primum.*

*Opinio  
Meld. &  
Cat.* **M**Eld. & Cat. disp. 15. Phys. q. p. num. 10. breuiter dicunt, quòd si motus accipiat pro respectu subiecti ad formam, est in prædicamento Habitus, sed non probant; Si verò motus formaliter sumatur pro illa successione iam explicata, reducitur ad prædicamentum sui termini.

*Cōfutatur* Sed ista opinio, quæ est secundum communem traditionem prædicamentorum, non videtur vera, quia habitus

his dicitur, quod sit adiacentia eorum, quæ sunt circa corpus ad ipsum corpus, & Arist. in Prædicamentis cap. 5. dat exemplum de armato, & calceato, sed relatio subiecti ad formam non est adiacentia eorum, quæ sunt circa corpus terminata ad ipsum corpus; ergo relatio subiecti ad formam non est in prædicamento habitus.

Si respondeant, vt innuere videntur in Logica disp. 8. q. 12. a. 2. §. In alio igitur sensu &c. cum Boneto in suis prædicamentis, quod per armatum esse, & calceatum esse intellexerunt progenitores nostri quancumque vnionem subiecti ad formam, partium continui, & aliorum confimilium, & hoc secundum Arist. 5. met. 125. vbi rationem habitus sic explicauit; Hoc falsissimum est, quia Arist. ibi non explicat rationem habitus, sed tantum ponit varias illius nominis significationes, inter quas significationes ponit sanitatem, quæ est qualitas, & sic qualitas esset in prædicamento habitus, si Arist. loco cit. rationem habitus explicasset, vt dicitur etiam in Responsione ad argumenta.

*Tacita responsio confutatur.*

Dicunt 2. quod si motus accipiat pro illa successione iam explicata, reducitur ad prædicamentum sui termini; sed quia isti explicant illam successionem modo pro respectu formæ ad non esse ipsius immediate præcedens, modo pro respectu formæ ad præcedentem priuationem, modo pro respectu fundato in informatione, & terminato ad non informationem immediate præcedentem, terminus motus nullo erit prædicamento propriè, cum negationes non habeant proprium prædicamentum, ac propterea contemplandum potius esset in quo prædicamento, vel ad quod prædicamentum istæ negationes reducerentur, igitur hæc successio, quæ est relatio secundum quid potius reducitur ad prædicamentum sui fundamenti, & non sui termini.

*2. dictum Mel. & Cas. conf.*

Si dicant, quod per terminum istius relationis intelligunt

*Tacita responsio conf.*

gunt formam, ad quam est motus, hoc est falsum, quia fluxus formæ non est ad formam, sed motus secundum ipsos est fluxus formæ; ergo non est ad formam.

Præterea motus dicitur esse via ad formam, quia est respectus ad formam fluentem; sed si motus formaliter est tantum ad non esse immediatè præcedens, nullo modo erit ad formam fluentem; ergo forma fluens nullo modo erit terminus motus pro formali, & per consequens nullo modo poterit reduci ad prædicamentum formæ fluentis; sed quia de hoc nullam possumus habere determinatam veritatem, paucis me expedio, & ponam meam sententiam cum Sco. magis probabilem.

*Sententia Auctoris .Caput Secundum.*

*Motus formaliter acceptus pro relatione subiecti ad formam in nullo est prædicamento, ut prædicamenta communiter assignantur; sed si prædicamenta in sua communitate accipiantur potest probabiliter sustineri quod sit in genere passionis.*

Elicitur ex Sco. 4. d. 12. q. 6. C.

**P**ro cuius declaratione Primò Not. ex Sco. 4. d. 10. q. p. infra K quòd non est inconueniens aliquem respectum inueniri, puta respectum Angeli ad lapidem, qui in nullo reponatur prædicamento, quo modo philosophi loquuntur de rationibus eorum, & per consequens quòd decem genera non sufficienter euacuent totum ens, non tamen sequitur plura esse genera, quàm decem, sed quòd rationes eorum, vel ratio alicuius eorum non assignatur sub ratione communi, sicut posset assignari; Vnde motus formaliter, qui est respectus subiecti informati ad formam infor-

informantem in nullo erit prædicamento, vt patebit in probatione conclusionis, non propter hoc statuendum est, aliud prædicamentum, in quo reponatur, sed debemus illum reponere in aliquo prædicamento considerato sub ratione aliqua communiori; sub qua Philosophi tale prædicamentum nõ considerauerunt, & istud est prædicamentum passionis, & sic Sco. loco cit. ampliando rationem actionis, & passionis, dicit, quòd ad genus actionis non tantum pertinet relatio agentis ad passum, sed etiam relatio formæ informantis ad subiectum informatum, & ad genus passionis non tantum pertinet relatio patientis ad agens, sed etiam relatio subiecti ad formam.

Secundò Not. quòd accipiendo motum pro materiali, scilicet pro forma, ad quam est motus, & sic cum motus sit ad substantiam, quantitatem, qualitatem, & Vbi, motus erit in his quatuor prædicamentis; Si verò accipiat formaliter, scilicet pro respectu materiæ ad formam, & sic erit in Prædicamento passionis, non secundum rationem assignatam à Philosophis de Passione pro relatione passi ad agens introducens formam in subiecto, sed pro relatione subiecti ad formam; Quare mea sententia multum distat à sententia Canonici, & aliorum, qui ponunt motum esse in genere passionis, quia accipiunt passionem communiter traditam pro relatione passi ad agens, ego verò accipio Passionem pro relatione subiecti ad formam cum Sco. loco cit. in principio conclusionis, loquendo tamen de motu in communi ad motum substantialem, qui est ad formam substantialem, & ad motum accidentalem, qui est ad formam accidentalem: Motus acceptus pro forma in nullo erit determinato prædicamento, quia forma vagatur per omnia decem prædicamenta, nec est inconueniens, quòd à pluribus diuersorum generum possit abstrahi conceptus communis, vt patet in proposito de conceptu formæ, qui est communis formæ substantiali, & cuicunque formæ acci-

*Motus est in genere passionis diuersimodè tamē à Canonico.*



accidentali, & de conceptu accidentis, qui est communis nouem prædicamentis; Vnde forma in communi, & accidens in communi in nullo determinato genere potest reperiri cont. Meld. & Cat. in hac disp. num. 10. in fine; Si vero motus in communi accipiatur formaliter, scilicet pro respectu subiecti ad formam in communi, tunc motus est in determinato genere, scilicet in genere passionis, non enim inconuenit fundamentum, vel terminum relationis vagari per plura prædicamenta, & relationem in vno determinato genere reponi, vt patet de inhaerentia, quam importat accidens, quæ secundum Sco. 4. d. 12. q. p. C. potest esse in aliquo determinato genere, & denominare plura genera, Relatio etiam creationis est in genere relationis intrinsecus aduenientis, & tamen denominat omnia præter Deum, & Relatio producentis ad productum potest habere terminos diuersi generis, & tamen in genere relationis reponitur. His Not.

Probatur Conclusio quoad primam partem, quia respectus subiecti ad formam ad nullum prædicamentum absolute potest pertinere, vt patet; Nec ad prædicamentum relationis, quia motus est respectus extrinsecus adueniens; Nec ad Actionem, & Passionem, quia isti respectus sunt inter subiectum, & Agens producens formam; Nec ad genus Vbi, quia vbi est relatio circumscriptionis; Nec ad genus Quando, quia dicit respectum rei temporalis ad Tempus; Nec ad genus situs, quia dicit respectum partium locati ad partes loci; Nec ad genus Habitus, quia dicit relationem fundatam in his, quæ sunt circa corpus ad ipsum corpus; ergo motus formaliter acceptus pro respectu subiecti ad formam in nullo erit prædicamento secundum rationem assignatam à Philosophis.

Secunda pars probatur, quia recipere est formaliter pati; sed moueri est recipere formam; ergo moueri est formaliter pati; minor patet apud omnes; maior probatur, quia

quia si subiectum non reciperet formam, subiectum non pateretur.

Confirmatur: Considerato solo subiecto recipiente formam, nullo considerato agente, tunc subiectum dicitur pati, & considerato simul agente dicitur pati ab alio; ergo simpliciter pati non dicit respectum ad agens, sed pati ab alio; ergo sicuti pati formaliter ab alio dicit respectum ad agens, pati simpliciter non dicit respectum ad agens, sed solum ad formam, quam recipit, & secundum quam patitur; ergo recipere est formaliter pati.

Contra Primo à Meld. & Cat. argui potest ex his, <sup>Argum.</sup> quæ habent disp. 8. logicæ q. 12. a. 2. §. In alio igitur sensu, &c. Auctoritate Arist. 5. met. t. 25. ubi explicans rationem habitus, ponit respectum subiecti ad formam, & motum; ergo motus erit in genere habitus. <sup>Meld. & Cat.</sup>

Respondeo negando quod hic Arist. explicet rationem habitus, sed ponit varias huius nominis acceptiones, & significationes, inter quas etiam connumerat dispositionem, & sanitatem; quare si Arist. ibi exprimeret rationem habitus, etiam ratio habitus sanitati conueniret, & sic qualitas esset in genere habitus, quod est ridiculum.

Secundò Arguunt sustinentes motum formaliter acceptum esse in genere quantitatis; Motus, & Tempus sunt unum & idem, sed Tempus est in genere quantitatis; ergo & motus.

Confirmatur quia quod est diuisibile in infinitas partes continuatas per indiuisibilia est in genere quantitatis; sed motus est huiusmodi, quia est diuisibilis in infinitas partes continuatas per mutata esse; ergo motus est in genere quantitatis successiuæ.

Respondeo negando quod Tempus, & motus sit in genere quantitatis; Et ad confirmationem, dico, quod per se diuisibile in infinitas partes continuatas per indiuisibilia, utique est per se in genere quantitatis, sed quod est tale

Kkk per

per accidens, est etiam per accidens in genere quantitatis, modò Tempus, & motus cum sint relationes, & per consequens indiuisibiles, non possunt per se habere partes continuatas, sed tantum per accidens ratione spatii, vel subiecti, quod mouetur, vel formæ, ad quam est motus; Motus igitur, sicut & Tempus, erit diuisibilis per accidens, vt patet ex Arist. 5. met. t. 18. Sed de hoc erit diffusus sermo Deo adiuuante in Metaphisica.

Tertiò arguit Doctissimus Faber Fauentinus theor. 45. cap. 1. sustinens motum pro formali esse respectum formæ ad agens, & per consequens pertinere ad genus relationis. Auctoritate Sco. 4. d. 13. q. p. M. vbi habet, quòd respectus fundatus in motu, scilicet in forma sit respectus ad agens, qui est intrinsecus adueniens.

Respondeo quòd ibi Sco. loquitur de motu pro materiali, qua est forma, quæ forma dicitur actio, & passio, quatenus dicit respectum ad agens, & ad passum, in quo recipitur, & dicit quòd ibi actio, & passio non sunt distincta prædicamenta, quia hæc sunt relationes extrinsecus aduenientes, respectus autem formæ ad agens est intrinsecus adueniens, nego tamen, quòd Sco. dicat talem respectum ad agens esse motum pro formali, sed dicit esse actionem improprie dictam; Vnde respectus fundatus in hoc motu pro materiali ad agens non dicitur formale motus, cum forma possit produci sine subiecto, vel simul cum subiecto, & per consequens sine motu, & quia motus est in mobili, non in forma, idè motus pro formali erit solum respectus subiecti ad formam fluentem.

Et sit dicas quòd formale est illud, quòd fundatur in materiali. Dico, quòd materiale motus non solum est forma, sed etiam subiectum, vt dictum est in Not. 4. primæ Conclusionis, & motus secundum veram acceptionem Arist. cum sit in mobili, accipitur formaliter pro eo, quò mobile denominatur formaliter moueri, respectus autem m  
fun-

fundatus in forma denominat formam ; non mobile.

Quartò . Arguit Canonicus lib. 3. phys. q. p. sustinens motum esse in genere passionis , accipiendo passionem pro respectu passi ad agens eo modo , quo à Philosophis passio communiter diffinitur . Illud quo patiens refertur ad agens est passio ; Sed mobile, quod est patiens refertur ad agens per motum ; ergò motus est passio ; minor probatur , quia mobile , in quantum mouetur , patiens est , & hoc per moueri secundum quod moueri habet respectum ad mouens .

Respondeo concedendo maiorem , & negando minorem ; Et cum probatur , concedo quod mobile in quantum mouetur , patiens est , sed non per respectum ad agens , & mouens , sed per respectum ad formam , qui etiam ponitur in genere passionis , qui respectus dicitur formaliter motus , quare negatur consequentia , scilicet quòd motus sit passio . accipiendo passionem pro respectu subiecti ad agens , conceditur tamen quod sit passio , ampliando genus passionis cum Seco. in principio conclusionis citato , in quo genere ponitur etiam relatio subiecti ad formam , qui dicitur formaliter motus .

Quintò . Moueri est pati ; ergò motus est passio , tener consequentia à coniugatis , idest à concretis ad abstracta .

Respondeo ad Argumentum Canonici , quòd pati potest accipi dupliciter . Vno modo simpliciter , & sic formaliter est respectus subiecti ad formam ; Alio modo pro pati ab alio , & sic formaliter dicit respectum passi ad agens , quatenus ab agente formam recipit ; sic etiam moueri potest accipi dupliciter : Vno modo simpliciter , vt est concretum motus , de quo loquimur ; Alio modo potest accipi pro moueri ab alio ; In proposito concedo , quòd moueri est formaliter pati , & per consequens , quòd motus sit formaliter passio , accipiendo proportionabiliter moueri , & pati , motum & passionem , & sic moueri ab alio est

formaliter pati ab alio, & moueri simpliciter est simpliciter pati, & per consequens motus ab alio erit passio, accipiendo passionem pro respectu patientis ad agens, motus uero simpliciter erit passio simpliciter, quæ solum dicit respectum ad formam, quod gratis concedo, qui respectus utriusque concomitanter habet respectum subiecti ad agens, qui dicitur passio, ut communiter à Philosophis assignatur.

Sexto. Actus, qui sunt eiusdem potentiae non sunt distincti genere, sed passio & motus sunt actus eiusdem potentiae; ergo non sunt distincti genere; maior patet, quia potentiae distinguuntur per actus ex Aristot. secundo de Anima.

Respondeo ad maiorem cum sua probatione quod Aristot. loquitur de operationibus potentiarum animæ, nam potentia intellectiua non potest habere actus genere distinctos, similiter potentia uisuiua, &c. & illa propositio. Potentiae distinguuntur per actus, ualeat de distinctione accidentali, non essentiali, quia actus non sunt de essentia potentiarum. Non autem loquitur de actu scilicet de forma tam absoluta, quam relatiua, quia sic eadem potentia passiuua potest habere plures actus genere distinctos, patet enim quod potest recipere formam absolutam, & simul relatiuam, immo plures habere relationes genere distinctas, ut idem subiectum potest simul habere relationem Paternitatis, actionis, passionis, & alias relationes alterius generis; Tamen concessa maiori, & minori, nihil contra me, quia utique sustineo, quod motus sit in genere passionis, non tamen quod sit relatio patientis ad agens, sed relatio subiecti ad formam.

Septimò Arist. 5. phys. c. 10. dicit quod ad actionem, & passionem non est motus, quia sic ad motum esset motus, ergo motus esset passio.

Respondeo quod hoc argumentum probat contra ipsum Canonicum, quod motus etiam sit actio, dico tamen quod

quod idem propositio Arist. est vera, quia motus præsupponit, vel saltem concomitanter habet actionem, & passionem, quæ est respectus ad agens, unde si ad actionem, & passionem esset motus, tunc consequenter etiam ad motum esset motus, non quod motus sit actio, vel passio formaliter, sed quia sunt respectus concomitantes motum, & sic negatur consequentia.

Octauo. Passio diffinitur ab Auctore sex principiorum quod sit effectus, illatioque actionis, & hoc immediatè, sed motus est immediatè illatus ab agente, ergo motus est passio.

Respondeo quod passio dicitur effectus actionis, non quia producat ab actione, sed dicitur inferri ab actione, quia consequitur ad actionem, sicut quælibet relatio infertur à relatione opposita, quando sunt relationes mutue; Ad minorem, nego, quod hoc modo motus inferatur ab actione, quæ sit relatio agentis ad passum, sed bene inferitur ab actione, quæ est relatio formæ informantis ad subiectum informatum, ampliando cum Sco. genus actionis.

Ex quibus patet quod motus distinguitur realiter, & formaliter à termino, scilicet à forma, & ab actione, & passione, ut de istis generibus loquuntur communiter Philosophi, quia si motus non est nec actio, & passio talis, nec forma, sed respectus subiecti ad formam cum respectu immediatè successionis informationis ad non informationem, & quod possit esse forma sine subiecto, & forma, actio, & passio sine mutatione, ut si forma simul crearetur cum materia, tunc esset respectus subiecti ad agens, & è conuerso, & esset forma, & tamen non esset mutatio ex Sco. 4. d. 43. q. 5. K. Unde non formo de hac re aliquam conclusionem, non ex necessitate doctrinæ, sed ex distinctione, & facilitate intellectus, nè idem sæpius inaniter, & sine utilitate repetatur.

*Non var iā  
tur articuli  
qui ex di-  
ctis diluc-  
dantur.*

CON-



## CONCLUSIO TERTIA.

*Motus rectè diffinitur ab Arist. cum dicitur  
Motus est actus entis in potentia,  
quatenus in potentia.*

*Opinio Aliorum. Cap. Primum.*

*Opinio  
Meld. &  
Cat.*

**M**Eld. & Cat. disp. 15. phyl. q. 4. num. 25. dicunt quod per actum intelligitur respectus subiecti ad formam, & accipitur actus abstractiue, vt possit ab aliis particulis coarctari, & dicunt explicationem huius particulæ colligi ex Sco. 4. d. ii. q. p. E. & d. 12. q. 4. §. ad argumenta, & 2. d. p. q. 5. T.

*Falsificat  
Sco.*

Sed isti Scriptores in primis falsò deducunt explicationem huius particulæ *Actus* à Sco. locis cit. vbi Sco. nullam mentionem facit de hac diffinitione, nec verbum quidem habet de motu, quod sit actus, sed tantum dicit in primo, & vltimo locis cit. motum dicere respectum subiecti ad formam, & in 4. d. 12. q. 4. ad argumenta, nec loquitur de motu proprio, nec explicat diffinitionem motus, solum in 2. d. p. q. 5. T. explicat diffinitionem illam: moueri est aliter se habere nunc quam prius: Vtique explicatio illius particulæ *Actus* potius elicitur à Sco. p. d. 5. q. 2. E.

*Non potest  
sustineri  
in via ip-  
sorum.*

Præterea licet per ly *actus* intelligatur respectus subiecti ad formam; non potest tamen sustineri in via ipsorum; Nam motus secundum ipsos, vt dictum est in prima conclusione, solum importat fluxum formæ, seu successionem formæ ad non esse ipsius immediate præcedens; sed actus in hac diffinitione formaliter importatur, quia se habet veluti genus, quod contrahitur per alias particulas in diffinitione positas, ergò actus non potest dicere secundum ipsos respectum subiecti ad formam.

Con-



Confirmatur, quia ille respectus subiecti ad formam est materialiter motus secundum ipsos, ut dictum est in prima conclusione; ergo non potest formaliter importari per actum in ista diffinitione positum, qui formaliter explicat motum, & non ponitur tanquam additum, sed tanquam essenziale potentiale, & genus.

Secundo dicunt, quod per ly *entis in potentia* intelligitur subiectum, & recte, sed non potest in Doctrina ipsorum sustineri; Nam dicunt motum pro formali esse fluxum formæ, & esse respectum formæ ad non esse ipsius immediate præcedens; Vnde ipsi num. 27. arguendo contra illos, qui dicunt motum esse actum termini, arguunt tali pacto. Motus non potest esse actus termini, quod enim actuatur aliud, est in illo; Tunc sic arguo; Sed per vos motus formaliter est in forma; ergo est actus formæ, non subiecti, & sic arguendo alios, seipsos repræhendunt.

*Explicatio parti-  
cula non  
potest susci-  
pere in via  
ipsorum.*

Tertio dicunt quod per ly *quatenus in potentia* explicatur respectus ad priuationem immediate præcedentem, sed hoc est falsum, quia si per vos ens in potentia significat subiectum potentiale, & non denotat respectum ad non esse immediate præcedens; ergo nec per ly *quatenus in potentia*, quia secundum Sco. quolib. 3. & per vos ly *quatenus* specificat rationem subiecti, sub qua mouetur; ergo specificat potentialitatem; Sed potentialitas per vos non explicat illum respectum; ergo potentialitas specificata minus illum respectum significabit.

*3. dictum  
Meld. &  
Cat. conf.  
1.*

Præterea ad hominem; Nam si subiectum cum forma crearetur, adhuc daretur actuatio entis possibilis, & tamen non esset sub priuatione formæ; Hęc maior est ipsorum in hac disp. num. 31. sed non esset actus potentialis quatenus est in actu, sed quatenus est potentiale; ergo per ly *quatenus* potentiale, quod idem est ac esse in potentia secundum ipsos loco cit. non potest exprimere respectum ad priuationem, quia tunc illud subiectum, quod esset sine pri-

*Confut. 2.  
ad hominē*

priuatione, præcederet formam cum priuatione, quod est contradictio, sed hoc prouenit, quia nesciunt distinguere potentiale ab esse in potentia, quia utique materia, quæ simul creatur cū forma, esset potentiale illius formæ, quia materia est per se potentia, sicut forma est per se actus, sed non esset in potentia ad illam formam, quia illam haberet, solum enim subiectum, quod est per se potentiale est in potentia ad formam, quam non habet.

*4. dictum* Quartò. Dicunt in hac disp. q. 5. quod hæc definitio  
*Metd. &* competit operationibus animæ, & probant num. 37. §. 3.  
*Cat.* multo magis &c. quia sunt materiales, & verè anima per illas dicitur actuari, quatenus erat in potentia.

*Cõsuetur.* Sed hoc est falsum, quia motus est respectus subiecti ad formam, vt dicit respectum ad priuationem secundum ipsos, & generaliter secundum Scotistas motus est formaliter ens relatiuum; sed operatio animæ est ens absolutum; ergò operatio animæ non potest esse formaliter motus; ergò definitio motus non potest operationibus animæ conuenire.

*Inuvalida-  
tur eorum  
probatio.* Præterea eorum probatio non est ad propositum, quia dicunt has operationes esse motus, quia per illas anima actuatur, quatenus erat in potentia; ergò motus est actus subiecti, quatenus erat in potentia, ergò forma in esse quieto est formaliter motus; ergò subiectum quiescens sub forma, mouetur, quia quiescens est illud, quod actuatur à forma, ad quam erat in potentia; Nescio si hoc sit ex indigentia doctrinæ.

\*\*\*

Sen

quia si subiectum non reciperet formam, subiectum non pateretur.

Confirmatur. Considerato solo subiecto recipiente formam, nullo considerato agente, tunc subiectum dicitur pati, & considerato simul agente dicitur pati ab alio; ergo simpliciter pati non dicit respectum ad agens, sed pati ab alio; ergo sicuti pati formaliter ab alio dicit respectum ad agens, pati simpliciter non dicit respectum ad agens, sed solum ad formam, quam recipit, & secundum quam patitur; ergo recipere est formaliter pati.

Contra Primo à Meld. & Cat. argui potest ex his, quæ habent disp. 8. logicæ q. 12. a. 2. §. In alio igitur sensu, &c. Auctoritate Arist. 5. met. t. 25. ubi explicans rationem habitus, ponit respectum subiecti ad formam, & motum; ergo motus erit in genere habitus.

Argum.  
Meld. &  
Cat.

Respondeo negando quod hic Arist. explicet rationem habitus, sed ponit varias huius nominis acceptiones, & significationes, inter quas etiam connumerat dispositionem, & sanitatem; quare si Arist. ibi exprimeret rationem habitus, etiam ratio habitus sanitati conueniret, & sic qualitas esset in genere habitus, quod est ridiculum.

Secundò Arguunt sustinentes motum formaliter acceptum esse in genere quantitatis; Motus, & Tempus sunt vnum & idem, sed Tempus est in genere quantitatis; ergo & motus.

Confirmatur quia quod est diuisibile in infinitas partes continuatas per indiuisibilia est in genere quantitatis; sed motus est huiusmodi, quia est diuisibilis in infinitas partes continuatas per mutata esse; ergo motus est in genere quantitatis successiuæ.

Respondeo negando quod Tempus, & motus sit in genere quantitatis; Et ad confirmationem, dico, quod per se diuisibile in infinitas partes continuatas per indiuisibilia, utique est per se in genere quantitatis, sed quod est tale

Kkk

per

fundatus in forma denominat formam ; non mobile.

Quartò, Arguit Canonicus lib. 3. phys. q p. sustinens motum esse in genere passionis ; accipiendo passionem pro respectu passi ad agens eo modo, quo à Philosophis passio communiter diffinitur ; Illud quod patiens refertur ad agens est passio ; Sed mobile, quod est patiens refertur ad agens per motum ; ergò motus est passio ; minor probatur, quia mobile, in quantum mouetur, patiens est, & hoc per moueri secundum quod moueri habet respectum ad mouens.

Respondeo concedendo maiorem, & negando minorem ; Et cum probatur, concedo quod mobile in quantum mouetur, patiens est, sed non per respectum ad agens, & mouens, sed per respectum ad formam ; qui etiam ponitur in genere passionis, qui respectus dicitur formaliter motus, quare negatur consequentia, scilicet quòd motus sit passio, accipiendo passionem pro respectu subiecti ad agens, conceditur tamen quod sit passio, ampliando genus passionis cum Seco in principio conclusionis citato, in quo genere ponitur etiam relatio subiecti ad formam, qui dicitur formaliter motus.

Quintò, Moueri est pati, ergò motus est passio, tenet consequentia à coniugatis, idest à concretis ad abstracta.

Respondeo ad Argumentum Canonici, quòd pati potest accipi dupliciter. Vno modo simpliciter, & sic formaliter est respectus subiecti ad formam ; Alio modo pro pati ab alio, & sic formaliter dicit respectum passi ad agens, quatenus ab agente formam recipit ; sic etiam moueri potest accipi dupliciter : Vno modo simpliciter, vt est concretum motus, de quo loquimur ; Alio modo potest accipi pro moueri ab alio ; In proposito concedo, quòd moueri est formaliter pati, & per consequens, quod motus sit formaliter passio, accipiendo proportionabiliter moueri, & pati, motum & passionem, & sic moueri ab alio est

tormaliter pati ab alio, & moueri simpliciter est simpliciter pati, & per consequens motus ab alio erit passio, accipiendo passionem pro respectu patientis ad agens, motus uero simpliciter erit passio simpliciter, quæ solum dicit respectum ad formam, quod gratis concedo, qui respectus utrique concomitanter habet respectum subiecti ad agens, qui dicitur passio, ut communiter à Philosophis assignatur.

Sexto. Actus, qui sunt eiusdem potentiae non sunt distincti genere, sed passio & motus sunt actus eiusdem potentiae; ergo non sunt distincti genere; maior patet, quia potentiae distinguuntur per actus ex Aristot. secundo de Anima.

Respondeo ad maiorem cum sua probatione quod Aristot. loquitur de operationibus potentiarum animæ, nam potentia intellectiua non potest habere actus genere distinctos, similiter potentia uisua, &c. & illa propositio. Potentiae distinguuntur per actus, valet de distinctione accidentali, non essentiali, quia actus non sunt de essentia potentiarum. Non autem loquitur de actu scilicet de forma tam absoluta, quam relatiua, quia sic eadem potentia passiuua potest habere plures actus genere distinctos, patet enim quod potest recipere formam absolutam, & simul relatiuam, immo plures habere relationes genere distinctas, ut idem subiectum potest simul habere relationem Paternitatis, actionis, passionis, & alias relationes alterius generis; Tamen concessa maiori, & minori, nihil contra me, quia utique sustineo, quod motus sit in genere passionis, non tamen quod sit relatio patientis ad agens, sed relatio subiecti ad formam.

Septimo Arist. 5. phys. 1.6. dicit quod ad actionem, & passionem non est motus, quia sic ad motum esset motus, ergo motus esset passio.

Respondeo quod hoc argumentum probat contra ipsum Canonicum, quod motus etiam sit actio, dico tamen quod

quod idèd propositio Arist. est vera, quia motus præsupponit, vel saltem concomitanter habet actionem, & passionem, quæ est respectus ad agens, vnde si ad actionem, & passionem esset motus, tunc consequenter etiam ad motum esset motus, non quod motus sit actio, vel passio formaliter, sed quia sunt respectus concomitantes motum, & sic negatur consequentia.

Octaud. Passio diffinitur ab Auctore sex principiorum quod sit effectus, illatioque actionis, & hoc immediatè, sed motus est immediatè illatus ab agente, ergo motus est passio.

Respondeo quod passio dicitur effectus actionis, non quia producatur ab actione, sed dicitur inferri ab actione, quia consequitur ad actionem, sicut quælibet relatio inferitur à relatione opposita, quando sunt relationes mutua; Ad minorem, nego, quod hoc modo motus inferatur ab actione, quæ sit relatio agentis ad passum, sed benè inferitur ab actione, quæ est relatio formæ informantis ad subiectum informatum, ampliando cum Sco. genus actionis.

Ex quibus patet quod motus distinguitur realiter, & formaliter à termino, scilicet à forma, & ab actione, & passione, vt de istis generibus loquuntur communiter Philosophi, quia si motus non est nec actio, & passio talis, nec forma, sed respectus subiecti ad formam cum respectu immediatè successionis informationis ad non informationem, & quod possit esse forma sine subiecto, & forma, actio, & passio sine mutatione, vt si forma simul crearetur cum materia, tunc esset respectus subiecti ad agens, & è conuerso, & esset forma, & tamen non esset mutatio ex Sco. 4. d. 43. q. 5. K. Vnde non formo de hac re aliquam conclusionem, non ex necessitate doctrinæ, sed ex distinctione, & facilitate intellectus, nè idem sæpius inaniter, & sine utilitate repetatur.

*Non variatur articulus qui ex dictis dilucidatur.*

CON:



## CONCLUSIO TERTIA.

*Motus recte diffinitur ab Arist. cum dicitur*

*Motus est actus entis in potentia,*

*quatenus in potentia.*

*Opinio Aliorum: Cap. Primum.*

*Opinio* **M**eld. & Cat. disp. 15. phys. q. 4. num. 25. dicunt quod per actum intelligitur respectus subiecti ad formam, & accipitur actus abstractiue, ut possit ab aliis particulis coarctari, & dicunt explicationem huius particulæ colligi ex Sco. 4. d. ii. q. p. E. & d. 12. q. 4. §. ad argumenta, & 2. d. p. q. 5. T.

*Falsificat* *Sco.* Sed isti Scriptores in primis falso deducunt explicationem huius particulæ *Actus* à Sco. locis cit. ubi Sco. nullam mentionem facit de hac diffinitione, nec verbum quidem habet de motu, quod sit actus, sed tantum dicit in primo, & ultimo locis cit. motum dicere respectum subiecti ad formam, & in 4. d. 12. q. 4. ad argumenta, nec loquitur de motu proprio, nec explicat diffinitionem motus, solum in 2. d. p. q. 5. T. explicat diffinitionem illam: moueri est aliter se habere nunc quam prius: Vtique explicatio illius particulæ *Actus* potius elicitur à Sco. p. d. 5. q. 2. E.

*Non potest* *sustineri* *in via ipsorum.* Præterea licet per ly *actus* intelligatur respectus subiecti ad formam, non potest tamen sustineri in via ipsorum; Nam motus secundum ipsos, ut dictum est in prima conclusione, solum importat fluxum formæ, seu successionem formæ ad non esse ipsius immediate præcedens; sed actus in hac diffinitione formaliter importatur, quia se habet veluti genus, quod contrahitur per alias particulas in diffinitione positas, ergo actus non potest dicere secundum ipsos respectum subiecti ad formam.

Con.



Confirmatur, quia ille respectus subiecti ad formam est materialiter motus secundum ipsos, ut dictum est in prima conclusione; ergo non potest formaliter importari per actum in ista definitione positum, qui formaliter explicat motum, & non ponitur tanquam additum, sed tanquam essentiale potentiale, & genus.

Secundò dicunt, quòd per ly *entis in potentia* intelligitur subiectum, & rectè, sed non potest in Doctrina ipsorum sustineri; Nam dicunt motum pro formali esse fluxum formæ, & esse respectum formæ ad non esse ipsius immediate præcedens; Vnde ipsi num. 27. arguendo contra illos, qui dicunt motum esse actum termini, arguunt tali pacto. Motus non potest esse actus termini, quòd enim actuatur aliud, est in illo; Tunc sic arguo; Sed per vos motus formaliter est in forma; ergò est actus formæ, non subiecti, & sic arguendo alios, se ipsos reprehendunt.

Explicatio. particula non potest sustinere in via ipsorum.

Tertiò dicunt quòd per ly *quatenus in potentia* explicatur respectus ad priuationem immediate præcedentem, sed hoc est falsum, quia si per vos ens in potentia significat subiectum potentiale, & non dehorat respectum ad non esse immediate præcedens; ergò nec per ly *quatenus in potentia*, quia secundum Sco. quolib. 3. & per vos ly *quatenus* specificat rationem subiecti, sub qua mouetur; ergò specificat potentialitatem; Sed potentialitas per vos non explicat illum respectum; ergò potentialitas specificata minus illum respectum significabit.

3.<sup>a</sup> dictum Meld. & Cat. conf. 1.

Præterea ad hominem; Nam si subiectum cum forma crearetur, adhuc daretur actuatio entis possibilis, & tamen non esset sub priuatione formæ; Hec maior est ipsorum in hac disp. num. 31. sed non esset actus potentialis quatenus est in actu, sed quatenus est potentiale; ergò per ly *quatenus* potentiale, quod idem est ac esse in potentia secundum ipsos loco cit. non potest exprimere respectum ad priuationem, quia tunc illud subiectum, quod esset sine pri-

Confut. 2. ad hominē

priuatiōe, præcederet formam cum priuatiōe, quod est contradictio, sed hoc prouenit, quia nesciunt distinguere potentiale ab esse in potentia, quia utique materia, quæ simul creatur cū forma, esset potentiale illius formæ; quia materia est per se potentia, sicut forma est per se actus, sed non esset in potentia ad illam formam, quia illam haberet, solum enim subiectum, quod est per se potentiale est in potentia ad formam, quam non habet.

*Ad dictum  
distid. &  
Cat.*

Quartò. Dicunt in hac disp. q. 5. quod hæc diffinitio competit operationibus animæ, & probant num. 37. §. 3. multo magis &c. quia sunt materiales, & verè anima per illas dicitur actuari, quatenus erat in potentia.

*Cōsuatur.*

Sed hoc est falsum, quia motus est respectus subiecti ad formam, ut dicit respectum ad priuatiōem secundum ipsos, & generaliter secundum Scotistas motus est formaliter ens relatiuum; sed operatio animæ est ens absolutum; ergo operatio animæ non potest esse formaliter motus; ergo diffinitio motus non potest operationibus animæ conuenire.

*Inuvalida  
tur eorum  
probatio.*

Præterea eorum probatio non est ad propositum, quia dicunt has operationes esse motus, quia per illas anima actuatur, quatenus erat in potentia; ergo motus est actus subiecti, quatenus erat in potentia, ergo forma in esse quieto est formaliter motus; ergo subiectum quiescens sub forma, mouetur, quia quiescens est illud, quod actuatur à forma, ad quam erat in potentia; Nescio si hoc sit ex indigentia doctrinæ.

■■■■■■■■■■

SEN

*Sententia Auctoris .Caput Secundum.*

*Motus rectè diffinitur , cùm dicitur  
Motus est actus entis in potentia,  
quatenus in potentia.*

**P**Ro cuius declaratione Not. primò ex Sco. 2. d. 1. q. 2. A. & 3. d. 3. q. p. E. quòd quando opposita comparantur ad idem secundum ordinem naturæ, non simul ambo insunt, sed tantum alterum illorum inest, ut priuatio, & forma comparantur ad eandem materiam ordine naturæ, & idè non simul sunt in materia, sed tantum alterum istorum inest, priuatio tamen prius natura semper est in materia ipsa forma, & hoc dupliciter scilicet positiuè, vel priuatiuè; Aliquod dicitur prius natura positiuè, quod inest alteri, & prior est entitas eius, quam illa, quæ dicitur posterior natura, & sic priuatio diceretur prius natura esse in materia positiuè, quando prius esset in materia, in qua non esset forma; Aliquod dicitur esse prius natura priuatiuè, quod scilicet non inest ei, cui dicitur primò conuenire, sed inesset, nisi per aliud impediretur, ut si in eodem instanti, in quo priuatio esset nata in esse materiæ, ab agente introduceretur forma sibi opposita, non simul essent in materia priuatio, & forma, quia opposita non possunt esse simul, sed priuatio diceretur inesse prius natura, quam forma opposita priuatiuè, idest prius natura priuatio esset in materia, nisi impediretur ab agente introducente formam in materia, in qua semper quantum est ex se inesset priuatio.

*Prius na-  
tura dupli-  
citer.*

Secundò Not. ex Sco. pluribus in locis, & præcipuè in 4. d. 43. q. 5. G. H. I. K. quod in quacunque mutatione subiectum debet præcedere duratione, vel instantanea, vel temporali terminum, ad quem est motus, quia quicumque mo-

LI

tus

*Falsū di-  
ctum Mel.  
& Cat.*

tus est transitus à priuatione ad formam, quæ in eodem instanti non possunt esse, ideò necesse est quòd in subiecto præcedat priuatio in aliquo instanti temporis, vel in aliquo tempore ipsam formam, ad quam est motus; Ineptè igitur dicunt Meld. & Cat. in hac cisp. q. 2. num. 19. ex Sco. ad mutationem requiri successionem temporaneam esse post non esse, & non sufficere esse tantùm naturæ præcedens; Nam Sco. nullibi hoc dicit, quia si non esse, & priuatio præcederet formam prioritate naturæ positiuè, tunc sufficeret ista successio de non esse ad esse ad mutationem, quia tunc est mutatio ex Sco. loco cit. quando subiectum transit de priuatione ad formam, si igitur priuatio esset prius natura forma positiuè, tunc subiectum transiret de priuatione ad formam, & per consequens mutaretur, & ponit exemplum Aug. 2. confels. quòd si forma creatur simul cum materia, quodammodo prioritatis creatur materia priusquam forma; In illo priori materia non habet respectum ad Deum nisi producti ad producentem, & ille respectus non est extrinsecus adueniens, immò necessariò, consequens naturam fundamenti, in secundo instanti naturæ recipit formam à Deo, & ille respectus non est eius, vt producti ad Deum, vt producentem, sed est eius, vt informati ad Deum, vt in.fermantem, seu vt imprimentem formam, & ille secundus respectus extrinsecus aduenit materiæ, quia posset perpetuò materia manere, Deo conseruante, sine illo respectu receptionis à Deo; forma ergò illa simul durante concreata est in materia, sed posterius natura inducitur, vel imprimitur in materia passione de genere passionis, sed sine omni mutatione, quia nunquam materia à priuatione illius formæ transit ad formam, nec breuiter, aliter se habet secundum eam, quia aliter, & aliter præsupponunt entitatem; ex quibus patet, quòd si priuatio posset præcedere natura ipsa forma tunc subiectum posset transire de priuatione ad formam, & posset

posset subiectum aliter, & aliter se habere secundum formam, & sic posset mutari, quia tamen priuatio non potest in subiecto præcedere solum natura ipsam formam, sed duratione, idèd dicitur, quòd subiectum debet necessariò præcedere duratione formam ad hoc, vt possit moueri, in mòd si posset esse transiens de priuatione ad formam in minori prioritare, quam sit prioritas naturæ, tunc ibi posset esse motus, vel mutatio, quæ consistit solum in transitu de priuatione ad formam, siue iste transitus possit fieri in tempore, siue in instanti temporis, siue in instanti naturæ.

Tertiò Not. quòd in hac diffinitione ly *actus* accipitur pro respectu subiecti ad formam, à quo respectu subiectum dicitur actuari, quòd prius non actuabatur, quia dicitur nunc actualiter moueri, quod prius non mouebatur, & non intelligitur forma, ad quam est motus, quia licet subiectum dicatur actuari à forma, quam recipit, quia forma, quæ est terminus motus, dicitur actus, omnis enim forma est actus, ramen non dicitur formaliter talis actus, per quem subiectum dicatur formaliter moueri, sed dicitur actus terminans relationem, quæ relatio dicitur motus, per quam subiectum dicitur formaliter mutari, & formaliter actuari, vt mobile, qui respectus subiecti ad formam habet in hac diffinitione rationem generis, contrahitur verò per respectum ad non esse ipsius immediatè præcedens; Vnde differunt productio, & mutatio ex Sco. p. d. 5. q. 2. E. quòd productio est respectus producti ad producens, mutatio verò est actus mobilis, scilicet respectus subiecti ad formam, & ibi per mobile intelligitur quodcumque, quod potest recipere formam, & est materia in communi ad materiam primam, & secundam; Concomitatur autem mutatio productionem in Creaturis propter imperfectionem potentia productiua, quæ non potest dare totale esse termino productionis, sed aliquid eius

præsuppositum transmutat ad aliam partem ipsius, & sic producit compositum; Ideò per *ly actus in potentia* intelligitur subiectum in communi, quòd potest recipere formam in communi ad formam substantialem, & accidentalem, seu ad formam successiuam, & instantaneam, quia hic motus diffinitur, ut est communis ad motum, & mutationem scilicet ad motum instantaneum, & successiuum; Vnde hoc nomen motus generaliter sumptum potest conuenire motui, & mutationi, ut sunt species motus; sed accipiendo motum specificè dicitur tantum de motu accidentali; Item *ly in quantum in potentia* accipitur ex Sco. quol. 3. H. specificatiuè, quia specificat rationem mobilis, secundum quam motus est actus eius, est enim mobile ens in actu tale, & in potentia ad formam, motus est actus mobilis, non quatenus est in actu, sed quatenus est in potentia, mobile enim mouetur, quatenus est in potentia ad formam recipiendam.

Quartò Not. quòd Meld. & Cat. in hac disp. nu. 28. mouent dubium, quomodo subiectum possit dici esse in actu per motum, & per motum adhuc esse in potentia ad terminum; Multas opiniones circa hoc afferunt, & confutant, sed non resoluunt in propria sententia, sed immediatè concludunt num. 31. quòd probabilius est dicere, quòd per *ly* in potentia explicetur respectus ad non esse immediatè præcedens, seu ad priuationem; Hoc est ineptè dictum, quia priuatio non est terminus motus, sed forma etiam secundum ipsos, & subiectum non potest esse per motum in potentia ad priuationem; Non inuenerunt aliquem Doctorem, qui sibi sit auxili. Dico tamen ego cum firmioribus Philosophis, quòd subiectum est in actu per motum, quia per motum dicitur actualiter moueri, & dicitur in potentia ad formam in esse quieto, quia quòd mouetur, nondum habet formam, sed dicitur acquirere formam, & dum acquirat formam, est in potentia ad illam habendam in esse quieto.

*Dictum falsum  
sum Meld.*

*et Cat.*

to, non quod motus sit ratio, per quam subiectum dicatur esse in potentia ad habendam formam in esse quieto, quia subiectum secundum se sine motu est potentiale, sed quia motus dat intelligere, quod subiectum nondum habet formam in esse quieto, quomodo potest illam habere; Ex quibus soluuntur obiectiones, quæ contra hanc de terminationem ipsi faciunt.

Quintò Not. quod duplex est Actus, Imperfectus scilicet & Perfectus; Imperfectus est forma in fieri, & perfectus est eadem forma in facto esse; sic etiam subiectum dicitur esse in potentia ad actum perfectum, & imperfectum, scilicet ad formam in fieri, & in facto esse, subiectum ante motum dicitur esse in potentia ad utrumque, sed dum mouetur non amplius est in potentia ad formam in fieri, sed est in actu imperfecto, & est in potentia ad actum perfectum; Vnde quando dicitur, quod motus est actus entis in potentia, quatenus in potentia, intelligitur ibi potentia subiectiua ad formam in esse perfecto, non ad formam in fieri, quia subiectum, dum mouetur habet formam in fieri, & sic respectus formæ in fieri, est respectus nouus, & immediatus, inquit Sco. & per consequens ille respectus dicit, & fundat alium respectum ad non esse ipsius immediate præcedens, quia fieri immediate succedit ad non esse illius, quod fit; Iste autem respectus entis in potentia ad formam dicitur actus perfectus secundum se, quia habet totum esse, quod sibi competere potest, sed extrinsecè, & rationem termini, scilicet formæ in fieri ad quam sic terminatur, dicitur actus imperfectus, quæ imperfectio explicatur per hoc, quod dicitur, quod est actus entis in potentia, quia actus perfectus est solum actus entis, quod non est, sed quod fuit in potentia. Vnde ly entis in potentia denotat subiectum informari, & non informatum esse, ista autem informatio per formam in fieri non est informatio antiqua, sicuti est informatio per formam in esse quieto.

Duplex est  
actus, &  
quid.



Declara-  
tur diffini-  
tio motus.

quieto, sed dicitur informatio noua, & per consequens immediata ad non esse præcedens; Vnde genus in hac diffinitione est actus, seu informatio passiva, quæ est communis ad informationem perfectam, quæ est per formam in esse quieto, & ad informationem imperfectam, quæ est per formam in fieri, quæ informatio contrahitur tanquam per differentiam, per *ly entis in potentia* ad esse actum imperfectum, scilicet ad informationem imperfectam, & per formam in fieri, & ad denotandum per consequens, quod iste actus est nouus, idest secundum Sco. immediatus ad non informationem, quod est vltimata ratio formalis, & vltima differentia constituens motum in esse motus, vt distinguitur à quocunque alio, quod non est motus, *ly quatenus in potentia* non exprimit, vt dicit Meld. & Cat. respectum ad priuationem præcedentem, sed tantum specificat rationem, sub qua mobile consideratur in motu, quæ ratio, vt dictum est, exprimit respectum ad non esse immediate præcedens, quæ exprimeret talem respectum, etiam si non specificaretur per *ly quatenus in potentia*.

Sextò Not. quod hæc diffinitio data per additamentum, quia data per mobile, quod non est de essentia motus, licet necessariò prærequiritur ad motum, sicut quælibet relatio simpliciter realis præsupponit extrema in esse, est diffinitio motus in communi vniocè competentis mutationi substantiali, & accidentali, vt etiam dicunt Meld. & Cat. qui formant totam vnã quæst. de hac vniocatione, sed non explicant quomodo hæc diffinitio competat motui substantiali, vt ostendant, quod minus dicant in vna totali quæst. quam ego in vno paruo notabili, non ex necessitate, vt ipsi dicunt, sed ex abundantia doctrinæ sine inuiti prolixitate, probant solum per hoc, quod Arist. loquitur indifinitè de motu substantiali, & accidentali, sed non declarant quomodo allata diffinitio

finis motui substantiali competat, quia nesciunt distinguere inter fieri, & factum esse formæ substantialis, quæ indiuisibiliter acquiritur; Dico igitur quòd fieri, & factum esse formæ substantialis, est in eodem instanti temporis, & prius natura est fieri, quam factum esse, idèd subiectum in eodem instanti temporis mouetur, & quiescit, sed prius natura mouetur, quam quiescat, sicut prius natura est fieri, quam factum esse formæ. His Not.

Probatur Conclusio. Illa est bona diffinitio, quæ explicat quidditatem diffiniti, & facit differre illud à quocunque quod non est ipsum; sed hæc diffinitio est huiusmodi; ergò est bona; min. probatur, quia per *ly actus* explicatur genus eius, quod est respectus informationis passiuæ, per *ly entis in potentia* explicatur eius differentia, quæ est respectus ad non informationem, quia ex hoc, quod motus est actus entis in potentia, significatur quòd est actus imperfectus, & per consequens nouus, idèd immediatus ad non esse immediatè præcedens.

Contrà arguitur primò. Hæc diffinitio non competit motui substantiali, & instantaneo, quia talis motus non facit mobile esse in actu, & in potentia ad formam in esse quieto, quia idem est fieri, & factum esse formæ substantialis, & cuiuscunque formæ indiuisibiliter acquisitæ: ergò hæc diffinitio non est bona.

Respondeo negando antecedens, quia licet idem sit fieri, & factum esse formæ substantialis in hoc sensu, quia est in eodem instanti temporis; tamen per motum substantialem indicatur subiectum prius esse in potentia, quam in esse quieto, & quòd forma substantialis, quæ fuit, prius saltem natura introducatur, quam sit introducta, quia prius est fieri, quam factum esse, & hoc est consentaneum doctrinæ Sco. 2. d. 2. q. 12. C. sustentis Angelum posse in eodem instanti moueri de vno loco ad alium (problematicè tamen) & dicit, quòd habet omnia ista ubi ordine quodam.

dam naturæ, inter quæ est ordo potentialis ex natura rei, ex quibus elare deducitur quod subiectum prius natura recipit formam, & est in potentia ad eandem formam in esse quieto, & perfecto.

Secundò Motus nequit diffiniri, quia non est quid vniuocum ex 3. phys. t. 4. ergò non potest diffiniri.

*Responsio* Respondent Meld. & Cat. num. 33. quòd Arist. negat motum esse vniuocum genericum, sed non negat habere conceptum vniuocum.

*Confut.* Sed hæc Responsio est voluntaria, quia Arist. nec affirmat, nec negat motum esse vniuocum, sed tantum dicit motum non esse præter res ipsas, scilicet substantiam, quantitatem, qualitatem, & Vbi, nec dari aliam rem communem istis, præterquam quod sibi manifestè contradicunt, vt dicitur in principio sequentis conclusionis.

*Responsio Auctoris* Respondeo igitur negando, quòd Aristot. ibi dicat motum non esse vniuocum, sed dicit non esse, præter quattuor prædicta prædicamenta, & nullam dari aliam rem, quæ sit communis istis, quia non datur alia res, quæ in prædicamentis non contineatur; Ideò non datur motus in communi, qui sit ad rem non inclusam in prædicamento, nihil autem dicit de vniuocatione motus in communi, quia non negaret conceptum communem motus in communi vniuocum omnibus motibus, & sic falsa est consequentia.

Tertiò probatur, quòd malè ponitur in hac diffinitione ly *actus*; Nam actus, & forma conuertuntur; ergò si motus est actus, erit forma; ergò erit in aliquo determinato genere; Item actus, & potentia sunt termini contrarii; ergò in hac diffinitione male ponuntur.

*Responsio* Respondent Meld. & Cat. quòd actus potest sumi dupliciter, vel fundamentaliter, & est forma, vel formaliter, & est respectus actuantis ad actuabile, seu perfectiui ad perfectibile; Primo modo actus conuertitur cum forma, non secundo

cūdo modo, sed motus, cum sit respectus actuabilis ad actuans, non erit forma, neque erit in determinato genere; Neque actus, & potentia sunt contrarii, vt in hac diffinitione ponuntur, quia mobile non dicitur in actu, & in potentia respectu eiusdem.

Sed hæc Responso est falsa etiam secundum ipsos, quia in hac disp. num. 10. dicunt, quòd motus pro respectu actuabili ad actuans est in prædicamento habitus, quod est euidentissima contradictio, ac per consequens si esse formam competit rei in prædicamento motus erit forma; Item falsum est, quòd mobile non sit in actu, & in potentia respectu eiusdem, quia mobile est in actu per formam in fieri, est verò in potentia ad eandem formam in facto esse.

Idèò Respondeo concedendo antecedens, quia de ratione formæ est esse actum, si non actualiter, saltem aptitudinaliter, & sic concedo, quòd motus sit forma, & per consequens in aliquo determinato genere scilicet in genere passionis, vt dixi cum Scò. in præcedenti conclusione, accipiendo genus passionis in sua communitate, & sic passio non solum dicit respectum patientis ad agens, sed etiam respectum in formati ad formam informantem; Et cum dicitur quòd actus, & potentia sunt termini contrarii, concedo respectu eiusdem, & secundum eandem retionem, & in eodem subiecto; Modò ibi actus inest motui, esse verò in potentia competit subiecto, vtrique idem subiectum est in actu, & in potentia respectu eiusdem formæ, sed secundum diuersam considerationem ipsius formæ, quia quod mouetur est in actu respectu eiusdem formæ in fieri, sed est in potentia ad formam in facto esse, hoc autem modo esse in actu, & in potentia respectu eiusdem diuersimodè considerati non sunt contraria; quare negatur consequentia,

Quartò. Si motus esset actus mobilis, vt mobile, cum nihil possit esse tale sine actu, secundum quem est tale, vt nullus potest esse sciens sine scientia; ergo nihil esset mo-

Mmm

bile

Responso  
Meld. &  
Cat.

bile, nisi actu haberet motum, quod est falsum, nam calefactibile est tale ante calefactionem.

Respondeo (quicquid dicant Meld. & Cat.) negando consequentiam, quia motus est actus mobilis, quia denominat mobile actu moveri, non quia constituat mobile in esse mobili, sicut scientia est actus potentis scire, quia actuatur, & denominat actualiter scientiam, sed non constituit ipsum in potentia ad scire, & sicuti potest stare potens scire sine scientia, ita potest stare mobile sine motu, sed sicuti non potest stare actu sciens sine scientia, ita non potest stare quod aliquod actu moueatur sine motu.

Quintò. Hęc diffinitio competit aliis à motu, ergò non est bona; Antecedens probatur; Nam anima est actus corporis physici organici, quatenus est in potentia ad vitam, Tempus, & forma remissa actuant subiectum, relinquendo ipsum ad aliquam formam in potentia, & Passio est quæ subiectum, ut quid potentiale respicit terminum.

Respondeo negando antecedens; Et cum probatur de anima, dico, quod anima est actus corporis absolutus, non relatiuus, quia actus in diffinitione motus accipitur pro relatione subiecti ad formam fluentem, modò anima non est talis actus, nec est actus corporis, quatenus mobile, quia corpus in aliquo priori non est priuatum anima, & per consequens non est mobile; Et cum probatur de Tempore, concedo, quia Tempus est motus; Ad illud de forma, concedo, quod est motus pro materiali, non pro formali; Ad illud de passione, nego, quod Passio sit, quæ subiectum respiciat terminum, ad quem est motus, sed agens, quod est terminus illius relationis, loquendo de Passione communiter accepta, motus autem est quo subiectum respicit formam, quam recipit, & iste respectus, ut dictum est in præcedenti Conclusionem, dicitur passio, accipiendo genus passionis in sua communitate, & sic quo ad hoc nihil contra me.

CON-

CONCLUSIO QUARTA.

Motus in communi diuiditur in motum, & mutationem  
ut in suas species per esse successiuum, & non  
successiuum tanquam per proprias differentias  
essenciales constituentes motum, &  
mutationem, & diuidentes  
motum in communi.

Est Sco. 4. d. 10. q. 6. A. & 3. d. 3. q. p. B. &  
quolib. 13. T.

Opinio Aliorum. Cap. Primum.

**M** Eld. & Car. disp. 15. phys. q. 6. num. 39. dicunt motum  
in communi diuidi in motum propriè dictum, qui Opinio  
est ad accidens, & in mutationem propriè dictam, quæ est Meld. &  
ad substantiam, & hæc diuisio est generis in species, & Car.  
quia genus in species descendit per differentias, quæ sunt  
diuisiue generis, & constitutiue specierum, debemus prius  
inuestigare quæ nam sit essentialis diuisio, & quæ acciden-  
talis, ex quo postea patebit, quæ sint species motus in com-  
muni.

Sed isti Doctores inconsideratè hoc dicunt, & sibi Confuta-  
manifestissimè contradicunt; Nam in hac disp. num. 33. di- tur, & si.  
cunt conceptum motus in communi non esse genericum; bi contra;  
Tunc sic argumentor. Si conceptus motus in communi dicunt  
non est genericus; ergò motus non est genus, ergò non  
habet species; ergò inconsideratè quæruunt, quæ sint ve-  
ræ species motus, quia genus, & species sunt correlatiua;  
Ex alia parte, si motus in communi est genus, & verè ge-  
nus, quia diuisum per differentias constituentes species;  
ergò conceptus motus in communi erit genericus; sed esse  
Mmm 2 genus,



genus, & non esse genus, & conceptum motus in communi esse genericum, & non esse genericum est manifestissima contradictio; ergo ut millies in suis scriptis, sibi manifestissime contradicunt.

Item dicunt in hac disput. q. 6. a. 2. n. 45. quod motus specificatur à termino ad quem, & reddunt rationem, quia quilibet respectus specificatur à termino, ad quem, motus autem est respectus, ideo debet à suo termino ad quem specificari, & ideo si termini sunt specie distincti, motus erunt specie distincti.

**Contradi-**  
**ctio Meld.**  
**& Cat.**

Sed isti Scriptores sibi contradicunt: Nam nu. 48. dicunt motum, & mutationem specificari, & distingui non solum per terminum ad quem, sed etiam per priuationem, & subiectum, & probant num. 50. §. Tertiò &c. ed quia subiectum mutationis non est in actu completo, subiectum verò motus est in actu completo, sed nu. 45. hoc negant, habent enim hæc verba: *Tandem quo ad tertiam partem de quarta diuisione patet, quia ut quæst. sequenti dicemus motus à subiecto minimè specificatur* hæc illi: Huiusmodi autem contradictiones sic immediatè proueniunt ex hoc, quod in eodem Articulo doctrinam à diuersis, & contrariis Doctoribus acceperunt. Videant lectores quæst. 7. art. primo huius disp. in quo probant motum nec specificari à subiecto, nec à priuatione, sed solum à termino ad quem, quod est totum oppositum illi, quod dixerunt, & probauerunt num. 48. & 50.

**Cōsuetur**  
**opinione Mel.**  
**& Cat.**

Præterea probo quod non possunt sustinere motum differre specificè à mutatione per terminum ad quem, qui est secundum ipsos substantia, vel accidens, quia secundum ipsos motus pro formali importat solum respectum formæ ad non esse ipsius immediatè præcedens, alibi dicunt, (in constantes) esse respectum informationis ad non informationem, vel ad priuationem, ita quod motus secundum ipsos terminatur ad negationem; sed negatio nec est substantia,



fiat, nec accidens ergò vel tenentur dicere motum pro formali non dicere illum respectum ad negationem, sed esse respectum subiecti ad formam, quod negant Articulo de formalitate motus, vel quòd motus non distinguitur specificè à mutatione per terminum ad quem, quia talis terminus secundum ipsos nec est substantia, nec accidens.

*Tacita re  
spōsis con  
futatur.*

Si dicerent quòd intelligunt de termino ad quem est motus, qui est forma terminans motum, falsum dicerent in sua opinione, quia ibi loquitur de motu pro formali, qui est fluxus formæ, siue respectus formæ ad non esse ipsius immediatè præcedens, vel respectus informationis ad non informationem, & in hac disp.num. 50. in fine desumunt differentiam, & specificationem motus à termino ad quem per hoc quòd quilibet respectus habet specificationem, & differentiam à suis extremis, sed inter extrema motus pro formali non connumeratur secundum ipsos forma, ad quam est motus; ergò nullo modo motus potest differe, & specificari à mutatione per formam, ad quam est motus.

*Confut. ol.  
pinio me,  
& Cat.*

Præterea in hac disp. nu. 45. in fine diuisio motus, & per consequens specificatio motus à mutatione per respectum subiecti ad formam, quem dicunt esse materiale motus non potest esse nisi accidentalis, & extrinseca; ergò non potest motus specificari per terminum ad quem, quia diuisio generis per differentias accidentales non potest esse essentialis, & per consequens illæ differentiæ non possunt constituere essentialiter species, & facere illas differre essentialiter, sed tantum accidentaliter: ergò si respectus debet specificari à termino, & motus secundum ipsos non dicit formaliter respectum subiecti ad formam, sed dicit tantum respectum ad negationem, motus non poterit specificari à termino ad quem, qui est forma, ad quam est motus, vel dicendum erit melius cum Sco. quòd motus formaliter importat respectum subiecti ad formam, quòd ipsi negant.

Præ-

Præterea sequeretur quod motus rectus, & circularis esset vnus motus specie, quia possunt esse ad vnum terminum specie, ac etiam numero, quod est falsum, quia sunt impossibiles ex Arist. 5. Phys. c. 21.

Item dicunt isti scriptores in hac disp. n. 51. motum accidentalem posse diuidi in instantaneum, & successiuum tantumquam in species, præcipuè secundum Arist. cuius principalis intentio est motum successiuum explicare, & motus instantaneus potest mutatio secundum quid vocari, vt facit idem Arist. 5. Phys. t. 7. sed hoc dictum est immediatè contra Sco. 3. d. 3. q. p. B. vbi habet, quod si B. V. iustificata fuisset in Tempore, illa iustificatio non esset motus, nec mutatio loquendo strictè, sicut loquutus fuit Arist. de motu, & mutatione, sed haberet aliquid de motu, quia fieret in tempore, haberet aliquid de mutatione, quia fieret indiuisibiliter, & sine successione.

Tunc sic arguo. Anima recipiens gratiam in Tempore, reciperet accidens, & non propriè moueretur, quia non successiuè, ergò motus, vt differt à mutatione, non potest esse instantaneus secundum Arist. ex principiis Scoti.

Præterea Sco. loco cit. querens quare passio causata ab agente naturali est motus, vel mutatio, & non ista, quæ est ad gratiam. Respondet, quia si agens naturale si potest subito inducere formam, inducit per mutationem, & si non potest, necesse est, vt agat in tempore, & ita per motus.

Tunc sic argumentor. Si agens naturale inducens formam in instanti inducit per mutationem, si inducit in tempore, & successiuè, inducit per motum; ergò motus, & mutatio per Arist. & Sco. differunt tantum per esse successiuum, & instantaneum aliter falsum esset, quod asserit Sco. quod si agens naturale induceret formam in instanti, induceret per mutationem & si inducit in tempore induceret per motum, ergò falsum est, quod motus, vt differt à mutatione diffinit.

linguitur in instantaneum, & successuum.

Præterea infideliter isti Scriptores adducunt Arist. pro eorum opinione 5. phys. l. 7. l. quod ibi admittat motum instantaneum, & dicat, quod possit vocari mutatio secundum quid, quia ibi Arist. ponit tantum species motus, quas vocat generationes, quia secundum ipsas aliquid fit, sed quia ali- quod dicitur fieri simpliciter, & aliquod dicitur fieri secundum quid, fieri simpliciter est fieri substantialiter, ut cum mate- ria recipit formam substantialem, fieri secundum quid est fieri accidentaliter, ut cum materia recipit formam acciden- talem, idè datur generatio substantialis, & accidentalis, quod etiam ipsi scriptores sibi contradicentes dicunt in ex- plicatione textus & in hac disp. nu. 32.

*Infideliter  
adducunt  
Arist.*

Præterea probò efficaciter, quod non potest dari motus instantaneus secundum Arist. & in Doctrina ipsorum, quia Tempus est mensura motus secundum Arist. & Tempus se- cundum istos disp. 13. Phys. est solum mensura successui; ergò non potest dari motus instantaneus.

*Probatur  
non dari  
motum instā  
taneum.*

Si Responderent, quod sic intelligitur quod Tempus est mensura motus, non cuiuscunque, sed successui tan- tum.

*Tacita re-  
sponso  
confutatur.*

Contrà motus positus in diffinitione Temporis est mo- tus in Communi secundum ipsos, & rectè in disp. iam cita- ta n. 35. & est correlativum Temporis, quod est anthonomia- sticè successuum secundum ipsos in citata disp. nu. 29. ergò motus in cōmuni erit successivus; ergò nulla species motus erit instantanea, quia genus non potest diuidi per opposi- ta sibi, sicut corpus non potest diuidi per corporeum & in- corporeum, aliter daretur incorporeum corpus, sicut in proposito de motu daretur instantaneum successuum, quod implicat; Non sunt memores eorum, quæ prius transcri- pserunt, idè semper contradicentes sunt.

Præterea Sco. p. d. 2. q. p. & 2. EE. dicit esse contradi- ctionem motum esse in instanti, ut motus distinguitur à mu- tatio-

tatione, & infra discurrendo ponit de ratione motus esse successionem; Ponit enim ibi Sco. duplicem contradictionem, scilicet quòd virtus infinita sit in magnitudine, & quòd moueat in non tempore, accipiendo motum, vt distinguitur contra mutationem; ergò motus distinguitur essentialiter à mutatione per esse successiuum, & instantaneum; Hæc sunt verba Sco. *Ad vltimum dico, quòd Philosophus infert moueri in non tempore ex hoc antecedente, quòd potentia infinita est in magnitudine, & intelligit in consequenti moueri propriè, vt distinguitur contra mutationem, & hoc modo consequens includit contradictionem, & etiam antecedens secundum eum*, Hæc Sco. ex quibus clare infertur. esse contradictionem motum fieri in instanti, vt distinguitur contra mutationem; ergò motus, & mutatio essentialiter distinguuntur per successiuum, & instantaneum; ergò motus, vt distinguitur à mutatione non potest esse instantaneus.

Dicunt etiam in hac disp. nu. 46. quòd si successiuum. 4. *dictum* & instantaneum prouenient in motu ex propria natura terminorum, tunc successiuum, & instantaneum sunt differentiarum essentialium motus, sed si prouenient ex aliquo extrinseco, pura ab impotentia agentis, & forma potest successiuè, & indiuisibiliter acquiri, successiuum, & instantaneum non erunt differentiarum essentialium, sed tantum accidentales.

Constat. x. Contra Arguo ad hominem. Primò quòd nequit separari ab aliquo vel est differentia essentialis, vel passio inseparabilis nobis differentiam essentialem circumscribens; Hæc maior est ipsorum loco cit; sed successio nequit separari à successiuo, & quòd est successiuum non potest esse indiuisibile, simultaneum, & instantaneum, & è conuerso, quia sic successiuum, & non successiuum essent formaliter idem; ergò successiuum, & instantaneum in motu ad formam acquiritibilem in instanti, vel successiuè propter impotentiam agentis non poterunt separari à motu tali successiuo, & in-

fluat.

stantaneo; ergò successiuum, & instantaneum erunt differentiarum essentialis motus.

Secundò ad hominem si terminus motus ex sui natura successiuè, vel instantaneè aquireretur, motus ad formam eandem specie, si esset successiuus, vel instantaneus, non differret specie, omnis enim dealbatio omni dealbationi idem secundum speciem erit ex Arist. 5. Phys. t. 30. Hæc auctoritas est adducta ab ipsis loco cit; sed si albedo V.G. ex sui natura esset successiua, tamen subiectum per impossibile indiuisibiliter ad illam moueretur; tunc esset dealbatio; ergò esset motus eiusdem speciei, quia omnis dealbatio est omni dealbationi idem secundum speciem; ergò talis successio, & instantaneitas non erunt differentiarum essentialis; Item discurre de forma indiuisibiliter ex sui natura aquisibili.

Confut. 2.  
ad hominem.

Tertiò ad hominem insistendo in eadem probatione. motus dicit respectum subiecti ad formam, & respectum informationis ad non informationem; sed iste respectus est eiusdem rationis quando forma aquiritur in instanti, & quando successiuè; Hæc maior, & minor est ipsorum loco cit. ergò si albedo quæ est ex sui natura diuisibilis aquireretur in instanti, illi respectus subiecti ad albedinem successiuè, vel instantaneæ aquisitam, essent eiusdem rationis.

Confut. 3.  
ad hominem.

Quartò ad hominem. Illi motus sunt eiusdem rationis, qui sunt ad eandem formam eodem modo denominantem; sed si forma ex sui natura diuisibilis aquireretur in instanti, eadem forma eodem modo denominaret subiectum siue in instanti, siue successiuè aquireretur, quia eadem albedo denominaret eodem modo subiectum album: ergò motus ad eandem formam ex sui natura diuisibilem tam successiuus, quàm simultaneus essent eiusdem speciei maior est ipsorum loco cit.

Confut. 4.  
ad hominem.

Si velint aufugere, dicendo, quòd casus est impossibilis,

Non

non

*Tacita responsio confuta.* non soluunt argumenta; Nam illud formaliter est tale, quod posito per possibile, vel impossibile, semper formaliter est tale, sed posito per impossibile quod esset motus instantaneus ad formam ex sui natura diuisibilem, tunc esset secundum ipsos V.G. eadem dealbatio, & remaneret idem respectus, & eadem forma, eodem modo denominaret subiectum: ergo essent motus eiusdem rationis: Ad hæc autem argumenta, quæ contra ipsos habent efficaciam, respondebo in mea opinione.

*confutatur 1. principaliter.* Præterea principaliter contra conclusionem eorum; Si motus, & mutatio differunt essentialiter, quia motus est ad formam accidentalem, mutatio verò ad formam substantialem; ergo ad illuminationem esset tantum motus & non mutatio: sed hoc est contra Scot. 2. d. 2. q. 12. G. ubi habet quod ad illuminationem non est motus, sed mutatio: ergo motus, & mutatio non differunt essentialiter per terminos, sed per esse successuum, & instantaneum, quia sustinet Sco. illuminationem fieri in instanti, & per hoc ad illuminationem non esse motum, sed mutationem.

*Opinio 2. Med. & Cat.* Præterea Sco. respondendo in quolib. 13. T. ad Arist. qui 7. Phys. t. 20. dicit ad intellectionem non esse alterationem, ait, quod Arist. intelligit de alteratione, quæ est motus, & reddit rationem, quia tam forma, quam subiectum est indiuisibile, & per consequens anima non est susceptiua motus, qui requirit subiectum diuisibile, ergo secundum Sco. maximè in via Arist. motus differt à mutatione essentialiter, quia forma diuisibiliter, vel indiuisibiliter acquiritur, & per consequens ad intellectionem; quæ est accidens, non est motus, quia indiuisibiliter acquiritur.

*Sententia Auctoris .Caput Secundum.*

*Motus in communi diuiditur in motum, & mutationem  
ut in suas species per esse successuum, & non  
successuum tanquam per proprias differentias  
essentiales constituentes motum, &  
mutationem, & diuidentes  
motum in communi.*

Est Sco. 4. d. 10. q. 6. A. & 3. d. 3. q. p. B. &  
quolib. 13. T.

**P**RO cuius declaratione . Primò Not. est quodeunque  
ens in prædicamento formaliter, & specificè ab alio  
diuidi, per quod formaliter constituitur, & sic motus, &  
mutatio specificè distinguuntur solum per suas rationes  
formales, & non per extrema, quæ sunt omninò extra ra-  
tiones eorum; Et si aliquando Arist. dicat motum, & mu-  
tationem per terminum ad quem specificari, intelligitur  
extrinsecè, & non intrinsecè; Et si intelligeretur intrinse-  
cè, hoc esset, quia respectus cum sint minimæ entitatis,  
non possunt cognosci pro statu isto quo ad eius differen-  
tias formales, idèò circumscribuntur per terminos, & hoc  
quando forma fluens est eadem cum forma terminante ex  
Sco. 3. d. 14. q. p. & 2. E. immò ex Sco. pluribus in locis, &  
maximè p. d. 13. q. unica R. hæc propositio: Motus distin-  
guitur per terminos non est vera, nisi quando aliæ duæ  
propositiones sunt veræ. Prima quod forma fluens sit eius-  
dem rationis cum forma terminante. Secundò quod mo-  
tus sit eiusdem rationis cum forma fluente: Vt motus ad  
albedinem, & nigredinem distinguitur secundum distin-  
ctionem terminorum, quia in istis motibus forma fluens  
est eiusdem rationis cum forma terminante, quia eadem

*Motus di-  
stinguitur  
per termi-  
nos, quo-  
modo intel-  
ligitur.*

Nnn 2 albe.



*Quomodo  
motus di-  
cuntur in-  
compara-  
biles.*

albedo, & nigredo, quæ fuit est eadem, quæ terminat motum, & motus ad albedinem est eiusdem rationis cum forma fluente, quia dicitur albefactio, & motus ad nigredinem dicitur nigrefactio; Et debet intelligi Sco. de motu & fluxu eodem modo se habente, quia si motus ad vnam albedinem fieret in instanti alter in tempore ad aliam albedinem differunt non solum specie, sed genere, quia motus instantaneus ad albedinem diceretur mutatio, successiuus verò diceretur motus; Quando verò forma fluens non est eiusdem rationis cum forma terminante, nec motus est eiusdem rationis cum forma fluente, tunc motus non distinguitur per terminos, quia idē Vbi potest acquiri diuersis motibus specie distinctis, qui sunt omnino incomparabiles est Aristot. 7. phys. t. 2. r. non quia in nullo conueniant, quia conueniunt in ratione motus, & in ratione motus localis, sed quia non sunt eiusdem speciei, vnitas enim specifica est ratio, quare duo possunt ad inuicem propriè comparari: In his enim motibus forma fluens non est eiusdem rationis cum forma terminante, quia Vbi circulare, & Vbi rectum, quod fuit, & acquiritur sunt diuersæ rationis ab Vbi, quod terminat motum, nec motus circularis, & rectus est eiusdem rationis cum forma fluente, quia sic eadem forma fluens esset simul circularis, & recta: Vnde concludendum est cum Sco. loco cit. quod vtique ex distinctione terminorum possumus arguere distinctionem mutationum, Sed non ex vnitate termini possumus arguere vnitatem mutationum, quia vt dictum est ad idem Vbi specie possunt esse motus omnino specie diuersi, est enim fallacia consequentis ex distinctione mutationum inferre distinctionem terminorum ex Sco. 4. d. 43. q. 2. D. quare secundum Sco. distinctio motuum ex terminis est tantum distinctio accidentalis, quia si esset essentialis non posset stare distinctio mutationum sine distinctione terminorum.

Secundò Not. quod vtique motus potest esse solum ad  
formam

formam accidentalem, & mutatio ad formam substantialem, non tamen propter hoc essentialiter distinguitur motus à mutatione, loquendo strictè in via Philosophi, vt Philosophus loquitur de motu, & mutatione ex Sco. 3. d. 3. q. p. B. vbi habet, quòd iustificatio Virginis si fuisset in Tempore post primum instans suæ conceptionis, illa iustificatio non fuisset motus nec mutatio, sed haberet aliquid de motu, & aliquid de mutatione, haberet aliquid de motu, quia fieret in tempore, & in mensura diuisibili, haberet aliquid de mutatione, quia indiuisibiliter fieret: Vnde motus ad formam accidentalem dicitur motus, quia fit in tempore, & diuisibiliter, & hoc secundum Arist. quia non cognouit Deum posse producere in tempore aliquod indiuisibile, vel diuisibile indiuisibiliter, motus verò ad formam substantialem dicitur mutatio, quia talis forma indiuisibiliter acquiritur: Et sic successio, & instantaneitas erunt differentiae essentialès diuidentes motum in communi, & constituentes motum, & mutationem.

*Motus in via Arist. est ad formam accidentalem, mutatio ad formam accidentalem.*

Tertiò Not. quòd cum motus formaliter sit relatio non potest esse per se ens diuisibile, & successiuum, sed tantum per accidens, vt multoties dictum est secundum Arist. Vnde quando subiectum mutatur ad formam, quæ diuisibiliter acquiritur, tot sunt informationes parciales in subiecto, quot sunt partes formæ, quæ acquiritur, & vnaquæque informatio dicit respectum ad non esse immediatè præcedens, scilicet ad non informationem, & vnus respectus partialis alteri succedit, quæ successio formaliter dicit respectum posterioris ad prius: Imaginamur enim per nostrum modum concipiendi totum motum, & totam informationem subiecti ad formam in subiecto fluentem, esse vnum totum successiuum habens partes successiuas continuatas per indiuisibilia, quæ vocantur mutata esse: motus autem instantaneus, siue simultaneus dicit tantum vnum respectum subiecti ad formam indiuisibiliter acceptam cum respectu ad

*Quomodo motus qui est relatio dicatur successiuus*

ad non informationem præcedentem cum negatione successionis, quæ negatio successionis circumscribit nobis differentiam motus indiuisibilis à diuisibili, & successiuo; Vnde si subiectum moueretur ad eandem formam successiuè, & indiuisibiliter, moueretur ad illam diuersis motibus specie distinctis, quia fluxus formæ esset diuersæ rationis, successiuum enim essentialiter distinguitur à non successiuo, quia successio in motu dicit plures respectus, & ordines posterioris ad prius, non successiuum verò, & instantaneum in motu non dicit illos respectus, & per consequens alia est entitas motus successiuui ab entitate motus simultanei ad eandem formam, sicut ad idem Vbi specie potest esse diuersus motus specie scilicet rectus, & circularis, quia fluxus est diuersus specie. His Not.

Probatur Conclusio Primò Auctoritate Sco. 4. d. 10. q. 6. A. motus distinguitur à mutatione sicut diuisibile, & indiuisibile; sed esse diuisibile, & indiuisibile in motu est esse successiuum, & non successiuum, seu simultaneum; ergò successiuum, & non successiuum, seu instantaneum, vel magis propriè. Simultaneum erunt differentię essentielles constituentes motum, & mutationem, & diuidentes motum in communi.

Secundò probatur Auctoritate etiam Sco. 3. d. 3. q. p. B. vbi habet, quòd si iustificatio fuisset in tempore, tunc haberet aliquid de mutatione, quia indiuisibiliter gratia acquireretur, & esset motus ad formam indiuisibilem, haberet aliquid de motu, quia esset in tempore: ergò iustificatio in instanti nihil haberet de motu: ergò ad mutationem solum requiritur quòd forma in instanti indiuisibiliter acquiratur; Sed hæc mutatio esset ad accidens; ergò motus, & mutatio non distinguuntur, quia motus sit ad accidens, & mutatio ad substantiam: sed quia motus est successiuus, mutatio indiuisibilis, & simultanea, quæ successio maximè secundum Aristot. non potest esse, nisi in tempore,

& mu.

& mutatio ; nisi in instanti .

Tertio . Motus in communi , maximè secundum Aduersarios mensuratur tempore ; ergò motus in communi est essentialiter successiuus , quia solum successiua essentialiter mensurantur tempore .

Confirmatur . Duratio intrinseca motus in communi est , etiam secundum Aduersarios , successiua ; ergò existètia motus est successiua ; ergò nullo modo potest dari motus instantaneus ; ergò de ratione motus est successio ; ergò motus à mutatione distinguitur per successionem ; ergò successiuum , & non successiuum , seu simultaneum erunt differentiæ essentialis motus , & mutationis .

Contra Arguunt Primò Meld. & Cat. in hac disp. num. 45. sustinentes motum , & mutationem differre per terminos ex Sco. p. d. 2. q. 7. T. & d. 13. A. & 3. d. 14. q. 2. E. quibus in his locis docet motu penes terminos distingui , ita vt ex diuersitate specifica terminorum valeat inferi diuersitas specifica motuum , hoc idem habet Arist. 5. phys. t. 8.

Respondeo quòd primus locus Sco. infideliter adducitur , vbi potius intert cum conditione distinctionum terminorum ex distinctione motuum , & Respondet ad illam propositionem : motuum differentium specie sunt termini differentes specie , dicendo quòd hæc propositio non est immediata , sed dependet ab aliis duabus , Prima quia fluxus , seu formæ fluentes differant specie . Secunda quia forma fluens est eiusdem rationis cum forma terminante , vbi autem altera istarum duarum propositionum est falsa , propositio assumpta est falsa , quod patet , quia motus circularis , & rectus differunt specie , & tamen sunt ad eundem terminum specie ; Secundus , & tertius locus Sco. ponit distinctionem motuum , ex distinctione terminorum cum eadem tamen prædicta conditione , scilicet quòd formæ fluentes sunt diuersæ specie , & forma fluens est eadem cum forma terminante ; Concludit tamen Sco. p. d. 13. q. vn. R. quòd

Argum.

Meld. &

Cat. qui infideliter citant Sco.

quodd si forma fluens sit eadem cum forma terminante in motu circulari, & recto, non erit distinctiua rationis motuum; quare secundum Sco. loco cit. hæc propositio. Motus diuersificantur per terminos non est vniuersaliter vera, vt patet de motu circulari, & recto, quia possunt esse ad eundem terminum specie.

Præterea falsum est Sco. locis cit. asserere motus essentialiter differre per terminos, licet enim vniuersaliter verum esset motus specie distinctos esse ad terminos specie distinctos, & distinctionem terminorum inferre distinctionem motuum, hoc esset verum extrinsecè, non intrinsecè, quia termini non sunt de ratione essentiali motuum.

Ad Auctoritatem Arist. dico, quodd ibi Arist. nihil dicitur ad hoc pertinens, sed vtique t. 2 r. quæ Auctoritas Arist. explicatur à Sco. locis ab ipsis cit. vt dictum est. Non enim differentia essentialis etiam secundum ipsos potest assignari per extrinseca.

Secundò probant, quodd successio, & instantaneitas non sunt differentia essentialis motus, si forma possit successiue, & in instanti aquiri, & probant Auctoritate Arist. 5. phys. t. 3 r. omnis dealbatio omni dealbationi idem secundum specie erit; ergò si lumen aquiratur in instanti, vel in tempore, illuminationes illæ erunt eiusdem speciei.

Respondeo ad Arist. quodd ideo secundum ipsum omnis dealbatio est eiusdem speciei, quia fluxus formæ est eiusdem speciei, scilicet successiuus, tamen si ipse cognouisset albedinem posse in instanti produci, non dixisset, quodd omnis dealbatio esset eiusdem speciei, quia fluxus successiuus, & simultaneus sunt diuersæ speciei, non enim est inconueniens ad eandem formam esse motus distinctos specie, quando fluxus sunt distincti specie, vt patet de motu recto, & circulari ad idem Vbi specie, vt di-

ctum

Etum est in Resp. præcedenti; quare negatur consequentia, quia si lumen aquireretur in instanti, & successiue, tunc illuminationes, seu motus ad lumen essent diuersæ speciei, quia illuminatio successiua diceret formaliter successionem, quam successionem non diceret illuminatio instantanea, & per consequens essent diuersæ speciei, sicut dealbationes ad eandem albedinem specie, essent diuersæ speciei.

Tertio. Motus dicit respectum subiecti ad formam; & respectum informationis ad non informationem; seu respectus subiecti ad formam est eiusdem rationis, quando forma in instanti, & quando successiue aquiritur; ergo successio, & instantaneitas non sunt differentię essentialis motus.

Respondeo concedendo maiorem, sed negando minorem, quia respectus subiecti ad formam, quæ successiue aquiritur importat formaliter successionem, & respectum posterioris ad prius, quam successionem non importat respectus ad formam indiuisibiliter aqisitam, successium autem, & non successium essentialiter distinguuntur, & sic negatur consequentia.

Quarto. Illi motus sunt eiusdem rationis, qui sunt ad formam eodem modo denominantem; Sed lumen eodem modo denominaret aerem, siue lumen aquireretur in instanti, siue in Tempore; ergo motus ad lumen diuersimodè aqisitum erunt eiusdem rationis: ergo successio, & instantaneitas non sunt differentię essentialis motus.

Respondeo negando maiorem, quia motus rectus, & circularis est ad idem Vbi eodem modo denominans, & tamen sunt diuersæ rationis; Potest etiam concedi maior de forma, quæ eodem modo denominat in fieri, sed negatur minor, quia lumen si aquireretur successiue, denominaret subiectum illuminari successiue, si aquireretur indiuisibiliter, & instantaneè, denominaret subiectum illumina-

Ooo

ri in-

ri indiuisibiliter, denominatio autem successiua, & instantanea includunt diuersum modum denominandi, scilicet successiue, & instantaneè, qui denotant in motibus diuersas rationes formales, scilicet successionem, & indiuisibilitatem, vel instantaneitatem; quare negatur consequentia.

Quintò. Arguunt num. 50. Nam motus naturalis localis potest fieri in instanti ex Sco. 2. d. 2. q. ii. & 12. & 3. d. 4. & 4. d. 43. q. 3. & alibi, sed iste motus localis est specificè motus, vt distinguitur à mutatione, ergò motus non distinguitur à mutatione per successiuum, & instantaneum.

Respondeo concedo maiorem, & negando minorem, quia motus localis in instanti, sicut & quilibet alius motus ad formam indiuisibiliter acquisitam, siue illa forma sit substantialis, siue accidentalis, dicitur specificè mutatio, vt à motu specificè, & essentialiter distinguitur, vt dictum est in Not. & sic negatur consequentia.

Sextò. Mutatio est solum ad substantiam ex Aristot. 5. phys. t. 9. motus verò ad accidens, sed datur mutatio substantialis successiua, vt est nutritio, & generatio inanimatorum ex dictis in lib. de generatione; ergò successiuum, & instantaneum non distinguunt motum propriè dictum à mutatione propriè dicta.

Respondeo, quòd secundum Arist. mutatio solum est ad substantiam, & motus ad accidens, quia putauit solam substantiam indiuisibiliter, accidens verò diuisibiliter, & successiue aquiri; Ad minorem nego, quòd detur mutatio successiua ad substantiam, & si verum esset, quòd nolo pro nuuc disputare, quòd mutatio, & generatio inanimatorum esset successiua per se, & ad formam successiue introducibilem, tunc ille motus non diceretur mutatio. sed diceretur motus, vt specificè à mutatione distinguitur, quicumque enim motus, vt dictum est in Not. siue sit ad substantiam, siue ad accidens, si sit successiuus, dicitur motus.

tus,



tus, si instantaneus, & simultaneus, dicitur mutatio, fluxus enim formæ variat motum, non ipsa forma, quia ad formas specie distinctas potest esse motus eiusdem speciei, non specialissimæ, sed subalternæ, motus enim successivus est ad formas non solum specie, sed genere distinctas, est enim ad quantitatem, qualitatem, & Vbi, sicut mutatio est ad substantiam, & qualitatem indivisibiliter acquisitam.

Septimò. Arguunt sibi contradicentes probando, quòd motus, & mutatio distinguitur non solum penes terminum, sed penes subiectum, & privationem, & quòd differant ratione subiecti probant Auctoritate Arist. 5. Phys. t. 8. vbi habet, quòd subiectum mutationis non est in actu completo, subiectum verò motus est in actu completo.

Confirmatur, quia differentia cuiuscunque respectus ex differentiis extremorum cognoscitur, cum igitur motus & mutationis alia sint subiecta, termini, & privationis, iuxta ista tria principia motus, & mutatio essentialiter distinguuntur.

Respondeo quòd utique subiectum mutationis est in actu incompleto, subiectum verò motus in actu completo, quia puravit solam substantiam indivisibiliter acquiri posse, accidens verò divisibiliter, & quia quòd recipit substantiam non potest esse in actu completo, quòd verò recipit accidens est in actu completo, ideo dixit subiectum motus esse ens completum, subiectum verò mutationis esse ens incompletum, sed si cognovisset formam divisibilem posse indivisibiliter acquiri, non dixisset subiectum mutationis esse in actu incompleto.

Ad Confirmationem Respondeo, quòd utique respectus distinguitur numero, vel specie ex differentiis extremorum accidentaliter solum, tamen potest stare identitas subiecti cum diversitate specifica respectuum, idem enim corpus potest moveri ad albedinem, & nigredinem, sed in

genere mutatio, & motus distinguuntur formaliter solum per esse successiuum, & instantaneum, vel simultaneum, quia (vt dixi) tam ad substantiam, quam ad accidens potest esse mutatio, si vtraque forma indiuisibiliter acquiritur.

Octauò, Motus est passio corporis naturalis, sed corpus naturale non potest moueri, nisi ad accidens; ergò motus à mutatione distinguitur per hoc quod præcisè ad accidens terminatur.

Respondeo, quòd vtrique secundum Arist. motus solum, & non mutatio est passio corporis naturalis, non tamen quarto modo, quia putauit accidens solum successiuè acquiri posse, sed si cognouisset diuisibile indiuisibiliter acquiri posse per potentiam Dei, tunc non solum motus, sed aliqua mutatio esset hoc modo passio corporis naturalis secundum Arist. & sic concessa minori, negatur consequentia, quia Arist. vocauit motum ad accidens esse specificè motum, vt distinguitur à mutatione, non quia sit ad accidens, sed quia est successiuus, & motum ad substantiam vocauit mutationem, non quia sit ad substantiam, sed quia ille motus est instantaneus, & non successiuus.

### CONCLUSIO QUINTA.

*Solum ad quatuor Predicamenta est motus.*

Est Sco. 4. d. 10. q. 6. A. & Arist. pluribus in locis, & præcipuè in tertio, & quinto phys.

*Sententia Auctoris. Cap. Vnicum.*

**P**ro cuius declaratione Not. Primò ex Sco. loco cit. quòd motus potest accipi tripliciter vno modo prout disti-

tinguitur à mutatione, sicut diuisibile ab indiuisibili, quòd est cont. Meld. & Cat. in præcedenti conclusione. Secundo modo pro motu in Comuni ad diuisibile, & indiuisibile, seu ad motum, & mutationem. Tertio modo pro quacunque acquisitione nouæ formæ, siue absolutæ, siue relatiuæ, & vniuersaliter pro quacunque versione de non esse ad esse, vt dictum est in præcedentibus conclusionibus: In proposito accipitur præcisè motus in comuni ad diuisibilem, & indiuisibilem, scilicet ad motum, & mutationem, seu pro motu, qui est ad formam per se acquisibilem, & hic est tantum ad quattuor prædicamenta, scilicet substantiam, quantitatem, qualitatem, & Vbi, motus verò acceptus pro acquisitione nouæ formæ simpliciter, sic est ad omnia prædicamenta, quia omnes formæ prædicamentales acquiruntur, siue propria acquisitione, siue acquisitione alterius, An vero sit motus ad omnes species istorum prædicamentorum ab Aristot. assignatas, dico quòd est ad omnes species quas putamus esse veras species talium prædicamentorum, an verò omnes species ab Aristot. assignatæ siue famosè, siue ad mentem propriam sint veræ species, non est hic determinandum, sed in Met. vbi de speciebus quantitatis erit sermo, si Deo placuerit. Quare motus propriè dictus erit ad formas, quæ propria acquisitione possunt acquiri tam absolutas, quàm relatiuas; moueri enim est aliter se habere nunc quam prius, quia aliter se habere accipitur ex Sco. 2. d. p. q. 5. supra G. Vno modo ad se, & sic est per formam absolutam; Alio modo ad aliud, & sic est per formam relatiuam.

Secundò Not. est, quòd cū dicimus ad substantiā, quantitatem, qualitatem, & Vbi esse motum, intelligimus motum formaliter terminari ad tales formas tanquam ad suum terminum formalem, quæ formæ propria acquisitione acquiruntur, quia forma, quæ acquiritur ad acquisitionem alterius, acquiritur per accidens, & ad talem formam solum

est

Motus  
multipliciter  
accipitur

est motus per accidens: & non per se, est tamen per se motus solum ad substantiam, quantitatem, qualitatem, & Vbi quia formæ talium prædicamentorum per se primò acquiri possunt, & non ad acquisitionem alterius, Actio autem, & passio non possunt acquiri, nisi noua forma ab agente producat in subiecto; Quando verò cum sit relatio rei Temporalis ad Tempus non insurgit, nisi per motum primi Cæli; non enim res temporalis esset in prima, vel secunda die, nisi motus Cæli fieret in tali, vel tali termino; Situs, cum sit relatio partium corporis locati ad partes loci, dicit extensionem, & modum essendi in loco scilicet circumscriptiuè ex Sco. 4. d. x. q. p. M. non enim est inconueniens: quòd ens vnius generis sit modus alterius generis, sicut albedo, quæ est in genere qualitatis est modus substantiæ, quia homo dicitur albus; habitus autem, quæ est relatio fundata in illis, quæ sunt circa corpus ad ipsum corpus, non acquiritur nisi vestis approximetur corpori; Relatio autem intrinsecus adueniens, cum insurgat necessario positæ extremis, nunquam potest acquiri per se, sed tantummodo per accidens, alio scilicet absoluto acquisito in altero relatorum ex Sco. quolib. ii. L. Si verò aliæ Relationes præter Vbi possunt supernaturaliter acquiri propria acquisitione, vt si forma per se esset vniretur materiæ, tunc ad illam vnionem esset per se motus, quia acquireretur nulla posita nouitate in fundamento, vel termino, similes autem acquisitiones non sunt Philosopho cognitæ. His Not.

Probatur Conclusio. Solum ad illas formas est motus, quæ possunt propria acquisitione acquiri; sed solum formæ quattuor prædictorum prædicamentorum possunt propria acquisitione acquiri: ergò solum ad illas formas potest esse motus; minor patet ex dictis in 2. Not.

Contrà arguitur primò, probando generaliter quòd ad substantiam, quantitatem, & Vbi non sit per se motus; Nam in motu semper est aliqua contrarietas; sed substan-

tiæ,

*tiæ, Quantitati & Vbi nihil est contrarium; ergo ad istas formas non potest esse motus.*

Respondeo ad maiorem, quòd in motu semper est contrarietas priuatiua non formalis, quia motus est à priuatione ad formam; Ad minorem concedo, quòd substantiæ, quantitati, & Vbi nihil est contrarium formaliter, est tamen aliquid contrarium priuariuè, quia datur cuiuscunque formæ propria priuatio; quare negatur consequentia.

Secundo probatur quod ad quantitatem non est motus; Ad illud non est motus, quòd non aquiritur, nisi consecutiue ad alios motus; sed quantitas est huiusmodi; ergo ad quantitatem non est motus; maior patet per Arist. quia probat ad aliquid non esse motum, quia relatio non aquiritur, nisi consecutiue ad alium motum; minor probatur, quia augmentatio non fit, nisi consecutiue ad alterationem, ad motum localem nutrimenti, & ad generationem.

Respondeo quòd illa maior non est vniuersaliter vera, vt sic simpliciter accepta, quia dealbatio est motus, & tamen non fit, nisi consecutiue ad alterationem secundum primas qualitates; Vnde non est inconueniens, quòd forma, ad quam est motus, præsupponat alios motus, quia tunc ad substantiam non esset motus, vel mutatio, quia præsupponit, & consequitur alterationem Arist. autem intelligit, quòd ad illam formam non est motus, quæ non propria, sed aliena acquisitione aquiritur; Vnde licet quantitas præsupponat alterationem, motum localem nutrimenti, & generationem, non tamen aquiritur ad acquisitionem præcedentium formarum, sed propria acquisitione, cum quantitas sit entitas absoluta à substantia realiter distincta, & non occasionaliter producta, nec per accidens consequitur substantiam, sed per se intenditur, non enim ad acquisitionem nouæ partis substantiæ in viuente per accidens consequitur quantitas, sicuti est relatio quæcunque præter Vbi, & sic concessa minori, negatur consequentia.

Ter-

Tertiò Arguitur quòd ad qualitatem non est motus, qui dicitur alteratio, si ad qualitatem esset motus, tunc ad intellectiōem posset esse alteratio, & motus, sed hoc negatur ab Arist. 7. phys. t. 20. ergò ad qualitatem non est motus.

Respondeo concedendo sequelam maioris; Et cum probatur ex Arist. quòd est falsa, dico ex Sco. quolib. 13. R. S. quòd duplex est alteratio. Vna, quæ est immediata primo alteranti in illo ordine, vt est pensatio, quia sensus immediatè alteratur ab obiecto extra: Alia est alteratio mediata primo alteranti, & est quando alteratio non immediatè, sed mediatè fit à primo alterante, sicuti est intellectio, quia primum tale alterans est obiectum extrà, cognitio autem ab intellectu non immediatè causatur ab obiecto vt extrà: Modò quando dixit Philosophus, quòd ad intellectiōem non est alteratio, & motus, intellexit de alteratione immediata primo alteranti, non de mediata: Et quòd iste sit sensus Arist. patet, quia videtur pro ratione assignate quæ ad intellectiōem non fit alteratio, eò quia notitia intellectiua accipitur non immediatè ab obiecto extrà, quod est primum alterans in isto ordine, sed mediante cognitione sensitiua; Et sic negatur consequentia.

Quartò Arguitur quòd ad Vbi, non sit motus Auctoritate Sco. 2. d. p. q. 5. supra G. vbi habet quòd ad relationem secundum Arist. non est motus, quia non est possibile aliquid aliter se habere ad aliud, nisi aliter se habeat ad se. Tunc sic argumentor: Sed quod acquirit Vbi aliter se habet ad alterum; ergò prius aliter se habet ad se; ergò ad Vbi non est motus.

Respondeo quòd duplex est Relatio scilicet intrinsecus adueniens, quæ necessariò insurgit positis extremis, alia extrinsecus adueniens, quæ non necessariò insurgit, vt sunt sex vltima prædicamenta, modò quando dixit Sco. quòd non



non est possibile aliter se habere ad aliud, nisi aliquid se habeat ad se, intellexit de Relatione intrinsecus adueniente, quia ista relatio non aduenit, nisi propter nouitatem alicuius absoluti in altero extremo, ut patet ex eodem Sco. 3. d. p. q. p. K. ut similitudo non potest insurgere, nisi subiectum recipiat aliquam qualitatem, secundum quam sit alteri simile, idcirco tale subiectum non potest aliter se habere ad aliud, id est referri ad aliud, nisi prius se habeat ad se, id est nisi prius aliquod absolutum, & ens ad se recipiat, & sic concedo minorem, sed quod acquirit Vbi se habet ad alterum per relationem, non intrinsecus, sed extrinsecus aduenientem; quare negantur consequentia.

Quintò. Si ad Vbi est per se motus, ergò locus localiter mouetur, & si non secundum locari, tamen secundum locare; probatur consequentia, quia superficies per illam vbicationem actiuam aliter se habet nunc, quam prius, & illa vbicatio propria acquisitione acquiritur.

Respondeo negando consequentiam, quia ad motum propriè dictum, requiritur, quòd forma intrinseca terminet motum, dicitur forma intrinseca, quatenus est in eo, quod mouetur, & ad quam est motus, modò quando fit motus localis, ad illam vbicationem est motus, quæ terminat intrinsecè motum, hæc autem est solùm vbicatio passiuæ, quæ terminat motum, & à locabili acquiritur, & in mobili subiectatur, non enim locus mouetur, sed locabile, & si moueretur, non moueretur, ut locus, sed ut Vas, quia secundum Arist. locus est immobilis, & seruat eandem distantiam ad immobile, ut dictum est disp. de loco, illud verò, quod mouetur localiter non seruat eandem distantiam, sed diuersam, & idcirco Vbicatio, quæ terminat talem motum dicitur per talè motum localiter acquiri, & hæc vbicatio est solùm passiuæ, quæ propria acquisitione acquiritur. non sic vbicatio actiuæ, quæ acquiritur ad acquisitionè vbicationis passiuæ, locus enim locat, quia mobile est in loco, & mouetur ad locum.

Ppp

Sextò.



Sextò. Motus localis non potest esse simul ultimè ad plures terminos genere, vel specie diuerfos, sed motus est ad locum, qui differt genere, vel specie ab Vbi passiuo; ergò non potest esse ad Vbi minor; probatur quo ad omnes partes, quia motus denominatur à termino; sed iste motus denominatur à loco; ergò terminatur ad locum; quod Vbi, & locus differunt saltem specie patet quia si locus accipitur materialiter, non est nisi superficies, quæ toto genere differt ab Vbi, quòd est relatio; Si accipitur formaliter, dicitur Vbi actiuum, quod est genus, vel saltem species diuersa ab Vbi passiuo.

Ad hoc argumentum, quod conficit Canonicus Respondent Meld. & Cat. cum ipso Canonico, quòd motus potest esse ad plures terminos, quorum vnus sit intrinsecus, alter extrinsecus, sed dicunt, quòd talis terminus extrinsecus, à quo denominatur locus est Vbi actiuum, seu relatio superficiæ circumscribentis.

*Confut. di*  
*Sum Mel.*  
*& Cat. cū*  
*Canonico.*  
Sed hoc additum mihi videtur falsum, quia motus localis non denominatur à loco pro formali, sed pro materiali, dicimus enim quòd aliquis mouetur ad Ecclesiam, & ad Plateam; ergò si terminus extrinsecus denominat motum localem, locus pro materiali, & non pro formali erit terminus extrinsecus motus localis.

*Responsio*  
*Auctoris.*  
Ideo Respondeo negando maiorem, quia motus vnus potest esse ad plures terminos, quorum vnus sit intrinsecus, alter extrinsecus, ut patet de motu locali, qui est ad circumscriptionem passiuam, ut ad terminum intrinsecum, quia terminus intrinsecus motus est forma à mobili acquisita, terminus verò extrinsecus, motus localis est superficies, vel spaciū, in quo mobile quiescit. Et sic concessa minori cum sua probatione, negatur consequentia.

Septimò. Vltima sphaera localiter mouetur, & non acquirit aliquod Vbi, & motus localis potest fieri in Vacuo, non tamen ad aliquod Vbi; ergò motus localis non est ad Vbi.

Respon.

Respondent Meld. & Cat. in hac disp. nu. 58. & se remittunt ad illud, quod dixerunt de vltima sphaera disp. ii. phys. q. 4. a. p. n. 54. vbi reicientes communem Scotistarum doctrinam, dicentes, quod vltima sphaera mouetur secundum locare, non autem dicitur esse in loco secundum locari ex Sco. quolib. ii. C. quia inquit ipsi, est repugnantia in adiecto dicere vltimam sphaeram esse in loco secundum locare, quia esse in loco est locari.

Sed hæc doctrina confutata est in disp. de loco, vbi ostendo hanc doctrinam esse contra Sco. expressè, vbi loco cit. habet, quod Coelum est in loco per centrum, quia suum esse in loco est locare locabile fixum in loco.

Respondeo itaque ad argumentum, negando quod vltima sphaera localiter moueatur, & non aquirat aliquod Vbi, quia aquirat Vbi actiuum, locando aliter, quam prius locauerat per motum eius, & hoc locare in vltimo Cælo est esse in loco (quicquid dicant Meld. & Cat. contra Sco.) Item motus localis in Vacuo vtique secundum Arist. non est ad Vbi, quia secundum ipsum dari non potest Vacuum, nec motus in ipso mobile, tamen aquireret præsentialitatem ad spacium, vt dictum est in disp. de Vacuo, & iste motus esset localis, quia esset ad Vbi potentiale, quod non cognouit Aristor. quia putauit sola corpora moueri posse in pleno, idèd concedit tantum Vbi circumscriptum.

Octauò. Ad Relationem extrinsecus aduenientem est motus ex Sco. 3. d. p. q. p. K. ergò ad plura, quam ad quattuor prædicamenta est motus.

Respondent Meld. & Cat. loco immediatè cit. quod Sco. non loquitur vniuersaliter de quacunque relatione extrinsecus adueniente, sed indiffinitè, & sufficit quod naturaliter de Vbi verificetur, vt patet legenti tex. Sco.

Sed hæc Responsio licet sit vera in se, vt elici potest ex eodem Sco. 4. d. x. q. 6. A. & Quolib. 13. 5. tamen videtur esse difficultas in tex. Sco. in 3. loco cit.

Ppp 2 Nam

Confutatur

Responsio  
Auctoris.

Nam Sco. cum distinxisset de relatione necessariò consequente fundamentum, quæ est duplex scilicet quæ identificatur cum fundamento, & quæ non, & de ea, quæ non necessariò consequitur fundamentum, ait: Ad relationem tertio modo se habentem, quia est extrinsecus adueniens, est mutatio; Sed quælibet talis est extrinsecus adueniens; ergò ad quamlibet relationem extrinsecus aduenientem est secundum Sco. vel esse potest mutatio, quia videtur assignare pro ratione scilicet quia est extrinsecus adueniens; ergò Sco. vniuersaliter loquitur de quacunque relatione extrinsecus adueniente.

Respondeo motum esse ad formam propria acquisitione aquisibilem, & non ad acquisitionem alterius, inter relationem autem intrinsecus, & extrinsecus aduenientem est hæc differentia, quòd *relatio intrinsecus* adueniens non potest insurgere, quatenus intrinsecus adueniens, nisi posita nouitate in fundamento, vel termino, sed *relatio extrinsecus* adueniens, quatenus extrinsecus adueniens non insurgit occasione nouitatis in fundamento, vel termino, & si aliæ relationes extrinsecus aduenientes præter vbi-cationem occasionaliter fiant, & aquirantur ad acquisitionem alterius, hoc non euenit quia si extrinsecus aduenientes, quia vbi-catio cum sit relatio extrinsecus adueniens, propria acquisitione non aquireretur. Sed quia sunt relationes extrinsecus aduenientes tales, quæ in suo esse specifico, non generico requirunt occasionaliter aquiri ad acquisitionem alterius; In proposito ad Argumentum concedo maiorem, scilicet quòd ad relationem extrinsecus aduenientem: vt extrinsecus aduenientem est mutatio, quia ratio hæc generica talis relationis non repugnat propriæ acquisitioni, non quia esse extrinsecus aduenientem sit ratio formalis præcisa, qua posita, ponitur aquisibilitas propria, sed est ratio inadæquata, sicut Talpa non est cæca secundum animalitatem, & in esse generico, sed vt Talpa, & in esse specifico;

Co; Ad minorem concedo, quod quælibet relatio, quæ non insurgit necessario, est extrinsecus adueniens, Ad Consequentiam concedo quod ad quamlibet relationem extrinsecus aduenientem vel est, vel potest esse mutatio, quia relationi extrinsecus aduenienti, vt tali, non repugnat propria acquisitio, non est autem ad omnes relationes extrinsecus aduenientes secundum rationes specificas, quia aliquæ, vt tales in specie non possunt acquiri propria acquisitione, solum Vbiatio non solum ratione generica, quatenus relatio extrinsecus adueniens, sed ex sua ratione specifica sibi non repugnat propria acquisitio.

CONCLUSIO SEXTA.

*Motus localis potest fieri in instanti per potentiam Dei, ut includit totam realitatem motus.*

Elicitur ex Sco. 2. d. 2. q. 9. 2. & q. ii. C. 4. d. 43. q. 5. D.

*Opinio Aliorum. Cap. Primum.*

**M**Eld. & Cat. disp. 15. phys. q. 8. 2. 5. nu. 67. dicunt quod omnes motus successui possunt de potentia Dei in instanti fieri, & includere totam realitatem motus præter motum localem, qui eo casu duntaxat includeret realitatem termini motus, etiam inspecta potentia Dei. Primam partem dicunt esse Sco. 2. d. 2. q. ii. & 12. & 3. d. 2. q. 3. & d. 4. §. potest dici &c. & 4. d. 43. q. 5. Secundam partem dicunt esse Sco. 2. d. 2. q. 7. 2. & q. 12. §. ad secundum, & 3. d. 4. C. & clarius habet quod 7. supra M.

*Opinio  
Meld. &  
Cat.*

Sed videamus modo quomodo deducunt eorum conclusionem ex Sco. locis cit. & prius quoad primam partem, quam ego concedo; Nam multa loca Sco. citant, & multoties

*Falsificat  
Sco.*

toties in eis nihil ad rem inuenitur, Equidem primam partem rectè deducunt ex Sco. 4 d. 43. q. 5. B. sed eo loc. D. non viderunt Sco. esse contra secundam partem, vt infra videbimus, & rectè deducunt hanc primam partem ex Sco. locis cit. Sed in 2. d. 2. q. ii. & 13. cum loquetur Sco. tantum de motu locali, nescio quomodo possunt deducere hanc primam partem propriæ Conclusionis, & in his locis potius deducatur oppositum secundæ partis, vt infra videbimus.

*Falsificat  
Sco.*

Secundam verò partem conclusionis, scilicet quòd motus localis non potest fieri in instanti, vt concludit totam realitatem motus etiam per potentiam Dei, dicunt deducere ex Sco. 2. d. 2, q. 9. Z. sed potius oppositum elicitur, quia licet ibi Sco. dicat successionem in motu prouenire ex resistantia medijs ad motorem, & quòd medium non est necessarium virtuti illimitatæ, & infinitæ, sed tantum virtuti limitatæ, quia Deus potest auferre illa media, & per consequens potest in mobili inducere terminum sine medijs, & sic mouere illud motu non includente totam realitatem motus, sed tantum realitatem termini ultimi ipsius motus. Tamen applicando dicit quòd Angelus non potest moueri in instanti motu includente totam realitatem motus, quia non habet virtutem infinitam; habet enim hæc verba: *Tunc ad illa, qua adducuntur ad oppositum, quod scilicet Angeli ad se nulla est resistantia, Dico quòd ex quo agit non ex infinitate virtutis actiue quando est in Cælo inter quòd Vbi. & suum vbi in Terra nata sunt esse multa media, qua etiam virtuti suæ motiua sunt media, ita quòd nec virtus sua motiua potest omnia illa media facere simul, & terminum nec etiam potest statim terminum facere, nisi prius faciendo illa media, & ideo est hic resistantia tota, qua requiritur ad successionem in motu; hæc Sco.*

*Consut. 1.  
opin. Mel.  
& Cat.*

Tunc sic argumentor. Angelus secundum Sco. non potest moueri de Cælo ad Vbi in Terra, faciendo illa media Vbi

Vbi simul, & terminum, & per consequens non potest moueri motu includente totam realitatem motus, quia non agit ex infinitate virtutis actiue; ergo si ageret ex infinitate virtutis actiue posset moueri in instanti motu includente totam realitatem motus; Consequentia patet, aliter ratio Sco. nihil valeret, nam non valeret dicere hoc non est possibile à tali agente, quia non est agens infinitum, nisi infinitum agens posset illud facere, quia si effectus esset omnino impossibilis, non esset factibile ab hoc agente, quia agens non esset virtutis infinitæ, vt dicit Sco. sed præcisè solum, quia effectus est ex se impossibilis, & inuoluens contradictionem; Sublumo, Sed Deus est infinitæ virtutis, ergo potest mouere aliquod in instanti motu locali includenti totam realitatem motus.

Præterea media esse necessariò media alicui virtuti motiue localiter, est virtutem illam motiuam non posse omnia Vbi media facere simul, & terminum, nec statim inducere terminum sine mediis ex Sco. 2. d. 2. q. 9. 2. Sed nulla media sunt necessariò media virtuti illimitatæ, & infinitæ ex Sco. loco cit. quia Deus est supra ordinem naturæ, ergo virtus infinita non solum potest inducere terminum motus localis sine Vbi mediis, sed etiam Vbi media, & terminum motus; ergo potest mouere in instanti motu includente totam realitatem motus.

Neque secundo deducunt eorum conclusionem ex Sco. 2. d. 2. q. 12. Si ad secundum, quia ibi Sco. vt dicitur ad argumenta, non asserit Deum non posse mouere in instanti motu includente totam realitatem motus, sed quia est virtutis infinitæ potest de extremo ad extremum mouere, & non per media, non sic Angelus, cum sit virtutis limitatæ.

Neque 3. rectè conclusionem deducunt ex Sco. 3. d. 4. q. vnica C. vbi tantum probat Deum posse agere sine mediis, sine quibus non potest agere virtus imperfecta, sed nihil dicit pertinens ad eorum partem secundans scilicet quòd.

Deus

Consut. 2.

Falsificat.  
Sco.

Falsificat.  
Sco.

Deus non potest mouere localiter in instanti motu includente totam realitatem motus.

**Falsificat**  
**Scot.** Dicunt denique Sco. clarius conclusionem talem habere quol. 7. suprà M. & verò de hac conclusione minimum verbum habet, sed tantum probat secundum philosophos Deum non posse causare motum immediatè, & sine causa secunda agente nec in tempore, nec in instanti sine vlla distinctione, non ad mentem propriam, sed in via Philosophorum, & Commentatoris; Dicit enim, quòd si Deus moueret immediatè in instanti Cælum, tunc Cælum esset in eodem loco, in quo prius erat, & sic Cælum non moueretur. Et hoc argumentum probat tam de motu includente totam realitatem motus, quàm de motu præcisè includente terminum motus, quòd est etiam contra Aduersarios, ad quod tenentur etiam ipsi respondere; Hoc, & aliud argumentum ponit Commentator, & in fine argumentorum ait Scot. *Hac Commentator*: Videatis modo Scotistæ quomodo ex contraria doctrina volunt propriam conclusionem firmare; Non sufficit legisse Sco. sed attentè, & purgato animo.

**Confut. 2.** Præterea arguo contra hanc secundam partem, probando scilicet, quòd Deus potest localiter mouere in instanti motu includente totam realitatem motus ex Scot. 2. d. 2. q. ii. C. loco ab ipsis cit. pro eorum prima parte conclusionis, vbi habet, quòd Angelus non potest moueri localiter in instanti motu includente totam realitatem motus, quia virtute sua naturali non potest habere plura Vbi æqualia.

Tunc sic; quòd potest habere plura Vbi æqualia virtute sua, vel alterius potest moueri in instanti motu includente totam realitatem motus, aliter ratio Sco. nulla esset; sed Angelus, & quodcunque mobile potest virtute diuina habere plura Vbi adæquata; ergò potest virtute diuina moueri in instanti motu includente totam realitatem motus: Maior etiam est Sco. & ab ipsis, ac omnibus Scotistis, concessa



cessa, vt diffusè probaui prima parte meæ Philosophiæ disp. de loco.

Præterea Deus potest in instanti generare corpus minus corpore corrupto, V.G. secundum decem palmos, & potest in instanti mouere aerem circumstantem, vt vniatur superficiei corporis geniti, vt impediatur Vacuum, quia tunc vacuum à Deo impediri non posset, & est Scot. 4. d. 43. C. D. ergò motus localis potest etiam à Deo in instanti fieri, vt includit totam realitatem motus, prob. Consequentia, quia aer motus à Deo in instanti haberet Vbi intermedia simul cum termino motus, vel non; si sic, habetur intentum, quia ille motus haberet totam realitatem motus; si non; ergò Vbi intermedia essent vacua; ergò Deus non posset Vacuum impedire.

Confut. 1.  
effioacissimè.

*Sensentia Auctoris. Caput Secundum.*

*Motus potest fieri in instanti per potentiam Dei,  
vt includit totam realitatem motus.*

Elicitur ex Sco. 2. d. 2. q. 9. z. & q. ii. C. 4. d. 43.  
q. 5. D.

**P**RO cuius declaratione Not. Primò, quòd cum dico motum posse fieri in instanti, non intelligo de motu formaliter accepto, qui secundum meam sententiam est essentialiter successiuus, cuius mensura intrinseca, & extrinseca est Tempus, & idèd non potest habere partes simul, sed vnā post aliam, & non potest dari motus instantaneus contra Meld. & Car. Sed intelligo de motu pro materiali, seu pro termino ad quem est motus, ita quod sit sensus, quòd forma, quæ acquiritur in tempore, possit acquiri in instanti, vel subiectum, quod acquirit V. G. albedinem in tempora, & consequenter per motum, potest eam acqui-

Qq9

tere

rere in instanti; & ita per mutationem, cum mutatio, & motus solum per successuum, & simultaneum formaliter distinguantur.

Secundò Not. ex Sco. loco in principio cit. quòd motus potest accipi dupliciter; Vno modo, vt includit totam realitatem motus; Alio modo vt includit tantum realitatem termini motus, & potest expressius exemplificari de motu locali, idest vel pro motu locali, vt includit omnia Vbi intermedia, vel vt includit tantum terminum, & vltimum Vbi.

*Quid sit  
motum in-  
cludere to-  
tam reali-  
tatem mo-  
tus.*

V.G. si aliquis moueretur de Domo in forum, inter Dommum, & forum sunt multa Vbi intermedia, tunc motus includeret totam realitatem, quando includeret Vbi intermedia, & vltimum Vbi in foro, & si motus fieret in instanti, includeret totam realitatem motus, si omnia illa Vbi haberet simul quæ haberet successiuè; si verò mobile moueretur à Domo in forum, non transeundo per media, sed tantum aquireret Vbi in foro, tunc ille motus non includeret totam realitatem motus, sed tantum realitatem termini motus; loquendo de motu includente totam realitatem motus, dicit Sco. quòd Angelus non potest moueri in instanti virtute sua naturali, quia virtute sua naturali non potest habere plura Vbi æqualia, igitur secundum Sco. si Angelus posset virtute sua naturali habere Vbi æqualia in instanti, posset in instanti moueri motu includente totam realitatem motus, negat itaque Sco. Angelum, & per consequens quamlibet Creaturam posse moueri in instanti naturaliter, & per virtutem naturalem, loquendo de motu secundum totam realitatem, sed non negaret de potentia diuina, quia Angelus non solum, sed quodlibet corpus potest per potentiam Dei habere plura Vbi adæquata in instanti, & loquitur de potentia Dei absoluta.

Tertiò Not. quòd hic non loquor de aliis motibus, scilicet de generatione, augmentatione, & alteratione, quæ inter alios motus conceditur etiam fieri naturaliter in instanti

stanti, quia non est difficultas, solum dissidium est inter Scotistas de motu locali, ut includit totam realitatem motus, de cuius ratione est quod sit necessarium ad plura Vbi intermedia, ad quæ transitus videtur contrariis Scotistis necessario successivus, non tamen mihi, quia causa successionis in quolibet motu secundum Sco. 2. d. 2. q. 9. Z. est resistentia mobilis ad motorem, non quidem talis, quod movens non possit vincere mobile, quia idem non posset vincere seipsum, quando aliquod seipsum movet, sed nec etiam talis, quod mobile reinclinetur ad oppositum, quia talis resistentia solum reperiretur in motu violento, sed talis resistentia est, quod mobile semper est sub aliquo, cui non potest immediate succedere terminus intentus á mouente, & ista resistentia mobilis ad motorem est propter defectum virtutis mouentis, & non propter resistentiam medii ad mouens, & mobile, per quod medium potest intelligi omne illud quod necessario præcedit inductionem termini intenti, sed tale medium non est necessario medium, nisi virtuti limitatæ; si enim inquit Sco. virtus infinita esset, posset statim ponere mobile in termino ad quem: Possibilitas ergo successionis in motu est ex resistentia medii ad mobile, & ad motorem, media autem quæ resistunt mobili, ut non possit statim esse in termino, potest intelligi diuisibilitas partium mobilis, vel diuisibilitas formæ, secundum quam est motus, vel vtraque simul, necessitas tamen successionis nunquam est in hac resistentia, sed præcisè comparando istam ad agens, cui mobile resistit propter istam resistentiam medii ad ipsum agens, quod non potest tollere istam resistentiam, & hoc, ut dictum est prius cum Sco. quia est virtutis limitatæ, virtus autem illimitata, & infinita non habet istam resistentiam, quia potest statim mouere mobile per omnia illa media, & inducere simul terminum ultimum intentum, ac etiam multo magis illum terminum ultimum inducere sine mediis.

*Ratio successionis in motu.*

Qqq 2 Quar-

*Quare a-  
gens non  
potest au-  
ferri suc-  
cessionē in  
motu.*

Quartò Not. quòd idèò agens non potest tollere resi-  
stentiam mediū, & per consequens successionem in motu,  
non quia non possit auferre media, sed etiam quia non po-  
test simul illa media, & terminum inducere. Vnde ex Sco.  
2. d. 2. q. 9. z. media sunt necessariò media virtuti, loquendo  
tamen in præsenti de virtute motiua, quia non potest simul  
illa media Vbi, & terminum inducere, ac etiam quia non  
potest statim terminum facere, nisi prius taciendo illa me-  
dia, Deus autem cum sit virtutis infinitæ, cui nulla media  
sunt necessariò media, potest non solum inducere termi-  
num subito sine mediis, sed etiam potest mouere mobile  
simul per illa media, & ad terminum motus, quod est  
mouere motu includente totam realitatem motus, &  
per consequens motus localis poterit esse in instanti per  
potentiam Dei, vt talis motus includit totam realitatem  
motus.

*Vbi me-  
diū est du-  
plex, &  
quid.*

Quintò Not ex Sco. 2. d. 2. q. 12. A. quòd Vbi medium est  
duplex. Aliud, quod est inter extrema distantia, quorum  
medium nihil est extremorum. Aliud, quod est inter ex-  
trema immediata, quorum medium est aliquid extremorū.  
Exemplum Primi. Ponantur duo Vbi secundum palmum  
distantia, inter quæ mediet Vbi palmare, illud Vbi medium  
nihil est extremorum, & nihil participat de extremis. Exem-  
plum secundi sint duo Vbi palma ia immediata, tunc potest  
constitui vnum Vbi palmare, quod capiat aliquid de vtro-  
que, & tale potest dici Vbi medium, quod potest in tot  
Vbi multiplicari, in quot partes potest vtrumque Vbi extre-  
mum diuidi, si loquamur de motu coniuo, Angelus  
non potest moueri in instanti, sed necesse est, quòd transeat  
per quodcunque medium explicatum, quia talia media sunt  
rationes continuitatis; sed loquendo de motu indiuisibili,  
potest Angelus moueri in instanti de vno Vbi immediato  
ad aliud immediatum; Sed loquendo de extremis distanti-  
bus habentibus medium distinctum ab extremis, non po-  
test

test moueri in instanti motu includente totam realitatem motus, sed si sit sermo de motu includente tantum realitatem termini motus, Scrus est problematicus, quia loc. cit. q. ii. C. dicit quod non est inconueniens, quia hoc modo possit mutari in instanti, quia quod terminus motus non statim inducatur, hoc est ex imperfectione virtutis ipsius mouentis, quæ imperfectio non est attribuenda Angelo, nisi aliqua necessitas appareat: In quæst. verò 12. C. dicit quod videtur probabiliter, quod non possit hoc modo moueri in instanti, quia ordo præfixus à superiori agente videtur esse maius cuiuscunque agente inferiori; Vnde quando Angelus mouet se per corpora, quorum est talis ordo, non potest absque omni ordine de quocunque Vbi facere se in quocunque Vbi immediatè, scilicet in instanti, tunc enim nulla distantia videretur impedire actionem eius; Deus autem cum sit infinitæ virtutis, potest mobile mouere in instanti, inducendo in mobili totam realitatem motus, scilicet quod in instanti habeat simul Vbi intermedia, & terminum motus; His Not.

Probatur Conclusio omnibus rationibus positis in primo cap. contra secundam partem conclusionis Aduersariorum Scotistarum.

Potest etiam probari tali pacto, Deus secundum omnes Scotistas etiam Aduersarios, potest in eodem instanti replicare corpus in diuersis locis adæquatis, ergò potest ipsum mouere ab extremo ad extremum distans in eodem instanti temporis. Probatur consequentia maior virtus requiritur ad replicandum corpus in instanti in Vbi intermedium, & in termino, quam quod transeat omnia illa Vbi in instanti, quia ad replicandum corpus in instanti in multis locis sint dua miracula: Vnum est quod corpus moueatur localiter in instanti, & quod idem corpus sit simul in pluribus locis, sed in motu locali instantaneo est tantum vnum miraculum, scilicet instantaneitas motus sine replicatione; ergò

ergò Deus potest mouere corpus in instanti, ita vt aquirat omnia Vbi intermedia, & terminum motus ordine quodam naturæ, non durationis: ergò per Virtutem Dei potest corpus localiter moueri motu includente totam realitatem motus.

*Argumen-  
ta Meld.  
& Cas.*

Contra Conclusionem primò arguunt Meld. & Cat. in hac disp. n. 68. auctoritate Sco. 2. d. 2. q. 9. Z. & q. 12. §. ad secundum, & 3. d. 4. C. & clarius quolib. 7. supra M. vbi loquens de motu locali instantaneo à Deo facto, ait hoc esse, quia cum sit agens supremum habet omnia media pro non mediis, & ita se habet in termino motus instantanei, ac si transisset per media; ergò de mente Sco. in motu locali instantaneo non habentur illa Vbi intermedia in mobili, sed statim fit in Vbi vltimatum, quod est moueri motu includente realitatem termini motus.

*Falsificat,  
Sco.*

Respondeo quòd isti Sco. non benè referunt. Sco. rum, qui vtique in aliquo loco dicit Deum infinitum posse mouere localiter in instanti aliquod mobile de extremo ad extremum, non transeundo per media, sed non dicit Deum per eius virtutem infinitam; idèò posse mouere localiter in instanti per hoc solum, quia posset auferre media, sed quia media non sunt sibi necessariò media, vt habet in 2. d. 2. q. 9. Z. media verò non esse alicui virtuti necessariò media non est auferre media tantum, sed vt se declarat loco cit. est omnia media facere simul, & terminum, quod non potest facere Angelus. (inquit ipse) quia est virtutis limitatæ, quare negatur consequentia, quia de mente Sco. loco cit. & 2. d. 2. q. 11. C. & 4. d. 43. q. 3. C. D. non solum Deus per virtutem eius infinitam potest mouere localiter in instanti aliquod mobile de extremo ad extremum, non transeundo per media, sed etiam simul transeundo per media, & aquirendo terminum vltimum motus; Item falsissimum est, quòd sco. quolib. 7. supra M. clarius dicat Deum idèò posse mouere in instanti, quia potest auferre media, nam  
ibi

ibi tantum probat secundum Philosophos Deum non posse immediatè, & sine causa secunda Cœlum in Tempore, nec in instanti mouere, vt dictum est in primo cap. examinando contra Aduersarios Scotistas præcitatum locum Sco.

Secundò Arguunt ratione. Si posset esse motus localis in instanti includens totam realitatem motus, necessariò per eundem numero motum instantaneum deberet corpus illud occupare medium, & finem spaciï, sicut per eundem numero motum successiuum occupat totum illud spaciû; sed hoc est impossibile: ergò impossibilis est motus localis in instanti dicens omnem realitatem motus; maior patet ex diffinitione motus includentis totam realitatem, & exemplo aliorum motum; minor probatur. Non potest facere Deus, quòd idem corpus in eodem instanti occupet spaciû, nisi replicando illud toties, quoties; requiritur ad totalem replicationem, sed istæ replicationes non integrant vere vnum numero motum cum vnitas numerica motus requirat unitatem numericam termini; ergò impossibile est mobile vni- co motu replere totum spaciû, & terminum spaciï; ergò impossibilis est motus localis in instanti includens totam realitatem motus.

Respondeo hoc argumentum supponere vnum falsum, quo supposito putant insolubile, supponit enim corpus non posse in instanti localiter moueri, transeundo per media distincta, nisi in omnibus illis replicetur, quòd est falsum: Ideò Respondeo in forma ad sequelam maioris, quæ destruit seipsam, quòd tunc deberet corpus per eundem numero motum instantaneum occupare totum spaciû, & terminum spaciï, non per replicationem, sed ordine quodam, non durationis, sed naturæ; sicut Angelus pertranseundo ab vno Vbi immediatè, ad aliud Vbi in instanti, habet omnia media, quæ sunt aliquid extremorum ordine quodam naturæ non durationis ex Sco. 2. d. 2. q. 12. C. (Vnde vt ipsi dicunt in hac sequela) sicut per eundem numero motum

suc-



successuum corpus occupat successuè, & ordine duratio-  
nis totum spacium, & terminum spacii, ita per eundem nu-  
mero motum instantaneum corpus per potentiam Dei  
occuparet ordine naturæ totum spacium, & terminum  
spacii, & hoc modo intelligitur diffinitio motus includen-  
tis totam realitatem, quòd scilicet ipsum corpus transeat,  
& aquirat media simul, & terminum, idest in eodem instan-  
ti, cum quo stat ordo naturæ; Ad minorem cum dicitur,  
quòd hoc est impossibile, nego; Et cum probatur, quia  
Deus non potest facere, quòd idem corpus in eodem in-  
stanti occupet spacium, & terminum motus, nisi replicando  
illud, nego, quia tunc corpus transiret omnia illa Vbi sine  
replicatione, sicut corpus naturaliter occupat totum spa-  
cium, & terminum motus ordine durationis sine replicatio-  
ne, quapropter licet impossibile esset vnus motus numero  
cum replicatione, non est tamen impossibilis sine replicatio-  
ne, hoc autem potest facere Deus, sed non probant con-  
trarium, quòd probare deberent ad hoc, vt stare argumen-  
tum in suo robore.

Contra tamen ego probo pro ipsis, quòd corpus non  
potest per potentiam Dei moueri in instanti localiter motu  
includente totam realitatem motus, nisi in omnibus vbi  
intermediis multiplicetur ex principiis Sco. in 2. d. 2. q. ii. C.  
vbi habet quòd Angelus non potest moueri localiter in in-  
stanti motu includente totam realitatem motus, quia sua  
virtute naturali non potest habere plura Vbi æqualia, ergò  
Deus non potest mouere corpus, vel Angelum localiter  
hoc modo in instanti, nisi illud habeat plura Vbi æqualia  
simul, sed non potest facere Deus quòd corpus habeat  
plura Vbi æqualia simul, non replicet illud in pluribus, ergò  
non potest mouere localiter corpus in instanti, nec di-  
cente totam realitatem, nisi replicet illud in pluri-  
bus locis.

Respondeo concedendo consequentiam, sed nego mi-

notem

noſſem ſubillatam, quia habere plura Vbi æqualia ſimul eſt illa habere in eodem inſtanti, non per replicationem, ſed tranſcundo ordine naturæ, ſicut dicimus, quòd ſimul in vna hora corpus habet multa Vbi æqualia, non quòd ſimul remaneat in illis Vbi, ſed quia per illa Vbi tranſiuit, ſic corpus per virtutem Dei habet ſimul, ideſt in eodem inſtanti plura Vbi, non quòd remaneat in illis Vbi, & replicetur in illis, ſed quia tranſiuit omnia illa Vbi, non remanendo in vnoquoque illorum, ſed tantum in termino motus quieſcendo, & ſic negatur conſequentia.

Tertiò. Si motus localis poteſt fieri in inſtanti; ergò in eodem inſtanti corpus ſimul moueretur, & quieſceret, quòd eſt falſum, quia vt probatum eſt aliàs ſecundum Sco. priuatiuè oppoſita non poſſunt eſſe ſimul in eodem inſtanti.

Reſpondeo negando conſequentiam; Et cum probatur, quia priuatiuè oppoſita non poſſunt eſſe ſimul in eodem inſtanti ſecundum Sco. dico quòd non poſſunt eſſe ſimul in eſſe quieto, poſſunt tamen eſſe in fieri, ſicut in generatione, quæ fit in inſtanti priuatio ſecundum eſſe recedens eſt ſimul cum forma in fieri, & in introduci, & Angelus ſecundum Sco. poteſt de vno ad aliud Vbi moueri in inſtanti, & per conſequens ſimul eſt in eodem inſtanti priuatio cum Vbi oppoſito, quòd aquiritur, ſicut ſimul ſunt motus, & principia eius, quia principiato in actu ſecundum Ariſtoſtem correfpondet principium in actu, nam repugnat principium eſſe in potentia, & principiatum in actu, aliter principiatum eſſet ſine ſuis principiis, & ſic aliquod dependeret eſſentialiter ab alio, quo non exiſtente, illud nihilominus eſſet.

Quartò vbi eſt prius, & poſterius ſecundum partes mobilis, & ſpaci, ibi eſt prius & poſterius in motu, & Vbi eſt prius & poſterius in motu, ibi eſt ſucceſſio, ſed quando corpus localiter mouetur, tunc eſt prius, & poſterius ſecundum

Rrr partes

partes mobilis, & spatii; ergò in motu locali erit prius, & posterius, & per consequens successio; Subinfero. sed successio non potest esse in instanti; ergò motus localis non potest esse in instanti.

Respondeo quod Vbi est prius & posterius duratione ibi consequenter est successio, sed Vbi est prius, & posterius natura, nego, quòd ibi sit successio; modò quando corpus mouetur in instanti, ibi est prius & posterius ordine naturæ, non durationis, vt dictum est prius cum Sco. de Angelo, quando in instanti mouetur in spatio diuifibili; & ideo negatur, quòd ibi sit successio; & sic concessa minori subillata, nego consequentiam.

Quintò. Si Cœlum per virtutem Dei in instanti moueretur, sequeretur quòd totum Cœlum, & quælibet pars eius esset in eodem loco, in quo prius erat; ergò in illo instanti Cœlum non moueretur; ergò simul moueretur, & non moueretur. Hoc argumentum est Commentatoris adductum à Sco quolib. 7. L.

Respondeo negando sequelam, quia quælibet pars Cœli transiret totum spacium in instanti, circa quod mouetur in tempore, & sic totum Cœlum in instanti moueretur, quia locaretur secundum quamlibet partem eius totum

locabile sibi immediatum,

& sic negan-

tur

consequen-

tia.

\*\*\*

C O N

CONCLUSIO SEPTIMA.

Motus habet unitatem quamcumq; extrinsecam, diversitatem;  
& contrarietatem principaliter à forma, minus  
principaliter à privatione, nullam tamen  
proprie à subiecto, nisi numericam  
non simpliciter, sed secundum  
quid.

Elici potest ex Sco. omnibus in locis, in quibus ponit  
motum specificari à termino, quo ad primam  
partem, sed quo ad alias, non inveni

Doctrinam in Scoto.

Opinio Aliorum. Cap. Primum.

**M**eld. & Car. disp. 15. q. 7. a. primo num. 74. sustinent  
motum specificari à termino ad quem, & simplici-  
ter negant specificari à termino à quo negatiuo, & pro-  
bant, quia quod non est, non potest dare unitatem motui,  
privatio autem non est in motu, & per consequens motum  
specificare non potest.

Opinio

Meld. &

Car.

Sed contra hanc opinionem sunt omnia argumenta;  
quæ conficuntur in prima parte Philosophiæ disp. de Priua-  
tione in qua ostendo priuationem principiari per ipsum ef-  
fe, quia quod non est, non principiat, nec à non ente ali-  
quod dependet, motus autem dependet à privatione, vi-  
deatis ibi.

Argumentor tamen principaliter probando priuationem  
specificare motum saltem minus principaliter. Ab illo  
motus proprie specificatur, quoposito, ponitur motus, &  
ipso diuersificato, diuersificatur motus; sed posita priuatio-  
ne in eise recedenti, ponitur motus, & diuersificata priua-

Cōsuetudo

Rrr 2 tione

tione numero, vel specie, vel genere, eodem modo diuersificatur motus; ergo priuatio propriè specificat motum; maior patet, quia non possumus cognoscere extrinsecè unitatem, & diuersitatem motus, nisi ab illo, cuius unitatem, & diuersitatem sequitur motus, minor probatur, quia motus est vnus, vel diuersus, quia est inter vnā, vel diuersā formā, & priuationem, quia priuatio est vna, vel diuersa, quia est vnus, vel diuersa formā, igitur si motus à forma habet unitatem, & diuersitatem, habebit etiam à priuatione.

Secundò. Dicunt in hac disp. num. 74. Motum specificari à forma, & à termino ad quem nunquam tamen à subiecto.

Cat.

Confut. ad  
bominem

Hoc dictum est verum, sed ab ipsis sustineri non potest, & probo ex principiis eorum. Non minus relatio constituitur *per esse ad*, quàm *per esse in*, & cum sint eadem principia constituendi, & distinguendi, non minus specificatur à fundamento, quàm à termino; Hæc maior est ipsorum disp. 8. Logicæ q. 4. in principio §. 3. quod esse in &c. sed motus formaliter est relatio subiecti mobilis ad formā, ergo motus non minus recipit esse à subiecto, quàm à forma, & non minus specificatur à subiecto, quàm à forma; sed motus etiam secundum istos Scotistas specificatur, & accipit suam unitatem à forma; ergo etiam à subiecto: Hæc mihi videtur manifesta contradictio, quod relatio specificetur à subiecto, & quod motus sit relatio, & non specificetur à subiecto.

3. dictum

Meld. &

Cat.

Tertio: Dicunt isti Scotistæ in hac disp. à 2. nu. 82. quod vnitas numerica motus desumitur ab unitate numerica mobilis, quàm conclusionem asserunt esse Sco. 4. d. 43. q. p. §. Ad vltimum, & q. 3. M. & 2. d. 20. q. 2.

Confutatur

falsificat

Scot.

Sed isti Scotistæ more solito appropriatam doctrinam validant humbra Scoti, qui vel oppositum dicit, vel nihilo, vt in præsentī, nam in 4. loco cit. §. Ad vltimum nihil dicit

de

He motu, sed tantum si rediret idem numero, eadem numero vnio partium rediret, & reddit rationem, quia potest redire respectus idem numero, si extrema eadem numero redirent, quæ doctrina vtique posset aplicari ad motum, sed ineptè, quia licet idem numero respectus requirat idem numero subiectum, quia non potest esse in pluribus subiectis, & diuersificato subiecto, diuersificatur numero relatio, tamen identitas numeralis respectus non potest dignosci ex identitate numerali subiecti, vel fundamenti; Nam in eodem numero fundamento possunt esse plures relationes, non solum numero, sed specie, & genere diuersæ, vt relatio Paternitatis, actionis, passionis, &c; ergò relationes quomodocunque diuersæ essent vna, & eadem numero relatio, quòd est impossibile.

Præterea ad hominem. Vnitas specifica motuum non potest attendi penes subiectum, quia in subiecto possunt esse plures motus specie distincti; Hæc propositio est ipsorum in hac disp. a. p. in fine; ergò a pari vnitas numerica motus non potest attendi penes subiectum, & mobile, quia in ipso possunt esse plures motus numero distincti.

Confut. 2.  
ad hominē

Reuertamur modò ad Auctoritates Sco. à contrariis Sco. tistis adductas. Dicunt enim vnitatem numeralem motus desumi ex vnitatem numerali mobilis ex Sco. 4. d. 43. q. 3. M. & ibi Sco. solum probat idem corpus mixtum posse redire idem numero naturaliter, posito eodem efficienti, & materia eadem numero, idem dicit. in 2. d. 20. q. 2. loco ab ipsis cit. sed ibi litera B. deducitur totum oppositum de motu, vbi habet, quòd idem homo potuit esse filius Adæ, & filius Abrahæ.

Falsificat  
Sco.

Tunc sic Argumentor. Eadem est ratio de pluribus motibus, ac de pluribus filiationibus; Sed ex eo loco cit. possunt esse plures filiationes in eodem homine; ergò plures numero motus; ergò secundum Sco. ex vnitatem numerica mobilis non potest desumi vnitas numerica motus.

Quar.

4. dictum **Quartò.** Dicunt isti Scotistæ in hac disp. n. 85. loquendo  
*Meld.* & de oppositione motus, quòd quies, & immobilitas differunt,  
*Cat.* quod quia immobilitas dicit negationem motus in subiecto non  
*in senten-* apto nato moueri, quies verò dicit negationem in subiecto  
*tia ipsorum* apto nato moueri.  
*non potest*  
*sustineri.*

**Contradi-**  
**ctio Meld.**  
**& Cat.**

Hoc dictum verum est, & potest elici manifestè ex Ari-  
 stot. 5. phyl. t. 55. ubi habet, quòd non potest esse quies, nisi  
 in eo, quod natum est moueri, sed in sententia istorum non  
 potest sustineri, quia sibi contradicentes dicunt in disp. 14.  
 phys. q. 2. a. 2. num. 26. dari quietem pro pura negatione,  
 idè dicunt in quocunque instanti, dum fit motus esse quie-  
 tem negatiuam, quæ dicit negationem motus in subiecto  
 non apto moueri, ac propterea motum fieri ex pluribus  
 quietibus intermediis, quod consutaui, sed hanc contra-  
 dictionem nondum inuenerim; Ex quibus patet istos Sco-  
 tistas à diuersis diuersa transcribere, non consiterando,  
 quæ prius transcripserunt, hoc est parere confusionem.

### *Sententia Auctoris. Caput Secundum.*

*Motus habet unitatem quamcunq; extrinsecam, diuersitatem,  
 & contrarietatem principaliter à forma, minus  
 principaliter à priuatione, nullam tamen  
 propriè à subiecto, nisi numericam  
 non simpliciter, sed secundum  
 quid.*

Elici potest ex Sco. omnibus in locis, in quibus ponit  
 motum specificari à termino, quo ad primam  
 partem, sed quo ad alias, non inueni  
 Doctrinam in Scoto.

**P**ro cuius declaratione Nor. Primò, quòd ens ab eo  
 habet unitatem, & distinctionem, à quo habet entita-  
 tem,



tem, motus autem ex sua ratione formali est talis, ideò ex sua ratione formali habet vnitatem, & distinctionem; Vnitatem autem, sicut & distinctio est triplex, scilicet numerica, specifica, & generica, & sic motus à quo habebit esse numericum, specificum, & genericum, ab eo habebit quamcunque vnitatem, & distinctionem, & hoc intrinsecè; Si verò loquamur extrinsecè, tunc motus accipit vnitatem, & distinctionem ab illo principaliter, à quo specificatur, & istud est terminus formalis, & hoc quando forma fluens est eiusdem rationis cum forma terminante; minus verò principaliter à termino à quo, concomitanter verò à forma circumscribente priuationem termini ad quem, à subiecto verò nullam potest accipere vnitatem, vel distinctionem simpliciter, quia idem subiectum potest habere plures motus numero, specie, & genere distinctos, & licet diuersificato fundamento, vel termino tantum diuersificetur relatio, tamen diuersificato fundamento tantum numero, vel specie, vel genere, non diuersificatur eodem modo relatio, quia motus hominis, & lapidis ad albedinem est eiusdem speciei, & tamen subiectum diuersificatur specie, diuersificato tamen fundamento numero, diuersificatur etiam numero relatio, & sic etiam posita vnitatem subiecti, non ponitur vnitatem relationis simpliciter, quia licet inter vnum numero fundamentum, & terminum sit vna relatio, tamen cum vnitatem fundamenti numerali potest stare diuersitas relationis numerica, specifica, & generica; Vnus enim homo numero potest fundare plures paternitates, similitudines, actiones, passionem, &c. quæ relationes differunt numero, specie, & genere; Motus verò cum dependeat à subiecto, forma, & priuatione, cum dicat respectum subiecti ad formam cum respectu ad non informationem, cui immediatè succedit informatio, magis principaliter habebit extrinsecam vnitatem, & distinctionem à forma, & minus principaliter à priuatione, quia for-

*respectu  
cuius di-  
uersifica-  
tur motus*

ma

ma specificat extrinsecè motum, priuatio verò cognoscitur ad cognitionem formæ sibi oppositæ ad quorum positionem, & variationem, necesse ponitur, & variatur motus, si numero, numero, si specie, specie, si genere, genere, concomitanter verò à forma circumscriptibente priuationem, licet enim talis possit esse diuersæ speciei, ut patet in alterationibus, tamen motus potest ab illa sumere unitatem numericam, & specificam, quia potest circumscribere priuationem numericam, vel specificam; Ut cum homo sit albus siue homo sit niger, siue rubeus, motus esset vnus numero, quia nigredo, vel rubedo circumscriberet nobis priuationem eiusdem albedinis numero, & siue homo modo niger, modo rubeus fiat albus, nigredo, & rubedo specificant nobis motum eiusdem speciei, quia circumscribunt nobis priuationem eiusdem speciei.

Secundò Not. motum esse diuersum, oppositum, & contrarium, non est esse vnum, & idem, tamen motus à quo habet unitatem extrinsecam ab eodem habet diuersitatem, oppositionem, & contrarietatem extrinsecam, de qua loquimur in præfenti, quærendo igitur A quo motus habet unitatem extrinsecam, sic in genere, inquirimus à quo habeat specificationem, & quamcunque unitatem, diuersitatem, contrarietatem, & oppositionem, quæ omnia vnico

*A quo motus habeat contradictionem, & oppositionem.*

att. vel conclusione declarantur: Relinquo igitur prolixitatem inutilem, quæ parit confusionem, & amplector breuitatem necessariam, quæ aperit claritatem, & distinctionem; multiplicare enim articulos sine necessitate est confundere intellectum, & ignorantiam parere; quare veritas numerica, specifi- a, & generica, sicut & diuersitas, oppositio, & contrarietas attenditur principaliter penes formam, minus principaliter penes priuationem, concomitanter verò penes formam circumscriptibentem priuationem, nullam verò talem penes subiectum simpliciter, quia idem subiectum potest recipere plures formas numero,

spe-

specie, vel genere diuersas, penes verò agens etiam nulla attenditur talis per se vnitas, vel diuersitas, quia à pluribus agentibus numero potest esse vnus numero motus, siue eadem forma producat in subiecto à pluribus simul partialiter, siue à pluribus totaliter diuisim; Potest tamen vnitas, & diuersitas accidentaliter motus desumi ab agente, cuiusmodi est naturalitas, & supernaturalitas motus, quia est ab agente supernaturali, vel naturali.

Tertiò Not. vnitatem numeralem motus propriè desumi à forma, & priuatione, sed principaliter à forma, loquendo de motu secundum se, sed spectata potentia, & ordine naturali, etiam propriè desumitur à tempore, tamen quia per potentiam Dei idem numero motus potest redire in diuersis temporibus, vnitas numerica temporis non requiritur simpliciter ad vnitatem numericam motus, etiam continuatiuam, quia motus potest fieri non existente tempore pro mensura extrinseca, tempus verò intrinsecum, quod est duratio motus, cum tale sit existentia motus, necessariò simpliciter requiritur ad vnitatem motus: Vnde secundum Sco. 4. d. 10. q. 3. supra E. & d. 43. q. p. D. Alia est vnitas identitatis ad seipsum, & est illa, secundum quam aliquid formaliter dicitur idem sibi ipsi, & hæc est à differentia numerica, & indiuiduali, vel identitate minori identitati numerali, & hoc tripliciter, vel identitate naturæ specificæ, & hæc est à differentia specifica, vt vnitas naturæ humanæ erit à rationalitate, vel identitate naturæ genericæ, & hæc est à differentia generica, vt vnitas animalis erit à sensitiuitate, vel identitate naturæ generalissimæ, & hæc erit à sua ratione formali generalissima. Alia est vnitas continuitatis, & est continuitas par is ad partem in toto; In proposito motus habet duplicem vnitatem, quomocunque accipiendo motum siue in genere siue in specie, siue in numero, nam motus quomocunque acceptus est idem sibi ipsi, & habet continuitatem partium in seipso, continua-

*A quo motus habeat vnitatem numeralem.*

*Duplex vnitatis, & quid sit.*

tur enim per mutata esse; quare si motus fiat in vno, vel diuerso tempore per potentiam Dei redeat, habebit unitatem identitatis, & continuitatis; Sed stante ordine naturæ, & potentia naturali, vnitas temporis necessario requiritur ad unitatem numeralem continuitatis, & identitatis motus, quia in diuersis temporibus secundum communem cursum naturæ non potest fieri vnus numero motus, si autem fieret diuersis temporibus, quia rediret idem numero, haberet vtique unitatem identitatis, & continuitatis partium in ipso, sed nunquam haberet continuitatem sibi ipsi ex Sco. loco cit. vbi habet, quod si corpus esset in pluribus locis distantibus, haberet unitatem identitatis, & continuitatis partium in toto, sed non continuaretur sibi ipsi, sic motus si in diuersis temporibus fieret, haberet unitatem identitatis, & continuitatis partium in se ipso, sed sibi ipsi non continuaretur.

*Quomodo  
distinguan-  
tur diuer-  
sitas, op-  
positio, &  
contrarie-  
tas.*

Quartò Not. quod diuersitas, & oppositio seu contrarietas distinguuntur sicut magis commune, & minus commune, quia omne oppositum est diuersum, quia nihil oppositur sibi ipsi, sed non omne diuersum est oppositum, seu contrarium, quia contrarietas maximè formalis est inter qualitates, contrarietas relatiua inter relationes, priuatiua inter habitum, & priuationem, contradictoria oppositio inter affirmationem, & negationem, vt patet ex Aristot. in post prædicamentis; Substantia igitur, & quantitas non potest opponi alteri, nisi per accidens, scilicet ratione qualitatis, vel relationis annexæ: Vnde cum motus sit relatio formaliter, non potest opponi nisi relatiuè, vel contradictoriè negationi ipsius motus. priuatiuè quieti, quies enim est priuatio motus, nunquam verò est negatio simpliciter, non enim datur quies, nisi subiectum sit aptum natum moueri, vt etiam Meld. & Cat. sibi contradicentes dicunt in hac disp. num. 85. vt notauimus in primo cap. motus tamen dicitur formaliter opponi alteri motui ratione formarum ad quas.

*Contradi-  
ctio Meld.  
& Cat.*

quas est motus, ac etiam quietis, accipiendo quietem pro materiali, scilicet pro forma, sub qua subiectum quiescit; dicitur verò diuersum à quocunque motu, & quiete, cum quibus non est idem, non identitas enim dicit diuersitatem, habet tamen motus hanc non identitatem, seu diuersitatem, ac etiam oppositionem, & contrarietatem principaliter à forma, minus principaliter à priuatione, nullam verò simpliciter à subiecto, vt dictum est, quia licet à subiecto dependeat motus in esse, tamen à principio materiali, & potenciali, quod stat cum opposito, non potest principiatum specificare.

*Terminus  
motus est  
duplex.*

Quintò Not. quòd terminus ad quem ipsius motus est duplex, vltimatus, & non vltimatus, seu medius; Vnde quando aliquid localiter mouetur, Vbi vltimatum, est quòd vltimò acquiritur, vbi verò medium est quòd mediat inter terminum à quo mobile mouetur, & inter terminum ad quem vltimatè acquisitum per motum; Item si mobile moueretur ad albedinem, si prius fiat rubeus, deinde albus, terminus ad quem vltimatus esset albedo, terminus medius esset rubedo; modò quando dico, quòd motus specificatur extrinsecè à termino ad quem, intelligo de termino vltimato, non autem medio, quia termini medii possunt differe specie à termino vltimato, & tunc fluxus formæ non esset eiusdem rationis cum forma terminante, quia tunc forma fluens esset terminus medius, forma terminans est forma vltimata, quæ licet fluat in motu, quia acquiritur, non fuit tamen simpliciter, & præcisè, quia fuit etiam, & acquiritur forma media: Et hoc est quòd dicit Sco. quòd motuum differentium specie non sunt termini differentes specie, nisi forma fluens sit eiusdem rationis cum forma terminante. His Not.

Probatùr conclusio quoad omnes partes simul. A quò aliquod habet suum esse formale, seu specificum, siue numericum, & per ipsum differt à quocunque quòd non est

Sss 2 ipsum

ipsum, ab illo habet quamcumque vnitatem, specificationem, & contrarietatem: Sed motus habet suum esse formale solum à forma, & priuatione, siue specificum, siue genericum, & per ipsa differt à quocunque, quod non est motus; ergò à forma, & priuatione solum habet quamcumque specificationem, vnitatem, & contrarietatem, min. prob; quia solum forma, & priuatio sunt termini formales motus, per quos tantum dignoscitur vnitas, & contrarietas motus, & differentia à quocunque alio, quòd non est motus, quia posita vnitate, & diuersitate terminorum formalium, præcisè ponitur vnitas, & diuersitas motus, & è conuersò, subiectum verò est quid potentiale respectu motus, quòd subiectum quasi contrahitur per tales terminos formales ad talem speciem, vel numerum motus, cum sit omnium motuum commune principium, quo tamen variato, variatur numero motus, & non è conuersò.

Argum.

Meld. &

Cat.

Contra Arguunt primo Meld. & Cat. in hac disp. numero 74. probantes vnitatem specificam motus non posse defumi à termino à quo siue positiuo, siue priuatiuo Auſt. Sco. p. d. 2. q. 7. T. & d. 13. A. Q. & 3. d. 14. q. p. E. & 4. d. 43. q. p. D. quibus in locis, inquit ipsi, docet motum à termino ad quem specificari.

Respondeo quòd ibi Sco. solum dicit motum diuersificari ad diuersitatem termini ad quem, & formæ quando formæ sunt diuersæ, & forma fluens est eadem cum forma terminante, & per consequens deduci potest, quòd specificatio motus à termino ad quem possit deduci ex principiis Sco. sed nihil dicit de priuatione; Vnde à Sco. locis cit. non possunt deducere eorum conclusionem, nec contra me aliquid inferre.

2. Argum.

Meld. &

Cat.

Secundò, quòd non est, nec manet in motu, nec per se intenditur à natura, non potest specificare ens reale; Sed priuatio non est, nec manet in motu, nec per se intenditur à natura; ergò non potest specificare motum, quia est ens reale.

Respon-

Respondeo ad maiorem, concedendo, quod non est, nec manet in motu non posse ens reale specificare, sed nego, quod per se non intenditur à natura non posse ens reale specificare, dummodò illud, quod per se non intenditur à natura sit aliquod formale requisitum ad illud, quod per se intenditur à natura, generatio enim solum per se intenditur à natura, corruptio verò per accidens, tamen quia in generatione per se intenta requiritur priuatio tanquam terminus, idèd potest motum, & generationem specificare; Ad min. nego, quod priuatio non sit ens, quia est ens reale negatiuum, & manet in motu, quia quod non est, nec manet in motu, non potest principiare motum, manet enim priuatio recedendo, sicut manet forma in fieri, accedendo, & influxu, & hæc manentia sufficit ad specificationem motus, qui cum formaliter sit respectus ad formam cum respectu inuiediatae successionis informationis ad non informationem, erit ens reale secundum quid terminatum ad non ens, non erit etiam inconueniens non ens reale positiuum esse rationem formale specificandi motum.

Tertiò Arguitur ab aliis magis differunt duo motus à nigro in rubeum, quam duo motus ab albo, & nigro in rubeum, sed duo primi motus differunt numero; ergo duo vltimi motus differunt specie; sed non differunt specie ratione termini ad quem, quia colores rubei non differunt specie; ergo motus non specificatur à termino ad quem, sed magis à termino à quo concomitanti.

Respondeo, quicquid alii dicant, negando maiorem, quia licet in motu termini à quo concomitantes, vt in proposito albedo, & nigredo differant specie secundum se, tamen dicuntur esse eiusdem speciei, quatenus circumscribunt nobis priuationes eiusdem speciei, quia rubeum fit ex albo, & nigro, non vt alba, & nigra sunt, non enim vt talia pertinent ad motum, sed quatenus circumscribunt nobis priuationem rubedinis; accidit enim mi-



mini ad hoc vt mutetur ad albedinem, quòd sit albus; vel niger, sed sufficit tantum, quòd sit priuatus rubedine, & sic concessa minori, negatur consequentia; minor etiam subilata conceditur, sed negatur consequentia.

Quartò. Si motus specificaretur à termino ad quem, sequeretur quòd augmentatio esset diminutio, quod est falsum, sequela probatur; Nam moueatur aliquod ex bipedali ad tripedale, est augmentatio; Item moueatur aliud ex quadrupedali ad idem tripedale specie, est diminutio; Sed iste motus differunt specie, & habent eundem terminum specie ad quem: ergò motus non specificatur à termino ad quem.

Respondeo negando sequelam; Ad probationem dico, quòd casus est impossibilis, impossibile enim est quòd quadrupedale possit moueri ad tripedale, quia repugnat aliquod moueri ad quantitatem, quam habet, immò quadrupedale habet quantitatem pedalem, bipedalem, & tripedalem: Vnde quadrupedale non potest moueri ad quantitatem tripedalem, sed tantum ad priuationem quadrupedalis quantitatis, cuius terminus ad quem non est quantitas tripedalis, sed priuatio quantitatis quadrupedalis, & hic motus est diminutio; quæ cum sit motus deperditius non potest terminari nisi ad priuationem formæ deperditæ, quando verò pedale mouetur ad tripedale, tunc est augmentatio, quia acquirit maiorem quantitatem, quam non habebat, & terminus ad quem istius motus est, quantitas, & forma absoluta, vt optimè innuit argumentum, quod destruit seipsum; Et ideo concedo, quòd isti motus differunt specie, sed nego, quòd habeant terminum ad quem eiusdem speciei, quia diuersæ speciei est quantitas tripedalis, & priuatio quantitatis quadrupedalis, & ideo isti motus differant non solum specie, sed toto genere, cum vnus sit acquisitiuus, alter deperdituus.

Quintò. Ascensus, & descensus, motus violentus, & natu-

naturalis possunt esse ad eundem terminum specie, & tamen differunt specie; ergo motus à termino ad quem specificari non potest.

Respondeo negando antecedens, quia ascensus, & descensus, naturalitas, & violentia in motu sunt differentię accidentales, non essentielles, & sic negatur consequentia.

Sextò. Si motus specificaretur à termino ad quem, sequeretur quòd idem motus componeretur ex diuersis motibus specie distinctis, quod est impossibile, probatur consequentia, quia si lapis moueretur vsque ad aerem, & ad ignem, tunc isti motus essent specie distincti, quia aer, & ignis distinguuntur specie, sicut si lapis moueretur ad aerem, & sine intermissione reuerteretur ad centrum.

Respondeo, quòd forsan non est inconueniens, quòd idem motus totalis componatur ex diuersis motibus specie distinctis, sicut si mobile, quod vltimatè mouetur ad albedinem continuò moueretur per medios colores specie distinctos, tunc ille motus componeretur ex diuersis motibus partialibus specie distinctis, & semper hoc euenit quādo forma fluens est diuersę rationis à forma terminante: Concesso tamen antecedente, nego consequentiam, quia licet aer, & ignis specie distinguantur, motus tamen localis ad ipsos specie non distinguuntur, quia non essent ad aerem, & ignem, vt tales substantię sunt specie distinctę, sed vt quanta sunt, non enim locant, nisi secundum superficiem concavam, ad quam terminatur vbicatio passiva, quę acquireretur à mobili ad aerem, & ignem, ac propterea Vbi non distinguuntur specie, quia sunt relationes terminatę ad superficies, quę sunt eiusdem speciei; Item cum lapis moueretur ad aerem non quiescendo in puncto reflexionis, quia non datur quies in puncto reflexionis, nisi in motu naturali, cum in tali puncto mobile naturaliter detineatur, violentum verò non, quia sequeretur quod  
vicio-

Quando  
possit esse  
motus in  
puncto re-  
flexionis.

violentum ex sui natura quiesceret in loco violento, tunc lapis in aere, & centro moueretur ad plura Vbi eiusdem speciei.

*Arg. Mel.  
& Cat.*

Septimò. Arguunt Meld. & Cat. in hac disp. num. 82. probantes vnitatem numericam motus desumi extrinsecè à mobili auctoritatibus Sco. 4. d. 43. q. p. §. ad vltimum, & q. 3. M. & 2. d. 20. q. 2.

Respondeo Scotum esse infideliter adductum, vt pat. in primo cap.

Octauò. Probant ratione communi ab aliis adducta, quia vnus numero motus non potest esse in diuersis subiectis, sed tantum in vno numero mobili; ergò ad vnitatem motus requiritur vnitas mobilis.

Respondeo concedendo antecedens, scilicet quòd vnus motus non potest esse in pluribus subiectis, & mobilibus, tamen vnum subiectum mobile potest habere plures numero motus; quare negatur consequentia, quia sicuti per Aduersarios motus non specificatur à mobili, quia plures motus specie distincti possunt esse in vno mobili, ita etiam motus non numeratur à mobili, quia in mobili vno numero possunt esse plures numero motus, ab illo enim motus numeratur, & specificatur, cuius numeratio, & specificatio reciprocatur cum numeratione, & specificatione motus.

Nonò. Probatum quòd vnitas mobilis nec etiam secundum quid requiratur ad vnitatem motus numericam, & quòd idem motus possit esse in pluribus subiectis: Nam si canis viuens e muri deiciatur, & in medio moriatur, est idem motus, non tamen idem mobile: ergò vnitas mobilis nec secundum quid ad vnitatem numericam motus requiritur.

*Resp. Mel.  
& Cat.*

Respondent Mel. & Cat. in hac disp. n. 84. quòd in tali casu non variatur mobile, quia remaneret eadem forma corporitatis, quæ est subiectum motus.

Sed

Sed hæc responsio est falsa, nam corporeitas non est subiectum motus, sed compositum ex corpore & anima; Nam natura non est mobilis, sed principium mouendi in eo, in quo est, sed corpus canis simul cum anima est natura canis, & per consequens quo canis mouetur; ergò nec corpus, nec corporeitas est per se subiectum motus, vt sunt in cane, mortuo cane, corpus canis non est amplius natura, sed naturale, & mobile, cuius natura. est corporeitas simul cum materia illius corporis; ergò à primo ad vltimum corporeitas non erit subiectum motus; Errauerunt cum alijs eodem modo respondentibus, non considerando quæ dixerint disp. de natura.

Ideò Respondeo quòd si canis viuus è Turri deiiciatur, & in medio moriatur, tunc non est idem motus numero secundum entitatem, sed duo motus in diuersis subiectis scilicet in cane vero, & in corpore eius, quia variato fundamento, & termino variatur relatio, nec est vnus vnitate temporis, quia non fit in eodem Tempore motus canis viui, & motus corporis eius, quando moritur, nec vnitatem continuitatis quia ad hanc vnitatem requiritur vnum mobile, & vnus terminus numero, & vnum tempus, licet esset diuersitas medij, vt si lapis à concauo Lunæ ad centrum terræ moueretur, sed diceretur vnus vnitate contiguitatis, & consequenter se habentis; quare negatur consequentia.

Responsio  
Auctoris.

FINIS

Tu

CON

## CONCLUSIO OCTAVA.

*Indivisibile si per se esset, non posset moveri nisi motu locali.*

Elicitur ex Sco. 2. d. 2. q. 9. S. T. V.

*Opinio Aliorum. Cap. Primum.*

*Opinio  
Meld. &  
Cat.*

**M**Eld. & Cat. disp. 15. q. 8. a. p. sustinent indivisibile materiæ posse mutari substantialiter, recipien- to indivisibile alicuius formæ substantialis, & indivisibile materiale, seu quantitarium, ut punctus, posse moveri localiter, & alterari successivè, & dicunt hanc conclusionem esse Sco. 2. d. 2. q. 7. *Sed tertium principale.*

*Falsificat  
Sco.*

Sed isti Scotistæ non diligenter suum Doctorem considerauerunt, quia subtilissimus noster Doctor loquitur tantum de motu locali, non autem de motu substantiali, & de alteratione, & declarando successionem motus posse provenire ex diuisibilitate spatii, & mobilis, docet hanc successionem ex parte mobilis reperiri posse in alterationem, & forsan in augmentatione, ex nullo, quam ex hoc dicto. possunt propriam elicere conclusionem, sed legenti, & perlegenti textum, notum erit Scotum hic loqui de successionem motus ex parte mobilis, quæ successio potest esse in alteratione, sed nunquam dicitur quod indivisibile possit successivè alterari.

*Suppositum  
falsum Mel.  
& Cat. cō-  
futatum in  
disp. de  
continuo.*

Præterea isti Scotistæ supponunt unum falsum in via Sco. quo supposito concludunt indivisibile posse moveri substantialiter, scilicet quod detur indivisibile materiæ continuans partes materiæ, & indivisibile qualitatis continuans partes qualitatis, sustinentes substantiam, & accidentia materialia esse per se extensa, sicut quantitas cum hac sola differentia, quod quantitas est extensa impetrabiliter natura-

tura-

turaliter, illa verò penetrabiliter; Sed hoc diffusè confutauimus in disp. de continuo, probando substantias, & accidentia materialia esse inextensa, solum verò esse extensa ratione quantitatis, & non habere partes continuatas per indiuisibilia, sed solum partes integrales, & entitatiuas inextensas, inextensibiles verò per accidens, scilicet ratione quantitatis, quam habent, vel in qua formæ materiales recipiuntur.

Arguo tamen principaliter quòd indiuisibile non potest alterari etiam per potentiam Dei, si tale indiuisibile per se esset. Tale indiuisibile non posset recipere nisi indiuisibile qualitatis; sed tale indiuisibile qualitatis non esset qualitas: ergò indiuisibile non potest alterari, quia alteratio est tantum ad qualitatem; minor probatur qualitas, sicut & qualibet forma materialis secundum eos ex sui natura, & per se, abstracta quacunque quantitate habet partes continuatas per indiuisibilia: ergò talia indiuisibilia non sunt qualitates, quia indiuisibilia haberent partes continuatas, quòd est contra rationem indiuisibilitatis.

*Confutatur principaliter.*

Si Respondeant quòd duplex est qualitas, vt sustinent in hac disp. num 95. Alia est qualitas extensa: Alia intensa; Qualitas extensa est quæ habet partes extensas natas solum in quanto recipi; Qualitas intensa est quæ indiuisibili de facto indicitur, quæ materialis dicitur non solum quia habeat partes entitatiuas possibiles etiam extendi in subiecto quanto, verum etiam quia est continuatiua qualitatis extensæ, cum sit indiuisibile extensionis; Tunc aut minorem cum sua probatione possunt respondere quòd tale indiuisibile qualitatis non esset qualitas extensa, esset tamen qualitas intensa, quam doctrinam dicunt accepisse à Lychetto 2.d. 2.q.9. exponendo litteram Doctoris.

*Resp. taci- ta Mel. & Cat.*

Sed hæc Doctrina non mihi placet, & videtur contradictionem includere; Nam indiuisibile extensionis non potest esse extensum; sicut indiuisibile longitudinis non po-

*Cōfutat*

test esse longum, vt punctus, indiuisibile latitudinis non potest esse latum, vt linea, indiuisibile profunditatis non potest esse profundum, vt superficies; sed qualitas intensa est indiuisibile extensionis; ergò nullo modo potest extendi; Sed ex doctrina allata hæc qualitas intensa non solum materialis est, quia est continuatiua qualitatis extensæ, sed etiam quia habet partes entitatiuas possibiles extendi in subiecto quanto; ergò hoc indiuisibile extensionis est diuisibile secundum extensionem: ergò idem indiuisibile secundum eandem rationem indiuisibilitatis suæ erit diuisibile, quòd repugnat.

*Consut. 1.* Præterea ista qualitas intensiua, quæ dicitur indiuisibile extensionis possibilis tamen extendi secundum ipsos, vel habebit partes continuatas per indiuisibile, vel non: si sic; ergò per aliud indiuisibile; Tunc quæro de isto alio indiuisibili, si habeat partes, & sic esset processus in infinitum: si non; ergò eiusdem qualitatis erunt indiuisibilia diuersæ rationis, & sic calor habebit partes continuatas per indiuisibile intensiuum, quod est diuisibile in partes continuatas per indiuisibile simpliciter, & sic primum indiuisibile qualitatis erit indiuisibile secundum quid, non simpliciter. quæ omninò sunt imperceptibilia; si verò dicatur quòd talis qualitas intensiua habet partes nō cōtinuatas: ergò non poterit recipi in subiecto quanto, quòd est contra ipsos, contra quos faciunt omnia argumenta, quæ isti Scotistæ conficiūt ad probandum substantiam, & qualitatem habere partes continuatas, vt patet in eorum disp. de continuo.

*Consut. 2.* Præterea si indiuisibile materiæ posset recipere indiuisibilia formæ substantialis V.G. ignis, tunc daretur minimum in non viuentibus, quòd est contra ipsos disp. de Continuo, quia indiuisibili non potest excogitari minimum.



Sententia Auctoris . Caput Secundum.

*Indiuifibile fi per fe effet non posset mutari, nisi  
motu locali.*

Est Sco. 2. d. 2. q. 9. S. T. V.

**P**ro cuius declaratione primo Not. hic sermonem non esse de indiuifibili spiritali, sicuti est Angelus, & Anima, nec de indiuifibili substantiali, quia tale non datur maxime secundum Sco. contra Meld. & Cat. cum substantia & accidens præcisè sit diuifibilis ratione quantitatis, ut dictum est in disp. de continuo, ac propterea non habet partes continuatas per indiuifibilia, nisi per accidens, sicuti dicimus motum pro formali esse successiuum, & habere partes continuatas per mutata esse, & tamen in ipso per se nec est pars, nec continuatiuum partis, quia motus formaliter est tantum relatio ad formam successiuè fluentem in subiecto, in quo fluxu considerantur plures respectus priores & posteriores in ordine ad partes formæ succedentis in subiecto quanto, ratione cuius quantitatis forma extenditur, & dicitur habere indiuifibilia per accidens ratione indiuifibilium in quantitate subiecti vel motus dicitur habere istas partes continuatas in ordine ad gradus qualitatis, qui successiuè in subiecto fluunt, sed tantum ibi est sermo de indiuifibili quantitatiuo, quod dicitur punctus continuans partes quantitatis, quem punctum existimo non posse à Deo fieri separatum à quantitate, quia quod est tantum ens, quia aliquid entis non potest per se esse, aliter esset ens per se, & non aliquid entis, & tale per se ens in nullo prædicamento reponeretur, non in genere substantiæ, vel qualitatis, vel relationis cuiuscumque, ut patet, nec in genere quantitatis, quia indiuifibile continuans quantitatem non est quantitas, quia quan-

titas

*Indiuifibile simpliciter non potest per se esse etiam per potentiam Dei*

titas est diuisibilis in infinitas partes, & sic indiuisibile esset diuisibile, nec quantitas continuatur per substantiam, qualitatem, & relationem, ita etiam si darentur per se indiuisibilia continuantia partes formæ materialis, vt falso contra Sco. & Arist. opinantur moderni Scotistæ, tale indiuisibile continuans V. G. partes qualitatis, vel substantiæ, non esset qualitas, nec substantia, quia cum substantia, & qualitas secundum istos habeat partes continuatas per indiuisibilia ex sui natura, quodlibet tale indiuisibile esset huiusmodi, quod dicit repugnantiam, sicut contradicit indiuisibilia habere partes, & per consequens tali indiuisibili contradicit esse substantiam, vel qualitatem, cuius partes continuaret, sicut dictum est de indiuisibili quantitatis: Sensus est igitur conclusionis, quod si indiuisibile quantitatum, vt punctus per se esset, posset successiue moueri localiter, non successiue, quæ esset ex parte mobilis, quia indiuisibile non habet partes, secundum quas posset esse successio in motu, sed successione, quæ esset ex parte spaci, ab utroque enim potest esse successio in motu locali ex Sco. loco cit.

*Sensus con-*  
*clusionis.*

Secundo Not. quod formæ absolutæ ex ratione sua naturali, sibi determinant subiectum, sic quod si forma est simpliciter indiuisibilis non potest esse nisi in subiecto indiuisibili, vt intellecto, & volitio, si verò est indiuisibilis per accidens, vt quælibet forma materialis, quæ est indiuisibilis per se, diuisibilis tantum per accidens ratione quantitatis, in qua accipitur non potest esse nisi in subiecto quanto, si sit accidentalis, si verò est substantialis immediate est in materia substantiali, quæ cum sint indiuisibiles per se, sunt tamen diuisibiles per accidens ratione quantitatis, quæ recipitur in composito substantiali, quod non potest esse nisi quantum, ad cuius quantitatem materia, forma, & compositum exenduntur: Vnde intellecto, & volitio, & habitus supernaturales non possunt recipi in subiecto diuisibili siue per se, siue per accidens, & formæ materiales non possunt in subiecto

simpliciter indiuisibili, licet possint per potentiam Dei recipi in subiecto diuisibili habentes tamen modum indiuisibilem ex Sco. 4. d. 10. q. 6. C. modo caliditas potest recipi in corpore non habente modum quantitatis, vt est corpus Christi in Sacramento altaris, quia Deus potest omnem formam imprimere passo, cuius passum est receptiuum, passum autem recipere potest formam materialem quatenus quantum, non quatenus habet modum quantitatis; quæ est conditio recipiendi formam ab agente naturali; quod non potest agere in passum, nisi sibi proportionaliter approximatum, non potest autem esse sibi proportionaliter approximatum nisi passum sit in loco modo quantitatio, & extensio ex Sco. 4. d. 10. q. 6. C. modo cum indiuisibile quantitatum sit simpliciter indiuisibile, non est receptiuum formæ materialis, nec alicuius indiuisibilis formæ materialis, quia, vt dixi disp. de continuo contra Pseudo Scotistas cum Sco. expressè, nulla forma materialis excepta quantitate, habet partes continuatas, & indiuisibilia continuantia eius partes entitativas, habet tamen partes extensas, & continuatas per accidens ratione quantitatis, in qua recipitur, tale autem indiuisibile est solum receptiuum alicuius relationis, & maximè potentialitatis in loco, sicut de facto vnitum quanto habet propriam presentialitatem, non per se, quia non per motum eius, sed per accidens, quia non per motum alterius scilicet corporis, in quo est, sicuti partes corporis habent propriam potentialitatem, licet per accidens ad motum corporis; His Not.

Probatür Conclusio, quòd non repugnat alicui coniuncto, vt tale est, sibi non repugnant, si tale coniunctum esset separatum; sed puncto, & indiuisibili quantitatio coniuncto non repugnat potentialitas successiua in spatio, dum mouetur ad motum corporis, repugnat tamen quælibet forma materialis; ergò sibi non repugnaret, si esset per se, & separatum; maior patet quia calori in subiecto non repugnat

gnat calefacere, si esset separatus, sibi etiam non repugnaret talis effectus, nam calefacere competit calori, ut calor est; minor probatur de perfecto spherico super planum perfectum, quia punctus in corpore ad motum corporis fit præsens partibus, & indiuisibilibus spatii, & successiue successionem accepta ex parte spatii diuisibilis, non autem recipit formam materialem, & per accidens extensam ratione quantitatis subiecti, nec recipit indiuisibile formæ, quia tale non est, nec potest esse per se, sed tantum per accidens, quatenus est in subiecto quanto, ad cuius extensionem dicitur extendi, & continuari per indiuisibilia ad modum quantitatis, sicut dicimus de motu, qui est formaliter relatio, cui extensio, & continuitas per se repugnat.

Contra primo est Arist. 6. phys. t. 86. & inde, qui format rationes probantes indiuisibile non posse moueri successiue per hoc quod mobile partim est in termino à quo, partim in termino ad quem. Secundo quia mobile prius pertransit æquale, vel minus, quam pertranseat maius: tertio quia sequeretur, quod motus, tempus, & spatium in quo fieret motus constaret ex indiuisibilibus, quod est impossibile probatur consequentia, quia indiuisibile non potest esse in spatio æquali, nisi indiuisibili.

Respondeo quod Arist. hic per indiuisibile non intelligit ut Meld. & Cat. indiuisibile substantiæ, vel qualitatis, quia hæc dari non possunt, sed tantum indiuisibile quantitatum, ut punctus. Nam 6. phys. t. 86. habet hæc verba: *Impartibile autem dico id, quod est secundum quantum indiuisibile.* Hæc Arist. quod indiuisibile asserit ibi esse solum successiue mobile per accidens ad motum quanti, cuius partes continuat, non autem per se, loquendo de motu successiuo habente successionem à spatio, & à mobili, nec aliud probant suæ rationes, inquit Sco. 2. d. 2. q. 9. V. & loquitur Arist. de motu locali, quicquid alii dicant.

Sed mihi videtur Arist. omnino negare indiuisibile posse moueri

moueri, habet enim loco cit. *Quare non contingit id, quod impartibile moueri, aut omnino mutari;* Hæc Arist.

Concedo, quòd Arist. probat simpliciter indiuisibile non posse moueri, nec in hoc sustinendus est Arist. cuius rationes non conuincunt, quia probant tantum de motu successiuo habente successionem à spatio, & à mobili, nec aliam successionem agnouit in motu. & per hoc negantur à Sco. propositiones Arist. assumptæ ad probandum eius intentum; Quare possumus saluare Arist. dicendo cum Sco. quod probat indiuisibile non posse moueri successiuè, accipiendo successionem à mobili; si verò dicamus Arist. intendere indiuisibile simpliciter non moueri successiuè, dicendum erit Arist. non cognouisse aliam motus successionem, quàm ex mobili & ex spatio simul, quod est negandum, & in hoc non esse sustinendum, punctus enim potest pertransire spatium diuisibile, & in tempore esse in parte spatij, in instanti verò esse in puncto spatij; Nec mirum est, quòd Arist. non cognouerit indiuisibilia posse diuisibiliter moueri, & in tempore, si Theologi Scotistæ, non cognouerunt indiuisibile posse à Deo in Tempore creari.

Secundo. Si indiuisibile posset localiter moueri præsentia quam acquireret, non esset spiritalis, sed corporea, ideoque ex partibus corporis constans, & haberet durationem continuam, quale est Tempus; ergò deberet recipi in subiecto corporeo extenso, cuiusmodi non est indiuisibile.

Respondent Meld. & Car. quòd hæc præsentia indiuisibilis separati esset eodem modo corporea, ac si punctus esset iniunctus corpori, quia tunc punctus esset ordinis corporei, quia est aliquid corporis. *Resp. Mel. & Car.*

Sed hæc Responsio est falsa, quia punctus separatus nihil est corporis, nec etiam potentialiter, quia tale per se existens non posset assumi ad constituendā quantitatem, quæ habet suos punctos intrinsecos, & conaturales, præterquam quòd præsupponeretur talis quantitas, quæ posset à tali puncto

Vuu

con-

*Confut. 1.*

continuari; ergò in illo priori quantitas illa esset discontinua, quòd est impossibile etiam in ordine ad Dei omnipotentiam.

*Confut. 2.* Præterea punctus separatus esset tantum potentialiter corporeus coniunctus verò corpori esset actualiter corporeus & idèò punctus non esset eodem modo corporeus, quando esset separatus, & quando esset coniunctus, & sic illa præsentia, quæ secundum istos Scotistas esset corporea ratione puncti; non esset eodemmodo corporea.

*Resp. Auctoris.* Ideò Respondeo, quòd si punctus separatus localiter moveretur præsentia quam acquireret, esset corporalis, non ratione puncti, quia talis separatus nullo modo esset corporeus, sed ratione spatii suprà quod fieret motus; Et cum infertur, quòd haberet partes corporeas, nego, quia nullus motus etiam successivus ex parte mobilis, nec Vbi à tali mobile diuisibili acquisitum. *habet partes corporeas, cum sit simplex relatio, sed haberet partes continuatas per accidens, successiuas tamen, loquendo de præsentia successiva, & hoc ratione spatii, cui indiuisibile fieret successivè præsens. nullus enim motus, vel Vbi alicuius corporis habet partes corporeas, sed dicitur habere partes tantum per accidens ratione quantitatis mobilis, vel spatii, suprà quod fit motus, sed loquendo de præsentia transiiva, si punctus sisteret in parte, præsentia haberet per accidens partes, & esset diuisibilis ex diuisibilitate partis spatii; Si verò indiuisibile sisteret in puncto tunc præsentia esset omnino indiuisibilis, nec haberet durationem continuam, quale est Tempus, sed haberet durationem suo modo indiuisibilem, qualem possunt habere relationes permanentes; Et sic negatur consequentia, quia talis præsentia, quæ secundum se est indiuisibilis, diuisibilis tamen per accidens, non necessario recipitur in subiecto corporeo, & diuisibili; relatio enim differenter se habet ad subiectum diuisibile, & indiuisibile, quia subiectum non est aliud quatenus diuisibile, vel indiuisibile; Sed*

ut talis entitas est abstrahens à diuisibili, vel indiuisibili, nisi sint relationes consequentes quantitatem tanquam rationem formalem fundandi tales relationes, ut sunt æqualitas, vel inæqualitas; Alia argumenta possunt fieri, & solui ex his, quæ dicuntur de continuo.

Tertiò Arguunt Meld. & Cat. in hac disp. nu. 93. contra secundam partem suæ conclusionis, probando indiuisibile substantiale, scilicet materiæ primæ, posse moueri substan- *Arg. Mel.*  
tialiter, & indiuisibile quantitatum posse alterari, & plu- *& Cat.*  
res eorum rationes in hac sola consistunt. Indiuisibilia for-  
mæ recipiuntur in indiuisibilibus subiecti; ergo si indiuisibi-  
lia subiecti essent separata, possent eadem indiuisibilia for-  
mæ recipere, consequentia patet, antecedens probatur, quia  
repugnat aliquod recipi in continuo, & non recipi in indiuisi-  
bilibus continuatiuis, saltem secundum aliqua indiuisibilia,  
aliter daretur aliqua pars subiecti continua, quæ reciperet  
formam absque indiuisibilibus continuatiuis, & forma esset  
extensa sine indiuisibilibus, quæ omnia sunt falsa.

Respondeo hoc argumentum supponere vnum falsum,  
quo dempto, tota structura argumenti fuit, non enim dantur  
indiuisibilia per se in forma quatuorque dempta quantitate,  
cum omnis talis sit per se indiuisibilis, ut dictum est contra  
istos Scotistas disp. de continuo, & expressè secundum  
Sco. cum autem in quanto recipitur, extenditur ad exten-  
sionem quantitatis, & per consequens per accidens dicitur  
habere partes extensas, & indiuisibilia per accidens, separa-  
ta forma à quantitate, non amplius forma est extensa, & per  
consequens non habet partes continuatas per indiuisibilia,  
licet habeat partes entitatiuas extensibiles tantum per acci-  
dens ratione quantitatis, in qua recipitur; Nego igitur an-  
tecedens; Ad probationem Respondeo quod implicat ali-  
quid recipi in continuo, & non recipi in indiuisibilibus con-  
tinuatiuis, saltem per aliqua indiuisibilia per accidens, quia  
sicuti forma est de se indiuisibilis, & inextensa, extenditur

Vuu 2 tamen



tamen per accidens, quia recipitur in extenso, sic per accidens habet partes extensas, & indiuisibilia, tamen si forma separaretur à subiecto, nullas tales partes extensas, & indiuisibilia continuatiua habet, quia tunc esset per se extensa quòd est impossibile, cum talis forma sit sola quantitas; Quare indiuisibile materiæ est impossibile, sicut & indiuisibile formæ substantialis, & accidentalis, dempta quantitate, quia materia, & aliæ formæ solum per quantitatem extenduntur, sic etiam est impossibile, quòd indiuisibile materiæ moueatur substantialiter, & indiuisibile quantitatum alteretur, quia non datur indiuisibile nisi quantitatis. Cognitio istius doctrinæ dependet à cognitione continui, quæ à modernis Scotistis totaliter traditur contra Sco. quam & alia multa contra Sco. moderni Scotistæ acriter defendunt, quia Sco. non legunt, & veritatem abhorrent.

Præterea dato hoc supposito impossibili, quòd indiuisibile materiæ reciperet indiuisibile formæ substantialis, vel qualitatis, tunc illud indiuisibile, nec substantialiter moueretur, vel alteraretur, quia indiuisibile substantiæ non esset substantia, nec indiuisibile qualitatis esset qualitas, sed diceretur moueri alia specie motus omninò diuersa à speciebus motus ab Arist. cognitæ.

Aliam conclusionem non pono, quæ in lib. de Coelo disput. de Elementis habebitur probando elementa à seipsis posse moueri.



CON.

CONCLUSIO NONA:

*Sufficienter, & præcisè per motum ostenditur propriè  
existentia primi motoris,*

Elicitur ex Sco. q. 3. prol. V. & 2. d. 2. q. x. **G.**

*Opinio Aliorum. Cap. Primum.*

**M**Eld. & Cat. disp. 15. q. 8. a. 3. asserunt non sufficienter demonstrari primum motorem per motum, & dicunt esse Sco. q. 3. prol. V. & p. d. 2. q. p. per totum, & sultinent posse demonstrari primum motorem esse medio physico, & metaphysico, fortius tamen, & magis propriè medio metaphysico ex Sco. in prol. loco cit.

*Opinia  
Meld. &  
Cat.*

Sed isti Scotistæ sæpe sæpius citant Sco. pro eorum opinione iis in locis, in quibus Doctor est omninò contrarius; Nam in locis cit. Scotus non asserit primum motorem insufficienter ostendi per motum, sed ex passionibus metaphisicalibus ostendit dari primum ens primitate causalitatis, & existentiae, sicut etiam in prologo, in quo doctrinam ponit istis Scotistis oppositam; Probat enim, quòd aliud est ostendere primam causam esse, aliud est primum mouens, nam ostendere esse primam causam, est ostendere esse primum ens independens, & necesse esse, quòd est perfectius, quam esse primum mouens, hoc demonstratur ex passionibus naturalibus, illud verò ex passionibus consideratis in metaphisica; hæc sunt verba Sco. *Perfectius ostenditur primam causam esse ex passionibus causatorum consideratis in Metaphisica, quam ex passionibus naturalibus, ubi ostenditur primum mouens esse;* Ex quibus elici non potest, ut moderni Scotistæ, quòd perfectius ostendatur primum motor. m per passionibus Metaphisicas, quam per passionibus naturales,

*Cōstitutio  
Falsificans  
Sco.*

rales, sed quodd est perfectius ostendere primam causam esse per passionem Methaphisicam, quam primum motorem esse per passionem naturalem, ut immediatè subiungit Sco. his verbis: *Perfectionem enim cognitio, & immediatior est de primo ente cognoscere ipsum, ut primum ens, vel ut necesse esse, quam cognoscere ipsum, ut primum mouens*: Hæc Sco. videant modo veri Scotistæ, si isti Scotizantes possunt ex hac doctrina elicere propriam opinionem, scilicet quodd Sco. dicat primum motorem esse, posse demonstrari medio Methaphisico, & Phys. & insufficienter medio Phys. cum Sco. aliter primum mouens demonstrari per passionem naturalem, & non dicat demonstrari medio Methaphisico.

*Confut. 2.*

Præterea probo contra ipsos primum motorem esse, non posse demonstrari medio Phys. ac etiam Methaphisico: Nam hoc vel est suppositum in Physica, vel in Methaphisica, si in Phys. ergo perfectius potest demonstrari medio Physico, quam Met. si in Methaphisica; ergo nullo modo potest secundum Sco. demonstrari medio Phys. probatur quia sequeretur, quodd scientia naturalis esset simpliciter prior tota Methaphisica, quia Philosophia naturalis ostenderet de subiecto Methaphisico si est, quodd supponitur toti cognitioni scientiæ Methaphisicæ, ita Sco. in prol. loco ab ipsis cit. T.

*Confut. 3.*

Præterea probo, quodd sufficienter, & immediatè ostenditur primum motorem esse per motum: Nam immediatè ex esse vnius relatiui sequitur esse sui correlatiui ex Sco. p. d. 2. q. p. & q. 3. prol. G. loco ab ipsis cit. sed primum mouens, ut mouens est, dicit ordinem ad motum; ergo ex esse motus sequitur immediatè primum mouens esse, ut mouens est.

*Sententia Auctoris . Caput Secundum.*

*Sufficienter, & precise per motum ostenditur proprietas  
existentia primi motoris.*

*Elicitur ex Sco. q. 3. prol. V. & 2. d. 2. q. 26.*

**P**RO cuius declaratione primo Not. quod aliud est ostendere primum motorem esse, & aliud primum motorem esse primum ens, causam primam independens, & necesse esse, hoc enim ad Methaphysicum pertinet, illud verò ad Physicum, conclusio autem physica non debet medio Methaphysico demonstrari, nec conclusio Methaphysica medio Physico, dixit enim Arist. primo post. t. 60. non licere Geometræ demonstrare conclusionem Methaphysicam, quia hoc esset transcendere de genere in genus; quare cum substantiæ immateriales, quæ sunt considerationis Methaphysicæ possint sub diuersis rationibus considerari, & attribuiis, quorum alia sunt prædicata per indifferentiam, & metaphysicalia, vt esse primam causam, independens, & necesse esse, alia vt dicunt ordinem ad physicalia, & secundum prædicata limitata, & determinata, vt esse primum motorem, quod dicit ordinem ad motum, & hoc est prædicatum physicale, quod solum ad physicum spectat, & medio physico potest demonstrari: Nam si primum motorem esse esset suppositum in metaphysica, non posset nisi medio metaphysico demonstrari à posteriori, & non medio physico, quia vt inquit Sco. q. 3. prol. T. scientia naturalis esset simpliciter prior tota metaphysica, quia philosophia naturalis ostenderet de subiecto metaphysico si est, quod supponitur toti cognitioni scientiæ metaphysicæ; Vnde falsum est quod dicunt Meld. & Cat. scilicet primum motorem esse ad metaphysicum spectare, & posse medio physico

*Falsitas  
Meld. &  
Cat.*

sico probari, licet Philosophus posset confusè cognoscere ex rebus naturalibus obiecta Metaphysicalia, scilicet primum motorem esse substantiam immaterialem, & separatam ex hoc, quòd mouetur est corporeum, & materiale; ergò immobile, & primus motor est immaterialis, & incorporeus, sed hoc distinctè cognoscere ad metaphysicum pertinet, qui supponendo ex Philosopho primum motorem esse, inuestigat quid sit iste primus motor, cuius naturæ, & quas proprietates habet, quia scientiæ mutuo se iuuant; Vnde Philosophus non cognouit simpliciter substantias immateriales esse, & separatas, sed tales esse sub ratione mouentis, & sub ratione physica; Vnde Metaphysicus supponendo primum motorem esse, & postea inuestigando quid sit ipse primus motor, & cuius naturæ, non eget Metaphysicus medio Physico ad probandum substantias abstractas esse & immateriales, sed eget *suppositione conclusionis naturalis*, scilicet quòd primus motor sit: Et licet in 12. met. demonstretur primum motorem esse, non est dicendum hanc esse conclusionem Metaphysicam, sed à Metaphysico esse repetitam ad maiorem declarationem.

Secundò Not. quòd demonstrare primum motorem esse per motum, est demonstrare à posteriori, quæ demonstratio non est propriè demonstratio, sed largo modo accepta, quia, vt diffusè dixi in logica disp. de demonstratione, non datur demonstratio nisi in terminis conuertibilibus, & necessariò connexis; Vnde solum dantur duæ species demonstrationis specialissimæ scilicet *propter quid*, cuius medium est diffinitio subiecti, & demonstratio *Quia*, cuius medium est passio ipsius subiecti, aliæ autem, præter has, sunt impropriæ demonstrationes; Quare cum motus non sit accidens conuertibile, nec proprietas, vel immediatum attributum primi motoris, ostendere primum motorem esse per motum, est demonstrare omninò per accidentalia, & per consequens non erit, nisi demonstratio *Quia* impropriè dicta; His Notatis

Pro.

Probat<sup>ur</sup> Conclusio. Nam quòd primus motor sit, est conclusio physica, ergò medio physico sufficienter probari potest; Consequentia patet, antecedens probatur, quia mouens esse dicit ordinem, & relationem ad motum, & passionem physicam; ergò mouentem esse erit physicae considerationis; ergò primum ens, vt primo mouens est, erit physicae considerationis efficacius tamen probatur vltima ratione posita in primo cap.

Cantra est Meld. & Cat. in hac disp. nu. 105. Primò auctoritate Sco. q. 3. prol. V. & p. d. 2. q. p. per totum. Secundo Ratione, quia si per motum possumus demonstrare primum motorem esse, demonstraretur per hoc principium Arist. scilicet quia omne quod mouetur ab alio mouetur; sed hoc principium non est firmum etiam in via Arist. loquendo de alietate omninò distincta & suppolitici, quia Arist. instinet elementa posse à seipsis moueri; ergò per motum non possumus demonstrare primum motorem esse.

Argum.  
Meld. &  
Cat.

Respondeo ad Auctoritatem Sco. quòd ipsæ faciunt pro me. Nam ibi dicit Sco. vt patet in primo cap & primo Not. quòd aliud est demonstrare primum motorem esse, & primum motorem esse primam causam ens independens, & necesse esse; hoc perfectius demonstratur per medium metaphy. illud verò per medium phys. & passiones naturales, & reddit rationem in prol. cit. quia perfectior, immediatior est cognitio de Deo, quòd sit prima causa ens independens, & necesse esse, quam esse primum motorem.

Ad Rationes istorum Scotistorum. Respondet ipsemet Sco. 2. d. 2. q. X. G. ad hanc obiectionem scilicet quomodo Arist. potest sustinere quod elementa à seipsis moueantur, & quòd omne, quod mouetur ab alio mouetur, vt demonstraret primum motorem esse. Respondet ipse Sco. hæc sunt verba Sco. Dico, quòd satis habet hoc ex distinctione potentia; ista enim reducunt se ipsa de potentia secunda ad actum secundum, nisi prius reducta fuerint de potentia prima ad actum pri-

Resp. ipse  
Sco. ad  
arg Meld.  
& Cat.

Xxx

mum

num, vel saltem posset reduci ad actum primum, quod dico pro totis elementis, quæ tota secundum ipsum sunt ingenerabilia, & incorruptibilia, & tamen quia sunt eiusdem rationis cum partibus suis non repugnat eis reduci de potentia prima ad actum primum, sicut partes eorum reducuntur, sequitur ergo quod omne graue, & leue, licet moueat se effectiue de potentia secunda ad actum secundum, tamen mobile est, vel mouetur ab aliquo alio extrinseco à potentia prima ad actum primum, non enim oportet quod si omne, quod mouetur ab alio mouetur, quod in omni motu moueretur ab alio, & sufficit Philosopho primum, quia per hoc deuenietur ad aliquod aliud ab omnibus istis, quod nec in uno motu, nec in quocunque poterit moueri ab alio, sed est omnino mouens immobile: hæc Sco.

Si dicas quomodo elementa possunt moueri ad actum primum, si mobile debet præsupponi motui; quod autem mouetur ad actum primum non præsupponitur, sed fit in actu primo.

Respondeo quod elementum dicitur moueri ad actum primum per generationem, non quia ipsum sit subiectum generationis, sed ratione eius materiæ, quæ recipit formam elementi, vel dicendum erit, quod ibi Sco. accipit motum pro transitu de non esse ad esse, scilicet de non esse in actu primo, & sic elementum, quod mouetur localiter, prius mouetur ab alio per generationem, & sic procedendo usque ad primum motorem, qui nec mouetur ad actum secundum, nec ab alio mouetur ad actum primum, sed est omnino immobile.

Secundò Respondet Sco. ad objectionem Meldæ & Cat. dicendo: similiter etiam potest dici quod in isto motu, & si moueantur à se effectiue, non tamen mouentur à se, sicut à primis mouentibus ex quo non mouent se per cognitionem; sequitur quod præsupponant aliquid sic mouens per cognitionem, & ita licet moueant se effectiue, non tamen sic, quin moueantur ab alio, licet non sicut à causa proxima.

FINIS.

2. Respon-  
sio  
Sco. ad ar-  
gum. Mel.  
& Cat.



# Erratâ Corrige

Passio mensuræ, Ratio mensuræ pag. 2. In sua, In sententiâ 9. conaturaliter, conaturalen, 11. Discessionem, Dimensionem, 11. Reperiretur, reperitur 12. Prius, ergo, 20. organizare, organizari 21. quantitativè, quantitate, 27. ia, in 39. parta, parte 43. sine, si etiam 71. excenderet, excederet 73. & ipsa nes, & ipsa res 77. procederet, producere 89. Dans, Deus 104. Tamen, tantum 109. Contradicere, contradiceret 112. Repugnaret, repugnarent 103. Prior, probatur 113. quia mensuram & quantitatem, quia mensurare est quantitatem 119. quæ non possunt excedi, quæ possunt excedi 121. sua, sub 122. Insolubile, insolubile 126. categorematicum, categorematicum 132. includeret, includeret 132. Ex Sco. p. d. q. 2. p. d. 2. q. 2. 132. essetum, assertum 133. rocedit, procedit 134. quod illas, quod illa 137. compræhensibilis, compræhensibilis 138. vniuersalem, vniuersale 139. quæ, quia 143. Deonendum deueniendum 145. D. Thomæ, D. Thomam 148. pesseret, posset 149. suo, sub 150. craturis, creaturis 159. vltimus, alterius 161. apud, adhuc 163. illis, illas 164. quia scibilia, quæ scibilia 165. quo, quod 168. later, latera 173. quæsto, quæstio 175. rinom, vinum 181. constituit, constituitur 183. Dos, bos 184. Distinguentur, distinguuntur 184. Concepta, conceptu 184. Conueniunt, conueniunt 184. Præterea falsum, & negatiuum est &c. Præterea falsum est, quod Sco. non cognouerit spatium imaginarium, & negatiuum 187. Imaginariam, imaginarium 189. Rum locantem, rem locatam 194. formaxis, formalis 203. locatè, locati 209. vel vnum ageret, vel neutrum ageret 252. vbi, ibi 252. Naturo, natura 254. Digereret, digereret 257. Deperdit, deperditum 269. vult, valet 271. vicibus, viribus 283. Sco. non est problematicus, Sco. est problematicus 304. Repuret, repugnaret Elicitur, elicitur 322. Succedetis, succedentis 330. potenti, potentia 342. Relationes tertii modi, relatiua 351. portæ, parte 351. Certificari, certificari 354. mensuratum, mensuratur 357. minor tempus, minus tempus 367. mensuratur duo, & tempore per se, & non tempore 372. pectis, partis 373. mou, motu 374. Et motus quia per se, & motus qui per se 376. mensurare, mensurari 377. illam, illam Natum moue. re, natum moueri 391. siuè, siuè 407. solet, solent 414. licet, licet 416. pro ipsius, pro ipsis 429. quem, quam 433. torata verò, formam verò 434. præpiciamentum, prædicamentum 437. quæ, qui 442. actualiter scientiam, actualitèr sciens 458. raione, ratione 471. ieu, sed 473. pensatio, sensatio 480. loque tur, loquatur 486. secundari, secundam 487. Tempora, tempore 489. videtur esse maius cuiusque agente inferiori, videtur esse necessarius cuiusque agenti inferiori 493. Non replicet, nisi replicet 496. non successivè, non successione.

